



Oratione  
Iesu Christi  
Rhodensis.





H



~~XXXXII. 13. 7.~~

XXII. 14. 27. 31.

# ORATIONES

QVIBVS POMPAM  
EXEQVIARVM ATQVE  
funus HENRICI Magni Galliae  
& Navarra Christianissimi Regis  
moerens cohonestavit

COLLEGIVM RHEDO-  
*nense Societatis IESV.*



BIBLIOTE.  
ROM.  
VITTORIO E.



RHEDONIS,

Apud TITVM HARENAEVVM, Ty-  
pographum Regium.

CIO. IDC. XI.







L V D O V I C O  
X I I I . G A L L I Æ E T  
N A V A R R A E C H R I S T I A -  
N I S S I M O R E G I .



**A** B V L A M tibi offerimus,  
Rex potentissime, non eru-  
dito quidem penicillo, & ex-  
quisito artificio pictam, sed ipsa  
tamē re visendam & admirabilem. Ea cō-  
tinet imaginem H E N R I C I Magni Ge-  
nitoris tui, Parentis patriæ, quam tu lubens  
opinor agnosces, & in oculis esse patiere,  
multoq; magis salutare existimabis, quàm  
Philosophi, senis Gargetici effigiem, aut  
vulgò omnes, Alexandri Magni imagi-  
nem putarint. In sacrario tuæ Maiestatis  
potius, quàm alieno in Lare, eandem appen-  
di volumus, & dedicari, quòd primum tu

â ii



sis hæres eius virtutis, eorum morum, & illius cumulatae felicitatis, quæ suis coloribus est expressa; deinde vero ut intelligas, quod longe ante videre potuisti, nihil nos uolere magis, quàm eum absentem, & distractum à nobis, nihil iam malle, quàm ut eius digna Heroe præstantia, & excellens virtus, ab omnibus in Gallia prædicetur. Te forte ipsum in aliqua tabellæ parte videbis, in pueritia grauem, in exiguo corpore magnum, in ætate imbecilla fortem & potentem, Augusta matre comitatum, Nobilium choro mirantium septum, solo datum, cælo desponsum, bonis amabilem, timendum improbis, omnibus reuerendum. Hanc qui spectabunt, nescio an meminerint Diui Augusti, qui suo in foro, celeberrima parte, duas tabulas poni olim curauerat, quarum una Victoriæ & triumphum, altera quam Senatus populusque Romanus maximopere suspiciebat, puberem filium, seni patri simillimum, salua ætatis differentia continebat. Sed profecto iidem fatebuntur, nostram hanc picturam illa vetere longè illustriorem, vel magnitu-



dine triumphorum, vel nati cum parente similitudine, quæ populum Gallicanum vehementer delectat. Quod si in hac diuina specie effingēda, monocrômateum picturæ genus, & monogrammum animaduertas, si lumen, umbram, tonon, armogen plerūque desiderari, aut non suo locō adhiberi videas, dabis id amoris nostro, qui iampridem gestit in opus erumpere; dabis & dolori, qui minuire alacritatem solet ingeniumque opprimere. Nos quidē catagrapha delineare voluimus, eaque non ut olim pingere consuevit Turpilius Eques Romanus laua manu, sed dexterā, optima certe nostri parte, mente optima, animoque, quæ ut Patri de nobis immortaliter merito, sic & tibi religiosè votū habemus, & Deo duce habebimus semper.

T. M.

Deditissimi

Col'egii Rhedonensis Societatis I E S V Alumni.

# E I D E M.

**M**agne Puer patriaque Parens, qui grandis  
forti,

Sceptra manu. & duplicē rosea ceruice coronam.  
Iam vota virtute quatu, cape dulce parentis  
Magnanimi monumentum, & grata in imaginē  
vultus.

Digna Deo effigies clarisque Heroibus aqua,  
Te duce ab America Rhedonūque è sede tuorū,  
Ibit ad Auroræ populos, Tanaimque niualem,  
Aethiopasque nigros, pedibusque fugacibus Indiū.  
Quin se tollet humo, liquidūmq; per aethera vecta  
Signiferi regione Poli, trans nubila & auras,  
Castorum sublime decus felicia Patriis  
Nomina sacrabit, patrii que reponet Olympo.  
Aspira placidus, nutūque hac vota secunda.



# LECTORI BENEVOLO.

**N**O V A N T I Q V A damus,  
Lector humanissime, ante annum videlicet pronuntiata, & hoc proximo Anniuersario die, quo votis Galliarum communibus, omniumque studiis, HENRICO Maximo, Parenti patriæ, iusta persoluta sunt. Et quidem iam ab initio Clarissimi Ciues Rhedonenses precibus apud nos egerant, ut quoniam ea quæ in hoc suo Collegio de Rege optimo dicta fuerant, amplissimæ Curia luminibus, & optimatibus viris maximopere placuissent, in lucem emitterentur. Sed res tanti non videbatur, & ea



fuerat inuidiæ afflatu & maleuolentiæ, in Societatem vniuersam excitata nebula, vt solitudinem potius & tenebras, quàm lucem atque plausum expectare deberemus. Nunc quoniam Dei prouidentia & benignitate Veritatis splendor emicuit, minimè fuit recusandum, quin prodirent hæc in Optimum Regem caritatis studiique argumenta, indicia voluntatis, obseruantiae monumenta: præsertim cùm ad huiusmodi labores & honestissimam contentionem, studio Ciuium, & in Heroem illum Indigetem clarissimis officiis, & æterna beneuolentia inuitaremur. Nam verum opinor est, quod præfiscini tamen sit dictum, paucas in Gallia ciuitates fuisse, quæ Splendidius HENRICO Magno parentarint, illo triduo, quo delubra vrbis omnia, & maximè princeps templum, fuit omnium ordinũ concursu, & singulari pietate celebratum:

tum; vbi parietes velis inumbrati  
holosericis, luctum, innumeræ pro-  
pe faces, diem, hominum cantus o-  
rantium, pietatem accēderent. Quo  
etiam tempore nostri Collegii pa-  
rietes magna carminis varietate or-  
nati fuerunt, & tametsi vt ait ille  
*Carmina proueniunt animo deducta sereno,*  
Tamen luctus atque dolor nescio  
quomodo fuit tum quidem disertior,  
& Musæ nostræ suum Apollinem ad  
coelites abeūtem, nō sine genio gra-  
tiæque fleuerunt. Ea tamen carmi-  
na partim ex scripta à multis, partim  
neglecta, hoc medio tēpore de ma-  
nibus euolauerunt, hæc opera lon-  
giora & ponderosiora hæserunt. At-  
que vtinam nobis idem euenisset,  
quod Poetæ illi pererudito, qui Pin-  
dari mortem atque funus, eleganti-  
nænia cohonestauerat, qui dixit, ea  
industria se poema suum composuis-  
se, vt externis æquè ac ciuibus pro-  
baretur, displiceret nemini. Id spe-



rare minime potuimus : alius alia reprehendet, & ne quidem id Diogenis audiendum existimabit, *Laudē reprehensionī admiscendam.* In hoc sanē regiē laudis Circo sine offensione naufragioque decurriere, perquam difficile fuit & operosum. Nam aut fuit de quaque redicendum exilius, aut si copia adiungeretur orationis, multa silentio prætereunda, quæ non nemo fortē desiderasset. In ea verò tanta rerum excellētium varietate, si amplificare singula & exornare placuisset, Labyrinthū haberemus, unde nullus pateret exitus. Quare leuiter euolauit oratio, & Hierophantæ more suppellectilem sacram & ornamenta, voce aut virga designantis, res H E N R I C I Magni attigit. Tu Cādide Lector æqui boniq; consule, & errata quæ in hac tumultuaria editione nobis insciis & inuitis contigerunt, emenda: nos grauiora in calcem coneremus. Vale.

# T V M V L V S

HENRICI MAGNI.

D. M.

**A**Vdi MORTALIS quis-  
quis es, hoc te Maufo-  
leum rogat, se vt aspicias,  
& speculũ putes, aut scho-  
lam. Viden' ſceptrum in-  
uerſum, nutantem coro-  
nam, gloriam marcidam,  
euanidã pompam? trium-  
phus eſt mortis, fati tro-  
phæum, fragilitatis docu-  
mētum. Dilce omnia præ-  
cipiti curſu fluere, lubrico  
orbe verſari, raptari, auola-



re, vanescere. Fui, nō sum;  
aut quidquid sum, puluis,  
cinis, terræ pondus, Parcæ  
spolium, dum melior pars  
mei in fontem refluit, vn-  
de fluxit, vbi quiesco. Quis  
fuerim, si lubido audire  
est, breui cape. Regem me  
natura fecit, ius dixit, ar-  
ma vindicarunt, Numen  
declarauit, inuidia agno-  
uit, orbis terræ consensit,  
res meæ gestæ probarunt.  
In bello Mars fui, Themis  
in consilio, in iudiciis Di-  
ce, in legibus Eunomia, in  
pace Faustitas, in artificiis  
inducendis Ergane, in lite-



ris propagādis Mercurius,  
in populo Clementia, Sol  
inter Principes, in imperā-  
do Phœnix, in diuinis Pie-  
tas, in humanis Humanitas,  
in malis Apotropæus, in  
bonis humani generis deli-  
ciæ Amôrque. Viuens mo-  
riensque cor meis aperui,  
qui me Indigetem, vt Pa-  
tria Parentem, vocant. Æ-  
tas longa fuit annis, brevis  
rebus gerendis, quas im-  
mensas cogitabam. Diu-  
tius vixissem ni scelus ob-  
stitisset, quod dum me in-  
iuriâ petit, iure perit, nam  
fortior è sublimi petā ob-

terámque. Sobolem reli-  
qui, partum aureum, sce-  
ptri columen, coronæ or-  
namentum, populi decus,  
Galliæ præsidium, germen  
perennitatis. Hæc monere  
volui, nunc abi. Sed heus  
tu : Numen verere, Prin-  
cipem reuerere, hoc tan-  
tùm.





# PRO TVMVLO

ANAGRAMMA.

HENRICVS BORBONIVS.  
SVB CINERIBVS HONOR.

**M**Oeret Honor, languescit Honor, viduatur  
honore

Gallia, ab Europa saucius exit Honor,  
In ferrugineum Tyrios commutat amictus  
Nobilitatis honor, Religionis Honor.  
Hec iacet! heu muto dat pallidus ora sepulchro  
Regum Honor, immuni vulnere stratus Honor.  
Quaris ubi tacet orbis Honor, iacet inclytus orbis,  
Francigenum, Europa, Religionis Honor?  
Hic situs, hoc cinere Henrici, hac includitur urna  
Regū Honor, heu lacrymans carpe Viator iter.  
S. T. T. L.

Aliud in urnam Regiam.

HENRICVS BORBONIVS.  
CINIS HONOR VRBIBVS.

**V**luida si virtus vivit post funera, vince  
In cinere hoc Virtus, in cinere hoc Pietas,  
Sunt alim Vrbes decori post fata, sed ille  
Vrbibus est decori marmoribusque cinis.

ΕΡΡΙΚΟΥ ΒΑΣΙΛΕΟΥΣ  
τῷ μεγάλῳ.

ΕΠΙΤΑΦΙΟΝ.

ΕΝθάδε εὐχολὴ κρφόντων, ἐνθάδε κυῖδος,  
Κεῖται σὺ θ' ἀρετῇ, ἐνθα καὶ ἡγορέῃ.

ΕΡΡΙΚΟΣ ταῦτ' ἔσκειν αἶαξ, θεῶ ἴσο  
φαεῖζων,

Κυδρὸς σὺ σμίνῃ, κυῖδος σὺ ἡσυχίῃ.

Κῆρ ὅλοῃ φθονερήτε τ' ἔκτανε κυδνώσῃ,

Ὡς τιβαφὺν προΐει ἀμπεπαλῶσα δόρυ.

Ἀλλ' ἄρα μὴ κλείσει πολυκλειτὸν δηθάκι  
γαῖα,

Οὐδέ μιν ὄρεάνιον κεῖσθαι ἐνέρθε κλέος.

Λιθέρα προσημολέει εὐαλίγκιος ἀστὴρ  
καλῶ,

Ἀμβροτος ἀλλὰ βροτοῖς χάλλιπεν ἐνθα  
τόνον.

Χαῖρε μέγ' ἡγήτορ, λαοσάοε, ὄρχα μ' ἀνά-  
κτων,

Σοὶ χεῖρ, αἰτὶ χοῆς, δάκρυα θερμὰ λείως.

ΟΡΑ-





# ORATIO PRIMA

LAVS HENRICI MAGNI

A PACATO INGRESSV

*in principatum.*



**Q**UOD sanctum Ambrosium  
 diuinæ mentis hominē pro-  
 nunciasse ferunt, cū Va-  
 lentiniani Principis ab hac  
 vita migrationem oratione prosequere-  
 retur, id multo magis in hāc tempesta-  
 tem, quæ Gallix prope statum gloriā-  
 que euertit, conuenire *meritissimò* mi-  
 hi videtur, Auditores. Aiebat ille flere  
 omnes, squalere ciuitates, iacere pro-  
uincias, vniuersum imperium in situ &  
tenebris & insanabili dolore consenes-  
 cere. Omnes, inquit, non tanquam im-  
 peratorem sibi; sed tanquam parentem  
 publicum obiisse domestico fletu do-  
 loris illacrymant. Quod doctoris gra-  
 uissimi dictum, nulli accommodatius

A

quàm HENRICO MAXIMO, qui à  
nobis ad diuorum religionem vitamque  
migravit, tribuendum sentiet, qui vr-  
biuſq; , qui prouinciarum, qui Gallorum  
omnium fletum & mœrorem attendet:  
qui profecto ſatis ſupérque ſignificât, ſe  
non tam Regem omnibus fortunæ mu-  
neribus abundante, & regendi ſciētia &  
moderatione præſtante, quàm bonū,  
quàm ſuauiſſimum parentem amiſſiſſe.  
O Gallia gentium domina, tūc illa es  
quæ paulo ante huius ductu atque auſpi-  
ciis, tanto principe & moderatore glo-  
riofa & triumphans, caput in cælum ef-  
ferebas? quæ tui metu nominis ceteras  
nationes complebas? quæ barbaris na-  
tionibus, quæ regnis Chriſtianis inau-  
dita crudelitatis ſiti imminebant, ter-  
rori eras? itāne omnia derepente à ſum-  
mis gaudiis ad complorationem, à tro-  
phæis & inſignibus victoriæ ad acer-  
bum ſqualorem ſepulchri, à laurea ad  
cupreſſos, à pompa ad ſordes atque fu-  
nus, ab effuſa lætitiæ voluptate ad læ-  
menta, ab omnium gentium gratulatio-  
ne ad plangorem gemitumque recide-  
runt? Epaminondas cū vitam egre-  
gie traductam honeſta morte clauſiſſet,



Thebanorum gloriam cum eo simul natam, simul & extinctam, qui tunc erant viri sapientes in Græcia opinabantur. Non ego quidē patrię decus omne amplificatamque fortunam, HENRICO ad cœlites abeunte, suis ornamentis spoliata funditus periisse dicam, quā videmus regiis triumphis continuisque victoriis pacatam, corroboratam legibus & institutis, paternarum virtutum hærede stabilitam: hoc dico, eam securim inflatam esse imperio Gallicano, ut immane vulnus & acerbum nulla tēporis longinquitas sanare posse videatur. Sed est tamen quod recreet mentem, & in hac tanta tamque importuna calamitate leuationem adferat, quod ea ipsa quæ nos ad fletum eiulatūque vocāt, sint illi, quem desideramus, gloriosa. Neque enim tam communis esset luctus atque mœror, nisi is quem de vita exisse mœremus, omnium animos præstabili vitæ ratione conciliasset. Ille igitur virtutes regię, quę hominum opinione fructu & vtilitate consecrantur, animos luctu & mœrore fractos debilitatōsque reficiant, in viuorum memoria hæreant, & ad omnem posteritatem

fama & prædicatione mittantur. Nemo sit tam desertus ab omni honestate, tam mollis, tam præposterus, ut de maximo Rege orationem quamlibet lógam & copiosam, aut molestam, aut immoderatā reiiciendámq; putet. Vos certè, Auditores, pro vestra in Heroem pietate, quæ religioso à me officio proponentur, minimè repudiaturos esse confido. Sed in hac tanta rerum immensitate, quæ copia & splendore suo mentem obruunt, unde initium mea ducet oratio? Hic vero sese aperit ingens quidam immensúsque Rhetorum cāpus, in quo soleat exultare, & triumphare iuueniliter eloquentia. Aiunt illi dicendi artifices, sic hominum laudem instituendam, ut antiqua prosapia ex annalium monumentis eruatur, exornetur genus, amplificentur diuitiæ, familiæ dignitas atque opes oratione augeantur, nihil denique obscuretur silentio, quod à fortuna magnis viris, aut à natura donatum esse videatur. A quorum tamen institutis atque doctrina mihi certum est hodierna die recedere: non vult HENRICVS vsitata ratione commendari, in tanta excellentis animi diuinique sa-



pientia, in tam incredibili copia virtu-  
 tum, in hac rerum admirabilium luce,  
 noua quędam ratio excogitanda, nouę  
 regiones ineundę sunt. Faceſſant hinc  
 oratorum tralatitię cantilenę, & per-  
 uagatę hic eorũ leges doctrinęque ia-  
 ceant: illa mentiens ſęque iactans libe-  
 rius & flumine quodam abundans, ad  
 aurium modò delectationem cõparata  
 oratio, priuatarum exercitationũ vm-  
 braculis & cancellis definiatur. Te pol-  
 lens Gallię rector H E N R I C E, ſtirpe  
 regia oriundum dicam? Nec eum poſſe  
 non regio eſſe animo, & ad virtutum  
 excellentium dignitatem cœleſti indo-  
 le, animique inductione, qui tot Reges  
 in Borboniorum familia, tam præſtan-  
 tes in omni vitę ratione parētes habuiſ-  
 ſet? Magnum quidem illud eſt, ſed com-  
 mune cum multis. Propria quędā ſunt  
 exquirenda in eo ornando, qui omnium  
 gentium, omnium ſeculorum, omnis  
 pænè memorię facilè princeps, nō mo-  
 do eorum hominum qui nunc ſunt; ve-  
 rum etiam antiquitatis gloriam ſupera-  
 uit. Itaque prætereantur illa nomina  
 Regum, & Dynaſtarum, quorum egre-  
 giè factorum memoria, per honorifica

scriptorum commemoratione celebra-  
 tur. Sileatur stirps illa sanctitatis & in-  
 nocentię magnus LVDOVICVS, quę  
 sedibus beatorum exceptum piis ce-  
 remoniis, & maiorum religione venera-  
 mur; cuius splendor & augusti nominis  
 amplitudo, ad eos laudandos nobili-  
 tandosque seruetur, qui ipsi cur lauda-  
 rentur, nihil magnopere suis posteris  
 reliquerunt. Omittatur etiam puerilis  
 educatio, regio more in aula regia in-  
 stituta: relinquatur adolescentię tem-  
 pus omne, claritatis futurę augurium,  
 seminarium dignitatis, palæstra magni  
 excellentisq; animi humana omnia su-  
 perantis: cuius etatis clarissima deco-  
 ra tametsi per se tanta esse confiteor, vt  
 nullius oratione hominis, pro dignitate  
 satis explicari queant, ea que ornari ma-  
 gnificę & iucundę audiri possint, facile  
 tamen sileri patiar, ne dum prima nos  
 nimium tenent, sero ad postrema &  
 splendidiora veniamus. Nam me Gallia  
 regifico ornatu & instructu elata glo-  
 riosius, quodammodo absorbēs oratio-  
 nem meam, ad latissimam illam tem-  
 pestatem vocat, cū repressis edomi-  
 tisque belli factionibus, pacato gremio

in hunc lib.  
 74 p. 100



7  
dominatorem suum excepit, verè au-  
gustum, felicem, triumphalem. Deus  
immortalis! quænam species oboritur  
oculis meis? quis status reuiuiscantis  
Galliæ? quænam HENRICO ad impe-  
randum via? quantus accruus insignium  
miraculorum? quam clara, quàm inusi-  
tata Dei beneuolentia, quantæ cœlestis  
providentiæ significationes in hoc vno  
Rege extiterunt? Quis HENRICVM  
sperauisset aliquando, illis tempori-  
bus, quibus ciuili discordiæ incendia,  
per vniuersam Galliam longè latèque  
furebant, posse ex illis difficultatibus  
tot & tantis, quibus vndique septus, &  
oppressus tenebatur, emergere? emer-  
sit, & eò quidem illustrius, quò tempe-  
stas vehementior, maiorésque turbines  
cum p[er]t[ur]tu & statione prohibebant. Nā  
quemadmodum latens calor & frigida  
nube circumuallatus, quo spissior illa  
est, & vaporis accessione densior, elisis  
quassu & agitatione lateribus gestit e-  
rumpere, & maiore tandem sonitu aë-  
risque fragore, incensa vis in liquidum  
fulmen vibransque attollitur: sic ardens  
Herois animus nihil non altum diui-  
nūque moliens, Herculeis ærumnis,

& quotidianis exagitatus, quò fortuna  
 temporúmque asperitas vrgebat vehe-  
 mentius, eò magis terrore sui nominis  
 & famæ lato splendore vibrabat. Itaque  
 post homines natos luculentè vnus de-  
 clarauit, inuiam virtuti nullã esse viam,  
 nec obices, claustráque vlla tanta fir-  
 mitudine stabilita, tanto robore ad im-  
 pediendum fixa collatáque reperiri, vt  
 non animi generosi constantia frangi  
 & conuelli possint. Armatos vidimus  
 exercitus, & superbissimo delectu co-  
 pias, infestis odiis inter se cōcurrentes:  
 furiales quædam faces in exangue Rei-  
 pub. corpus erant immisæ, quæ nisi  
 Gallorum sanguine & interneccione re-  
 stingui posse non viderentur. Iam fu-  
 nesti bellorum lues nobilitatis florem  
 panè omnem exhauserat: familiæ vete-  
 res atque notæ partium insano studio,  
 & contentione distrahebantur. Multæ  
 prouinciæ dominatu regio solutæ ac li-  
 bere, suam sibi quæque principem & gu-  
 bernatorem legebant, qui quasi in ca-  
 ducam hereditatem vacuámque incidis-  
 sent, regia insignia supremúmque do-  
 minatum, sibi aut aliis cogitabant. Sed  
 ille omnia tuens ac regēs Deus humana  
 omnia



confilia ad vnus HENRICI dignita-  
 tem accommodabat, qui tam præfens il-  
 lis temporibus opem & auxilium nobis  
 tulit, vt illius nutu atq; imperio, & ge-  
 sta, & prouisa omnia fuisse videantur.  
 Nam pace tua dixerim, Rex maxime,  
 non illa tantum exaggerati animi forti-  
 tudo, qua ceteris longè omnibus antei-  
 isti, non labor aut rei militaris scien-  
 tia, qua tuum nomen immortalitati  
 commendasti, non casus aut fortuna, cui  
 veteres nimium tribuebant, non tela,  
 non gladij, nō inuicta in præliis cohors,  
 non eques, non Centurio, non armatæ  
 ferro legiones, non denique sola te vir-  
 tus & excellentia tua in hoc regni solio  
 collocavit. Illa diuina mens & æterna,  
 cuius arbitrio vniuersus mundus admi-  
 nistratur, te per strata cadauera hostiū  
 saluum & incolumem deduxit, coronā  
 auro & gemmis colluentem ceruicibus  
 imposuit, sceptrū dedit. Nā vt morbo &  
 egritudine olim, quæ lethalis & supre-  
 ma illi fuit, decumbens Alexander Ma-  
 cedo, cum ab illo viri principes tātī im-  
 perij successorem peterent, tanquam ex  
 oraculo respondit, non alium se velle  
 dominationis heredem & gloriæ, quam

*dignissimum* : ita prouidus rerum opti-  
 tex & conseruator Deus in ea opti-  
 matium contentione, cum plurimi re-  
 gij nominis cupiditate & splendore ca-  
 perentur, te cum legit, omnium sane  
*dignissimum* iudicauit. Veterum, fuit sa-  
 pientum commune verbum, principa-  
 tum non nisi fato deberi: Lampridius  
 sanè historiæ augustæ scriptor Impera-  
 torem dixit esse fortunæ, quod & boni  
 Reges fuissent, & pelsimi imperassent.  
 Nos melioribus institutis eruditi id  
 diuinæ prouidentiaë tribuamus, quæ in  
 H E N R I C V M iure & natura princi-  
 pem, bello impio & funesto laceffitum,  
 contulit omnia ornamenta honoris, lau-  
 dis insignia, gloriæ monumenta. Quod  
 diuini numinis iudiciuni, tot indicis  
 patefactum, Galli deinde omnes vene-  
 ratifunt, & ad eum datum diuinitus &  
 concessum, Christiani regni modera-  
 torem, omnes vrbes atque prouinciæ,  
 multi etiam finitimi populi suam vo-  
 luntatem aggregauerunt. Nam in ea lu-  
 ce diuinitatis quam cœlestis Heros cœ-  
 pit effundere, arma repente lapsa ho-  
 stium de manibus, illa furens iracundia,  
 & ignitus ardor animorum extinctus



est, tacita consilia ad patriam labefactandam comparata, subito in ventos fumumq; abierunt: sic denique ab omni choro Principum iudicatum est, nulum esse tam factum ad imperandum, tam dignum florentissimo imperio, & multarum nationum gubernatione, tam perfectum, tam suis muneris absolutum, quam eum, qui arcano numinis consilio fuisset ad omnem fortunæ rationem, durissimis in rebus, & casuum iactatione eruditus. Itaque tandem habuisti Gallia, quod votis, quod precibus ad Deum fuis, quod multorum annorum quotidiana supplicatione expectisti: diuino beneficio ac munere consecuta es quod in motibus turbulentissimis diuturnæ calamitatis, quod in fumantis pæne patriæ reliquiis indagauisti. Neque enim cum stricti gladij impune volitabant, & omnia modestæ claustra reuellebantur, aliud opinor quærebas, quam seruatore apotropæum, piè felicem, sapienter fortem, omni ratione moderatum, inuidia superiorem: qui pro fluctu & turbine ciuiliū naufragiorum, portum: pro tumultu sæuo, quietē: pro tenebris, lucem: pro clau-

gore tubarum, & horribili armorum  
 strepitu, gratulationes: pro importuna  
 dissensione, pacem: pro desperatione  
 rerum omnium, salutem ferret: qui pa-  
 catas regni beati Florentisque prouin-  
 cias, reuocatis maiorum institutis, &  
 inducta legum temperatione vinciret,  
 qui patriam è fati faucibus & Iliade ma-  
 lorum ereptam, ab impotentum homi-  
 num insidiis, & externa barbaraque im-  
 manitate seruare posset. In quo si Du-  
 ces, Reges, Imperatores, iam inde à  
 fundato imperio Gallicano, repetere  
 memoria & lustrare placet, sic reperie-  
 mus, vnius HENRICI dignitatem, a-  
 nimi excellentiam atque robur, singu-  
 larem constantiam, fidem, moderatio-  
 nem, aliorum omnium opes & amplitu-  
 dinem antecellere. Cato senex cum in-  
 ferior esset Regibus, & vidisset ali-  
 quando Eumenem summa populi Ro-  
 mani voluntate, summis honoribus Se-  
 natus, & communitotius gaudio atque  
 pompa, in urbem exceptum, mirari se di-  
 xit vehementer, inusitata illa officia  
 studiisque Romanorum, in iis homini-  
 bus cohonestandis, quos minus nossent:  
 neque enim, inquit, rex ullus fuit omni



memoria, omnibus in oris partibúsque  
 terrarum, quamuis inter suos præstabili  
 dignitate & virtute floruiſſet, qui cum  
 Pericle aut Epaminonda, cum Themis-  
 tocle, cum Manio Curio, cum Amilca-  
 re cognomine Barca iure cõponi poſſe  
 videretur. Marce Cato, Romanæ ſa-  
 pientiæ decus atque lumen, tuus ille in  
 regendo princeps & moderatus, quem  
 fruſtra non modo in regnis, atque im-  
 periis, verum etiam in annalium monu-  
 mentis requirebas, iam inuentus eſt,  
 & diuina quod aiunt virgula noſtro æ-  
 uo conſeſſus, qui non modo tuos illos  
 Pericles & Epaminõdas equauerit, ſed  
 longo etiam interuallo ſuperarit. Nam  
 quę in illis ſingulis ſingula magna atque  
 diuina putabantur, quibus ad hominum  
 famam & commendationem veniebãt,  
 ciuilis prudentia, fortitudo in pericu-  
 lis, dictorum factorumque conſtantia,  
 celeritas in agendo, maturitas in proui-  
 dendo, iudicium acerrimum, virtus, fe-  
 licitas, ea vniuerſa in hoc vno ſumma,  
 rerum effectör molitörque Deus effe-  
 cit. Qui non nouus aut imperitus gu-  
 bernandi, ad habenas moderandas  
 ſubito acceſſit, nec eburneos tantum

B iii

tus ille regius plenus clementia & humanitate, vt Solis Orientis splendor, ciuibus apparuit, qui Cimmeriis pæne tenebris inuoluti, metu & mœrore conficiebantur. Cúmque primùm excitati, vim tantę támque inusitatę lätitię non caperent, quam ille Parentis patrię fortunatus in vrbem introitus attulisset, seipfos taciti circunspiciebant, & nouam sibi lucem diuinitus affulisse, noua secula penitus aurea, in vrbem, atque adeo in orbem, reuocata mirabantur. Neque tamen illud gaudium liquidum fuit, atque omni ex parte cumulatũ, donec vox ea fuit exaudita, quę velut adytis sacrarióque patefacto, diuina quædã simulachra, & virtutum regiarum admirabiles species ostendit. Hactenus inquit, Ciues mei, vos & vestra perpetuę bellorum contentiones vexarint, animos deiecerint, fatali quadam odiorum concurfione efferuescentes & elatos abstulerint: en vobis lucem, pacem, & beatitatem adfero: Hęc dextera plena victoriis, & totius pæne regni consensione gloriosa, vos proteget. Ora huc ad me attollite, vt qui prius fui hostibus inuicti animi & ardentis magnitudine

tudine formidādas, nunc vt Pastor placidusque parens, vos suauiter & complectar. Si quid fuit offensionis animorum, si quæ mentibus impressa maleuolentia & iniusta, exuratur: ceteræ labes quæ malorum consortio & contagione se in vrbes, & oppida immiserunt, sepe liantur, vetera omnia condonentur. O iucundum effatum! ô dignum propyleo Delphico sermonem! ô mirificam orationem, & in ara quondam A Eternitatis, non modò in historiarum monumentis inscribendam! Quis cantus Gratiarum? quæ musca mele? quæ Sirenum vnquã symphonia illo dicto fuit suauior, Præterita condonentur? Lacedæmonios tumultu aliquādo, & populari seditione commotos accepimus, vt furias concitatas in forum aduolasse, sparis, sarisis, & omni armorum genere insolescentes: nihilque propius fuit, quàm vt illa flamma seditionis in totius Reip. incendium, & communem perniciem erumperet. Iam hinc inde armatorum cunei fulgentes gladios circumferentes, pulcherrimæ vrbs, quam verè domum constantiæ & fortitudinis appellare possum, ruinam atque funus

C



scriptorum commemoratione celebra-  
 tur. Sileatur stirps illa sanctitatis & in-  
 nocentię magnus L V D O V I C V S, quę  
 sedibus beatorum exceptum piis ce-  
 remoniis, & maiorum religione venera-  
 mur; cuius splendor & augusti nominis  
 amplitudo, ad eos laudandos nobili-  
 tandosque seruetur, qui ipsi cur lauda-  
 rentur, nihil magnopere suis posteris  
 reliquerunt. Omittatur etiam puerilis  
 educatio, regio more in aula regia in-  
 stituta: relinquatur adolescentię tem-  
 pus omne, claritatis futurę augurium,  
 seminarium dignitatis, palęstra magni  
 excellentisque animi humana omnia su-  
 perantis: cuius etatis clarissima deco-  
 ra tametsi per se tanta esse confiteor, vt  
 nullius oratione hominis, pro dignitate  
 satis explicari queant, eaque ornari ma-  
 gnificę & iucundę audiri possint, facile  
 tamen sileri patiar, ne dum prima nos  
 nimium tenent, sero ad postrema &  
 splendidiora veniamus. Nam me Gallia  
 regifico ornatu & instructu elata glo-  
 riosius, quodammodo absorbēs oratio-  
 nem meam, ad lætissimam illam tem-  
 pestatem vocat, cū repressis edomi-  
 tisque belli factionibus, pacato gremio

dominatorem suum excepit, verè augustum, felicem, triumphalem. Deus immortalis! quænam species oboritur oculis meis? quis status reuiuiscantis Galliæ? quænam HENRICO ad imperandum via? quantus accruus insignium miraculorum? quam clara, quàm inusitata Dei beneuolentia, quantæ cœlestis prouidentia significationes in hoc vno Rege extiterunt? Quis HENRICVM sperauisset aliquando, illis temporibus, quibus ciuili discordia incendia, per vniuersam Galliam longè latèque furebant, posse ex illis difficultatibus tot & tantis, quibus vndique septus, & oppressus tenebatur, emergere? emerfit, & eò quidem illustrius, quò tempestas vehementior, maiorésque turbines cum p. rtu & statione prohibebant. Nā quemadmodum latens calor & frigida nube circumuallatus, quo spissior illa est, & vaporis accessione densior, elisis quassu & agitatione lateribus gestit erumpere, & maiore tandem sonitu aërisque fragore, incensa vis in liquidum fulmen vibransque attollitur: sic ardens Herois animus nihil non altum diuinumque moliens, Herculeis ærumnis,



& quotidianis exagitatus, quò fortuna  
 temporúmque asperitas vrgebat vehe-  
 mentius, eò magis terrore sui nominis  
 & famæ lato splendore vibrabat. Itaque  
 post homines natos luculentè vnus de-  
 clarauit, inuiam virtuti nullã esse viam,  
 nec obices, claustráque vlla tanta fir-  
 mitudine stabilita, tanto robore ad im-  
 pediendum fixa collatáque reperiri, vt  
 non animi generosi constantia frangi  
 & conuelli possint. Armatos vidimus  
 exercitus, & superbissimo delectu co-  
 pias, infestis odiis inter se cōcurrentes:  
 furiales quædam faces in exangue Rei-  
 pub. corpus erant immisæ, quæ nisi  
 Gallorum sanguine & internecone re-  
 stingui posse non viderentur. Iam fu-  
 nestâ bellorum lues nobilitatis florem  
 pænè omnem exhauserat: familiæ vete-  
 res atque notæ partium insano studio,  
 & contentione distrahebantur. Multę  
 prouincię dominatu regio solutæ ac li-  
 bere, suam sibi quęque principem & gu-  
 bernatorem legebant, qui quasi in ca-  
 ducam hereditatem vacuámque incidis-  
 sent, regia insignia supremúmque do-  
 minatum, sibi aut aliis cogitabant. Sed  
 ille omnia tuens ac regēs Deus humana  
 omnia

consilia ad vnus HENRICI dignita-  
 tem accommodabat, qui tam presens il-  
 lis temporibus opem & auxilium nobis  
 tulit, vt illius nutu atq; imperio, & ge-  
 sta, & prouisa omnia fuisse videantur.  
 Nam pace tua dixerim, Rex maxime,  
 non illa tantum exaggerati animi forti-  
 tudo, qua ceteris longè omnibus antei-  
 isti, non labor aut rei militaris scien-  
 tia, qua tuum nomen immortalitati  
 commendasti, non casus aut fortuna, cui  
 veteres nimium tribuebant, non tela,  
 non gladij, nō inuicta in preliis cohors,  
 non eques, non Centurio, non armata  
 ferro legiones, non denique sola te vir-  
 tus & excellentia tua in hoc regni solio  
 collocavit. Illa diuina mens & eterna,  
 cuius arbitrio vniuersus mundus admi-  
 nistratur, te per strata cadauera hostiū  
 saluum & incolumem deduxit, coronā  
 auro & gemmis colluentem ceruicibus  
 imposuit, sceptrū dedit. Nā vt morbo &  
 egritudine olim, quæ lethalis & supre-  
 ma illi fuit, decumbens Alexander Ma-  
 cedo, cum ab illo viri principes tātī im-  
 perij successorem peterent, tanquam ex  
 oraculo respondit, non alium se velle  
 dominationis heredem & glorię, quā



*dignissimum* : ita prouidus rerum opti-  
 tex & conseruator Deus in ea opti-  
 matium contentione, cum plurimi re-  
 gij nominis cupiditate & splendore ca-  
 perebantur, te cum legit, omnium sane  
*dignissimum* iudicauit. Veterum, fuit sa-  
 pientum commune verbum, principa-  
 tum non nisi fato deberi: Lampridius  
 sanè historiae augustae scriptor Impera-  
 torem dixit esse fortunae, quod & boni  
 Reges fuissent, & pessimi imperassent.  
 Nos melioribus institutis eruditi id  
 diuinæ prouidentiae tribuamus, quæ in  
 H E N R I C V M iure & natura princi-  
 pem, bello impio & funesto lacepsitum,  
 contulit omnia ornamenta honoris, lau-  
 dis insignia, gloriæ monumenta. Quod  
 diuini numinis iudicium, tot indicis  
 patefactum, Galli deinde omnes vene-  
 ratifunt, & ad eum datum diuinitus &  
 concessum, Christiani regni modera-  
 torem, omnes vrbes atque prouinciæ,  
 multi etiam finitimi populi suam vo-  
 luntatem aggregauerunt. Nam in ea lu-  
 ce diuinitatis quam cœlestis Heros cœ-  
 pit effundere, arma repente lapsa ho-  
 stium de manibus, illa furens iracundia,  
 & ignitus ardor animorum extinctus



est, tacita consilia ad patriam labefactandam comparata, subito in ventos fumumq; abierunt: sic denique ab omni choro Principum iudicatum est, nulum esse tam factum ad imperandum, tam dignum florentissimo imperio, & multarum nationum gubernatione, tam perfectum, tam suis muneris absolutum, quàm eum, qui arcano numinis consilio fuisset ad omnem fortunæ rationem, durissimis in rebus, & casuum iactatione eruditus. Itaque tandem habuisti Gallia, quod votis, quod precibus ad Deum fuis, quod multorum annorum quotidiana supplicatione expectisti: diuino beneficio ac munere consecuta es quod in motibus turbulentissimis diurnæ calamitatis, quod in fumantis pæne patriæ reliquiis indagauisti. Neque enim cum stricti gladij impune volitabant, & omnia modestæ claustra reuellebantur, aliud opinor quærebas, quàm seruatorē apotropæū, piè felicem, sapienter fortem, omni ratione moderatum, inuidia superiorem: qui pro fluctu & turbine ciuiliū naufragiorum, portum: pro tumultu sæuo, quietē: pro tenebris, lucem: pro lan-

gore tubarum, & horribili armorum  
 strepitu, gratulationes: pro importuna  
 dissensione, pacem: pro desperatione  
 rerum omnium, salutem ferret: qui pa-  
 catas regni beati Florentisque prouin-  
 cias, reuocatis maiorum institutis, &  
 inducta legum temperatione vinciret,  
 qui patriam è fati faucibus & Iliade ma-  
 lorum ereptam, ab impotentum homi-  
 num insidiis, & externa barbaraque im-  
 manitate seruare posset. In quo si Du-  
 ces, Reges, Imperatores, iam inde à  
 fundato imperio Gallicano, repetere  
 memoria & lustrare placet, sic reperi-  
 mus, vnius HENRICI dignitatem, a-  
 nimi excellentiam atque robur, singu-  
 larem constantiam, fidem, moderatio-  
 nem, aliorum omnium opes & amplitu-  
 dinem antecellere. Cato senex cum in-  
 ferior esset Regibus, & vidisset ali-  
 quando Eumenem summa populi Ro-  
 mani voluntate, summis honoribus Se-  
 natus, & communitotius gaudio atque  
 pompa, in urbem exceptum, mirari se di-  
 xit vehementer, inusitata illa officia  
 studiâque Romanorum, in iis homini-  
 bus cohonestandis, quos minus nossent:  
 neque enim, inquit, rex ullus fuit omni



memoria, omnibus in oris partibúsque  
 terrarum, quamuis inter suos præstabili  
 dignitate & virtute floruiſſet, qui cum  
 Pericle aut Epaminonda, cum Themis-  
 tocle, cum Manio Curio, cum Amilca-  
 re cognomine Barca iure cõponi poſſe  
 videretur. Marce Cato, Romanæ ſa-  
 pientiæ decus atque lumen, tuus ille in  
 regendo princeps & moderatus, quem  
 fruſtra non modo in regnis, atque im-  
 periis, verum etiam in annalium monu-  
 mentis requirebas, iam inuentus eſt,  
 & diuina quod aiunt virgula noſtro æ-  
 uo conſeſſus, qui non modo tuos illos  
 Pericles & Epaminõdas equauerit, ſed  
 longo etiam interuallo ſuperarit. Nam  
 quę in illis ſingulis ſingula magna atque  
 diuina putabantur, quibus ad hominum  
 famam & commendationem veniebāt,  
 ciuilis prudentia, fortitudo in pericu-  
 lis, dictorum factorumque conſtantia,  
 celeritas in agendo, maturitas in proui-  
 dendo, iudicium acerrimum, virtus, fe-  
 licitas, ea vniuerſa in hoc vno ſumma,  
 rerum effector molitórque Deus effe-  
 cit. Qui non nouus aut imperitus gu-  
 bernandi, ad habenas moderandas  
 ſubito acceſſit, nec eburneos tantum

B iii



humeros ferens, quales Verus Imperator, ad honorum fastigium euocatus, per quietem habere se vidit, sed aureos, sed Herculeos & cœlestes, quibus ut Atlas stelliferos orbes, sic illustre liliorum pondus sine offensione sustineret. Itaque non mirum, si cùm primùm regiarum virtutum splendor, per tumultuũ & discordiarum eas nubes, quibus Gallia fuit circumfusa, sese nobis aperuisset, omnes deinde ciuitates, studio inflammato, in illius clementiæ sinum confugerint. Quarum princeps Regina Lutetia, deuota Regibus, & expolita omni genere humanitatis, cùm adhuc essent varij motus animorum, & haud æquæ multorum conciones audirentur, portas HENRICO diuino consilio aperuit. O diem illum beatissimũ quem vere natalem huic imperio nominare possum! quique instar immortalitatis fuisse non modo Galliæ; verũ, ni mea me fallit coniectura, Europæ vniuersæ mihi quidem videtur! Ingredior iam illud tempus, quod propter admirabiliũ rerum multitudinem, omnem omnium oratorum vim copiãque exhaurit: stupet sanè admiratione perculsa

mens, oratio ipsa insolito splendore ob-  
 stupefacta, vt eam virtutum excellen-  
 tiam consequi possit, veretur. Excitate  
 quæso vestram mentem Auditores, ad  
 præteriti temporis recordationem, &  
 Parisiensium vos eo die statum, vrbis  
 faciem, commutationem rerum omniū,  
 regium animū, & digna omnium secu-  
 lorum prædicatione facinora, vobis an-  
 te oculos proponite. Quid miremur  
 prius? quid deinde? an commemorabi-  
 lem Regis clementiam ante hunc diem  
 inauditam? an in summa potestate re-  
 rum omnium modum? an pietatem ad-  
 uersus Deum singularem? Inusitatæ fuit  
 clementiæ, veteres iniurias multas ac-  
 que magnas, tam facilè, tanta mansue-  
 tudine donare; moderationis, victo-  
riam natura sua insolentem summa ani-  
mi æquitate temperare: religionis de-  
 nique & diuinæ cuiusdam pietatis, nu-  
 minis beneficium agnoscere & prædi-  
 care. Statim atque urbē iniit sedem ac  
 domicilium maiestatis, vt Iuppiter E-  
 nāsimum, & Alexicacus Hercules, post  
 immensas tēpestates, & perturbationē  
 rerum omnium, iucundam pulcherri-  
 mo regno tranquillitatem attulit. Vul-



tus ille regius plenus clementia & hu-  
 manitate, vt Solis Orientis splendor,  
 ciuibus apparuit, qui Cimmeriis pæne  
 tenebris inuoluti, metu & mœrore con-  
 ficiebantur. Cúmque primùm excitati,  
 vim tantę tãmq̃ inusitatę lætitię non  
 caperent, quam ille Parentis patrię for-  
 tunatus in vrbem introitus attulisset,  
 seipſos taciti circunſpiciebant, & no-  
 uam ſibi lucem diuinitus affuſiſſe, noua  
 ſecula penitus aurea, in vrbem, atque  
 adeo in orbem, reuocata mirabantur.  
 Neque tamen illud gaudium liquidum  
 fuit, atque omni ex parte cumulátũ, do-  
 nec vox ea fuit exaudita, quę velut ady-  
 tis ſacrarióque patefacto, diuina quædã  
 ſimulachra, & virtutum regiarum ad-  
 mirabiles ſpecies oſtendit. Hactenus  
 inquit, Ciues mei, vos & veſtra perpe-  
 tuę bellorum contentiones vexarint, a-  
 nimos deiecerint, ſarali quadam odio-  
rum concurſione efferueſcentes & ela-  
tos abſtulerint: en vobis lucem, pacem,  
 & beatitatem adfero: Hęc dextera ple-  
 na victoriis, & totius pæne regni con-  
 ſenſione glorioſa, vos proteget. Ora  
 huc ad me attollite, vt qui prius fui ho-  
 ſtibus inuiſti animi & ardentis magni-  
 tudine



tudine formidādas, nunc vt Pastor placidūſque parens, vos ſuauier & complectar. Si quid fuit offenſionis animorum, ſi quæ mentibus impreſſa maleuolētia & inuſta, exuratur: ceteræ labes quæ malorum conſortio & contagione ſe in vrbes, & oppida immiſerunt, ſepeliantur, vetera omnia condonentur. O iucundum effatum! ô dignum propyleo Delphico ſermonem! ô mirificam orationem, & in ara quondam A Eternitatis, non modò in hiftoriarum monumentis inſcribendam! Quis cantus Gratiarum? quæ muſea mele? quæ Sirenum vnquã ſymphonia illo dicto fuit ſuauior, Præterita condonentur? Lacedæmonios tamultu aliquādo, & populari ſeditione commotos accepimus, vt furias concitatas in forum aduolaſſe, ſparis, ſariſſis, & omni armorum genere inſoleſcentes: nihilque propius fuit, quàm vt illa flamma ſeditionis in totius Reip. incendium, & communem perniciem erumperet. Iam hinc inde armatorum cunei fulgentes gladios circumferentes, pulcherrimæ vrbis, quam verè domum conſtantix & fortitudinis appellare poſſum, ruinam atque funus

C

moliebantur : cum Thaletas è Creta ci-  
 tharædus, qui suam artem Spartanis  
 auribus bona omnium gratia vendita-  
 bat, vt Apollo Soter & Musicus, dere-  
 pente progressus in medium, aurata ci-  
 thara bellissimè suauissimèque perso-  
 nuit, quo cantu nubem illam iracundiæ  
 dissipauit, impetum animorum edo-  
 muit, fidas, tela, pugiones, vim, furo-  
 rem depulit, ciues domum fœderum in-  
 ter se pactione conglutinatos reuoca-  
 uit, mutuam concordiam stabiliuit.  
 Qualem dicam lyrâ fuisse HENRICI  
 diuinam illam & cœlestem, quæ sono-  
 rum pulsu, & sermonis haud magna sed  
 egregiè suauis pronuntiatione, efferatos  
 ciuium animos potuit componere, tu-  
 multuantes placare, armorum temeri-  
 tatem suam in perniciem ruentem com-  
 pescere, mentes placidissima concor-  
 dia & beneuolentia copulare? Hic verò  
 vt oculorum sic mentis aciem intendite  
 quæso Auditores, & contuemini faci-  
 nus pulchrum & insigne, quod vnum sua  
 magnitudine aliorum Regum laudes  
 obscurat atque obruit; quo nomine ap-  
 pellè nescio, vos potius ex natura ipsa,  
 quàm ex oratione mea rem vniuersam



penditote. Lutetię tum erant præsidia-  
rij milites bene multi, ad ipsius vrbis  
defensionem conquisiti, Lulitani, Bel-  
gę, Itali, Germani, alij, in optimi Re-  
gis dominationem nescio qua tacita  
cupiditate spēque armati. Hi sanè om-  
nes velut cassibus impliciti teneban-  
tur, nec recusare potuerunt, quominus  
ferro, & omni acerbitate cruciati, in-  
ueteratę perfidię, & maleuolentię pœ-  
nasdarent. Quid igitur fecit H E N R I-  
c u s? quid victor & triumphans, impe-  
rauit? immisit exercitum forte suū, iam  
tum lęto rerum euentu superbiētem, vt  
deuotas illas Orco victimas, eodem quo  
patentibus campis antea bellauerant,  
ardore contrucidaret? Nam memini  
Syllę qui propter bella feliciter con-  
fecta, Romanę fortunę filius, atque fau-  
stus indigitatus fuit, qui cū ducibus  
Marianis vi vitam eripuisset, tam atro-  
ci, tāmque pertinaci odio, reliquias est  
persecutus, vt vno die, atque vna si-  
gnificatione voluntatis, in luce populi  
Romani, in oculis Senatus, quem con-  
stat panē moriētium cruore fuisse re-  
spersum, aliquot hominum millia ma-  
ctari iuberet. Non cadit in hanc tantam



humanitatem illa barbaries : victoriam vidimus , victorum nullum immane facinus & crudelitatem vidimus. Iubet Hispanos, atque Belgas, quietos ab vrbe recedere : dimittit Italos, sublati inimicorum insidiis, Rheni accolas, qui thesauris olim Gallię cupidius inhiauerant, saluos & incolumes abire permittit. Quin & suas lectissimas cohortes, quarum erat sæpe in discriminibus alacritatem, fidem, constantiam expertus, abs se omnes in alias ciuitates, limitisque prouinciarum amandat : Parisiensium fidei atque beneuolentię se committit, quā vnā sibi pro cohorte prætoriam, prouideatque firmissimo vitę præsidio futuram pollicetur. Bonum factum, editum proponit Amnistię, viros primarios de sua salute opibusque desperantes, regia fide gratiāque confirmat : vrbe eiectos, & fortunis spoliatos, in patriam redire sinit, & pristina frui conditione. Quas columnas & honoris significationes, tibi magne HENRICE, Parisienses tui statuent, quas coronas excogitabunt, quibus illa generosi animi tui interminata, & in omnes partes effusa benignitas, ornatior fuisse videat-

tur? Athenienses, unde iura humanitatis in plurimas alias nationes manarunt, primi coronas instituisse dicuntur, ad fortium virorum egregia facinora cohonestanda: cumque Periclis singularem in administranda communi re bonitatem, cum admirabili gravitate coniunctam, publico testimonio honoris atque laudis ornare vellent, eius caput oleæ ramis inumbrarunt. Iure quidem atque sapienter: fuit enim ille vir bellica scientia clarissimus, terror hostium spes præsidiumque patriæ, qui novæ pulcherrimis trophæis patriam condecorauisset: sed in hoc maximè efferendus, quod, ut ipse gloriabatur, nullos unquam inimicos impotenti animi cupiditate fuisset ultus: quam ob causam, illum Olympium, hoc est diuinum & cœlestem, nominatum fuisse volunt. Te verò clementissime parens, verè Olympic, aut si quid dici magnificentius potest, quibus foliis, non hac communi olea atque lauro, sed æternis illis & immortalis gratia viridatibus, Cives tui cohonestabunt? Nam cerno animo res gestas Imperatorum, & aliorum facta Principum, qui civilium bellum Tragædias funesto exitu & horri-

C iij





bili Martis impressione clauferunt. C.  
 Marius asper & animosus, & volitans  
 gloriæ cupiditate cū ab exilio rediis-  
 set, quò eum inimicorum vis & armata  
 violentia compulerat, satellites habuit  
 promptos & ad cædem instructos, in-  
 credibili armatos audacia, Bardixi no-  
 minabantur: quibus edixerat, vt quos  
 ipse salutatus simili officii genere non  
 dignaretur, eos subito strictis pugioni-  
 bus vel medio foro necarent. Conferte  
 nunc Auditores, istum reditum in ciui-  
 tatem, cum hoc ingressu: illam furiosi  
 hominis acerbitatem, cum hæc diuina  
 moderatione: cupiditatem vlciscendi,  
 cum placabilitate suauissimisque mori-  
 bus componite: tum quid intersit inter  
 veterum barbariem & huius æui beati-  
 tatem facillimè intelligetis. Principes  
 olim fortunæ muneribus inflati, cū se  
 pingi fingique curarent, in manibus aut  
 fulmen Iouis, aut horrificum tonitru,  
 aut tridentem, aut alia terroris insignia  
 habere cupiebant. At noster Heros in  
 vultu atque fronte serenitatem, in ore  
 gratiam & impunitatem, in manu gla-  
 dium pacata olea hebescentem, in pe-  
 ctore lilium omnibus animi corporis-

que notis beneuolentiam & haud obs-  
 curum erga omnes studiū ferebat. Itaq;  
 inopinato Regis beneficio læti Pari-  
 sienses, animo angere & dolere tamen cœ-  
 perunt, quod non prius tantam clemen-  
 tiam, mansuetudinem, humanitatem  
 cognouissent: tum incusare omnes vul-  
 gileuitatem, aliarum nationum impor-  
 tunitatem auersari, quæ Gallorum ani-  
 mos factos ad pietatem animique mo-  
 destiā, panico terrore, fictisque fabulis  
 commouissent: certatim omnes ad pe-  
 des accidere, osculari genua atque ma-  
 nus, regiam facilitatem gloria & præ-  
 dicatione efferre, se ultro atque sua do-  
 nare, & quam semper aliis Regibus de-  
 tulerant fidem, officiū, obseruantiam-  
 que polliceri. O Theophraste sapientis-  
 sime disertorum, & disertissime sapien-  
 tum, memini tui: tu dicere solebas nul-  
 lam esse accommodatiorem viam ad  
 humanam vitam conseruandam, concili-  
 andosque hominum animos, quam  
 humanitatem, benignitatem, *εὐεργεσίαν*:  
 tuum dictum verissimum atque sapiens,  
 non exempla modò veterum, sed dome-  
 stica & recentia comprobarunt. Incre-  
 dibile dictum est ab hoc motu primariæ



ciuitatis, patefacto Regis animo, quāta  
 prouinciarum facta commutatio. Ista  
 placati animi comitas, & regiē mentis  
 plena beneuolentiē caritatísque huma-  
 nitas, in Gallorum pectus ingressa, om-  
 nia castella manu & opere munitissima,  
 oppida omnia communi quodam stu-  
 dio beneuolentiāque aperuit. Lugdu-  
 num Emporium nobilissimum, Aure-  
 lianum, Melde, Auaricum, Rothoma-  
 gum, alię vrbes, tecta, muros, agros,  
 nemora, focos, aras, familias, sacra,  
 prophana tanquam ex formula dedunt  
 sacrantque. Hinc festi & solemnes igniū  
 rogi, publicę lētitię argumenta, quo-  
 rum splendor longē supra nubes eue-  
 ctus, ab Oriente Sole ad labētem sum-  
 ma H E N R I C I gloria penetrauit.  
 Hinc vota pro imperio suscepta, hinc  
 communes omnium supplicationes,  
 hinc omnibus in delubris atque pena-  
 tibus consecrata Regis clementia, quā  
 omnes tacitis studiis & publico præco-  
 nio venerebantur. Artaxerxes imperij  
 Persici moderator, singularis benigni-  
 tatis laudem atque famam est adeptus  
 quòd si qui duces in militia fraudē sce-  
 lusque fecissent, cūm de more flagris  
 eorum

eorum corpora dilaniari consueuissent, ipse vestes illis detractas manu agitari & diuerberari iubebat: cūque prius ad perfidiam eorundem coërcendam, caput indignissima ratione violari, crines auelli patriæ consuetudo, & antiquæ maiorum leges præscriberent, ipse incredibili mansuetudine & facilitate, capitis ornamentum ipsam modò tiarā deponi curabat. Nos HENRICVM ea lenitate, cui parem nulla vnquam ætas vidit, nulla seculorum omnium posteritas videbit, qui non modò ad vlciscendæ perfidiæ causa vestes nemini detrahi imperauerit, sed ne pilum quidem attigerit, qui quos potuit iure victoriæ vita & opibus spoliatos, sempiternæ infamię nota punire, eosdem gratia & summis honoribus regiā magnificētia ornarit, quibus studiis, quā beneuolentia prosequemur? Atque hæc inauguratio & primus Regis introitus ad imperandum, tot & tantis placabilis animi notis insignitus, omen fuit illius felicitatis quæ postea consecuta est, quam vidimus hætenus, qua eodem viuo perfruebamur. Nam verissimè dictum existimo primam dotem impe-



antium esse Clementiam; quam si retinuerint, nec inopes vnquam, nec miseri, nec fortunæ temeritati obnoxij esse possint. Illa nos æquat diuinæ menti, vt doctissimi poetæ suis versibus cecinerunt: quæ causa fuit cur Homerus scientissimus earum affectionum, quæ in naturam hominum cadere possunt, cùm præstantem optimūque Regem delinquaret, Iouem *μελίχρον*, quasi mellitæ suauitatis appellare consueuerit, Athenienses verò *μεγαίχτιν* beneficæ mentis, & ad opem ferendam incitatæ. Hæc denique virtus effecit vt iidem in summa rerum omnium potestate moderati, patres patriæ claro elogio nominarentur: de qua re Cyrus apud Xenophontem egregie vt solet & sapienter disputat. Qua laude cùm multi Reges in Gallia præstiterint; tum imprimis sanctissimus Ludouicus, qui ad diuorum religionem atque lucem imperium Gallicanum sustulit. Eum, inquit Ionuilleus, communi animorum cōspiratione populus verum Patrem, nobilitas iustum Principem conseruatorēque legum, Gallia vniuersa regiæ maiestatis clarissimam speciem & exemplar, Ecclesia

denique suum tutorem Patronúmque nominabat. Qui tametsi iam ab illis tēporibus, quibus Galliam sanctitate & augusta religione illustrabat, omnibus fuerit propositus ad imitandum, haud scio tamē an felicius ullus quā́m HENRICVS sit eius animi excellentiam, & amabiles mores sanctimoniámque consecutus. Nam quid dicam de eius pietate erga Deum & studio religionis? lubet enim hærere diutius in ipso initio principatus in quo adhuc mea morata est oratio, quæ nondum ausa est HENRICVM in splēdidissimum illud theatrū inducere, vbi deinde sapientissimè gubernando tot annos partes egit boni principis omnium virtutum absolute perfectione perfecti. Illius itaque iam tum inde religiosum animum & ardorem pietatis mecum si placet recognoscite. Postridie eius diei quo Parisios erat ingressus, cū́ iam timor ciuium resedisset, in ea luce clementiæ & humanitatis, & gratulantium voces paullū́ deferbuissent, templum adiit cæli Reginæ sacrum, quod perantiquum est Lutetiæ opere mirabili exædificatū́, sacro instrumento lautissimum, piorum hominū́ frequen-



tia & religione augustum. Qui tum erant eius loci religionis præsidēs, sacrorum administri, aris & cæremoniis addicti Canonici, pallis aureis lato clauo & stolis insignibus collucentes, incredibili animi voluptate obuiam prodierunt. Rex bonus tum etiam sui similis, admirabili comitate lignum crucis, trophæum ac monimentum salutis nostræ, sibi oblatum, singulari animi demissione veneratus est. Tum progressus in penetrale sacrarium, accidit ante aram maximam, non tam veste opere Phrygio & inusitato artificio picta, auro & margaritis hinc inde fulgēte, quàm hostia salutari, & æterno sacrificio illuminatam. Ibi fixis humi genibus, manusque attollens, Deo parenti vniuersitatis, à quo velut è perenni fonte cœlestia munera deriuantur, grates egit quantum animus capere potuit maximas & immortales, quod eius clarissimo beneficio, quod propensa beneuolentia, & prouidentia haud vulgari, pace, coronâ, & auito solio potiretur. Fuit illud gratissimum beatissimis mentibus spectaculum, regi maximè gloriosum, vtile ceteris qui ad piam grati animi si-

gnificationem commouebantur. Viri principes qui eo religionis splendore perstringebantur, non iam primùm eas preces atque vota suspiciebant: hæc enim optimo Regi consuetudo fuit propè perennis atque perpetua, vt in rebus grauioribus mentem ad augusti numinis sacrarium attolleret: etiam in bello inter arma, in tumultu & tubarum sono, inter ignes fumumque scloporum atque fulmina, supplicationes adhibuit, & precibus est non raro vsus. Testis ille est Iuriacensis campus, qui non modo HENRICI ferro & legionibus, verum etiam prece & religione, hostiles acies fusas & fugatas vidit: quam eius orationem poëta nobilis eleganti ingenio & polito, astricta numeris oratione æternę memorię transmisit. Sed tamen tum constabat inter omnes nusquam ab eo id perfectum religiosius, quàm in illo Parisiensi templo, cum lætus concordia ciuium recentique triumpho in veri Iouis gremium laurum ferret. Nec defuerunt qui rem altius sapientiùsque reputantes, in eo animo summa religione prædito nescio quid diuinius suspicerent, quàm quod olim in antiquissi-

D iij



mis Regibus & Dynastis fuisset inuen-  
 tum. Nam vulgo principes qui clarissi-  
 mas victorias de hostibus reportabant,  
 si quid fortè præter hominum expecta-  
 tionem diuinitus contigisse videretur,  
 id fortunæ tribuebant. Timoleon qui-  
 dem Dux in bello fortissimus atque sa-  
 piens, cùm tyrannos è Sicilia omnes vi-  
 & virtute exegisset, libertatem iam in-  
 termortuam reuocasset, trophæum sta-  
 tuisset, aram & delubrum bonæ fortu-  
 nę dicauit: eodem Sylla res suas gestas  
 triumphosque referebat. Iulius Cæsar  
 tantum fortunę tribuebat suæ, vt ea co-  
 mitante, & fluctuum agitationes, & sæ-  
 uientis maris procellas, non modo ar-  
 matas classes hostium minasque ride-  
 ret. Hinc ab Anco Martio fortuna viri-  
 lis in illo domicilio imperij, atque ar-  
 ce omnium gentium consecrata. Hinc  
 postea imperatorij cubiculicustos aurea  
 fortuna, quam honore propè singulari  
 & diuino coluerunt. Sed longè sapien-  
 tias Christianis legibus eruditus Iusti-  
 nianus Imperator, qui cum inclytum se  
 nominet, Victorem, Tropæuchum, non  
 Fortunæ inanissime potentix, sed ve-  
 ri numinis auxilium, benignitatem,

*μυμυχία* agnoscit. Quid igitur? an  
 HENRICVM stratū ante aras & sum-  
 ma religione precantem existimabimus  
 Nicephorium Iouem, aut *Ἡρακλῆα* Her-  
 culem, aut fortunæ vim, & illum apud  
 veteres dominatum coluisse; & non ip-  
 sum humani generis beneuolentissimū  
 parentem, cuius antea inusitatam pro-  
 uidentiam magnis in rebus & operosif-  
 simis agnouisset? Apud Xenophontem  
 Cyrus deos laudat victoriā affecutus,  
 ceteri principes illius prædicant in eo  
 genere pietatis & mirantur religionem:  
 nos tantam HENRICÆ pietatem di-  
 gnā præstantissimo animo & carissi-  
 mo diuinitati prædicemus, quam nulla  
 ingrata obliuio ex hominum memoria  
 delebit. Quod si verè magnus olim & in  
 bello & in pace clarissimus Imperator  
 dixit, Pietate & Iustitia deos fieri, cū  
 tantam Regis optimi exorientem pie-  
 tatem, auctam deinde amplificatāque  
 videamus; certè fatendum est, hac vna  
 re vel maximè, eum sibi ad æternos cœ-  
 tus beatorum, & felicitatem, viam mu-  
 nisse. Atque hæc fuerunt aurei princi-  
 patus initia, & quasi fundamenta illius  
 beatissimæ cōditionis, in qua tot annos



huius Reſtoris admirabili ſapientia, & moderatione Gallia conquieuit. Nunc me parantem de reliqua exædificatione dicere, deque ſplẽdore memorabilium virtutum, quibus vt cœlum ſtellarum globis aureis atque pellucidis, ſic H E N R I C I vita ornata fuit, ſpecies atrox atque triſtis, & acerba ſanè cogitatio, de repẽte coërcuit & reſreſſit. Nam illa virtus, illa glorioſæ mentis agitatio, ille curſus ad eternitatem heroici nominis & gloriæ tam directus, illa humanitatis inſatiabilis pulchritudo, atque dignitas, ſubito velut turbine ablata eſt, & nos in terris cõmuni fletu cruciatos, luctu ſqualentes, mœrore afflictoſ, & confectos reliquit. Cũ Seuerus Imperator ſupremum vitæ diem egiſſet, in grauibus ſemper negotijs maximisque verſatus, Senatus ſapiens iudicauit, illum aut naſci, aut mori non debuiſſe: Te autem Regum optime, laudabile documentum iuſti imperij, & cœleſtis gubernationis exemplar, H E N R I C E, cõmunis omnium nationũ & mirifica conſenſio declarauit, & hiſ maximè temporibus naſci debuiſſe, & digniſſimum fuiſſe, qui aut nunquã, aut ſero moreretur.

ris. Quo magis acerbo odio esse conuenit, in eum Orci administrum, & furiarum satellitem, qui cæcus amentia, & furore vecors, ausus est tuam dignitatem impia manu, & inextinguibili fraude violare. Quid? non reueritum esse ipsos oculos indices beneuolentiæ? non pectus domicilium clementiæ & sanctitatis? non pollentem illam manum, quæ victrix in bello, & superbiam domans hominum arrogantium & improborum, toties abiectos diffidentisque suis rebus, inaudita mansuetudine erexisset? nō denique Deum Opt. Max. qui Christos suos, prouidentiae suae vicarios, scelere hominum perfidiaque violatos, ulcisci solet? Rex Gotthorum Athanaricus cum ad Theodosium Constantino-polim venisset, & urbem omni fama superiorem vidisset, templa, fora, palatia magnitudine visenda, pulchritudine & exquisito artificio nobilitata, ciuium frequentiam, Patriciorum dignitatem, argyraspidas atque Spatharios insigni armorum ornatu fulgentes, Imperatorem ipsum Dynastarum choro septum; paulum fixus in acerrima contemplatione, Deus, inquit, sine dubio terrenus est

E



Imperator, & quisquis aduersus eū manum mouerit, ipse sui sanguinis reus existit. Rectè sanè ille gente barbarus, sed ingenio sapiens intelligebat, eum qui hæc terrena numina, hos coryphæos qui ceterorum principatum obtinent, malitiosè attigisset, viuū mortuūque acerbo supplicio mastrari oportere. Sd hæc quidem effusæ querelæ multæ & graues cum gemitu & quotidianis lacrymis, ex mœroris diuturnitate, propè iam exaruerunt. Nos Auditores, non H E N R I C V M mortuum esse putemus, sed a nobis absentem, & ab hoc regno, quod florētissimum esse voluit, ad opulentissimam & maximam ditionem euectum. Et profecto, nisi me animus fallit, nos ex illo pleno stellarum loco, iis oculis, quibus omnes exhilarare consueuerat, intuetur. Græcæ Principes eruditionis ac magistri, mortuos à veteribus ἀρχαίους καὶ ἀνόμους, & ab hominum commercio remotos vulgo existimatos, suis in scripris prodiderunt: at nos Regem inclytum, diuum in digetem, Galliæ præsidem, vtilem patriæ, & auiti regni diligentissimum custodem experiemur. Neque

aliud prouidentię præmium suæ & inu-  
 sitatę caritatis appetit, quàm vt patriã  
 amemus, quam ex belli ore ac faucibus  
 eripuit: eam religionem & colendi nu-  
 minis pietatem sectemur, quam floren-  
 tissimam esse voluit: eius nomen, quod  
 illustrauit pulcherrimis factis & mori-  
 bus, omni studio & beneuolentia vene-  
 remur. Hoc sanè agamus vniuersi, hoc  
 optemus, in hoc omni animorum con-  
 tentione elaboremus: tum ille domi-  
 nans omnium Deus, lilia semper quàm  
 florentissima esse volet, & post illam a-  
 cerbitatis horribilem tempestatem &  
 procellã, felicissimi status vísitato splen-  
 dore gloriãque recreabit.

E ij





## ORATIO II.

COMMENDATUR MA-  
GNVS HENRICVS A

*pietate, animi fortitudine, &  
prudentia.*

**S**EVERI quondam Imperato-  
ris, cum in Britannia diem ex-  
tremum obiisset, cineres sunt  
in Italiam, atque adeo Romā, clarissi-  
mum domicilium imperij & virtutis, al-  
lati, Auditores. Vrnā sibi, dum adhuc  
vita & salute frueretur, pulcherrimē &  
operosissimē fieri curauerat, nam se ho-  
minem esse intelligebat, cui tot vię ad  
extremum fatū essent propositę: quam  
vrnā cum paulo ante mortem æquo a-  
nimo placidōque sumpsisset, non sine  
miserationis quodam sensu, eandem in  
hec verba compellauisse memoratur,  
*Virum capies, inquit, quem orbis terrarum an-  
gustia non ceperunt. O tumuli sancti & au-  
gusti! ô heroa! ô conditoria! ô urnę*

sepulchrales quæ Regis magni dulces reliquias continetis ! virum cepistis, quem imperium Gallicanum haud cepit, qui nominis sui gloriam atque famam, ijsdem quibus Sol cursum finibus ac regionibus terminauit. Quanquam quid ego res anima carentes & mutas alloquor? Non enim HENRICVS vrbem πορφυρῆ λίθῃ, vt Seuerus Imperator: non ὑδρία χρυσίλατον, vt Regis Demetrii filius: non aheneum cadum aut onychinum sibi curauit, dum in hoc vitæ breuissimo cursu æternitatis spatia virtute metitur. In vestris mentibus, Auditores, in memoria vestra perpetuâque beneuolentia poni collocarique voluit. hic situs est, in pectoribus vestris heret, hic auream sibi urnam, hic delubri sanctitatem, hic quietis portum adlegit. A nobis iusta exequiarū & parentalium, à suis omnibus flores, coronas, nectiam, & legitimi honoris officium postulat. Inferias quas possumus & debemus incredibilium beneficiorū memores gratique soluamus. Memnonis olim clarissimi Principis & diuini cœnotaphium à volucris cantu & frequentia cohonestatum legimus: vos sua-



uissimi & elegatissimi Poëta, quos Vates è Græcia nobilis auiculas Musarum indigitauit, vos albi alites, doctæ luscinie, cantu & numeris, & omni genere suauitatis HENRICI manes cohonestate. Octavius Augustus iam Imperator, conditoriū Alexandri magni: corona aurea imposita, floribûsq; iniectis, defixus admiratione virtutum ornauit: vos è Pieriis hortis, in quibus rosas nūquā interituras Sappho exoriri aiebat, coronā plectite, aut è liliis cādidam, aut è rosis purpuream, aut è gramine virescentem, vt heroem purpura inclytum, liliorum dominum, patriæ seruatorem ornetis. In hoc etiam elaboret omnis oratorum industria, hic pangatur Rhetorum flosculi, huc Suada veneres gratiæque omnes comportet, huc vibrent fulmina, flumina incitentur, huc myrothecia Tulliana fundantur, in hoc campo medij, supremi, infimi, toto quod aiunt pectore, & omni laterum contentione desudent. Ego verò, si quid est in me ingenij, quod sentio quā sit exiguum, id omne lubens atque volēs, Auditores, vobis opinor lubentibus & attente audientibus, ad virtutes regias

prædicandas conferam, ne à me vno tã  
 pium, tãmq̃ue debitum heroi officium  
 prætermiſſum fuiſſe videatur. Atque  
 hoc imprimis veriſſime hic ponatur  
 Auditores, HENRICVM ita regnum  
 ſuum amplitudine maximum, prouin-  
 ciarum numero & varietate diſtinctum,  
 ſapienter adminiſtraſſe, vt nullam regi-  
 muneris & offici- partem, communi o-  
 mnium conſenſione prætermiſerit. Hæc  
 verò laudem eſſe maximam & efferen-  
 dam, & præſtabili viro digniſſimam fa-  
 teamur necesse eſt; ſi cogitemus nihil eſ-  
 ſe difficilius, quàm in ſumma rerum o-  
 mnium potestate verſari ſine querela: ſic,  
 vt nihil impotenter, nimia quadam &  
 non ferenda licentia feciſſe videare. Dio-  
 cletianus Imperator in orbis terre pro-  
 curatione diu fuit, cum ei omnia ex a-  
 nimi ſententia fluerent, cum nutu & pro-  
 libidine gètes maximas, barbarasq; na-  
 tiones coërceret, & in maxima fortune  
 abundãtia & felicitate viueret. Is dein-  
 de priuatam vitæ rationem egit, à bel-  
 lorum ſtrepitu atque cura, & ciuiliū  
 rerum tractatione alienus: quo in otio,  
 præteritæ conditionis memor dixiſſe  
 fertur, *Nihil eſſe difficilius quàm bene imperare.*



Verè quidem & sapièter ab eo pronun-  
 ciatum: nihil enim est procliuius,quàm  
 ex eo loco tam excelso, tam excitato,  
 tam lubrico ruere, & prolabi, nihil fa-  
 cilius quàm in ea bonorum copia, tam-  
 que lauto & abundanti vitiorum instru-  
 mento inolescere. Nec ridiculè magis  
 & festiuè dictum, quàm verè & inge-  
 niose à facetissimo scurra Imperatoris  
 Claudij temporibus existimo, bonos  
 Principes, Reges, Imperatores quicun-  
 que olim extitissent, vno in annulo fa-  
 cilè pingi & perscribi potuisse. Hunc i-  
 gitur qui populum ita gubernarit suum,  
 & in ea dignitate, quæ potest esse maxi-  
 ma, sic vixerit, vt omnes tanquàm exem-  
 plar innocètiæ & integritatis, omni stu-  
 dio & beneuolentia viuum colât, mor-  
 tuum desiderent, qua commendatione  
 pro eo ac meretur, quòve laudis gene-  
 re prosequamur? Memini Victore Au-  
 relium cum res veterum Imperatorum  
 monumentis historiarum cōsignat, tria  
 quædā esse dicere quæ ab egregiis prin-  
 cipibus expetantur, sanctitatem domi,  
 in armis fortitudinem, vtroque pru-  
 dentiam. Quam virtutum regiarum par-  
 titionem ideo vehementer probo, quod  
 eam

m videam non magnopere ab homi-  
 um sapientum intelligentia dissidere.  
 it enim ea communis opinio Pytha-  
 reorum, qui momenta officiorum o-  
 nium iusto examine pendebant, tres  
 se partes Imperatorij muneris atque  
 peræ, in quibus adhibendis, regum o-  
 timorum præstantissima dignitas con-  
 arer, *Deos colere, exercitum ducere, iudicare.*  
 rimum est sanctitatis, alterum forti-  
 adinis, tertium prudentiæ: de quibus  
 ostitissimi homines, Diotogenes, ali-  
 ue, multa subtiliter accuratèque di-  
 putarunt. In his autem quis H E N R I-  
 o aut vnquam fuit, aut futurus est ali-  
 quando, in omni genere laudis præstan-  
 ior? Nihil hic dicā de admirabili pie-  
 ate, de qua fortè dicā alias copiosius:  
 nam illotis quod aiunt manibus, & im-  
 paratum accedere ad eam diuinitatem  
 prædicandam hominūque memoriæ  
 propagandam, nefas puto: sed eius ta-  
 men incredibilē dignitatem & pulchri-  
 tudinem quasi per transfennam licet ani-  
 maduertere. Non enim quod cuipiam  
 in mentem venire posset, heros ille no-  
 ster, dum versatus est inter eos qui Ro-  
 manam fidem & religionem, aut pro-  
 F



pria mentis inductione, aut errore aliorum deseruerant, ab Ecclesiæ sanctissimis institutis atque moribus alienus fuit. Hæsit animo iam inde à primis annis, atque à flore adolescentiæ, cœlestis quædam & inusitata pietas, quam inter eas discrepantes opiniones, quibus omnes ubique prouinciæ, non sine communi exitio, miserè iactabātur, sartam tectam diuina mens & prouidentia cōseruauit. Nam priusquam in luce atque in oculis suæ Galliæ, in conspectu purpuratorum quorundam patrum, & Episcoporum, in maxima Dynastarum frequentia, & populi gratulatione, publica voce & testimonio, pleno ardoris animique, fidem & religionē sanctè profiteretur, Antistites quatuor, magnos viros, Ecclesiæ procures, religionis præceptores sibi adesse iussit: quibus imprimis verè asseuerauit, se præcipua fidei nostræ mysteria, prout à nobis ex Ecclesiæ auctoritate explicarentur, intimo in animo, sine vlla dubitatione tenuisse: Christum Deum & hominem, ducem & parentem libertatis nostræ, in Eucharistiæ Sacramento contineri: Romanam vnā Ecclesiā esse veram, sum-

mum Pontificem Christi in terris Vica-  
 rium, religionis præsidem, & modera-  
 torem esse dignissimū, cui omnes sum-  
 ma demissione parere teneantur. Hæc  
 & alia quædam religionis capita, & fun-  
 damenta nostræ fidei, tam certa, tam-  
 que rata sibi aiebat, vt nunquam è me-  
 moria penitus excidissent, nunquā ces-  
 sura Deo aspirante viderentur. Itaque  
 non fuit operosum atque difficile, eum  
 animum tam pium, tam colentem reli-  
 gionis, tam factum ad omnem sancti-  
 moniæ rationem, ad eorum numerū ag-  
 gregare, quos Apostoli religionis sato-  
 res atque administri, sacris ceremoniis  
 atque ritibus placare numen venerari-  
 que docuerunt. Postea verò quàm se to-  
 tum in piorum hominū consuetudinem  
 insinuauit, tum se aperuit totam & e-  
 merfit ea natura prius abdita & abstru-  
 sa, plena virtutis & inusitata bonitatis.  
 Jam nihil videbatur esse dulcius, quàm  
 delubra domicilia sanctitatis adire, fru-  
 ctuosissimas audire conciones doctorū  
 hominum & elegantium, diuinis myste-  
 riis cum incredibili fructu pietatis in-  
 teresse. Cum Danide, cum Cōstantino  
 illo Magno, cum Theodosio, cum san-



aissimo Ludouico, cum ceteris Regi-  
 bus atque Principibus, quorum fuit no-  
 bilitata religio atque bonitas certare  
 videbatur. Quis illas animi excellentis  
 puras & liquidas suauitates cœlitus  
 haustas è diuinarum rerum contempla-  
 tione, quis vota & preces incredi-  
 bili ardore animi fusas, quis lacrymas  
 tacitæ voluptatis indices posset oratio-  
 ne complecti? Nouum est quod dicam  
 atque recens, non inter priuatos parie-  
 tes gestum atque in recessu, vbi largius  
 sese pietas solet effundere, sed in augu-  
 stissimo templo, in medio cœtu nobi-  
 lissimum, qui tum frequentes adfuerunt.  
 Prædie eius diei quo vitam hanc ærum-  
 nis plenam cum immortalitate cōmu-  
 tauit, cum adesset consuetis mysteriis,  
 & sacra numini, Christiano ritu & au-  
 gusta religione persoluerentur, sensit  
 vim & egregiam motionem diuinitatis,  
 cor ipsum atque pectus incredibili sua-  
 uitudine liquefacientem: tenere se non  
 potuit, quin vbertim ex diuini amoris  
 impulsione collacrymaret. Legatus qui  
 tum erat summi Pōtificis, & rem omni  
 dignam admiratione didicerat, repentē  
 & euestigio Sacerdotem misit virū gra-

nem & ornatum, qui suo nomine, Regi  
 optimo fructus illos vberes atque latos  
 mirificæ pietatis congratularetur. Quid  
 quod eo ipso die, qui supremus illi fuit  
 in terris, primus ut opinor felicitatis,  
 dum ex oriente luce piè ut solebat & re-  
 ligiosissimè Deum veneraretur, ter du-  
 ci vela, ter reduci lecti plagulas iussit,  
 dum insueta contentione, atque animo  
 omni in precationes pias incūbit? Sa-  
 tisne significat eam pietatem non in-  
 choatam, non adumbratam atque leuē,  
 & quasi acerbam; sed veram, solidam  
 & expressam, iamq; naturam extitisse?  
 Imò verò sic erat in sanctissima Christi  
 historia meditanda & eiusdem admo-  
 nitis Euangelio consignatis memoria  
 diligentissimè repetēdis exercitatus, ut  
 cū alias res ageret, in ipso regiæ ma-  
 gnificentia splendore atque pompa, ta-  
 men pias de diuinis rebus cogitationes  
 volueret animo, & rerum futurarū ima-  
 ginem depingeret. Nam in eodem illo  
 spectaculo & triumpho, quo Reginam  
 Augustam & coronatam vidit cum in-  
 credibili animi voluptate, cū adesset  
 ea omnium ordinum frequentia, quan-  
 ta nulla hominum memoria fuisset, ipse



rem dulcissimæ gloriæ plenam & gratulationis ad extremi iudicii seueritatem pompamque referebat: quod etiam nō moroso vultu, & ad tristitiam cōposito, sed vsitata illa plena humanitatis gravitate, & serio acroamate significavit, Quam multi, inquit, subita quadam perturbatione obstupescerent, si hic dies, atque hoc tantum latissimæ celebritatis choragium, in supremi iudicii apparatum cōmutaretur! Quam eius vocem multi Principes admirationis pleni atque stuporis ab ipsius ore ceperunt, & communi deinde sermone literisque celebrarunt. Itaque si olim gloriosum fuit Carolo Magno, & insigne pietatis existimatum, quod cum aureo Euangelio sepulturæ mandari voluerit: erit certè maxima in gratia atque gloriā apud omnem posteritatē, quod HENRICVS non aureis in tabellis Euangelium, sed aurea in mente atque animo insignitum moriens extulerit. Ceteri Principes atque orbis terræ moderatores, propter illustrem in ceteros dominatum & gloriæ ornamenta, quibus cælum prope manu tangere imperiōque videntur; dulci fortuna ebrij, raro cogitant de su-

prema numinis potestate, nisi fortè aut insigni calamitate, aut ardore insueto aëris, aut admirabilibus rebus naturæ vim cōsuetudinēque vincētibus excitētur. At Rex optimus in medio lætitiæ triumpho, quo se omnes in hilaritatem effundebant, ad alia longè diuiniora suā mentem & augustiora reuocabat: agitabat animo illud celsissimū metuendūque tribunal Dei iudicantis, Reges vinc-tos & decore spoliatos, reorum squa-lore & seueritatis acerbitem: tum illi æternę menti, per quam Reges suam dignitatem obtinent, cultum & venera-tionem sanctè atque summa animi de-missione tribuebat. Quare cū paulò pōst impia illa dextera conscelerati ho-minis in expiabili scelere mortiferā illi plagā intulisset, & sanguinis copia vias omnes vocis & sermonis interclusisset, insitam moribus innatāque pietatem qua potuit ratione ostendit, dum ocu-los in cælum attollit, & Dei parentis nutum arbitriūque veneratur. O Py-thagora, te appello: si verum est quod tuæ alumnus disciplinæ aiebat, in vita regia primum esse munus & palmare *ἡγεμονίαν* *ἡδὺς*, Deū piē castēque re-



uereri; habes Regem ea in parte suis numeris absolutum, cuius diuina sanctitudo, nec eorum hominum qui nunc sunt obliuione, nec posterorum reticentia obsolescet. Sed me rerum maximarum varietas & magnitudo, cogit breuius de quaque re disserere, quàm oportuisset, Auditores : nunc de animi excellentis magnitudine atque robore, & digna heroe præstantia, breuiter etiam strictimque videamus. Hic verò venit mihi in mentem Hannibalis vnus post homines natos militari virtute clarissimi, qui cum Ephesum aliquando venisset, ibique in Scipionem incidisset Africanum illum maximum, multarum gentium victorem, & rerum gestarum gloria efflorescentem, inductus sermo est inter eos de præstantissimo Duce & Imperatore: quis videlicet consilio & virtute, & rei militaris scientia, quis acris & inuicti animi laude omnes omnium gētium & ætatum principes, & exercituum duces anteiuisset. Pœnus ille excellenti iudicio, primum locum Alexandro Magno tribuit, quem aiebat bellica disciplina ceteris palmam sceptro & corona fulgentibus præripuisse : secundas partes

partes regi post Alexandrum Magnum  
 maximo Pyrrho, tertias sibi sine arrogā-  
 tis animi suspicione tribuebat. Hic  
 Scipio ut grauiſſimus, ſic & ſumma hu-  
 manitate ita reſpondit, ut non quidem  
 de ſe prædicare glorioſius, ſed neque o-  
 mniū quos alter memorauiffet, poſtre-  
 mus fuiſſe videretur. Dicam veltra bo-  
 na cum venia, Duces fortiſſimi, antiquæ  
 militiæ decora atque lumina, qui animi  
 excellentis magnitudine floruiſtis, ſi  
 HENRICVS in eam comparationem  
 veniſſet, ancipitem fuiſſe & incertam  
 maximè diſceptationem futuram. Nam  
 quæ tandem in eorum qui à me nomina-  
 ti ſunt, commendationem adferri poſ-  
 ſunt, quæ non ego vel in meo Rege ma-  
 iora, vel certè paria fuiſſe doceam? Erat  
 quidem magnanimus Alexander ſtre-  
 nuus, & animoſus, domuit gentes mul-  
 titudine innumerabiles, locis infinitas:  
 multas vrbes atque prouincias, quò nō-  
 dum Macedonum tela & ſariſſæ pene-  
 traauerant, ſub imperium ſuū ditionem-  
 que ſubiunxit: ſed cum iis tamen ex  
 India nationibus certauit, quos antea  
 Dionyſius, mulierum incindus choro,  
 non militum armatorum phalāge, cor-



num bombis, atque insano bacchantium cursu & clamore superasset. Qui etiam Imperator vino victus, & languidus voluptate, sæpius amens ebriusque iacuit, quàm cum hoste de vita & imperio dimicarit. In HENRICO quid simile fuit Auditores? cuius sanè adolescentia, non minus traducta eleganter & generosè, quàm illius Græci principis, & armorum tractatione studiisque bellicis erudita fuit: qui rem habuit cum illis hostibus, quos æquo Marte vincere propter incredibilem ardorem animorum, & belligerandi scientiam, gloriosius haberi debet, quàm molles Indiæ populos, atque omnem barbariam, vi, ferro, victoriæque delere. Ab eius verò perfecta vndique & absoluta vitæ honestate, tantum absuit illa Alexandri plena dedecoris turpitudinisque vinolentia, ut in ipso temperantiæ gremio institutus educatusque fuisse videatur. Superior igitur Alexandro Magno feliciorque in bello fuerit: at Pyrrho fortè generosi & perfectissimi Imperatoris gloria inferior. constans enim inter auctores fama est, inquit Iustinus, nullum; nec eius, nec superioris ætatis

Regem cōparandum cum Pyrrho fuisse. Imò verò quantum Pyrrhus ceteros, tantum ipse veteris memoriæ duces atque Reges qui summorum imperiorum fundamenta iecerunt, bellandi scientia, & virilis animi excelſitate ſuperavit. Nam vt nobis antiqua hiftoriarum monumenta referunt, Pyrrhus quidem, vt ad deuincenda regna inuictus habebatur, ita deuictis acquiſitisque celeriter carebat: quæ cauſa fuit cur Antigonus elegantiffimi iudicii princeps, indocto eum luſori cōpararet, qui cū & multa, & feliciter edat, iis tamen neſciat vt, ſed è manibus ipſam quaſi ridentē blandientēque fortunam euolare ſinat. Itaque valuit in eo Rege fortiffimus animi impetus & cōcitatio, omnia fortiter animoſēque aggrediēs, qua remiſſa & elanguente, ipſe curſus victoriarum, & iam exultans & triumphās gloria minuebatur. Videte nunc Gallorum aciem HENRICO duce bellige antem. nihil imprimis tam difficile fuit tamque arduum, quod non animi virtute quadam eximia & fortitudine nolleretur: nihil tam ſeptum, tam nunitum vndique & circumuallatum, quod a-



cerrima & fortissima contentione non  
 caperet; nullum genus hostium tam au-  
 dax, tam elatum ferocitate atque impo-  
 tentia, quod non armis & manu coërce-  
 ret: vnde constat eū non minus quā  
 Epirotam ad deuincenda regna inuictū  
 existimandum: in hoc sanè multò su-  
 perior, quod ille impetus cœlestis &  
 diuinus nunquam elanguit, semper do-  
 minans atque victor, semper hostium  
 ceruicibus imminens, eadem felicitate  
 parta imperia conseruans, qua facilita-  
 te quæsiisset. Apud scriptorem Roma-  
 næ historiæ nobilem & ornatum dictum  
 illud est magni viri Annibalis temerita-  
 tem & inconstantiam leniter reprehen-  
 dentis, *Non omnia nimirum eidem dū dedere,*  
 inquit; *Vincere scis Annibal, victoria vti nescis.*  
 Verissimè quidem dictum, prout tū ho-  
 minum virtus naturaque ferebat, non  
 omnia deos eidem dedisse, & vt lyra  
 poëtica cecinit, *nihil esse ab omni parte bea-*  
*tum.* quo specioso veluti inuolucro An-  
 nibalis illa mollities remissioque ob-  
 tegitur. Sed profecto nunquam HEN-  
 RICVM illa monitio aut excusatio te-  
 tigit, qui cum fuerit Dei præpotentis  
 munere atque dono, omni ex parte per-

fectus & expolitus, vincere potuit, & victoria felicissimè est vsus. Lateant igitur in tenebris antiquitatis illæ summorum Ducum & Imperatorum bellicæ virtutes atque triumphi: ne quidem Africanus à me nominetur, qui in euerendis potius ciuitatibus, quàm in regendis constituendisque fuit felicior. apud ceteras nationes eorum memoria, cum audientium admiratione celebretur, iaceat in Gallia, in hoc virtutû regiarum splendore, & in hac tanta bellicæ laudis præstantia, quæ omnem veterum excellentiam, sua luce, & magnorum operum perfectione præstinxit. Itaque non committam vt in hac laude rei militaris amplificanda, prædicandâque animi fortitudine, cum alio potius quàm cum seipso, compositus HENRICVS & à me comparatus fuisse videatur. Et quidem mirabilem eius cursum video, ad eam laudem, qua ceteris omnibus ductoribus, imperatoria virtute præstitit. Inter bellica facinora, atque in ipso Martis sinu pænè educatus, ineunte adolescentia, maximi exercitus delectus fuit Imperator, bello maximo, atque



acerrimis hostibus, cum Gallia propè  
 in perniciem rueret voluntariam. Eius  
 partes cum afflictæ prius essent, & ali-  
 quot præliorum clade vehementer ac-  
 cißæ, tantum valuit eius egregia indo-  
 les, virtus, felicitas, vt subito mirabilis  
 omnium rerum fieret commutatio, &  
 eius ductu atque auspiciis, meliori in  
 loco reponerentur. Itaque prima illa æ-  
 tas ad scientiam rei militaris, non alie-  
 nis præceptis, sed suis imperiis est tra-  
 ducta, quo tempore, insignibus victo-  
 riæ, & honore triumphi dignissimus  
 videri posset, nisi hostes Galli essent, &  
 in ipso patriæ gremio certaretur. Diu  
 eramus in eodem malorum orbe versa-  
 ti, atque omnes Galliæ prouincias ciui-  
 lia bella miserabiliter attriuerant: cum  
 ecce tibi scissa Discordia palla è fauci-  
 bus inferorum sese efferens bellicū ce-  
 cinit, quo cantu atque horribili signifi-  
 catione effrenatus furor, importuna au-  
 dacia, scelus, perfidia, clades, vastitas, in  
 medias vrbes sese iniiciunt. **H E N R I-**  
**c o** tertio ad tertiam cæli coronam e-  
 uecto, successor alius quærebatur impe-  
 rij Gallicani, quàm quem Deus & na-  
 tura prouidissent. Hinc exercitus mulci

& magni superbissimo delectu, & durissima conquisitione collecti, & prædicam Europæ vires in vnum armatæ: quas omnes incredibili alacritate, inuicti animi patientia, consilio, auctoritate, re etiam gerenda sustinuit. Nihil laboriosius aut exercitum magis dici aut fingi potest: incredibile dictum est quot & quâtas difficultates exorbuerit, quot ærumnas exhanserit, quantis in periculis sit versatus. Domi cum perfidia & scelere pugnandum fuit, & discrimen vitæ subeundum: foris vrgebat ferocientium gladius, quorum cruore pugnantium ipsa Regis tentoria, mensæ, cubile, respergebantur. Urbium defectio nunciabatur, accurrebat; debilitas metu legiones recreabat, collocatas insidias maturè disijciebat, amicos & fœderatos in officio continebat suo, copiis suis diuersissimis in locis positis, sæpè vno eodémque tempore providebat, omnem in partem volitabat: quocunque accessisset, vim, vitam, alacritatem afferebat. Deus immortalis! tantumne potuit esse vnius robur & excelsi animi fortitudo, vt tantam rerum & difficultatum molem suis humeris sustine-



ret? Fortunæ illam duritiem asperitatemque voraret? Herculis ærumnas easque quotidianas & infinitas perpetetur? Rex Aethiopum cum Amasi Aegyptiorum Rege olim de sapientia & interpretandi subtilitate contendebat, cumque sæpius scirpos & ænigmata proposuisset, quæ alter eleganti iudicio acutè subtiliterque dissoluerat, misit tandem griphum ad Aegyptium, pro imperio iubens ut mare vniuersum hauriret: quem nodum Amasis cum soluere non potuisset, ad Biantem de sapientibus Graciæ unum, expediendum misit. O Amasi! ô moderator Aethiopum! ô Graci sapientes! iam inuenimus Regem qui vastum mare exorbuerit, tot aduersæ fortunæ flatibus, tot fluctibus incommodorum, tot periculorum procellis, tot monstris exitiorum plenum & redundans. Delius hinc natator undis haustusmersusque periisset: & ex omni mortalium conditione vnus HENRICVS hunc tantum ut fluctuum, sic calamitatum concursum excipere potuit & sustinere. Sed quemadmodum Iulius Cæsar cum vëtorum vi agitatum & turbidum esset mare, nautæque vehementissime re-

me reformidaret, Cæsaris fortuna comitante, nihil timendum esse dixit: ita HENRICVS quem præsidēs Galliæ Genij, patriæque fortuna comitabatur, illo estu reciprocanti in malorum hauriri non potuit. Imò verò quanta fuit in eo constantia? quanta æquabilitas animi in ea fortuna perferenda? in tanta oppidorum defectione, in ea turba & varietate hostium, in penuria non deliciarum, sed rerum ad vitam necessariarum, nunquam animus deiectior & fractior, semper celsus & erectus, & ad ea quæ accidere potuissent, excipiēda paratus: *τετράγωνον* planè dicerēs illum Simonidis, qui per omnem fortunę & rerū mutationem firmiter consistat, qualem veteres magis in libris, quàm in rebus gerendis habuerunt. Sapientes olim aiebant AEgyptij, astra in circuitu illo suo perficiendo, modo erigi, modo deprimi, & in ea varietate fieri peiora aut benigniora, quàm alioqui fuissent. At Rex inclutus quāvis aliquando aduersæ fortunæ flatu deprimi videretur, aliquando lato rerum successu attolli; summa tamen animi æquabilitate perfruebatur: semper ille constans animus & ge-

H



nerosæ mentis excellentia, vt amica humano generi stella benignissimam lucem fundebat. Quæ fortiter animosq; patiendo exantlarit memoro: quid agendo? quantum eadem excellētix magnitudo eluxit? Princeps ille Græcorum poëta, cum viros principes strenuè & acriter pugnantes vult exprimere, eos cum lupis, cum apris, cum leonibus magna carminis varietate componit: HENRICVM verò fulmineo ense pugnantem & cœlestibus armis, cum quo meritò & satis pro dignitate comparauero? ullusne fuit tam ferox & furiosus ad resistendum, aut ad feriendum obiectus, quem non imperatorio ardore oculorum atque animi, fatalique manu stratum abiectumque dimitteret? Baiazetus Turcorum Imperator homo impiger plurimisque trophæis ornatus, noto cognomine dictus Hildrin fuit, quod fulmen siue turbinem in ea Barbaria significare aiunt. Ea verò honoris appellatione, nescio an vim quandam viri igneā & humana maiorem, aut mirificam in bello celeritatem, conficientem omnia & obterentem; an vtrumque, an aliud quidpiam voluerint ex-

primere: sed quidquid tādē illud fuerit, minus est, quā ut mei Regis incredibile animi robur, vim, & inuictam cōstantiam æquare possit. In ductu militum, in acie disponendis, in committendis præliis, in ciuitatibus obsidendis, in perferendis temporum & locorum iniuriis, in laboribus hauriendis, strenuusne miles an fortis Imperator dicendus foret, pronunciare fuit difficile. nisi fortē quod Pacatus in Traiano laudauit, ducem consilio, militem exemplo: aut Velleius in Mithridate, consilij ducem, militem manu appellare voluisses. Talem fuisse Alexandrum illum Magnum existimo, commemorabili virtute constantiaque principem, & æterna memoria dignissimum, qui cum suis ad agendum fortiter non imperio magis quā exemplo inuitaret, illud dictum ab Homero βασιλεῦ τ' ἀγαθῷ κρατερῷ τ' αἰχμητῇ, & crebro sermone vsurpabat, & vehementissime laudabat. Quid hic memorē captas ab HENRICO ciuitates? quid deletos hostiū exercitus bene magnos & omni armorum apparatu horribiles & infestos? Sed vereor ne hac mea oratione patriæ

H ij



vulnera, quæ consanuisse videbātur re-  
 crudeſcant: ſcio quā inuidioſum ſit in  
 iis triumphis victoriſque exultare, quæ  
 de ciuibus reportatæ fuiſſe videantur.  
 Facile patiar iacturam earum laudum,  
 quæ cum eorum qui audiunt acerba re-  
 cordatione & domeſtico mœrore co-  
 pulentur. Non hoc petit is quem aman-  
 tes ſuſpicientēſque laudamus, de quo  
 veriſſimè id dicemus quod de Theodo-  
 ſio illo tropæucho ſāctiſſimus Auguſti-  
 nus: Bella ciuilia nō ſicut Cinna, & Ma-  
 rius, & Sylla, & alij plures, qui nec finita  
 finire voluerunt: ſed magis doluit exor-  
 ta, quā cuiquam nocere voluit termi-  
 nata. Iſta ſanè temporum labes omitta-  
 tur veſtra bona cum gratia Auditores,  
 communis omnium calamitas immiſſa  
 diuinitus ad ampliſſimi regni maculas  
 exurendas, ſempiterna obliuione ſepe-  
 liatur. Quāquam quid me opus eſt do-  
 meſtica prælia recensere, cū externa  
 multa & formidoloſa cōmemorare poſ-  
 ſim, in quibus HENRICI virtus, e-  
 gregia cognitio rei militaris, & diuina  
 cœleſtiſque animi fortitudo eluxerit?  
 Vos enim appello atque teſtor Alpium  
 iuga, & ſola prouinciæ vltimarum,

quæ vidistis illius exercitum nullis angustis impeditum, nullius obiectu valli interclusum, liberè volitantem & victorem. Vos Burgundi humi strati, & in humana effigie nescio quid angusti reuerentes, regni sui fines vltra Ararim, trans Rhodanum proferentem agnouistis. Nihil potuit, nō dicam iustissimam eius indignationem & acerbiter iracundiæ, sed nutum leuēsque minas sustinere. Sedanum obliquis tantum oculis aspexerat, tremuit, succubuit, imperata fecit. Mommellianum natura loci munitum, ita in altum excitatum vt omnia despiceret, ita præsidis, custodiis, vigiliisque firmatum, vt non modo hostium pila atque enses, verum etiam ballistas fortissimas & immane tormentorum fulmen flammāsque rideret; statim atque increpuit vox HENRICI impressionem minitantis, superbum illum verticem supra nubes euectum ad illius pedes abiecit. Omnia denique quæ nulla vis atque virtus aliorum Imperatorum perfringere & domare valuisset, HENRICO vidisse, vicisse fuit. Itaque armorum ille crepitus cū fuisset tam resonans, vt vicinis in insulis atque a-

H iij



deo remotissimis prouinciis regnisque  
 exaudiretur, cum splendor ille victoria-  
 rum omnes omnium oculos perfringe-  
 ret, non mirum si Mediolanum cohor-  
 tuerit, & Italia vniuersa quasi tumultu  
 Gallico nunciato, p̄ne dicam iustitiam  
 indixerit, vacationes sustulerit, ad vlti-  
 mi temporis Senatusconsultum confu-  
 gerit. Proh sancte parens vniuersitatis  
 mūdi opifex & rector Deus! tantūne  
 roboris atque mentis te vni hominī  
 concessisse, vt exiguo temporis inter-  
 uallo, id conficere unus potuerit, quod  
 neque ceteri omnes Reges & Dynastæ  
 vno anno, nec omnibus annis vnus o-  
 mnium maximus Imperator facere po-  
 tuisset? Repertum esse Principem vnū  
 in Gallia, qui vt excetrā capitibus pul-  
 lulantem, sic hostem nouis subinde co-  
 piis furem exultantēque domi cō-  
 primeret, foris terrorem sui nominis  
 circumferret, manu, cōsilio pugnaret,  
 resisteret, funderet, fugaret, ad omnia  
 occurreret, vno tempore castra aliena  
 obsideret, caperet, euerteret, sua fir-  
 maret, tueretur, semper victor & trium-  
 phator? Ait dæmonius Aristoteles dum  
 politiam illam excellentem instruit,

non nisi vnum magistratum à singulis gerendum, singulas enim curas singulis concessas melius expediri. Cuius dicti rationem inuestigandæ veritatis princeps Plato prius assignauerat, dum negat libris de Legibus, tantam esse vim atque robur naturæ humanæ, vt quis duabus rebus aptè inseruiat. Et quidem ita est Auditores, Pectora nostra duos non admittentia curas, dictum à Poëta sapienter. hoc non modo in libris veterum, sed ipso vsu quotidianis in officiis muneribusq; experimur. Quid Iustinianus Imperator? quid ille doctus à Themide, & corona iurisprudentiũ cinctus enunciat? Non est, inquit, vlla ratione credendum, vnum duabus etiam necessariis rebus posse sufficere. Quanta igitur fuerit laus Magni HENRICI, qui tot res, tam difficiles & negotiosas iudicio disponere, summa prudentia administrare, incredibili animi constantia & facilitate conficere vnus potuerit? an non hic meritissimo Lacones exclamēt *Τῆς ἀνὴρ ὅτος*, planè diuinus, supra cōditionem aliorum euectus, qui Orthiā quod aiunt, modulationem virtutis canere solus possit? Itaque non mirum si



deo remotissimis prouinciis regnisque  
 exaudiretur, cum splendor ille victoria-  
 rum omnes omnium oculos perstringe-  
 ret, non mirum si Mediolanum cohör-  
 ruerit, & Italia vniuersa quasi tumultu  
 Gallico nunciato, pæne dicam iustitiam  
 indixerit, vacationes sustulerit, ad vlti-  
 mi temporis Senatusconsultum confu-  
 gerit. Proh sancte parens vniuersitatis  
 mundi opifex & rector Deus! tantumne  
 roboris atque mentis te vni homini  
 concessisse, vt exiguo temporis inter-  
 uallo, id conficere unus potuerit, quod  
 neque ceteri omnes Reges & Dynastæ  
 vno anno, nec omnibus annis vnus o-  
 mnium maximus Imperator facere po-  
 tuisset? Repertum esse Principem vnū  
 in Gallia, qui vt excetrā capitibus pul-  
 lulantem, sic hostem nouis sabinde co-  
 piis furentem exultantēque domi cō-  
 primeret, foris terrorem sui nominis  
 circumferret, manu, cōsilio pugnaret,  
 resisteret, funderet, fugaret, ad omnia  
 occurreret, vno tempore castra aliena  
 obsideret, caperet, euerteret, sua fir-  
 maret, tueretur, semper victor & trium-  
 phator? Ait dæmonius Aristoteles dum  
 politiam illam excellentem instruit,

non nisi vnum magistratum à singulis gerendum, singulas enim curas singulis concessas melius expediri. Cuius dictationem inuestigandæ veritatis princeps Plato prius assignauerat, dum negat libris de Legibus, tantam esse vim atque robur naturæ humanæ, vt quis duabus rebus aptè inseruiat. Et quidem ita est Auditores, Pectora nostra duos non admittentia curas, dictum à Poëta sapienter. hoc non modo in libris veterum, sed ipso vsu quotidianis in officiis muneribusq; experimur. Quid Iustinianus Imperator? quid ille doctus à Themide, & coronâ iurisprudentiû cinctus enunciat? Non est, inquit, vlla ratione credendum, vnum duabus etiam necessariis rebus posse sufficere. Quanta igitur fuerit laus Magni HENRICI, qui tot res, tam difficiles & negotiosas iudicio disponere, summa prudentia administrare, incredibili animi constantia & facilitate conficere vnus potuerit? an non hic meritissimo Lacones exclamēt *Ἦτος αὐτῷ ἔτος*, planè diuinus, supra conditionem aliorum euectus, qui Orthiâ quod aiunt, modulationem virtutis canere solus possit? Itaque non mirum si



ad eum inuictum, omnes undique victoriæ aduolarint, si fores Luparæ tot laurus, tot coronæ triūphales ornarint, si tot illi prouinciæ celebrandi honoris causa ludos instituerint, statuas posuerint, singulares & diuinos honores quaesierint, si denique gentes omnes atque regna, illum vnum omnium Regū maximum, pium, felicem, & victorem existimarint. Huius igitur præstâtissimam rei militaris scientiam, admirabilē constantiam, fortitudinem illam inuictam & cœlestem non admiremur? non laudemus? nō omni studiorum genere prosequamur? Demosthenes oratorum coryphæus vt Deum quendam admiratur Cononem Atheniensem ducem fortunatissimum in bellis atque fortem, qui ex omnibus Imperatoribus solus nihil vnquam bello amisisset, ὃ πολὺν, ὃ φρεσιον, ὃ ναυῶν, ὃ πρᾶξιόντιον, quod singularis & diuinæ cuiusdam fuit aut fortitudinis aut felicitatis. Romani verò cum Iulium Cæsarem simul externis & domesticis bellis victorem triūphatoremque animaduenterent, summi honoris significatione, statuam illi inauratam in Quirini templo dedicarunt, inscribentes

scribentes *Deo inuicto*. Quam statuat  
 HENRICE ter maxime, bellis omni-  
 bus singulari tua virtute compressis  
 atque restinctis, æternæ tuæ memoriæ  
 patria consecrabit? quæ per te victrix &  
 coronata, beato iam otio & diuturna  
 pace perfruitur. Ganges olim Indorum  
 Imperator, cum Scythas à Caucaſo ef-  
 ferueſcētes, à ſuorum exitio atque cer-  
 uicibus egregia animi contentione re-  
 mouiſſet, adamantinos gladios ſeptem  
 humi defodit, vt regionem nullus vn-  
 quam timor inuaderet. Tu gladium il-  
 lum tuum, non ſirictum ad tuorum per-  
 niciem, ſed ad metum ſcleratae perfidiae  
 collucentem, tot in ſignem coronis,  
 tot triumphis notatum, in medio Gal-  
 liae ſinu poſuiſti, qui metum à nobis in  
 omnes ſeculorum omnium ætates, in-  
 fortuniumq; arceat, & fundatum ſum-  
 ma gloria imperium, dum hominū ge-  
 nus erit, tutetur. Hic gladius, quem non  
 manu atque opera Vulcanus fecit, ſed  
 diuina prouidentia máximo quaſi arti-  
 ficio fabricata eſt, tantæ virtutis atque  
 excellentiæ recordatione, finitimas gē-  
 tes reprimet, audaciā franger, impetus,  
 ſi qui exiſtēt, furorēque tardabit: di-



gnior profecto qui in omnibus fanis  
& delubris , quàm Vitellij pugio , aut  
veterum heroum gladij , consecraretur.  
Itaque vniuersa Gallia , me auctore , o-  
mni vocum & animorum conspiratio-  
ne tibi accinet, quod à Romanis Impe-  
ratore Pertinace ab hominibus erepto,  
ingeminatis diutissimè plausibus est  
clamatum: Pertinace imperante, nos  
HENRICVM dicamus, securi vixi-  
mus, neminem timuimus, patri pio, pa-  
tri Senatus, patri omnium bonorū. Sed  
in hoc laudis gloriæque spectaculo, in  
hac luce præstantissimæ fortitudinis  
mea diutius morata est oratio, nec auel-  
li potest Auditores. Et tamen hoc ter-  
tio loco de prudentia dicere constitue-  
ram, quæ regij muneris atque officij  
custos quædam atque moderatrix ap-  
pellari solet. De illa verò quid à me di-  
ci potest, aut vobis nouum, aut cuiquā  
ignotum, quod non potius eius digni-  
tatem pulchritudinemque infringere,  
quàm illustrare videatur? Sed pensum  
tamen, quoniam ita vultu significatis,  
soluamus; verum breui, vt admirabilem  
istam virtutem, quasi peregrinū & igno-  
tum hominē prætereuntes, paucis ver-

bis & humanissimè consalutemus. At-  
 que in bello quidem illa fuit tanta, quā-  
 tam ex superiori oratione cognoscere  
 haud obscurè potuistis. Neque enim  
 tot victorias reportare potuit, quas mi-  
 ramur; neque trophæa in remotis pro-  
 vinciiis statuere, quæ nulla iniuria tem-  
 porum aut hominum delebit obliuio;  
 nec Galliam in hac otij atque pacis  
 tranquillitate collocare, sine diuina qua-  
 dā admirabilique prudētia, quæ conatus  
 illius omnes ad felicitatē prouexit. Pa-  
 rum enim sunt arma foris, inquit Ro-  
 manæ facundiæ parens, nisi consilium  
 sit domi: nihilque est procliuius quàm  
 ut vis cōsiliij expers mole ruat sua. Qua-  
 re Astronomi cū perfectam domina-  
 tionem describunt, & astrorum coniu-  
 ctione metiuntur, Soli perpetuū comi-  
 tem Mercurium esse volunt, ut qui vi-  
 dent illum siderum dominū atque Re-  
 gem absque sapiente Mercurio nunquā  
 in cœlo incedere, intelligant humanam  
 dominationem sine prudentia nūquam  
 stabilem aut diuturnam esse potuisse.  
 In pace verò atque politia, in admini-  
 strandis grauissimis regni negotiis, in  
 communi vita, in omni genere humani-



tatis, in iis officiis quæ propria regum sunt moderandis, quanta fuit HENRICI prudentia, quis non dicam ornare dicendo, sed assequi animo & cogitatione possit? Nā si rectè ratiocinari velimus, omnia planè bona, quib⁹ multis atque magnis tota iam multos annos fruitur Gallie; omnia, inquam, humanitati, vigilantia, prudentia Regis optimi sunt tribuenda. Principum animos aut dissidentes, aut spectantes ad defectionem sic placabat, sic deuinciebat humanitate, sic in gyrum rationis compellebat, ut quæ aliis desperata videri potuissent, componeret, & ad suam honestissimam voluntatem accommodaret. Itaque iam illum omnes, non vnde Regibus vnum, qui multis aurore titulis potentiâque polleret, sed ut quendam de cælestium Principum grege, diuinum Heroem existimabant, qui ad statum regni florentissimum aut instituendum, aut conseruandum, inusitata prudētia modos & rationes excogitaret, quas mirari potius, quàm æmulari ceteri potuissent. Neque verò, quod plerisque vsuuenit, turbido aliquo motu iracundiæ & cupiditatis, aut vitiosa

& inconstantia plena temeritate ad res  
 aggrediendas ferebatur, sed quasi Bian-  
 tem audiisset sapienter illud præcipiē-  
 tem *ὄχι, καὶ ἀπάτη*, consilium adhibe-  
 bat & providentiam, nec hominum viū  
 valentium admonita repudiabat. Et ut  
 erat diuina mente & consilio præditus,  
 qui acutissimè & celerrimè posset vi-  
 dere & explicare vniuscuiusque ratio-  
 nem, sæpe fiebat, ut cū ceteris aqua  
 hæreret, & se nimium impeditos in eo  
 quod cōmodissimum esset persequen-  
 do faterentur, ipse nodum & difficulta-  
 tem non tam gladio Alexandri, hoc est  
 arbitrio & inani potentia, quā inge-  
 nio prudentiāque solueret. Hoc sanè  
 prodigij cuiusdā atque miraculi instar  
 habuit, quod qui à teneris, quod Græci  
 licunt vnguiculis, vix doctrinas à limi-  
 ne salutauisset, dum Mars Apollinē exi-  
 it, tamen optimè rerum causas & con-  
 secutiones videret, & cogitata supera-  
 et hominum eruditorum & sapientum.  
 rorsus ut in eum quadrare videretur  
 aitprandi Regis Lōgobardorum illud  
 ogium à bono auctore proditum, *Li-  
 arum quidem non admodum gnarus, sed Phi-  
 sophis æquandus*. Hinc illa in externis



tatis, in iis officiis quæ propria regum sunt moderandis, quanta fuit HENRICI prudentia, quis non dicam ornare dicédo, sed assequi animo & cogitatione possit? Nā si rectè ratiocinari velimus, omnia planè bona, quib⁹ multis atque magnis tota iam multos annos fruitur Gallia; omnia, inquam, humanitati, vigilantia, prudentia Regis optimi sunt tribuenda. Principum animos aut dissidentes, aut spectantes ad defectionem sic placabat, sic deuinciebat humanitate, sic in gyrum rationis compellebat, ut quæ aliis desperata videri potuissent, componeret, & ad suam honestissimam voluntatem accommodaret. Itaque iam illum omnes, non ut de Regibus vnum, qui multis auctorum titulis potentiâque polleret, sed ut quendam de cælestium Principum grege, diuinum Heroem existimabant, qui ad statum regni florentissimum aut instituendum, aut conseruandum, inusitata prudentia modos & rationes excogitaret, quas mirari potius, quàm æmulari ceteri potuissent. Neque verò, quod plerisque vsuuenit, turbido aliquo motu iracundiæ & cupiditatis, aut vitiosa

constantia plena temeritate ad res  
 edicendas ferebatur, sed quasi Bian-  
 audiuiſſet ſapienter illud præcipiē-  
 vōei, καὶ ἀφ' αὐτῆς, conſilium adhibe-  
 & prouidentiam, nec hominum vſu  
 entium admonita repudiabat. Et vt  
 diuina mente & conſilio præditus,  
 acutiſſimè & celerrimè poſſet vi-  
 e & explicare vniuſcuſque ratio-  
 n, ſæpe fiebat, vt cùm ceteris aqua-  
 reret, & ſe nimium impeditos in eo  
 od cōmodiſſimum eſſet perſequen-  
 faterentur, ipſe nodum & difficulta-  
 non tam gladio Alexandri, hoc eſt  
 bitrio & inani potentia, quàm inge-  
 o prudentiæque ſolueret. Hoc ſanè  
 odigij cuiuſdā atque miraculi inſtar  
 abuit, quod qui à teneris, quod Græci  
 icunt vnguiculis, vix doctrinas à limi-  
 ſe ſalutauiffet, dum Mars Apollinē exi-  
 git, tamen optimè rerum cauſas & con-  
 ſecutiones videret, & cogitata ſupera-  
 ret hominum eruditorum & ſapientum.  
 Prorſus vt in eum quadrare videretur  
 Luitprandi Regis Lôgobardorum illud  
 elogium à bono auctore proditum, *Li-  
 terarum quidem non admodum gnarus, ſed Phi-  
 loſophis æquandus*. Hinc illa in externis



æquè ac domesticis plena honoris admiratio, hinc rectissimus cursus negotiorum ad eum finem, qui præstabilis & maximè accommodatus esse potuisset, & cū summa dignitate coniunctus: hinc illa Gallici imperij gloria atque fama per omnes oras atque regna terrarum, ab ortu Solis ad occasum maxima celebritate fusa & propagata. Quod si verum est quod aiebat Socrates, cuius ingenium variòsque sermones immortalitati scriptis suis Plato tradidit, prudentes esse eos existimandos, qui minimè aberrarent: vno omnes ore fateamur, HENRICVM prudentiæ laudem egregiam obtinuisse, qui sine casu aut prolapsione tot annos Galliæ regnum administrarit. Habes igitur HENRICVM Maxime, fortissime, sapientissime, habes egregij animi pulcherrima ornamenta, quæ summi viri atque sapientes in principibus viris esse voluerunt. Omnium ora atque oculi sunt in te vnum cōuersi, stupéntque homines in hac admirabili tuarum virtutum excellentissimarum specie; in quarū luce ac splendore aliorum Dynastarum laus omnis extenuatur ac vanescit. Confitentur

præ se ferunt illi olim tuæ dignitatis  
 potentiaæ æmuli, neminem vlllo gene-  
 laudis superiorem, sed ne quidem  
 rem vnquam fuisse. Victorino, qui  
 illas administravit, ait Trebellius, ne-  
 minem præferendum, non virtute Tra-  
 num, non Antoninum clementia,  
 non gravitate Neruam, non in guber-  
 nando ærario Vespasianum, non in cen-  
 tra totius vitæ ac seueritate militari  
 ætinnacem, vel Seuerum: de te plura,  
 quam illi edere potuerunt, omniū gen-  
 ium lingue, omnium temporum histo-  
 riæ, omnium seculorum annales sen-  
 ient & prædicabunt. Sed quid loquor?  
 cur viuum & spirantem adhuc atque a-  
 deo præsentem existimabam? tantūne  
 potuit illa rerum humanarum vicissitu-  
 do omnia domans & tuerrens, vt stan-  
 tem hanc imperij columnam auderet  
 concutere? O rem luctuosam & acerbā  
 o calamitosum non vnus modo Galliæ,  
 sed omnium pænè populorum casum!  
 Illāne tanta HENRICI humanitas  
 extincta est? illud Europeæ decus æter-  
 num interiit? corruit igitur Christianæ  
 religionis columen, quo dominante, vel  
 i media Turcarum Barbaria veræ pie-



tatis vexillum ponebatur? Necessè est, summe Deus cæli terræque moderator, vt nos humi strati, & immemores beneficiorum tuorū, iam impudenti nec ferēda offensione tuam perennem & singularem bonitatem leserimus, qui nos plaga insanabili & aspero supplicio sis punitus: aut tu HENRICVM beatorum domiciliis illis auratis, & gemmarum nitore collucētibus digniorem iudicauisti, quàm hoc misero & funesto, & pleno acerbitatū omnium loco. Vuat sanè in altissimis tuis sedibus omnium bonorum abundantia circumfluens & beatus, iam exutus mortalitate sempiterno tecum regno & corona potiatur. His ærumnis tot & tantis laboribusque defunctus, in tuę suauitatis glorięque sinu conquiescat. Tum tu vim illam potētissimę dexterę tuę nostris adhuc cervicibus imminētis, vniuersę Gallię fletu & mœrore placatus, si placet cohibebis: vt per te afflictī, per te etiam recreati, tuam immensam & infinitam clementiam laudemus, & ardenti amoris studio prosequamur. D I X I.

ORA



# ORATIO III.

DE MAGNI HENRICI

ADMIRABILI PROVIDEN-

*tia in Catholica Religione lite-*

*risque propagandis.*

**A**MPHIDAMAS Chalcidenſis  
vir fuit cumprimis nobilis, &  
Reipub. gubernandę peritiſſi-  
mus, Auditores, qui cūm Eretrienſes  
plurimis bellis victoriſſque fregiſſet,  
tandem ab illis in conflictu & acerrima  
dimicatione interceptus, vitam ſuam  
quotidianis periculis expoſitam cū ho-  
neſta morte & glorioliſſima cōmutavit.  
Ciues memores beneficiorum & exag-  
gerati animi, quo omnes omnium tem-  
porum duces & patrię lumina ſupera-  
uerat, ad ęternam herois cōmendatio-  
nem, ſuperbiſſimo apparatu & exquiſi-  
to artificio, marmoreum monumētum  
columnis aureis nobilitatum faciun-

K



dum curarunt. Iam inde fuit etiam institutum, ut quotannis ad supulchrum, die prodita, è nobilissimis Græciæ urbibus conuenirent elegantissimi poëtæ suauitudinis architecti, & eloquentiæ procures, qui præmio victori proposito, ingenij neruos industriaque cõtenderet, in laude clarissimi Regis memoriæque celebranda. Fuit illa ætas felicior, quàm quæ vnquam aliquando fuisset, in alendis doctorum ingeniis, & clarorum hominum fama propaganda. Nam cum magna seges poëtarum tum esset, qui à Musis & Apolline docti, vel à Deo quopiam ficti ad dicendum videretur; duo reperti sunt vno anno omnis memoriæ principes Homerus & Hesiodus, qui certatim Amphidamantis monumentum aureo fœtu animorum atque omni versuum elegantia ornarent. Quod cum mecum attentius reputarem, sic existimabam, non id quidem à Græcorum humanitate & moderatione alienum; verum iustius moderatori Galliæ tribuendum esse, ut ad eum merita prædicatione cohonestandum florentissima vndique ingenia, Musarum luscinia, & in Academiis coryphæi stu-

diosius concurrerēt. Neque verò expe-  
 ctandum est, vt ab vna quapiam ciuita-  
 te, extructa moles opere magnifico  
 exadificetur, quæ sit testis animi egregij  
 sempiterna; cùm ipsa Virtus regi opti-  
 mo atque fortissimo, tot locis, tã va-  
 riis, tam opportunis immortale monu-  
 mentum suis quasi manibus extruxerit,  
 quod eius famam nec obliuione eorū  
 qui nunc sunt, nec silentio posterorum  
 insepultam esse patietur. Vellem equi-  
 dem, Auditores, vt Homerus aliquis  
 Hesiodusque hic existerent, diuini ho-  
 mines, & maximè suaues in dicendo, qui  
 politissimis versibus, eam gloriam, om-  
 ni monumento maiorem prosequeren-  
 tur: quibus volens tripodem aureum  
 Chalcidensi longè potiolem, victorum  
 præmium cōsecrarem. Nec despero fo-  
 re propediem bene multos qui in ea re  
 curam industriamque locent suam: sed  
 rem ego sic propositam omnibus exi-  
 stimo, vt qui optimè possint, velle de-  
 beant; qui non possint, etiam id quod  
 possunt, iure ab iis repeti posse videan-  
 tur. Accipite igitur Rhedonenses, non  
 prompti & iam de schola perfecti ado-  
 lescētis breuem & politam orationem.



sed deuoti animi conatum, qui quam se  
 cumque in partem conuerterit, admi-  
 rabiliū rerum splendore circumfu-  
 sus debilitatur. Sed hāsitantiam lin-  
 guæ stuporēque mentis dictio-  
 nis meę breuitas subieuaabit, quæ vt de  
 Deo, parca & reuerens, & tacita reli-  
 gione suspensa titubānsque circumfere-  
 tur. Cū multa verò sint in Regis o-  
 ptimi sanctissimis moribus, omnium  
 eruditorum prædicatione celebranda;  
 lucet maximè inflammata quædam &  
 honesta cupiditas, amorque singularis,  
 tum in Catholica religione propagan-  
 da, tum in bonis artibus longè latēque  
 diffeminandis, quibus rebus est conse-  
 cutus, ut eum æquē sui & alieni cum di-  
 uorum cœlestium religione atque ve-  
 neratione coniungant. Neque enim au-  
 reis alis Euripidis, aut æthereis subtili-  
 ter à Platone fabricatis HENRICVS  
*μαχαρίτης*, sed hac gemina cupiditate  
 ad diuorum concilium & fortunam est  
 euectus: qui cū primū ad regni mo-  
 derationem accessisset, in hoc sibi ela-  
 borandum diligenter, & omni cura at-  
 que industria connitendum existima-  
 uit, vt Pietas atque religio, quę varia-

rum opinionum inuolucris atque nubi-  
 bus erat abdita, in lucem pristinúmque  
 splendorem educeretur. Neque verò  
 quod inclementior quípiam atque du-  
 rior facere potuisset, vi & armis quo-  
 rundam hominum insolentiam, quæ ta-  
 men in dies impunitate ipsa alebatur,  
 repressit & edomuit : sed cùm omnes  
 inter se contrariis sententiis discrepā-  
 tes, sectis varios, religione dissentien-  
 tes, quietos esse voluisset & placatos,  
 homines adhibuit doctos imprimis &  
 vitæ innocentia claros, qui toto animo  
 & inquisitione, in veritatis intelligen-  
 tiam incumberent, scriberent, agerent,  
 tractarent, cōcionarentur : vt qui essent  
 illo quasi æstu atque Euripo turbida-  
 rum opinionum exagitati, atque in alto  
 fluitantes, elata face veritatis, in salu-  
 tis portum tutum & iucundum appelle-  
 rent. O diuinum Regis optimi consi-  
 lium admirandámque prudentiã! quam  
 propter eximias vtilitates multi iam  
 voce literisque prædicauerunt ! Peri-  
 cles totius Græciæ nobilissimus & ma-  
 gni animi excellentia venerandus, cùm  
 Reipub. statum vellet esse florentissi-  
 mum, animúmque suū appulisset ad res



omnes componendas, vnde patriæ felicitas & commune otium expectabatur, Anaxagoram euocauit plenum mentis & sapientiæ virum, cuius ductu consilioque vteretur in maiorum consuetudine propaganda, in laudatis Heroum moribus in cōmunem vitam vsūque reuocandis. Quæ videmus sic ab illo feliciter perfecta, vt eū Athenienses quasi vnum de numero beatorū, quos in claro cæli domicilio Iupiter docuisset, suspicerent & amarent. Laudo illū Græciæ Principem Auditores, & gloria effe-  
rendum memorandūque puto, vel quod ita bene suis ciuibus, patriæque esse voluerit, vel quod tanta perfec-  
erit, quæ veterum annalium monumēta persequuntur: sed illi Regem nostrum vel instituendi sapientia, vel perficiendi felicitate longè præferendum aio. Nam Anaxagoras quidem, tametsi plures vite annos in philosophiæ tabernaculo contriuiisset, & animo scientiāque hau-  
fisset quæ veteres Sapientes de naturis rerum mirabiliter suis in scholis librisque reliquissent: erat tamen in cælestiū cognitione rudis & imperitus, sic vt Solem ignitum esse lapidem assereret,

Lunã autem Solum quoddam illumina-  
tum incredibili varietate, in quo mon-  
tes & depressę conualles, & camporum  
ęquora planitięque viferentur. Itaque  
magnum virum excitavit ille quidem  
Periclem, & vt gladiũ, sic mentem exa-  
cuit, vt ad Ciues bene beatęque regen-  
dos, modos atque vias excogitaret: sed  
profecto nudos Athenienses inopęque  
reliquit eius Sapientię, quę beatę vitę  
rationem explicat, & directas eius re-  
giones metitur. At noster ille Sapiens  
moderator, cũ videret suam Galliani  
ignorantię situ & pãdore squalentem,  
iã multis in locis castę religionis igna-  
ram, prauitate opinionum imbutam,  
erroribus dissipatam, moribus sui dis-  
similem; eãque vellet ad pristinum  
splendorem reducere, viãque felicitatis:  
non Anaxagoram nescio quem ele-  
git nomine Philosophum, de minutis  
rebus ieiunẽ in otio ternuiterque disse-  
rentem; sed claros & pręstãtes in omni  
genere scientiarũ viros, & refertos Sa-  
pientia diuina & humana, qui nõ modo  
quid Sol esset Princeps ille luminum re-  
liquorum possent dicere, sed ipsum iu-  
stitiæ Solum, fontem lucis, & oculum



diuinitatis politis concionibus ante  
 omnium oculos subijcerent, & ad eum  
 peruestigandum cōtuendūmq; inflam-  
 marent. Hos ex omni Doctorum nume-  
 ro singulari iudicio delectos, probè co-  
 gnitos, multum atque diu in Christiana  
 eloquentia versatos, hominū fama & o-  
 pinione celebratos, in varias vrbes  
 prouinciāsque amandabat, quas sciret  
 temporum injuria, aut hominum sce-  
 lere & maleficio incultas à maiorum  
 purissima religione & sanctitate descii-  
 uisse. Quos partim amplissimis Sacer-  
 dotijs, & communis pietatis admini-  
 stratione cohonestauit; vt is honor ad  
 honestissimum quæstum animarum adi-  
 tum patefaceret: partim etiam religiosa  
 paupertate locupletes potius quàm au-  
 ro honoribúsque affluentes ad muneris  
 grauissimi difficultatem ardore animi  
 singulari inflammauit. Publium Scipio-  
 nem Pauli AEmylii natura filium, & ne-  
 potem Africani, alta quadam mente  
 præditum omnium gentium literis atq; lin-  
 guis summa gloria & prædicatione or-  
 natū videmus, in quo sic virtutes emi-  
 nebant omnes, fortitudo in periculis,  
 in summa rerum potestate modus, iusti-  
 tia, pru-

tia, prudentia, vt quænam præstaret ce-  
 teris vix statui posse videretur. Euni  
 aiunt communi Senatus decreto popu-  
 lîque iudicio lectum, qui prouincias  
 omnes peragraret, quæ Romani Impe-  
 rij terminis continerentur, vt esset mo-  
 rum inspector & moderator æquitatis.  
 Quam in rem cum omnem curâ & co-  
 gitationem intendisset, doctum homi-  
 nem è Græcia Panætium Philosophiæ  
 nomine gloriosum accersuit, cuius in-  
 dictis & sapientia conquiesceret ad eam  
 quæ propria iustitiæ est æquitatem in  
 vrbibus & oppidis collocandam. Bene  
 id quidem sapienterque factum veteris  
 æui lumina censuerunt, quorum senten-  
 tiæ meam lubens adscribo: sed ego idẽ  
 sic confirmo, non esse vlla ratione cum  
 Magni HENRICI diuina, celsitque  
 prudentia comparandum. Neque enim  
 vnus opera Panætij est vsus, ad ius di-  
 uinum, Christianasque leges per Galliã  
 vniuersam propagandas, sed doctissi-  
 morum Theologorum, qui concioni-  
 bus grauissimis id fecerunt, plenis ani-  
 mi, ardoris, pietatis, vt tum demum  
 nostra lilia suum candorem habere vi-  
 derentur. Itaque ex illa Panætij pere-  
 L



grinatione, & conatu Scipionis, nullas vrbes aut traductas ad humanitatem, aut grauissimis erroribus solutas accepimus: sed hæc cura prouidentiaque Regis optimi per eos diuinitatis internuncios nefarias de diuinis rebus opiniones sustulit, veras inseruit, plurimos aberrantes perfidiaque mancipatos ab ipsis Orci faucibus reuocauit. Testis Cantabria, quæ sibi doctissimum Antistitem è regio sinu missum lubens agnouit. Testis etiam, vt quod propius abest ab oculis memoriæque attingam, ciuitas Cadomensis, testis in eadē provincia Depensis, testis præterea Ambianensis, testes aliæ oræ atque vrbes, in quas regijs auspicijs, & paterno imperio, doctorum hominum grauissimæ conciones, disputationes, commentaria, lucem fidei veritatisque immiserūt. Quare multi reperti sunt viri graues in vetere dignitate fortunæque parentum orti, stirpe nobili & antiqua prosapia: multæ item nobiles & honestæ matronæ scæminæque lectissimæ; haud pauci doctrina atque optimarum artium studijs eruditi, qui cum essent à prima pænè pueritia in hæreticorum castris, & o-

dioſo erroris dominatu verſati, vnus  
 Eccleſiaſtæ voce ſermonibúſque com-  
 moniti ſeſe in ſinum Romanæ Eccleſiæ  
 & ſalutis portum contulerunt. Qui pro-  
 fectò dum anima ſpirabunt ſua, dum hu-  
 ius uſura lucis fruuntur, quoties de bo-  
 no illo ſuo taciti cogitabunt, toties de  
 ſummo & inaudito Regis beneficio, &  
 immenſa erga ſuos caritate & beneuo-  
 lentia cogitabunt. Atque hæc à me no-  
 minum appoſitione illuſtrarentur, niſi  
 tam vobis eſſent nota quàm mihi: quæ  
 ſanè, quantum mens mea coniectura  
 poteſt aſſequi, monumentis annalium  
 mandabuntur, fama & omnium ſermo-  
 ne celebrabuntur, poſteritati propaga-  
 buntur. Hic incenſus tamque intermi-  
 natus in patriam amor, qui regium  
 pectus inflammabat, non modo in pura  
 puta religione ſpargenda, verum etiam  
 in bonis ſtudiis proferendis, & doctri-  
 na liberali vel per vltimos Galliæ fines  
 amplificanda, vehementer eluxit. Nam  
 fons ille Gratiarum totiúſque ſuauita-  
 tis, quem magnus olim Galliæ modera-  
 tor ſumma cum laude ſuorúmque vtili-  
 tate Lutetiæ Pariſiorum diuinitus a-  
 peruerat, nescio quo fato, propè iam



exaruisse videbatur. Iam splendor Academiae, qui omnium gentium oculos illustri gloria perstrinxerat, imminuebatur. Musarū illi hortuli multi atque nobiles, qui prius tot lusciniarum veluti cantu & eloquentia personabant, lectissimo flore iuuentutis spoliabantur. Neque verò id doctorum hominum penuria contigisse puto, aut viæ in docendo totiusque rationis ignorantia, quæ sæpe adolescentium studia interturbare consuevit: nam ea semper fuit dignitas Academiae, ea apud omnes existimatio, ut è remotis Gallie prouinciis, exterisque nationibus, splendidissimis ingenii homines, eò certatim ut in arcem Palladium confluerent. Viget adhuc semperque viguit eloquentia Princeps Critonius politissimus in dicendo, qui singulari felicitate myrothecium Ciceronis totum excussit & facundiam est assequutus. Erat in cursu Marsilius ingenio præstati, eruditione decocta iam & perfecta, cum aliis studij eiusdem bene multis, quorum voces ut Sirenum cantus etiam duos repugnantésque tenuissent. In regendo, familiam ducebat Gallandius, doctissimæ palæstræ clarus

Epistata & Gymnaſtes, qui labentem illam gloriam ope atque opera fulciebat. Iam in ſtudiis grauioribus excellabant acutiſſimi Philoſophi naturę interpretes, Theologi erudiſſimi & grauiſſimi Duuallius, Gamachæus, apices quidam diuinę loquentis Sapiētię: plurimi alij, docti omnes cęleſtium arcanorum myſtagogi, qui cū dies atque noctes in pulcherrima dicendi contentione verſarentur, cū elaborarent diligenter, & omnes ad eas epulas animorum, Pontificum cœnis potiores, quotidianis ſermonibus euocarent; nō eam tamen adoleſcentium frequentiam, quę multos ante annos fuiſſet, animaduerteabant, non eam illorum copiam, qui prius eò, tanquam auidam ſitim explere cupientes inflammato ſtudio rapiebātur. Inter eos bellorum ſtrepitus & tubarum cantus, qui Gallię partem magnam efferauerant, multi aliò ſuas omnes curas ſtudiáque contulerant: cū non modo leges inter arma, verū etiam Muſę cū Apolline ſiuiſſent, & res domi foret imminuta, plures animum ad mercaturam faciendam, & quęſtuoſiſſimum genus artium admouerāt. Ita-



que Mercurius qui Logius quondam, Princeps mentis, Hegemonque fuisset, derepente & euestigio in Venalitium & Cerdoum euasit. Hic verò quid Rex Sapientissimus effecerit, quid molitus sit, quid excogitarit, paulisper cum animo vestro cogitate. Dedit imprimis summis viris eam prouinciam, ut Academię disciplina, si qua fortè cõmunium temporum fuisset perturbatione labefactata, maturo consilio Sapientum, nouis legibus stabilita confirmaretur. Fuit in ea re studiosè elaboratum, & ratio bellè sanè & prouidentissimè constituta. Scriptę leges, ad amussim & libellā omnia reuocata; ipse ardor & pecuniarum appetitio, ne virtutis & humanitatis officinas importunitate violaret, recisa: illiminata in scholis moderatio: nihil procliuius iam fore videbatur, quàm ut illic Musę omnes sedem ac domiciliū collocarent. Sed iuuentus longè & latè toto regno volitans & solutior, quę cęca libidinibus & voluptate nimium obsurduerat, illa præclara, & Sapienter excogitata non exaudiebat. Hic Rex Magnus diuino consilio, faciamus, inquit, quod in naturis rerum vi-

demus euenire: videtis fluminum al-  
 ueos riuulorum accessione redundare?  
 Ita fiet, vt in vrbibus, variis Collegiis  
 ædificatis, vbi inuentus ad humanita-  
 tem informetur, hæc bonarum doctri-  
 narum mercatura, Principe in vrbe cō-  
 sueta frequentia & splendore celebre-  
 tur. Nulla deinde mora interposita So-  
 cietatis Patres inaudita & singulari be-  
 neuolentia inuitat, quos sciret si nō do-  
 ctissimos & magnarum artium cogni-  
 tione circumfluentes; at industrios &  
 laboriosos, & in tractandis adolescen-  
 tium animis multum atque diu exerci-  
 tatos. Domum habuit in vrbe Flexienfi  
 lautam & elegantem, sed non tam regia  
 magnificentia, quàm ipso Genio & tra-  
 ductæ pueritiæ recordatione venerabi-  
 le: hanc sedē esse voluit eruditionis, hoc  
 Musæum humanitatis, hanc arcem mo-  
 destiæ & religionis, in qua magistri ver-  
 sarentur ex eodem ordine lecti, nobili-  
 tatis Gallicanæ præceptores. Quid hic  
 primū demirer, Auditores? aut quo no-  
 mine tā præclarum, tam Heroe dignum  
 facinus indigitabo? appellem cōmemo-  
 randam & diuinam beneficentiam? an  
 Sapientiam? an benemerendi studium?



an in patriâ atque suos incredibilem caritatem? an potius simul omnia, & munificētissimam Sapientiâ & sapientissimam caritatem; & egregium, planè regium bene merendi studium, aut aliud quod ad rei magnitudinem exaggerandam excogitari posse videatur? Magnum fuit in tanta imperii maximi potentia, tot negotiis summis & operosis & quotidianis occupatum, ad studia componenda, & doctrinas liberales disseminandas animum adiunxisse; rarum & ante hunc diem inauditum, in scholarum vsum regiam domum concessisse: sed eos homines illi præfecisse, qui propter maleuolorum improbitatem & improborum malevolentiam diuturna invidia iam flagrabant, eam ipsam nebulam invidiæ, luce inducta veritatis regio afflatu discussisse, in eorum disciplinam florem Galliæ Principesque iuventutis tradidisse; ea verò sunt, quæ cogitantem animum sua magnitudine possint opprimere. Itaque fecit ut nō modo religiosi illi Patres, quos æterna benevolentia sibi deuinxit, sed ne quidem omnium religionum homines, omnium urbium ciues gratiis referendis pares  
esse

esse videantur. Mihi vero in maiorum  
 nostrorum gloriam intuēti, haud paulò  
 minor Galliae videtur esse felicitas, quā  
 cūm olim Caroli Magni temporibus, se  
 magnarum scientiarum altricem glo-  
 riabatur. Nam cūm ille manu, lingua  
 consilioque Princeps, pius, felix, impe-  
 rij moderator Lutetiae Parisiorum no-  
 bilem Academiam instituisset, tum fu-  
 gientes è Latio literae, nostris homini-  
 bus tam nouo tamque praestabili orna-  
 mento laetitia exultantibus, in eas sedes  
 eruditionis immigrarūt: nullusque fuit  
 tam nihil habens iudicij & humanita-  
 tis, qui non Caroli de inscitia triūphos,  
 longè clarissimis bellorum victoriis  
 anteferreret. Et tamen si annalium histo-  
 rias consulamus, ea fuit illorum tempo-  
 rum barbaries, ut cūm maximus ille Im-  
 perator Parisios aliquando venisset, vix  
 vnus aut alter è nobilitate reperiretur  
 adolescens, qui diuturnae specimen in-  
 stitutionis in doctorum hominum cœ-  
 tu posset edere. Te verò Magne HEN-  
 RICAE, quibus laudibus prosequamur?  
 qua beneuolentia complectemur? qui  
 non modo rudem & inchoatam omniū  
 artium disciplinam, sed florentem &

M



multis in locis pænè dicam gloriosissimè triumphantem reliquisti? Memini quondam duos clarissimos Imperatores Valentinianum & Valentem diuinis propè honoribus consecratos, quod Christianos professores, quos Iulianus à docendo auocauerat, scripta lege perhonorificè reuocassent. Id effatum pulcherrima lege comprehensum in Codice Theodosiano de professoribus exaratum fuit, vbi illi orbis terræ gubernatores ad Præfectum Prætorio Mameratinum rescribunt, vt si quis erudiendis adolescentibus vita pariter & facundia idoneus extitisset, aut nouum institueret auditorium, aut repeteret intermissum. Quod edictum prouinciæ deinde omnes atque populi, admirabili studio, summa omnium ordinum volaptate & utilitate ceperunt. Eius facti præstantissimam dignitatem Rex noster, Auditores, admirabili gloria superauit, qui non modò vetera domicilia iis hominibus restituit qui in formandis adolescentium animis suam operam vigiliisque posuerant, verum etiam tecta sua nouo genere beneficentiæ concessit, instruxit officinas Sapientiæ, & vectigali

peropportuno regiôque locupletatâ.  
 Quare Flexia theatrum fuit elegans &  
 ornatum in medio Galliæ sinu gremio-  
 que situm ad virtutes regias capiendas,  
 ita resonans, vt vsque in oras vlti-  
 mas quas Sol Oriens cadensque videt,  
 HENRICI magnæ Sapienciæ testifi-  
 cationes vocésque referantur: vt nō sit  
 mirum, si omnes imperij Gallicani pro-  
 uinciæ sint excitatæ ad eam laudem ce-  
 lebrandam, in qua exteri capti admira-  
 tione exhorrescunt, Nullus enim sic est,  
 à Musis & humanitate alienus, sic tam  
 similis Imperatori Licinio & Timoni,  
 sic ab omni ratione derelictus, qui non  
 sentiat, non in eam modo urbem, sed in  
 regnum etiam vniuersum, simul cū Mu-  
 sis nouum quendam ardorem honesta-  
 tis amorémque virtutis inductum: &  
 qui candidè rem omnem suis ponderi-  
 bus momentisque librarunt, hoc pænè  
 modò ratiocinantur. Vt Camillas pro-  
 pter inuictam in seruanda Repub. diui-  
 nâmq; constantiam, animique excel-  
 lentiam, alter Romulus & fundator ci-  
 uitatis nominatus fuit: sic HENRI-  
 C V M ter Maximum amplificata gloria  
 literarum, quasi quendam bonarum ar-

M ij



tium parentem, instauratorem, exornatoremque fuisse. Hinc sanè Principes ciuitates quæ pacato florentique statu Reipub. suam omnem administrationem ad decus & dignitatem referebant, regium exemplar imitatæ, Collegia vel antiqua restituerunt, vel noua, summa gloria magnisque opibus ædificanda curarunt, Rhemenfis, Ambianenfis, Rothomagensis, Cadomenfis, plures alia, quæ nihil vtilius iuuentuti, nihil omnibus ordinibus salutaris existimauerunt, quàm vt ea publicæ mentis honestatisque domicilia constituerent, in quibus virtus puerorum animis committeretur. Vos autem Rhedonenses quos in oculis sinuque habeo, hîc absque scelere & malevolentia præterire non possum, vos regiam prudentiam æmulati, in illustri totius Armoricæ loco, in luce patriæ, in complexu grauissimi Senatus, commune Musæum, amplissimum Gymnasium constituistis, quod ego quidem veterum exhedras, peristylia, platanonas, Xystos, ephæbea, longè pulchritudine, sed multò magis solida vtilitate anteire puto. Illæ ædes quas singulari diligentia apparauistis, illa subsellia in quibus doctorum

hominum voces audiri voluistis, illæ  
 scholæ Athenarum pœcilem superan-  
 tes, non magis vestram prouidentiam  
 & in patriam caritatem, quàm H E N-  
 R I C I beneuolentissimam humanita-  
 tem, & in bonas artes amorem testan-  
 tur. De tanto tàmque admirabili Regis  
 beneficio, de vestro præstabili studio,  
 nulla seculorum omnium ætas, nulla tam  
 ingrata posteritas memoriæque conti-  
 cescet. Gratianum ferunt Imperatorem,  
 eum qui è Gallia sibi doctorem litera-  
 rum asciauerat, ad Antonium Præfectum  
 Prætorio edixisse, in primis Galliæ ciui-  
 tatibus, Metropoles appellabat, exci-  
 tanda alendâque esse studia literarum.  
 Pulchrum facinus & Imperatori con-  
 gruum, dicerem felix & fortunatum, si  
 rei euentus illi prouidentie voluntati-  
 que respondisset. Nam tum fuit ea tem-  
 porum licentia, tum bonarum artium  
 inopia quædam atque ieiunitas, vt pau-  
 carum vrbium limitibus & cancellis iis-  
 que sanè perangustis, doctorum homi-  
 num scientiâ concluderetur. Nunc verò  
 cùm tanta sit hominum seges multitu-  
 dôque Sapientum, cùm tanta sit oborta  
 lux eruditionis, vt omnes etiam angu-



los & recessus longè abditissimos illuminarit, cùm Musæ velut aureo curru triumphantes, qualem Pindarus suauissimo carmine delineauit, regiis auspiciis vniuersam Galliam peragrarint, an non fatendum est HENRICVM vnum id effecisse, quod ceteri omnes Imperatores vix vnquam optare potuissent? Quo equius mihi ignosci postulauero, qui languidius subtiliùsque pridè verfor in pulcherrima re explicanda, quæ omnem omnium oratorum facundiam exuperet. Nullius enim tam est acutum & abundans ingenium, nullius tanta dicendi vis & copia, quæ non dicam augere ornâdo Magni HENRICI gloriosam illam Sapientiam queat, sed memorando explicare. Nam cùm sua magnitudine mentem opprimit & obscurat, tum efflorescet in dies magis, & per annos consequentes ad memoriam nominis sempiternam, & perenne decus Galliæ propagabitur: & ni mea me fallit cōiectura, si eum quæ ceperunt cursum tenere studia potuerint, prouideo animo iâmque præsentio, quantum ex eæ regis liberalitate & studio, sit honoris & incrementi bonis artibus & liberalis-

simis studiis accessurum. Non iam ut olim è remotis orbis finibus barbarisque nationibus, ad vnam modo Parisiensem Academiam Sapientiæ domum inuisendā, doctissimi homines admiratione ducti accurrent : sed vbicunque figent vestigia, in quacumque Galliæ vrbe, si modo alicuius nominis atque pretij, contulerint; doctrinarum clarissima vestigia, non pressa leuiter ad speciem inanis prudentiæ, sed altè impressa ad diuturnam temporis cōtinationem occurrent. Licebit intueri summa cum voluptate Musarum splendidissima domicilia Regis optimi aut recenti beneficio instituta, aut nutu imperioque restituta. Non poterunt hospites & peregrini non vehementer admirari choros iuuentutis per medias laudes Sapientiæ quasi quadrigis albis vehentes, iis præsertim in oppidis, vbi olim tenuis literarum fama consenuerat. Tum videlicet in tanta luce & splendore cognitionis, nos beatissimos ferent & prædicabunt, quibus tantus ad præstantem eruditionem ductor, famæ auctor, impulsorque virtutis, diuina quod aiunt virgula sit concessus. Insulam quandam in

Oceano scribit fuisse Hecataus è Gal-  
 lia regione sitam, Hyperboream nomi-  
 natam, vbi Phœbus summis & conti-  
 nuis honoribus coleretur, In eam deci-  
 mo nono quoque anno Apollo veniebat  
 cognitionis Deus parénsque doctrina-  
 rum, qui se in hominū cœtum insinuans,  
 cantu & fidibus & odore diuinitatis o-  
 mnium animos suauitudo perfusus le-  
 niret. Quo dono atque munere sic o-  
 mnium mentes reficiebātur incolarum,  
 sic efferebantur lætitia & gloriatione,  
 vt se hominum fortunatissimos exi-  
 stimarent. *Quam* te video mea Gallia!  
 quātis donis & cælesti suauitudo for-  
 tunatam, in quam venit HENRICO  
 duce laureatus Apollo, non modo can-  
 tu & numeris, verum etiam omni gene-  
 re cognitionis instructus, vbi non breui  
 tēporis intercapedine post diuturnam  
 absentiam hæreat, sed in qua lubens in  
 omnem æternitatem moretur omnis e-  
 legantiæ doctor & humanitatis. Erat o-  
 lim schola quædam humanitatis Con-  
 stantinopoli, bibliotheca pulcherrima,  
 splendidissima domus, quam Manasses  
 Constantinus Amorum hortum, lucum  
 omnium Gratiarum appellat, & cū hor-  
 to illo



to illo Edenæo, cui Adamus cumulatius felicitate præfuit, conferri merito posse dicit. In ea fuit thesaurus librorum clarissimus, qui multa millia voluminum cōplectebatur, cui duodecim homines longè doctissimi & summa vitæ innocētia præluerunt; qui omnes simul cum ea Musarum domo, non leui sed multo maxima Oriētis calamitate sunt extincti, furente in Ecclesiam Catholicā Leone Isaurico Iconoclasta. Id musæum, arx illa Palladia, religionis armamentarium, fuit semper habitum ejusmodi, ut eo florente omnia suam dignitatem habitura, cadente penitusque deleta in grauem intolerandamq; perniciem ruitura omnia existimarent. O Flexia! quam flos ille nobilitatis tuæ alumnus disciplinæ, quam maximi Regis gratia, fauor, beneuolentia, tot & tantis significationibus declarata, ad caelestes propè orbes cœtūmq; beatorum, fama & celebritate sustulit; vereor ne te magnificè gloriosēque circūspiciens, te solam Amorum illū hortum, Charitū hospitium, Phœbi Semnæum esse putes. Non est ita; nec debes eius, quo patrono verè pio verè augusto

N

& cælesti gloriaris, diuinam prouidentiam exiguis illis cæcellis definire. Tota, tota Gallia est iucundissimus hortus Gratiarum regia manu confitus & ornatus, qui mihi videtur Hesperidum fructus auroreos, pensiles Assyriorum delicias, Adonidis hortos, Alcinoi pometa superare. Gallia, inquam, est Amorum hortus, Edenæo similis, Constantinopolitano longè nobilior, in quo sacra & respersa dicta Sapientum, oracula veterum, effata nouorum, respôsa prudentum, multiplex eruditio, iura, leges, encyclopædia; &, vt breui dicam, humana & diuina summa perfectione reperiuntur. Hunc hortum excolunt nō duodecim tantum homines disciplinis eruditi, sed innumeri omnibus iis artibus quæ sunt libero homine dignæ perpoliti, mysteriorum interpretes, religionis duces, humanitatis præceptores. Denique iure quodam suo Gallia se regium & amœnissimum hortum appellarit. Nam in hortis videmus partitas sectiones admirabili varietate, ambulationes, areas, puluinos, interualla, pergulas frondibus inumbratas, herbarum luxuriam & viriditatem, ter-

ræ geniū, artis ingeniū: hic ridere vio-  
 las, illic rosas, hic lilia aureis crocis,  
 rotundis calicibus cali decus imitan-  
 tia: fragrare hic nardum, flagrare flam-  
 mulam, Hiacynthum purpurascere, ca-  
 lendulā Soli obsequi, lucē aperiri, cœ-  
 lestem cursum æmulari. In medio, vt fe-  
 rē fit, vitreum fontem atque pellucidū  
 videre licet exquisito artificio stru-  
 cturāque perfectum, in quo sit labrum &  
 immissarium marmoreum, aut ex ære  
 inaurato modulus, vnde postea riuus  
 aut siphunculis aqua in areolas & Sti-  
 badia deriuetur. Date mihi hanc veniā  
 Topici Genij atque Præstites, vt in hūc  
 hortum Galliarum, in thalamum Gra-  
 tiarum, in lucum Apollinis mea cursim  
 ingrediatur oratio. Deus immortalis!  
 quæ species oboritur oculis meis! quæ  
 locorum suauitates! quæ amœnitates!  
 quā me delectant flores aurei inscri-  
 pti nomina regis! quā me recreat nō  
 odoratus tantum, sed & aspectus! video  
 imprimis vt in horti medio, sic in Gal-  
 liæ vmbilico fontem Academiae vber-  
 rimum Lutetiæ positum & extructum,  
 qui tot locis patefactus aquam mittit,  
 non Marciam illam veterem, sed Ro-

N ij



manam virginem, sanè virginem pro-  
 ter illud decus Sorboneum, quod nun-  
 quam incēstis erroribus & flagitiosa  
 libidine, religionis integritatem Ro-  
 manāque pietatem violauit. Hic ve-  
 rò quot Gymnasia tot castella sunt &  
 diuidicula, vberibus mannis atq; au-  
 reis epistomis manantia: hinc vt ex la-  
 cu, per centenarios tubos & salientes,  
 salutares vnda Sapiētię per omnes par-  
 tes funduntur. Circuducite mecum o-  
 culos in istas deinde arcolas toto re-  
 gno matura prudentia regis optimi di-  
 stributas, in puluinos omni florum sua-  
 uitate repletos & abundantes, vnde af-  
 flatus odor maximarum vrbium iuuen-  
 tutem reficit & recreat: in lucos eos  
 Camœnarum & Daphnones, vbi tot a-  
 pum, clarius dicam, Poëtarum mela at-  
 que mella, tot auicularum scita quadam  
 vocum inflexione canentium, hoc est  
 oratorum polita & numerosa dictio, v-  
 bi argutę Philosophorum disputatio-  
 nes, tot granissimę conciones Theolo-  
 gorum, vbi denique illa herbesçens vi-  
 riditas scientiarū, & omni tempore an-  
 ni insignium florum copia, quanta li-  
 liorum pulchritudo! quanta rosarum!

quanta violarum vbertas ! quanta va-  
 rietas ornamentorum ! Enimuerò hæc  
 tot & tanta H E N R I C I A N O Sole vi-  
 gent, florent, sese efferunt, animantur.  
 Ille viuidam vini claro & sereno vultu  
 immisit, illius aura beneuolentiæ solum  
 hoc regni tepefactum ad omnē doctri-  
 narum maturitatem fœcundum reddit.  
 Cùm igitur in Gallia videamus efflo-  
 rescere Collegia, in Collegiis ingenia,  
 in ingeniis laudem existimationēque  
 virtutis; dubitemus hanc felicitatē no-  
 stræ nationis propriam & perennem  
 Regis beneficio hoc æterno prouiden-  
 tiæque futuram? Nascenti quōdam Au-  
 reliano, cui postea sui regendi quasdam  
 quasi habenas Romanus populus attri-  
 buit, hoc imprimis orbis terræ imperiū  
 summūque dominatum portendisse  
 suauis politusque scriptor Callicrates  
 Tyrius memorauit, quod in corte eius  
 matris, quæ tum erat Solis antistes, ro-  
 sæ odoris grati, floris aurei exissent.  
 Quid sperandum est de imperio Galli-  
 cano, in quo videmus pubescentes ver-  
 nantēque rosas, candentia lilia floris  
 aurei odorisque diuini? Atque vtinam  
 ea vires essent mæx, ea corporis late-

rumque firmitudo, vt ad omnes oras  
 Galliã atque prouincias mea ferri pos-  
 set oratio: summos, medios infimos  
 obsecrarem, obtestarer vniuersos, vt  
 hoc fructu suauissimo literarum per-  
 fruentes, Regis tantam tamque incre-  
 dibilem beneficentiam perpetua me-  
 moria & gratiarum actione prosequen-  
 rentur. Iuuenes admonerem, vt quo-  
 niam ad hanc amœnitatem, & rosaria  
 Camœnarum sui Regis ductu & proui-  
 dentia vocati essent, hincserta & coro-  
 namenta glorię suimerent, hinc coronas  
 pactiles quarum summa fuit apud anti-  
 quos auctoritas, hinc sutiles non iã pe-  
 tendas ex remotissimis Indiis, sed in  
 sinu Galliã progenitas. Et vt po. Rom.  
 vni Scipioni florum honorem, sic vni  
 H E N R I C O strophia lemniscata fer-  
 rent. Sed quoniam non quæ optamus  
 euenire possunt omnia, neque subito ex  
 animi sentetia, votisque succedere; vos  
 ego duntaxat appello Adolefcētes qui  
 ad hoc Britonum Emporium, vbi mini-  
 mi studia literarum constant, pulcher-  
 ri na contentione & ardore honestatis  
 maximo aduolauistis, illum diem quo  
 Rex maximus ad fundanda constituen-



dâque domicilia literarum animum ap-  
 pulit, vobis lætum, vniuersę patrię bea-  
 tissimũ illuxisse abitrâmini: quidquid  
 est humanitatis, quod natura vobis e-  
 ruditióque concesserit, illud omne in  
 hoc patrono literarum celebrando, in  
 eius nomine ad aliarum gentiũ cogni-  
 tionem fama & commendatione trans-  
 mittendo consumite; pro virili vestra  
 parte contendite ne eius diuinum con-  
 silium tanti boni per imperium Galli-  
 canum dum hominum genus erit disse-  
 minandi, vanum & irritum fuisse videat-  
 ur. Apollonius Tyaneus in suburbanos  
 agros Antiochię profectus, cùm per  
 campos oleis confitos animo vacuo so-  
 lutóque spatiaretur, vidit hortulum vbi  
 apum erant examina florésque permul-  
 ti, in quem ingressus nescio quid præ-  
 sagiens diuinitus & præsentis Pandorę  
 sacrificauit: terrã deinde cùm egeri  
 effodique curauisset, thesaurum omni  
 opulencia refertum, veteribus gazis il-  
 libatisq; redundãs inuenit. Vos in Gal-  
 liam sic florentem vt in hortũ animo &  
 cogitatione ingredientiẽs, non Pandorę  
 sed datori omnium largitorique Deo  
 grates agite, & HENRICI liberali

providentia tot Gymnasiis ditissimos  
 vobis thesauros opibus circumfluentes  
 recondi exillimatote. Vos autem So-  
 cietatis Patres, quos ille vestræ pietatis  
 defensor egregius, tam caros habuit, tam-  
 que eximie dilexit, imitamini sanctis-  
 simum Ambrosium Valentiniani obitum  
 Imperatoris luctu & commendatione  
 prosequentem. *Non ego, inquit, floribus tu-  
 mulum eius affergam, sed spiritum eius Christi  
 odore perfundam: spargant alii plenis lilia cala-  
 zhis, nobis lilium est Christus, hoc reliquias eius  
 sacramento.* Ita facite, preces adhibete, nu-  
 men propitiate, non ut Gratia & Ho-  
 re apud Apuleium iaculis floris serti  
 & soluti, sed votis & religione, statisque  
 sacrificiis castè & ritu Christiano per-  
 fectis. Tum tu parens sanctissime, cu-  
 ius nutu atque arbitrio sola terrarum, sed  
 inultò magis hominum sensus consilia-  
 que reguntur, florentissimum hoc re-  
 gnum tueberis, & Heroem indigentem  
 HENRICVM purpura letum gloriæque  
 cælesti, beatarum mentium delitiis a-  
 bundantem, in amplissimo tecum solio  
 in omnem æternitatem sedere patieris.

D I X I.

O R A-



## ORATIO IIII.

DE REGIAE VITAE CVRSV  
ET EGREGIIS HENRICI  
MAGNI OCCVPA-  
TIONIBVS.



AB IS iterum mihi hanc ve-  
niam, pollens HENRICE,  
tuos vt Manes iam in sede  
beatorū quietos, gloriāque  
circumfluentes, hac strepera & minimē  
suauī oratione solicitem. Si tu in Græ-  
cia illo claro Heroibus quo, natus fuif-  
ses & è corporis ergastulo solutus, tibi  
vrbes, recordatione tui nominis, & re-  
cè factorū memoria, ludos sacros in-  
stituissent: multique forent qui in tuis  
victoriis prædicandis ornandāque glo-  
ria, præmia victoriæ communi sapien-  
tum iudicio consequerentur. Sed illa  
magnus è Græcia vir & sublimis apex  
Theologiæ, verè παύρνια, & leuitatis  
humanae ludibria vocat: nos puriores

O



tibi Choas inferemus, & Nazianzenum illum sanctissimum imitati Christianæ facundiæ principem, & Cypriani de mortui laudes cohonestantem, non oliuam Olympicam, nec poma Delphicas nugas; non pinum, non apium quibus miseri adolescentes olim ornabantur, sed λόγων ἀπαρχαί & quidquid est quod dicendo cogitandóq; possumus, in medium proferemus. Neque verò nouo quodā exordio fuerit opus, apud vos, humanissimi Auditores, vt vestrá beneuolentiam colligam & attentioné, quos video tota mente atque animo de Regis incredibilib<sup>9</sup> meritis & honore singulari cogitantes. Potius vereor, ne quod gratiæ causa facio, quòd fiat tardius, minus gratum expectationi vestræ sit futurum. Quāquam me mouent eruditorum hominum iudicia, & vetus Apollonij Tyanei facinus, qui cū in adolescentem incidisset studiis humanitatis & eloquentia flagrantē, qui de Ioue se cōptam & expolitam orationem clucubrauisse diceret, idem tamen à parente suo commendando propter vitæ singularem dignitatem & morum excellentiam abstinuisse confiteretur,

iuuenis audaciam & impudentissimam temeritatem homo grauis & seuerus acri & aculeata oratione coërcuit; cum exclamaret vix ferēdum, imo indignissimum videri, vt qui hominem vnum de multis atque mediocrem se non satis ornare posse diffideret, is Iouem dominatorem rerum, & vt ait Homerus, Patrem diuūmque hominūmque tenui & dissipata oratione prosequeretur. Quod si eum esse me venditarem qui rerum ab HENRICO gestarum magnitudinem, & virtutum omniū admirabilitatem, non modo mente & animo complecti, sed exquisito genere orationis amplificare possem, non defugerem, quin in me iustæ omnium cōtumeliæ & verborum aculei conijcerentur. Sed si Regis præstans & diuina virtus, si decora vitæ antea actæ, si mirificus in patriam amor, gloria, felicitas sunt eiusmodi, vt si muti sint homines, ipsæ pecudes atque saxa prædicatura videantur: quis non satius existimaauerit, vt memorando potius inepti & imperiti, quàm tacendo ingratisimi & maxime impij nominemur? Age verò metu omni posito & honestam aud.

O ij

ciam capientes ad rem ipsam aggrediamur. HENRICVM antea vidistis terrorem hostium, incredibili animi robore septum, clarum trophæis, & vbiq; triumphis ornatum: hæret opinor & insidet penitus in animis vestris eius admirabilis clementia & humanitas, qua Iani portas occlusit, bellis ciuilibus, & ferocientium Gallorum motu & occidione patefactas: est adhuc in recenti memoria singularis & diuina Regis prudentia in amplissimo regno administrando, in propaganda maiorum fide & religione, in doctrinis in omne imperium Gallicanum felicissimè proferendis, quas videmus summa bonorum omnium voluptate, fructu maximo, multis in vrbibus efflorescere. Nunc eundem patriæ parentē quasi domū reuocabo, vt propriā priuatāque felicitatem tot & tātis tamque insignibus bonis exaggeratā, ceterāque felicissimi otij commoda & regiæ vitæ ornamenta videamus. Ac mihi quidem hic imprimis occurrit M. Catonis dictum sapiens, & effatum verissimum, quod initio Originum suarum posuit, Clarorum virorum atque magnorū non



minus otij quàm negotij rationem extare oportere. Semper enim magnus animus & egregiè à natura comparatus, & in cursu ad beatam vitam directo, & in quadam agitatione versatur; nihilque timet vehementius, quàm ne illa inuida mens & incitata, ad res magnas & egregias moliendas perficiendæque attributa, inertio otio & desidioso languescat. Talem fuisse Pub. Scipionem existimo, Romani imperij decus, & præstantissimæ dignitatis exemplar; quem dicere solitum accepimus, nunquam se minus ociosum esse quàm cum esset ociosus. Nam cum se tandem è bellorum fluctibus eripuisset, & se Romam tanquam in otij portum plenissimum dignitatis contulisset, tum mentem omnem atque industriam ad Senatorium munus & publicam rem ornandam & constituendam appellebat. Itaque nullum tempus fuit magno Scipioni vacuum magnis rebus, & minimè fructuosum, unde videmus tantam laudis honorisque segetem, & commodorum vbertatem extitisse. Obsecro vos Auditores, reflectite iam oculo

O iij

los à Romanis in Galliam triumphan-  
 tem & contuemini mecum HENRI-  
 CVM è diuturnis bellis ex animi sen-  
 tentia confectis gloriosissimè redeun-  
 tem, comitemur vsque in Luparam re-  
 giam illam sedem Parisiensem tot lau-  
 reis, tam suavi mytho, tam lata vberì-  
 que olea fulgentem & vndique venerā-  
 dam: præstabilem Heroem in auito so-  
 lio collocemus, cui fata iam beatum o-  
 tium laborisq; renuissionē concedunt:  
 seponantur tantisper galeæ, adaman-  
 tina illa Martis tunica, & damasceni  
 gladij quiescant, sileat etiam lituorum  
 clangor & tubarum cantus, nullæ tesse-  
 ræ, nulla iam vexilla moueantur, ipse  
 ardor populi infiniti, gratulantiumque  
 voces deferuescant, cœlestis & ætæ: ne  
 Pacis oraculum exaudiatur publicum  
 otium & tranquillitatem imperantis.  
 Vultis igitur in penetrales focos ingre-  
 diamur, & in illud tam augustum, pala-  
 tium ne dicam HENRICI, an Virtu-  
 tis Semineū arcemque Maiestatis? Co-  
 gitare magno Scipione maiorem quen-  
 dam & diuiniorē, qui omnem anti-  
 quitatis memoriam bene agendo su-  
 perauerit, tum intelligetis Regi Maxi-

mo in otio fuisse negotium, neque vnquam minus fuisse otiosum, quam cum tacitis orbis terræ iudiciis licuit esse otioso & quieto. Non enim quod pluribus olim Regibus & Dynastis contingit, pace parta fortunæque blandiente, sese cōiecit desidiosissimas in latebras, & se penitus in voluptates inertēsque delicias ingurgitavit. Nam memini nostrorum Regum qui fundati iāmque stabilis Gallicani imperij gloriā, ignavo otio languidōque minuerunt: qui cum fuissent sceptro & corona, ceterisque regni insignibus ornati, quasi homines exuissent, sic in tenebris mortuorum similes & tanquam Vestali secreto vivebant, aut verius immoriebatur. Cumque Maij Calēdæ aduenissent, ne planè illo veluti in sepulchro, otiosis voluptatibus computruisse viderentur, semel in anno se populo spectandos ex alto & sublimi loco præbebant, ut veros vnus diei flosculos aut potius ut imperij maculas & amplissimę dignitatis. Absit verò ut de HENRICO simile quidpiā cogitemus, qui cum esset grauis in bellis & periculosissimis exercitatus, iāmque ætas, & triumphī



honorúmque affluentia , iustissimam  
 quietem operúmque remissionem pol-  
 liceretur, nunquam est passus genero-  
 sum impetum illúmque ardorem ad om-  
 nem animi excellentiam, tenebra-  
 rum & parietum custodiis, sordidáque  
 ignauia consenescere. Illum quotidie in  
 oculis suorum videbamus aliquid sem-  
 per agentem atque molientem regia  
 cura dignum atque industria, quod sibi,  
 quod regiæ familiæ, quod amicis, quod  
 alienis, quod priuatis, quod vniuersæ  
 quoque Reip. fore commodum atque  
 vtile videretur. Persarum magni Reges  
 cùm inter eos moderatæ essent delitiæ,  
 nec veterum Sapientum instituta pol-  
 luissent, certum habuerunt de cubicu-  
 lariis hominem, qui sub auroram ad-  
 moneret *παραγμάτων προτιζειν* è stra-  
 to surgerent, res diligenter admini-  
 strarent quas illis Deus concredidisset.  
 At noster Heros métem habuit & pro-  
 uidentiam insitam penitus animóque  
 impressam, quæ nullam vel nocturnæ  
 vel diurnæ quietis partē vacuā esse pa-  
 tiebatur ea cura & negotiorū prouisione  
 quæ Deus rerum omnium archi-  
 tectus eius prouidentia commisisset:  
 etiam

etiam in somnis & cubili Iouis ille  
 nuntius bellè pictus ab Homero, adesse  
 videbatur, qui ad aurem insurraret  
 & *ἔνδ' ἰδὼν πᾶν ἔπος*, non esse fas ne-  
 que verum, eum solidam perpetèmque  
 noctē dormire, à quo vno plurimorum  
 populorum salus felicitásque penderet.  
 Itaque non prius Sol Princeps luminū  
 reliquorum, quem splendidam regiae  
 dignitatis imaginem esse volunt, cur-  
 riculum ingrediebatur sum, & homi-  
 nibus lucem operūmque labores refe-  
 rebat, quàm **HENRICVS** in suo cur-  
 su esset & præstanti mentis agitatione,  
 qua res omnes vel longè antè quàm ac-  
 cideret, animo præciperet, vel inchoa-  
 tas pertexeret, vel modos atque vias  
 excogitaret ad imperij statum quàm  
 florentissimum efficiendum. Philippus  
 Comminæus cū res Caroli octavi in  
 Italia gestas oratione persequitur, Mō-  
 tispenseri quendam fuisse ducem ait è  
 Borboniorū familia, claro genere pro-  
 sapiáque nobilem, quem Neapoli regij  
 muneris Vicarium moderator ille Gal-  
 lia reliquisset, hominem quidem in cō-  
 siliis atque pugna minimè timidum &  
 fugientem, sed qui tamen esset tam pa-



rum in rerum curatione sollicitus, tam non cautus atque prouidus futurorum, ut vix vnquam è lectulo atque somno ante meridiem excitaretur. O flos delibate Borboniorum HENRICUS, de te cum scriptores annalium memorabunt, non poterunt non illam tuam præstantissimi animi vim naturamque extollere, quæ languorē atque somnos & delicatorem hominum cessationem repudiet, otiosum otium fugiat, & assiduo labore corporis, animique occupatione recreetur. Smyndrydem quendam in Italia Principem (verius pecudem aureo vellere, quippe diuitiis nobilem, sed plūbeo corde ut ignauum) gloriari solitum ferunt, cum fortunam apud amicos suam & beatitatem efferret, se viginti totos annos, neque Orientem Solem neque Occidentem vidisse, cum maximam diei partem in lecto & gurgustio, & Sybaritica in mensa consumeret. Tu Rex Magne iure tuo gloriari poteris & prædicare, tot annis quibus habenas pulcherrimi regni prouidentissimè tenuisti, nullum tibi illuxisse diem, quo Sol Oriens atque Occidens non te viderit magnis rebus,



præstabili ingenio dignis, studiosissimè occupatum, ut altè in animo illud Titi Imperatoris inuississe videare, qui se diem quo nil boni fecerat, aiebat perdidisse. Non hereamus Auditores, in eo ipso Regiæ vestibulo in quo vos antè statueram. Ecce tibi omnis generis homines in aulam commeantes, viri Principes atque Primarij, noti, ignoti, Galli, exteri, legati, mercatores, militum Duces, Ciuitatum gubernatores, Curia Principes. Hic ab Italia, ille à Lusitania, alius ab extremis Orientis finibus Dynastarum mandata exponit. Hic urbem aliquam à perfidiosissimis hominibus tentari nunciat, clandestina consilia agitari, serpere audaciam, regiam auctoritatem plurimum in ea re valituram: ille sua, alius aliena curat negotia, beneficia poscit, priuilegia decerni postulat. Est qui fortunæ telis appetitus ab excitato bonorum fastigio in miseram vitæ conditionem delapsus, antiqua decora militiæ representet, gratiam colligat, genibus aduolutus misericordie litet. In hac tanta tamque incredibili rerum varietate diuinum illud ingenium quid fa-

cit ? Deus immortalis ! non dicerem, nisi res fuisset in oculis, & in viuorum memoria sit perpetuis seculorum ætatibus, & omnium temporum consecutione futura. Primum quidem benignè omnes audiebat, res difficiles & cōtortas, & in magna obscuritate positas sic tractabat vt manu, ita erat in negotiorum cognitione peritus, quasi præsens vbique fuisset aliquando ; & hominum differentiam, locorum interuallum, prouinciarum amplitudinem cognouisset : ea fuit memoria, vt æquaret Mithridatem, nihil vt effugeret, omnia meminisset : tam acutè tamque subtiliter respondebat, ea sermonis vrbani-  
tate, lepore, gratia, vt omnes orbis Academias perlustrasse, argutula Philosophorū dicta, & oratorū collegisse, in scholis potius quàm in castris ætatem omnem contriuisse videretur. Hic exteri capti admiratione stupebant videlicet attonitique hærebant, gaudebant nostri ; omnes cum Principem, Regum decus, imperii exemplar, regiae prudentiæ tabernaculum, immortalī vita dignissimum existimabant. Neque verò, quod in aliis exigue mentis angu-



Atque animi est indicium, in vna re cō-  
 ficienda multum operæ temporisque  
 ponebat, sed cū esset eo iudicio atq;  
 ingenio, vt subito causas rerum & cō-  
 secutiones animaduerneret; prius no-  
 dum expediebat, quàm ceteri, qua de  
 re ageretur, plenè videre potuissent.  
 Atque in ea quidem cœlesti Regis di-  
 uinæque natura, cū multa fuerint o-  
 mni prædicatione maiora in quibus au-  
 diendis, tum nostri, tum gentium alia-  
 rum populi admiratione obstupescit  
 exhorrescebāt; tū illud vulgò iactari au-  
 diebatis, & opinor experti meministis  
 Auditores, nullum fuisse omnis memo-  
 riæ Principem, nullum Regē & Impe-  
 ratorē ad quem tā mollis aditus atque  
 patens omni hominum generi propo-  
 neretur, qui tam facili comitate, qui tā  
 comi in audiendo facilitate sit vsus.  
 Nam Persarum quidem Reges cū o-  
 mni se fortuna superiores arbitraren-  
 tur, Solisque se Lunæque fratres ap-  
 pellarent, legem tulerant vt qui regiam  
 non vocatus ingrederetur, & vel in  
 ipsum atrium penetraret, subito ad  
 mortem atque omnem acerbicatem ra-  
 peretur, nisi Princeps virgam auream,

P. II



porrexisset. Cúmque ventum esset in conspectum, tum reductis in tergum manib<sup>9</sup> toto corpore sterni oportebat. quod illi *αγορεύειν* dicebant, & solum ipsum mento atque ore suauari. Quid hoc tempore? quisquam ne tam peregrinus est tàmque hospes in Regum moribus & Imperatorum, qui nesciat etiamnum quosdam esse qui aliorum hominum fastidio sic intimis in palatiis delitescant, vt reperti sint bene multi qui pecuniis infinitis ad terrestres illos Deos fortunæque filios adiutum coëmerint, qui sæpe tamen ea dominantium insolentia prohibiti, diu sperata voluptate caruerunt? Alios etiam magnos Reges videre est superbia inflatos & humani generis contemptione gloriosos, qui quasi naturam omnem cæli terræque despiciant, sese conspiciendos præbent cinctos facibus splendidissimo lumine fulgētibus, quas formosi pueri atque circumpedes teneant summa animi corporisque demissione. O humanitatem Gallici nominis generisq; propriam! quàm tu HENRICE admirabili vitæ ratione in cælum extulisti. Facessant illa Persarum fucata Ma-

iestatis insignia, remoueantur aureæ  
 virgæ ab hoc regno vbi comitas sua-  
 uissimique mores domicilium suū col-  
 locarunt, aut ad eam arrogantium ho-  
 minum superbiam comprimendam  
 coercendâque seruentur. Illæ faces  
 insolentiæ indices & imperiosi fastidii  
 Lethæis vndis extinguantur. Non est  
 opus illo amplitudinis emendicato ap-  
 paratu nostro Regi, qui totus aureus  
 est atque virga, pretio virtutis & impe-  
 rio Maiestatis; totus lumen est & quasi  
 Pythagoræorum manu factus qui Re-  
 gem esse volebāt *Ἀγυρίαντον ἡ Φύσιν*  
 pulcherrimis naturæ donis collucen-  
 tem; contemnit meritò fumos & funa-  
 lia, cuius splendor virtutis & sapientiæ  
 iam ptouincias tanto interuallo disiun-  
 ctas incredibili celeritate peruolauit.  
 Itaque vidimus fores regias nullis si-  
 pariis atque velis inumbratas, nullis  
 Admissionalibus interclusas, nullas co-  
 hortibus amicorum descriptas, & quod  
 de bono Imperatore Vespasiano dixit  
 Plinius æqualiter Principem publica-  
 tum. Adeum proinde libero introitu,  
 omnium ordinū homines accedebant,  
 ille omnibus ius & æquitatem disper-

tiebatur : si quæ forent nouis legibus  
 vincienda, sanciebat ; si lites & discor-  
 dia nobilium significarentur, dirime-  
 bat, & ne acciderent aliquando saluta-  
 ribus edictis prouidebat : placidè o-  
 mnes & nota frontis animique hilari-  
 tate audiebat. Quis verò tristis ab co-  
 mmercijsque recessit ? cuius exulcerati  
 animi vulnus atque morbum non ea  
 vultus & oris comitate sanauit ? quis-  
 quàmne reperietur tam missilium audi-  
 dus appetensque donatiui, qui regia  
 beneficia minus lauta & benigna fuisse  
 queratur ? Imò verò quis sua benefacta  
 nō largis cumulatisque præmijs & mul-  
 ta bona gratia cōpeniata existimauit ?  
 Hic meritis & hominum Sapientum o-  
 pinione cognitus, & tanti Regis iudi-  
 cio veluti censorio probatus, amplissi-  
 ma sacerdotia auferebat : alter arcis  
 oppidique custodiam, varij varios ho-  
 norum gradus magistratusque capie-  
 bant, quibus illi non tam se ornari gau-  
 debant, quàm sui Regis incredibilent  
 Sapientiam & prolixam beneuolētiam  
 venerabantur, qui à prima pueritia Xe-  
 nophonteium illud altè animo imbi-  
 bisse videretur, Regi esse multo hone-  
 stius.



stius τῷ χαίτων ἀπολιπεῖν, ἢ πο-  
 πύων πλήθος, beneficiorum quàm tro-  
 pæorum multitudinem copiâmq̃ue re-  
 linquere. Sed qui semper in palatij lu-  
 ce versabantur, qui habitabant in oculis  
 Principis, clarissimo genere orti, & o-  
 mnes eius actiones diligentissimè spe-  
 culabantur, non poterant non illam  
 Magni HENRICI in negotiis confi-  
 ciendis exhauriendisque cōstantiam &  
 molestam assiduitatem mirari. Quidam  
 etiam Barbatuli iuuenes, delicatuli pur-  
 purati, qui semper in rosa deliciisque  
 fuissent, cū se ad aulam applicuissent,  
 eam Spartanam duritiem animique cō-  
 tentionem taciti secum verecundantēs-  
 que reprehendebant: nam quemadmo-  
 dum Seuerus olim Imperator, militari  
 Tribuno petenti nō aliam tesseram da-  
 bat quàm *laboremus*; sic HENRICVS  
 suo exemplo illo illustri & in alto posi-  
 to, tot negotiis laboriosissimis confe-  
 ctus cohortem illam Palatinam ad la-  
 bores magno animo dignos, magno a-  
 nimo excipiendos allicere videbatur.  
 Sed cū essent quietis amātiores quàm  
 sudoris, cupediarum quàm vigiliarum,  
 ludi quàm laudis tam molesta industria

Q

parandæ, cum Adamantium, cum Chalcenterum, cum Herculem indigitabāt, ærumnis haustum, mundi baiulum, inuictum & indefessum. O Marce Cato, Censorium appello, in toga Philosophum, ante literas eruditum, prudentiæ Romanæ decus & exemplar, tu dicere solebas trium te rerum in omni vita si fortè contingerent, pœnitere consueuisse, quorum id fuit haud postremum, si diem tibi integrum labi de manibus sine fructu & vtilitate fuisses. Tuam illam felicitatem quam votis & animi cōtentione cupiebas, nostræ Galliæ moderator felicissimè consecutus est, qui nullum diem vidit in hoc otio Gallicano, in quo se multa non vidisse, audiuisse, respondisse, tractasse, confecisse, elaborauisse denique summa industria, patientia, assiduitate, meminisset. Sed sic modus aliquis labori, corpus aliquando reficiatur, animus à perpetua illa negotiorū contentione reuocetur, sternantur mensæ, epulæ regiæ proponantur, Rex accumbat, nihil in eo magnificentiae genere prætermittatur. Aduocentur Sanuiones & capræ, & è scurrarum natione homines ridiculi & dictiosi, à qui-

bus diuitum mensæ conuiuiaque celebrantur, inducantur subito in conspectum albi illi asini & Palatini moriones, qui morantur in aula & in olla, risum excitent, ludos exhibeant atque iocos, falsis dictæ iis tuceta condiant, oxymora propinent. Quis enim nō existimet hoc meritissimò tribuendum esse magno Regi, vt matutina illa negotiorum tamque assidua tractatione vexatus, curis oppressus, laboribusque fractus, eo genere modicè delectaretur? Nam videmus magnos quondam viros atque Sapiētes sine cuiusquam reprehensione, nanos sibi atque distortos, aut festiuos ex Attica pueros, ad hilaritatem, atque facetias, studiosissimè quæsiuisse. Commodus habuit ex eo grege multos in illo gentium omnium theatro, ad ludibriū natos atque fictos, quos augustæ historię scriptor *κωμικοί* appellat. Sigismundus Imperator Burram quēdam habuit nobilem scurram & dicacem, quem ad mensam, & frequenti conuiuio, sic argento onerauit, vt opprimeret. Nostri deniq; in Gallia Reges & Dynastæ, bona dicta fatuorum, à seriis animum auocantes, sæpe sua & aliorum voluptate

Q ii



probarunt. Imò verò, inquit HEN-  
 R I C V S, istæ otiosorum Regum leui-  
 culæ delitiæ repudientur, prodeat ille  
 rerum maximarum egregiè peritus at-  
 que sapiens, & polito genere orationis  
 non modo meas, sed meorum etiam  
 Principum aures teneat, è reconditis  
 abstrusisque artibus & doctrinis aliquid  
 in lucem eruat & explicet, & dum nos  
 palato indulgemus, cæli palatium me-  
 tiatur, stellarum cursus & progressio-  
 nes institutionesque notet, quæ vis sit So-  
 lis atque Lunæ, quæque efficientia in  
 has terras, & quæ teriæ visceribus oc-  
 culuntur, aperiat: de gentium varietate,  
 de multiplici ratione gubernandi, de  
 veterum Heroum maximis virtutibus  
 atque vitiis, de officio Regum optimo-  
 rum disputet. Aut ille mihi adsit Eccle-  
 siastes admirabili modestia & suauitate,  
 cuius ex ore melle dulcior fuit oratio,  
 qui dum corpus hoc communi pastu  
 reficitur, dulci Nectare atque Ambro-  
 sia, animum etiam pascat meum atque  
 reficiat. Quid verò ille Senator peregri-  
 nus, quid alia in parte nobilis iste, qui  
 iampridem gestu atque ore imminens  
 tanquam è specula sermonis mei ansam

captat? alter opinor vrbis suæ ornamē-  
 ta desiderat, tristior alter fert querelas:  
 sanè accedant, & me non modo in au-  
 diendo patientem, sed in solādo iuuan-  
 dōque promptum & benignum expe-  
 riantur. O admirabilem, virum di-  
 cam, an humanis moribus augustiorem  
 HENRICVM! qui ne quidem in com-  
 muni otio sine negotio esse possit! qui  
 benefaētis & perenni in suos caritate  
 pascatur! Quid hic memorem Audito-  
 res, Regis optimi notam illam atque  
 perpetuam, inter epulas humanitatem?  
 quæ dicebat ipse, quæ audiebat? quæ  
 doctis hominibus ponebat in percon-  
 tando? quàm argutæ quàm subtiles eius  
 interrogationes? in ea doctissimi ser-  
 monis varietate plena humanissimæ  
 voluptatis, quisquamne aulam se vide-  
 re putauit Regis militari laude clarissi-  
 mi, & non potius auditorium philoso-  
 phi Sapientiæ nomine gloriosi? Iulia-  
 nus Imperator cū se amantem eru-  
 ditionis & hominum Sapientum dici  
 cuperet, cum Asiaticis philosophis sæ-  
 pè in animo regiam φιλοσοφίαν exerce-  
 bat, HENRICVS cum Galliæ lumi-  
 nibus philologiā epularem panè quo-

Q iii



ridie : Sissitiis Cretenſium mulier præſidebat; H E N R I C E I S epulis, Sapiētia. In quas dapes ſaliareſ & adiſſiales ſe Rex Maximus putabat incidiſſe, quæ bellaria, quæ ſcitamenta noua & exquiſita reperiſſe, ſi quod fortè regiū apophthegma, ſi acroamata nobilium, ſi ſtragemata Ducum & Imperatorum, ſi veterum annalium monumenta, ſi gentium variarum tropæa, ſi caſtra barbarorum, ſi miracula mentium, ſi ingeniorum inuenta, ſi religionis myſteria, ſi naturæ arcana, ſi vrbes, leges, politias, ſi denique alia digna liberali cognitione audiuiſſet? Franciſcus eo nomine primus qui Galliam innumeris triumphis atque victoriis nobilitauit, cū aliquādo à poëta non præſtantiffimo, alternis verſibus longiuſculis matutinum epigramma cepiſſet, in cœtu poſtea magnæque frequentia nobilium aſſeuerauit, ſe nunquam alias tota vita, quā eo die ientafſe ſuauius, quippe mirabiliter eo literati hominis epigrammate recreatum. H E N R I C V M verò, qui toties in epulis, non leuioris Poëtæ cantum, ſed hominum elegantium abundanti quadam doctrina politorum diſputationes



audiret, quibus lætitiis perfundi cōsue-  
 uisse, ea natura, ea tāta humanitate cre-  
 demus? Atque hic quidem mihi venit  
 in mentem cogitare Auditores, uullam  
 esse humanæ vitæ perfectionem quæ nō  
 in Rege gradu quodam excellenti fuisse  
 videatur. Epulas loquor atque mēsam,  
 & in cibo atque potione regiam tempe-  
 rantiam, mihi pono ante oculos; qua  
 uirtute sic HENRICVS excelluit, ut  
 eam purpurati illi nostri quibus terræ  
 mariæque omnia seruiunt, mirari faci-  
 lius possint quàm æmulari. Quis enim,  
 ut Pacati verbis utar frugalitatē Theo-  
 dosij commendantis, quis in Gallia vi-  
 dit luxuria versam anni rationem, hi-  
 bernas poculis rosas innataisse, æstiuam  
 in gemmis capacibus glaciem falerna  
 fregisse, infami delectu scriptos in pro-  
 uinciis aucupes, ductasque sub signis  
 venatorum cohortes militasse conui-  
 uiis? quis vnquam fando audiuit in au-  
 gusta Luparæ sede porcos Troianos  
 fuisse appositos, solidos apros, liquatos  
 vniones, aut quod Vitellio cōtiguit, duo  
 millia piscium, septem auium millia vna  
 cœna? Vetera commemoro: at etiam-  
 num amplissimi duces ad Septentrio-

nem, & Dynastæ bene lauti, argenteos puteos exhauriunt, & tum se pulchros & beatos putant, cùm in poculis mentum atque mentem immerferint: quod noster Heros non modo non regium, sed ne egregium quidem & communi hominum conditione dignum existimavit. Aegyptii quondam cùm apparatû conuiuiorum esse vellent omni ratione perfectum & iucundissimum, hominis demortui effigiem per mensam circumduci iubebant. Vtinam vos Duces, Reges, Imperatores, Regis nostri speciẽ illam eminentem & expressam honestatis in conuiuiis adhiberetis: nõ enim dubium quin ad magnificam apparationem, & ad omnem elegantiam & copiam, in qua multi cupiunt excellere, aurea moderatio in hac vitæ functione temperantiâque adiungeretur. Hinc nimirum existerent virtutes multæ ac magnæ, quæ requiruntur iis in hominibus quibus in ceteros potestatem & omniũ rerum dominatum prouidentia diuina cõcessit. Nam opinor sapienter aiebat Pythagoras, primum esse gradum vitæ laudabilis & perfectæ, *κρατὴν κατὰ τὸν*, abdominis esse dominum & appetitionis.

nis. Nec minus verè quàm eleganter dixit Poëta valde bonus Menāder, Penus virtutis esse temperantiam; Socrates autem *τὴν κρητῖδα*, fundamentum. In Heroe igitur nostro cū illud ipsum fundamentum videamus tam præclarè iactum, & mirabili continuatione firmatum, dubitemus reliquam exædificationem pari gloria excellentiāque fuisse? Agapetus diuinè Sapiens & incredibili facundia, Iustinianum Imperatorem, qui nutu & ditione imperium orbis terræ moderabatur, verissimum fuisse Regem pronunciat, quod esset purpura iustitiæ indutus, & corona temperantiæ redinitus. Salve Heros ter maxime **H E N R I C E**, nō tam Galliæ Rex quàm virtutis, in te illa clarissimi dominatus insignia collucent, tibi gemmeam temperantię coronam nō populus hic tuus, qui pro tuis immortalibus meritis tibi singulares & propè diuinos honores detulit, non dignitas generis, non familiæ vetustas, nō stirps generosa Borboniorum; sed innatæ Sapientiæ vis & excellentis animi fortitudo imposuit: tuum proinde illum Principatum, quod addebat Agapetus, fore æternum & im-

R



mortalem censemus. Sed cur diutius in  
 hac aula & priuatos inter parietes hæ-  
 remus. Auditores? nam tametsi epulæ  
 proponatur lautæ & elegantes quæ o-  
 mnibus sapient qui non desipient, ve-  
 reor tamen ne hac lance tam ieiunæ o-  
 rationis horridæque propositæ, fastidiū  
 vobis adferant, & satietatem. Exeamus  
 igitur tantisper, mensamque, Ioui ser-  
 uatori veteri more libantes, relinqua-  
 mus: nam & HENRICVS gestit exi-  
 re, quem profecto, dum mecum esse vo-  
 letis, comitabor. Rex Amasis qui in  
 Aegypto summam rerum obtinuit, cu-  
 ius de vita & moribus annalium monu-  
 menta testantur, vsque ad prandium ne-  
 gotia strenuè expediebat, summa Prin-  
 cipum & totius populi approbatione,  
 sed postea repentè & euestigio vt Cir-  
 ceo poculo in alium mutatus, potabat,  
 iocabatur, & cum grege helluonum in  
 solutam licentiam effusus, media vrbe  
 nimio opere volitabat. Alexander Ro-  
 manorum Imperator fessum animum  
 grauiorum rerum tractatione, palestra,  
 aut ludo pilæ, aut cursu, aut ludæmini-  
 bus molliorib⁹, vt est à multis postero-  
 rum memoriæ traditum, recreabat. O-

Etaius Augustus, is qui sui nominis re-  
 uerentiam & terrorem ad Parthos vs-  
 que Barbarasque nationes diffudit, la-  
 bores diei parte susceptos ita minue-  
 bar, vt talis, vt ocellatis, vt nucibus e-  
 tiam cum minutis pueris luderet, quos  
 è Syria & Mauritania studiosè quare-  
 bat. Reges illi fuerunt & Imperatores  
 omnium opinione magni & gloriosi,  
 sed absit tamen, ô Galliæ lumen & pol-  
 lês Rector, vt tuas honestissimas exer-  
 citationes, cum illo vitiosa naturæ im-  
 petu, & puerilibus nugis, cõponendas  
 putem. Nam ille fortis & exaggeratus  
 animus tuus, bellicis studiis & in cursu  
 gloriæ eruditus, nullam quæsit assidui  
 laboris & operosi leuationem, quæ non  
 esset cum honestissimo fructu & cum  
 dignitate coniuncta. Quid igitur fecit  
 HENRICVS Auditores? aut in quo  
 tandem se vis illa mentis & corporis  
 exercuit? quid aliud, quàm quod olim  
 clari semper Reges Principesque fece-  
 runt? Dicam breui: cùm se ab aula, hoc  
 est à pistrino illo regio, quotidianisque  
 muneribus, subducere potuisset, equita-  
 bat, decurrebat, venabatur. Sic vide-  
 mus Carolum Magnum qui rotius orbis



terræ pōdus suis humeris sustinebat, cū  
 robur animi corporisq̃ue illud immen-  
 sum atque firmissimum continuare vel-  
 let, dies sæpe totos equitando venan-  
 dōque insumpsisse, quod industriæ ge-  
 nus & liberalissimæ occupationis, hi-  
 storix fidus scriptor, Gentilitium, &  
 Francorum gentis proprium esse dixit:  
 vel, vt ait Eginhartus, nobilium Gallo-  
 rum morem, quibus in eo studio nulla  
 alia gens cōparari meritō posse videat-  
 ur. Nec sanè video cur Gaguinus va-  
 nam illam consuetudinem appellarit:  
 nam de rege Clotario loquens, mox in-  
 quit, vt est Galliæ nobilitatis vana con-  
 suetudo, ad feras venatu deprehenden-  
 das se conuertit. Itāne vanum illud fue-  
 rit, ex quo videmus non modo in pri-  
 uatos homines, verum etiam in cōmu-  
 nem rem vniuersam tot commoda, tot  
 & tantas tamque incredibiles vtilitates  
 manare? quod plurimæ nationes quę  
 roboris, quę virtutis, quę bellicę laudis  
 & glorię rationem vnquam habuerunt,  
 studiosissimè vsurparunt? Nam Gręci,  
 Romani, Persę, id semper esse quā v-  
 rissimum, quod est proditum à Xeno-  
 phonte, crediderunt: venationem belli-



carum esse rerum ἀληθεστάτω μελέτω  
 expressam quandam imaginem atque  
 meditationem. Et Poëtę qui antiquissi-  
 mos Heroas ad speciem excellentissi-  
 mi animi atque fortitudinis Sapienter  
 expresserunt, eosdem propter hoc stu-  
 dium, canibus semper comitatos fuisse  
 docent, venandique prima initia ad A-  
 pollinem & Dianam prisce religionis  
 augustissima numina retulisse. Quare  
 boni Principes & præstabili dignitate  
 viri, vt docet Dion, venationē exercent  
 vt rem longè optimam & cum primis  
 salutarem, vnde corpus robustius, anima  
 fortior vegetiorque efficitur, in qua o-  
 mnia quę in bellis euenire consueuerūt,  
 exercentur. Quod Scriptoris grauissi-  
 mi documentum præstantissimus Gal-  
 lię Rector HENRICVS non tam è li-  
 bris Sapientum, aut veterum historia-  
 rum monumentis, aut maiorum suorū  
 consuetudine, quàm ex indole generose  
 mentis. proprięque natura hausit, quę  
 cū esset nata rebus maximis, & ad o-  
 mnem dignitatis amplitudinem, & per-  
 fectionem glorię stimulos noctes at-  
 que dies & virtutis aculeos sentiret, eas  
 in otio exercitationes capiebat, quę ar-

dorem Imperatorij animi, non tam re-  
 stingerent, quàm alerent & corrobora-  
 rent. Itaque, vt dixi, regiis munerib<sup>9</sup>  
 & labore solutus, venationibus dabat  
 operam, quo in opere facilè Principum  
 adolescentium alacritatem, & omnium  
 Dynastarū suorum industriam, id ætatis  
 grauitatisque superauit. Omniū proin-  
 de in eum oculi conijciebantur: hic in  
 eo non modo totius negotij venatici  
 cognitionem, quæ in vsu maximè posita  
 est, suspiciebat, verum etiam variarum  
 locutionum, quibus vti venatores so-  
 lent, admirabilem scientiam: non nemo  
 eius mirabatur in equo flectendo inge-  
 niosam laboriosamque solertiam: mul-  
 ti nobiles mollioris animi, & vt planè  
 dicam effœminati, cū eum prompto  
 ore atque vultu incredibili celeritate,  
 per campos & nemora volitātem, eun-  
 tem redeuntem, fossas transilientem, v-  
 bique emicantem, ceruos & apros o-  
 mnibus vestigiis persequentem, cursu  
 assequi & omni cōtentione non possent,  
 illum aut humana in effigie sine arcu &  
 sagittis Apollinem, aut Achillem à Chi-  
 rone doctum, aut cœlestem Orionem,  
 aut è diuis aliquē existimabant. Adria-



nus Imperator, qui vnus maximè de Romanis venandi studio flagrat, gloriari solitus est, quod sua manu aprium vnum aliquando interemisset: si ex co laudis materiam captare vellem, quot HENRICI quàmque insignes numerandę palmę forent? vllanc filua est in omnibus prouinciis quàm longe atque late pater Gallia, quò ipse adire poterit, vbi non suę industrię, roboris, alacritatis, patientię inuictę, atque pręstantię non leuia & adumbrata, sed expressa & clarissima vestigia reliquerit? Sed hæc fortassè minuta quispiã existimet: ego vero, ô tuę Gallię præsidium & Europę splendor! non verebor ne hic à me tua laus & amplissima gloria imminuta fuisse videatur, si te in eo genere pręstitisse dicam, in quo Mithridates, qui tot annos de imperio orbis terrę cum Romanis dimicauit; in quo magnus Alexander, qui ad vltimas Orientis partes arma victricia protulit; in quo Dagobertus ceterique Reges maiores tui summi viri primas tenere voluerūt, quos tutamen tantum industrię & inuicti animi constantia & robore anteinisti, quantum illi populorum omnium Re-



ges Imperatorésque vicerunt. Adrianus quem modo nominabam, Imperator, studium hoc venandi suum, excitata in Mysia vrbe, quam Venationes Adriani indigitari voluit, posterorum memoriae propagavit: tu felicior pulcherrima tua studia regiásque exercitationes, in oculis totius imperij, in nobilium tuorum animis, in ara ipsius æternitatis, perenni monumento consecrauisti. Enimvero quò progredior longius in hoc cursu, vastissimi campi & siluæ immēse obijciuntur, in quibus excurrere liberrius mea possit oratio: Sed non committam vt ita vager & aberrem in re infinita, vt relegere vestigia non possim. Vestra igitur bona cum gratia redeo in urbē Auditores, in qua etiam vobis lubentibus cū meo Rege cōquiescam. Hic verò mihi in oculis quāta quāta es, fortunatissima Lutetia, gloriæ domicilium & dignitatis, admirabili decore versaris ad quam ornandam Rex maximus partem curæ providentiæque suæ traduxit. In te multa nostri quidem maiores hauerunt, quæ fama & communi prædicatione in cælum attollerent, hominum affluentia vndique in sinum gremiumque tuum

que tuum aduolantium, vias latas ac  
 que directas, opes, delubra, curiam-  
 palatia, & quæcunque vrbes & oppida  
 ornare solent: sed illa omnia nouis  
 HENRICI, multis & magnis, ma-  
 gnificisque operibus, vt Solis splendo-  
 re lucerna, penitus obruuntur & in-  
 obscurantur. Cæsar Augustus gloriatus  
 est aliquando, quod Romam, quam la-  
 teritiam cepisset, linqueret marmoreâ:  
 te verò tuus ille parens, cùm belli situ  
 & squalore deformem luteâmq; ce-  
 pisset, nunc marmoream, aut si quid e-  
 tiam magnificentius dici queat, verè  
 auream gemmeâmq; reliquit. Hic  
 Auditores, quo genere orationis vtar,  
 vt ea, quæ ad omnem seculorum o-  
 mnium memoriam sunt Lutetiæ ab  
 HENRICO perfecta, magnitudine  
 præstantia, fructu maxima, genere ipso  
 singularia commemorem? nam occur-  
 runt pontes ardui atque lati, quadrato  
 lapide mirabili opere confecti, noua-  
 rum artium & peregrinarum elegan-  
 tissima domicilia, cetenariæ porticus,  
 ambulationes, horti, fontes, palatia  
 raro quodam & inusitato artificio ela-  
 borata; in quibus nō modo meam, quæ

S

nulla est, facundiam, & omnium erudi-  
 torum eloquentiam, verum & seipsum  
 vicit HENRICVS. Nunc à me quidē  
 alia omnia silentio prætereantur, in illa  
 tantū regali porticu & peramœnio Lu-  
 paræ peristyllo hæreamus. Quanquam  
 quid ego hæc apud vos Auditores, quo-  
 rum plerique fortè illud opus suis nu-  
 meris absolutum viderunt, cū rem e-  
 go quatuor ab hinc annos iam affectam  
 & maximis ornamentis vacuam aspe-  
 xerim? sed quemadmodū, si poëtæ sua-  
 uissimo credimus, Menelaus clarissi-  
 mus Princeps δόματα ἡμέτερα reso-  
 nantem domum habuit, sic illa Regis  
 exædificatio, tam sonora est & vocalis,  
 vt tantæ magnificentiae splendorisque  
 fama, non modo in hanc Armoricam  
 nostram, verum etiam in vltimas ter-  
 ras, latissima celebritate feratur. Quid  
 igitur prius miremur? an amplitudi-  
 nem & longitudinem operis illam vi-  
 sendam, quæ tanta est, quantam nulla  
 vnquam ætas vidit in Gallia? an formā  
 & structuram æquabili descriptione  
 continuatam? an externam speciem in-  
 satiabili pulchritudine omnium ocu-  
 los animosque tenentem, fenestris in-



numeris perforatam, incredibili columnarum varietate distinctam? interiora verò tam eximia sunt, tamque sumptuosa magnificentia extructa, ut inter orbis celebrata miracula facile poni numerarique posse videatur. Nihil potest in artificiosissima ædificatione requiri, quod non ibi summa sit omnium partium absolutione & elegantia perfectum; columnæ omnis generis marmoreæ grandi & directo scapo, tum leui & polito, tum striato, stylobatæ Ionicæ, coronis, fasciis, floribûsque insignes, epistylia eius generis, zophori intercolumnia, iucunda, & exquisita varietate composita. Ex illa tã longè patente ambulatione & interminata, in qua nullam oram vltimi acies intueri potest, egredientē excipiunt aulae nobiles & maximæ, plenę dignitatis, pulcherrimo instructu & ornatu, quarum aliquæ tholo camerato & splendido, auro & picturis mirificè collucente, celi decus & diuorum altissima domicilia sedesque imitantur. Quæ verò præterea ornamenta in animo habebat Rex maximus, quis non dicam memo-

S ii

rare, sed vel ipsa cogitatione complecti  
 queat? quæ partim iam parata videba-  
 mus, partim etiam quæ futura essent,  
 coniectura assequebamur: nam innu-  
 merabilem vim & copiam peristroma-  
 tum fieri curauerat, filis aureis atque  
 bombycinis, singulari artificio, conqui-  
 sitis vndique hominibus eius artis co-  
 gnitione perfectissimis, ad latera lon-  
 gissimæ porticus inumbranda: in qui-  
 bus Romanorum egregia facta, bella,  
 triumphi, & Heroum veterum imagi-  
 nes, plenæ dignitatis tacitæque virtu-  
 tis exprimebantur. O dignas præstan-  
 tissimo Rege cogitationes! Nam oc-  
 currit Italiæ Regis effatum à Cassiodo-  
 ro prodictum memoriæ sempiternæ: ve-  
 rè, inquit, dignissimum est Regem edi-  
 ficiis palatia decorare. O commemo-  
 rabilem magnificentiam! ò diuinum o-  
 pus & prædicandum & cum ipsa æter-  
 nitate æquandum! Non sanè mirum si  
 ad illud visendum è longinquis orbis  
 terræ prouinciis homines multi adue-  
 nerint, qui cum in tanta operis admira-  
 bilitate obstupescerent, vnum tamen  
 ipsum HENRICVM omni miraculo



maiores, omni hominum generi suspiciendum & amandum existimabāt, qui virtute animique excellentia, non minus lucis & splendoris, operi vniuerso adiungebat, quam Sphengites lapis in auream domum Neronis fundebat. Alij vulgo Reges & Dynastę bene multi, quod Diogenes reprehēdebat, gloriam aucupari ex loco solent, sed quod proprium prestantissimorum est virorum, vt idem Sapiens aiebat, τὸ πρῶτον δόξαν ὡς εἶναι, loca ipsa eleganti artificio nobilitatis, excellentis animi donis & insignibus illustrare, hoc diuinitus cōsecutus est HENRICVS. Hunc Heroem, vrbium non modo ciuili bello vindicem & defensorem, sed in otio ædificatorem exornatorēmque suarum, quibus studiis Auditores, quāue beneuolentia prosequamur? Theodoricus Italię Rex & Gotthorum à Procopio veris laudibus celebratur, quod Romanis ad ædificia instituenda, calcem liberaliter & sine pretio sit largitus: nos HENRICVM regia opera sumptuose atque magnificē conficientem, non æternis omnium gentium præconiis cō-

S iii



honestandum putemus? Galienus Imperator, si qua fides Augustę historię, veris tempore cubicula de rosis, & de pomis castella pueriliter faciebat, & hoc literis memorięque mandatur, posteritati propagatur: nos admirabiles substructiones nouitate primas; fructuosas patrię, dignitati regię gloriosas, ingrata mentis obliuione prętereamus? Pudet me sanę huius languidę & incultę orationis meę in hoc splendore pręstabilium rerũ memorando, de quibus id meritissimo dici posset, quod Procopius suauis politusque Rhetor de ædificiis Iustinianeis protulit, fieri nō posse vt vllō sermone satis pro dignitate laudentur. Nam cū ea Regis magnificentia & excelsi animi liberalisque amplitudo tanta sit, quantam hactenus quasi per nebulam spectare potuistis, tū ex illo pulcherrimo studio video Principibus viris & honestissimis ciuibz ardorem quendam fuisse iniectum, stimulosque additos, nihil vt mallent quā Lutetiam Parisiorum illam urbium Reginam esse quā ornatissimam. Et quidem plus ornamentorum atque dignitatis vno anno accepit, quā vno se-

culo sub alijs Regibus, aut penè dicam omnibus ætatibus ad hunc vsque diem accepisset. Quemadmodum enim euer-  
sa Carthagine & terrore belli sublato, laquearia primùm inaurata sunt in Ca-  
pitolio L. Mummij Censura; inde is ornatus transit in cameras & priuato-  
rum ciuium edes: sic pace parta & bel-  
lorum ciuiliū flammis studio HEN-  
RICI clementiæque extinctis, magni-  
ficentia, regia primùm in domo, quasi Capitolio consecrata, in priuatas ciuiū habitationes domiciliæque migravit.  
Itaq; bono illo tuo frui, Lutetia, que iure tuo gloriari iam potes te non mi-  
nus cultam & ornatam, quàm Alexandriam pulcherrimam ciuitatē, vbi Re-  
ges cū ad vr̄bis dominationem venis-  
sent, ad Regias veteres, dona Regum, nouam aliquā & sumptuosam ædifica-  
tionem adiungere consueuerunt. Ale-  
xander Magnus regni sui theatrum A-  
thenas appellabat; te HENRICVS, sui: Romam lucem orbis terrarum & omnium gentium arcem olim Sapiētes *ἑρμόπολιν* vocarunt, te cœlestem po-  
steritas omnis & tanto rege gloriosam fortunatamque nominabit. Sed dum

porticus & aurata palatia defixus admiratione perlustro, ecce mihi sese aperit derepentè Augustæum supra stelleriferos orbes, & cellissima dignitatis sedes auro pyropisque distincta, quam HENRICVS in domiciliis beatorum rectè factis & egregiis animi virtutibus est adeptus, quæ nescio plusne voluptatis ipsa recordatione nobis attulerit, an mœroris. Nam illam quidem beatitudinē, ubi est læta & perennis circumfluentium bonorum possessio, Heroi optimo, pio parenti, inclyto, bonorum vindici, assertori religionis, omni ratione maximo, gratulari omnes debemus & honore lætari. Sed cur tam citò, mundi parens & gubernator Deus, hoc Galliæ bonum eripuisti? cur nos horribili turbine afflictos: importuno casu debilitatos, metu & mœrere confectos, his tantis animi Regij ornamentis spoliatos esse voluisti? Omnes ordines in situ & squalore versantur, Curiaē notam illam boni Principis æquitatem desiderant, vrbes Eunomiam cum suo Rege abiisse dolent, templa sanctissimarum ceremoniarum defensorem & custodē requirunt, populus nudus & imparatus, patriæ



patriæ patrem, multis & assiduis & quotidianis lacrymis prosequitur.

LE SY vero Societas quam Regius favor atque beneuolentia, quam inusitata gratia & clementis animi suauitudo pietasque sustentabat, ecquando erit tempus cum in hoc acerbo communique dolore, quo premitur, leuationem aliquam sentire possit? iactata ciuiliū temporum turbulentissimis fluctibus & procellis, concionum maledictis appetita, irrita in circulis, arrosa in cōuiuiis, hominum impudentium fictis mendaciis onerata, à fæce impietatis incredibili furore exagitata, non sine magno animi cruciatu suum Patronum expetit. Tibi sanè Rex optime maxime, huius ordinis homines atque familiæ, innocentia freti, septi bonorum virorum prædiis, tuentis omnia Dei & gubernantis singulari prouidentia circumuallati, quantum religiosi pectoris angustia capere potuerunt, cumulatifimè iusta persoluerunt. De tuis immortalibus meritis & beneficiis, dum anima spirabunt sua cogitabunt, tuum casum, suum casum esse ducunt, & non magis viduam Galliam, quàm se orbos

T

legitimi tutoris custodia existimabuntur  
 tuam perennem & beneuolentissimam  
 caritatem nulla vnquam delebit obli-  
 uio. Tui fati luctuosa recordatione,  
 corda in vota atque suspiria, ora in pre-  
 ces, oculi in fletus lacrymâsque sol-  
 uentur. Sed sit tandem modus aliquis  
 odiosæ & iampridem fluctuanti ora-  
 tioni meæ, & illa iusti mœroris indicia,  
 quæ in publicum gestiunt erumpere,  
 coërceantur, solitudinique seruentur:  
 sanctissimi Ambrosij verbis, Theodosij  
 fatum immaturum obitumque lugētis,  
 concludam, *Conteror corde quia ereptus est  
 vir qualens vix possumus inuenire, sed tamen tu  
 solus Domine inuocandus es, tu rogandus, ut cum  
 in filiis repræsentes.*





LUTETIA QVÆ  
MADIO SVO SINV

BONVM PARENTEM

confici vidit, ingenti-  
bus bonis orbata  
mœret.

ANAGRAMMA.

HENRICVS BORBONIVS.

HEV! SINV BONIS ORBOR.

Prosopopœia Lutetiæ.



TE mihi lacrymæ, plenisque  
madentia guttis  
Pectora, & ambrosios tin-  
gite rore sinus.

Pone modò auratos Regina Lutetia cultus,  
Nec tegat umbrosū sacra tiara caput.

T ii



Pro crinali auro, ripæque monilibus Indæ,  
 Cingat inornatam tænia nigra comam.  
 Absit Erythræis Nereia bacca figuris,  
 Textæque Bistonias vincere docta nives.  
 continuo nigra palla pedes descadat ad imos,  
 conuenit infandis luctibus ille color.

Nam quid agam misera, angusto viduata  
 parente,

Vnde mihi dextro Numine creuit honor?  
 Queis orbor nudata bonis? cadit inclytus e-  
 heu!

Quo duce marmoreas sustuli in astra do-  
 mos.

Ipse peregrinas reuocauit prouidus artes,  
 Atque Parisiacum iussit inire forum.

Mille meis statuit vexilla volantia templis  
 Captaque prostratis hostibus arma manu,  
 Quàm me magnanimi fouit præsentia Regis  
 Cum petit auratæ mœnia clara domus.

Ipse mihi columen, rerum tutela mearum,  
 Militiæque decus, præsidiumque togæ,  
 heu orbor tot mœsta bonis, viduorq; parète,  
 Vnde mihi dextro numine creuit honos.

Occidis HENRICE, atque immania spi-  
 cula Parcæ

*Ante diem, fato non tribuente, capis.  
 Quodque magis laceratque animum, cumu-  
 latque dolore,  
 Occidis in medio, lux mea, vita, sinus.  
 In gremio cadis ecce meo, mediisq; triūphis,  
 Eheu funestæ sors inopina manus!  
 Si dum belligeri per sæua pericula Martis  
 Irruis, hausisset cuspis honora latas,  
 Gloria pensaret damnum, constancia luctum  
 Demeret, at gremio nunc cadis ecce meo.  
 Salve Heros luménque meum, spes magna  
 tuorum,  
 Ipete sydereos, lux mea, vita, sinus.*

---

# GALLIÆ PÆNE CVM

PARENTE MORIENTIS

& rediuiuæ Icon.

ANAGRAMMA.

HENRICVS BORBONIVS.

EN HONOR VRBIS VBI ES.



OEST A Parisiacas penetrarat  
 Gallia turres,

Ardua magnanimit dum Patris ora petit.

T iii

*Audit extinctū: infando tū victa dolore,  
En honor Vrbis vbi es? dixit, &  
obticuit.*

*Ecce tibi Michaël sublimibus aduolat oris,  
Semianimisq̃ue manu languida membra  
quatit.* (canti

*Tolle, ait, huc oculos. Solio super astra mi-  
Cernit, & aurata sede sedere Patrem.*

*Gloria purpureo regnantē obnubit amictū,  
Cingit & augustum terna corona caput.*

*Tū verò exultans Regisq; hilarata triūpho,  
En honor Vrbis vbi es! dixit, & ob-  
ticuit.*

## EVROPÆ SVSPIRIVM.

A N A G R A M M A.

HENRICVS BORBONIVS.

VER ORBIS NVNC OBIS.



*Minet in rapidis ver tempestati-  
bus anni,*

*HENRICVS inter Prin-  
cipes.*



*Iam desinit hyems, nam Rex bonus occi-  
dit, orbis*

*Ver orbis, cheu! nunc obis.*

# SOCIETATIS IESV

LESSVS.

## ANAGRAMMA.

HENRICVS BORBONIVS.

SIC NE HEV! ROBVR OBIS?



*Obur eras columénque tui Rex  
optime regni,*

*Robur eras magnis, robur & exiguis.*

*Robur eras bello, felicibus inclytus armis,*

*Pacificis miti pectore robur eras.*

*Robur eras vstru: per te Rex optime IESV*

*Nomen ad antiquos fas fuit ire lares.*

*Robur eras, per te hæreticæ fraus impia lin-  
guæ*

*Conticuit non ausa hiscere, robur eras.*

*Si rursus insurgit scelerata audacia morsu,*

*Non miru est Heros optime, robur obis.*

HENRICI MANES IAM  
BEATI, OMNES SOLANTVR.

ANAGRAMMA.

HENRICVS BORBONIVS.  
VOBIS NV MEN SCRIBOR



*Arce piis lacrymis Coniux, Natu  
que, Ducésque,  
Galliaque, & regno gens ada-  
mata meo.*

*Iā melior me vita fouet, Diuūmq; voluptas  
Si vobis numē scribor, an inuidia est*

ALIVD.

HENRICVS BORBONIVS OBIIT  
BINIS CORONIS IVS TVEBOR.



*Elle metum Navarra potens, mea  
Gallia pelle*

*Metum, & coronā ne tibi instabilē puta.  
Victor ego felixque dies super æthera carpo,  
Binis coronis ius tuebor è Polo.*

NEPEN-



# NEPENTHES

GALLIÆ ET COMMVNIS

LVCTVS CONSOLATIO.

SIVE

DE LVDOVICO XIII.

*HENRICI Magni successore.*



**N** Thule quondam Insula, quam vltimam bonus Poëta nominavit, Auditores, cum vis Hyemis incubuisset, ita lux omnis & clarissimi cœli cōspectus, atque Solis iucūda species ab omnium se oculis eripiebat, vt quadraginta dierum spatio tenebrę immensę regionem opacarent. Quo tempore cum esset vbiq; solitudo, & ea noctis diuturna mœsticia & ægritudine omnium animi conficerentur, mos fuit certos homines in montium fastigia dimittere, qui oculos in omnem partem studiosius

V



intenderent, vt cum primum Orientis  
 Solis iubar & splendorem animadu-  
 erant, ad suos nulla interposita mora  
 nuntij gratissimi redirent. Igitur illi  
 quinto supra trigesimum die, cum te-  
 nuem radium in Oriente contuiti fuif-  
 sent, aut id falso in animū induxissent,  
 in agrorum patentium æquora venie-  
 bant, cum exclamarent summa omniū  
 voluptate & animi contentione, fore  
 vt iterum gratissimo Solis conspectu  
 post dies quinque fruerentur. Tum ni-  
 mirum triumphare omnes gestienti le-  
 titia, maximis gaudiis & incredibili  
 voluptate efferri, choreas in numerum  
 ducere, agitare conuiuia, vt tum de-  
 mum à mortuis pænè ad vitam & cæli-  
 rum communionem se reuocatos exi-  
 stimarent. Non sumus tã à Sole in Gal-  
 lia dissiti Auditores, nec ita ab huma-  
 nitate alieni, vt Thulenses, qui extreme  
 barbariæ fluctibus alluuntur. sed tamen  
 hac immani tempestate atque tenebris,  
 inusitatus quidam horror tenuit ani-  
 mos, cum lux patriæ, cum totius Euro-  
 pæ decus, & ille splendor felicissimi  
 dominatus, nitidum caput regiūque  
 obtexit.

— & æternam timerunt secula noctem.

Non potui non vehementissimè commo-  
ueri, in ea tristitia temporum & acer-  
bitate, in ea communi caligine, qua fra-  
& os panè omnium animos & deiectos  
vidi, cum eo, quo stante vigebat; indi-  
gnissimè violato, luctuosam patriæ ca-  
lamitatem & occasum timerèt. Obuer-  
santur menti meæ veterum annalium  
monumenta, quæ ad laudem æternam  
Quiritiū singulari orationis copia Li-  
uius prodidit, apud quem video scri-  
ptum, bello Punico, atrocium rerum  
metu fuisse in Italia trepidatum, cum  
magnæ viri auctoritatis, Solis orbem  
minui visum, prodigij loco retulissent:  
Nos eum Solem, qui præstantissimæ di-  
gnitatis & augusti honoris luce, tot gē-  
tes & regna compleisset, non imminu-  
tum, sed extinctum videbamus, & in  
tantis irati cœli prodigiis, sine metu &  
dolore esse potuissemus? O Gallia! th-  
ne illa es quæ vt quondam Syracusæ,  
omni die, vel hyberno, Solem sibi ad-  
lucere gloriabantur, sic HENRICO  
cœlum ipsum factis & gloria obcunte,  
lucem fore tibi diuturnam felicitatis &  
perennem iactabas? Cum Romani im-

V ij

perij habenas Gordianus eximia auctoritate regeret, ea Solis defectio contigit, vt die medio nox inopina consequeretur, sic vt per diu nil sine facibus agi posset; quæ res illi vniuersoque imperio graua mala portendisse ferebatur. Cum verò Sol Gallicus non ad exigui durationem temporis, sed occasu miserando penitus defecerit, quid spei tãdem hisce Prouinciis, aut exteris nationibus, quibus sua virtute lucebat, reliquum esse videbatur? Sed accipite quæso, Rhedonenses, quod Galliæ calamitatem leuare potest, & tenebrarû, quibus inuoluti, plus etiam quàm illæ ad Septentrionē gentes, affligebamur, vim & acerbitatem minuere. Putatote me adesse nuncium, non tã è specula in editissimo mōte collocata, quàm excitata in meum Regem beneuolētia, qui confirmem, **LVDOVICVM** nouum quendam Solem esse exortum illi abeunti simillimum, cuius in luce hominum luctus communisque omnium dolor conquiescat. Excitate mecum animos ad hunc splendorem intuendum, nec sit vllus qui non veterum Thulensium more, post tenebras & funestum



hunc Galliz casum maximo gaudio, lætitia immensa triumphandum puter. Apharantum è Lybia fuerit proprium, vt viri docti memorarunt, Deum lucis odisse, & Solis ortum maledictis & cõtumelia prosequi, quod ardentis plagæ sydere vehementius adurantur. Nos qui noui syderis benignitatem intuemur, eius indolem vt diuinam miramur, & incredibilem oris dignitatem, non gestiamus? non hanc tantam patriæ felicitatem inusitata quadam ratione gratulemur? Date igitur mihi hanc veniam, Auditores, vt de communi & iucundo hoc solatio, & meæ Galliæ in summa rerum omnium desperatione medicina, verba faciam: res erit nec indigna expectatione vestra, nec à loco & tempore aliena, nec abhorrens à meo officio, qui vitam omnem L V D O V I C O, qui lubens volēs meam industriam, qui studia Regi potentissimo certa animi inductione cōsecraui. Ac mihi quidem de hoc Galliz bono cogitanti, suboriri visa dubitatio, plūsne sibi gaudij & felicitatis, quàm patriæ vniversæ pollens H A N R I C V S peperisset, cū sobolem hanc auream, votis omnium expetitā,

V iii

fanè diuina in hoc imperiū Gallicanū  
 prouidētia, & numinis caritate produ-  
 xit. Nō poterat quidē ille non incedere  
 omnibus lætitiis, Auditores, liquidōq;  
 frui gaudio, cū videret, sibi natum esse  
 diuinitus, cui nō modo sceptrum & co-  
 ronam, & regię domus ornamenta, sed  
 quæsitū magnis laboribus decus, & ef-  
 florescentem gloriā posse cōmitti exi-  
 stimaret. *Interest morientīū vt successores ha-*  
*beāt*, inquit Vlpianus. & alia lege Prætor  
 dicitur id impensē curare, ne quis sine  
 successore moriatur: talē vero habuisse  
 liliorum hæredē, non à Pratore, sed ab  
 omniū moderatore Deo cōcessum, an  
 nō tantum attulit magno Genitori vo-  
 luptatis, quantū animo cogitari nō po-  
 test? Memini Ptolemæi in Aegypto re-  
 gis clarissimi, qui cum filium imperij  
 sui dominum & Regem declarauisset,  
 singulari quadā lætitia, & iucundo sensu  
 voluptatis, eidem inter satellites inser-  
 uiebat, cum diceret, *Omni regno videri pal-*  
*chrius Regis esse patrem*. Ita quidem est; li-  
 berorum omnes suorum laude & hono-  
 re lætantur, nec quicquam audiri potest  
 incundius, quàm cum Ciuium læta be-  
 neuolentia & veneratione celebrantur.

Hic igitur mihi mentibus animisq; vestris contuemini magnum Heroem Iunonium partum suauiantem, quem vix natum iam desponsum coronæ, iā Delphinum, iam Cæsarem cōmunibus studiis atque votis renunciatum sciebat: non dubito quin ad ea præstabilissima dona, quæ diuino beneficio esset adeptus, hunc cumulum absolute felicitatis putaret accedere. Sed vt prius aiebam, Auditores, idne felicius Galliæ vniuersæ, an parenti fuerit, haud omnino constituere possum, in ea præsertim importuna tempestate, qua deformatam bello & tumultu patriam & diuturna calamitate experiebamur. Quæ cū votis, & populorum cōsentientium precatione, regiam prolem expetiuiisset, eam tamen tot annorum intercapēdine cōsequi minimè potuisset. Quot enim effusæ preces superiori æuo, cum HENRICVS tertius præstantissimus Heros Imperij Gallicani habenas moderaretur? quot vota nuncupata? quot decreta supplicationes? qui chori hominum orantium instituti? quot obitæ religionis preces? quæ lustrata ornatæque delubra? quot ieiunia & corporis affli-



Stationes susceptæ, vt Gallia rerum fu-  
 turarum spe & timore suspensa, in Del-  
 phini peropportuno præsidio, & domi-  
 natione conquiesceret? quas omnes gê-  
 tium preces, non benignissimus  
 ille hominum parens, cuius nutu cœ-  
 lum, tellus, mariæque reguntur, penitus  
 abiecit, & repudiavit, sed distulit atque  
 sustinuit, dum huius ferendi atque pro-  
 creandi maturitas illa existeret, quam  
 videtis. Quare cum L V D O V I C O ex  
 euersæ patriæ cineribus, & fumatis ca-  
 lamitatis reliquiis, imperij nostri de-  
 cus attolli cœpit, & ea gloria, quā stra-  
 tam & abiectam boni omnes mœrebāt,  
 inuidi gratulabantur. Ea nocte qua sa-  
 tus cōceptusque est Constantinus, eius  
 parens magni exercitus Imperator mi-  
 rabile quippiam vidit, quo portento  
 singularis dignitas, & egregij fœtus  
 claritudo, & commune decus Imperij  
 significaretur. Nam cum esset in taber-  
 naculo, præter cursum ordinemque na-  
 turæ, animaduertit, ab Occidentali O-  
 ceano exoriëntem Solem enasci. Proui-  
 dit ab eo tempore studiosissimè. vt fi-  
 lius iam ad res magnas cœli destinatio-  
 ne procreatus, omni cura, Sapientū in-  
 situ.

institutione educaretur: neque enim du-  
 bitabat quin nouam lucem Orienti vel  
 potius orbi terrarum esset allaturus.  
 Quantam lucē attulisti Gallix tuæ L O-  
 D O I C E ! quam facem ! quem liquidum  
 felicissimi status splendorem extulisti  
 ab Occidente, qui deinde sit, feras gen-  
 tes barbarasque nationes, & Europam  
 omnem illuminaturus ! Quæ nobis  
 Deus immortalis tenebræ fuerant in  
 Gallia ! quæ nox offusa omnium menti-  
 bus, & caligo Cimmeria longè fune-  
 stior ! Nam Cimmerij quidem vt do-  
 ctissimi homines suis commentariis re-  
 liquerunt, quadam anni tempestate, So-  
 lis radiis, & cœli splendore fruuntur,  
 nos autem perpetua serie tot annorum,  
 cæcis bellorum turbinibus exagitati,  
 oppleti ymbris dissimillarum opi-  
 nionum, & immensa caligine circumfu-  
 si, nihil videbamus: error, tenebræ, in-  
 sanientium hominum perfidia, deserto-  
 rum auitæ religionis impia crudelitas,  
 & audacia dominabantur. Cum ecce  
 nobis H E N R I C I filius, Hyperionis  
 radius, clarissimum lumen ab occiden-  
 te, fax pietatis, imperij beati splendor,  
 pharos aurea L Y D O V I C Y S : cuius in



luce mox Gallia quæ in alto seditionum  
 fluitabat, cursum tenuit ad felicissimū  
 otij portum & tranquillitatem, quò nos  
HENRICVS plenissimis velis & di-  
 uinæ mentis aura prosequēte ducebat.  
 Itaque non ille modo Delphinus in vn-  
 dis visus, quem turbato mari funden-  
 tem aquam, portendere aiunt tranquil-  
 litatem, verum etiam è cœlo deuolans  
 cæruleis pennis columba, quæ insigne  
 pacis oleam ferens, diu iactatam & e-  
 mergentem è fluctibus illis calamitatis  
 patriam exhilararet. Nerua Imperator  
 non Traianum prius in filium adopta-  
 uit, quàm allatam è Pannonia lauream  
 in Iouis gremio deposuisset: quo tem-  
 pore magna populi Romani frequentia  
 & gratulatione, in Capitolio, ante aras  
 & puluinar Iouis Optimi Maximi, filiū  
 legit hæredē imperij, qui motus in rep.  
 maximos, & turbulentissimas seditio-  
 nes, mirabili deinde facilitare, & cœle-  
 sti felicitate pacauit. Qui cū esset eius-  
 modi vt honor capitis & dignitas oris  
 latè Principem ostentaret, & cōcentus  
 omnium laudum omnisque gloriæ, qui  
 iam in vita moribúsque audiebatur, bo-  
 num parentem fore patriæ, orbisq; ser-



uatore[m] polliceretur, cum Senatus populusque Rom. communi omnium elogio, & æterno præconio honoris & dignitatis. *Optimum* indigitarunt. Sic HENRICVS domita perfidia, & extinctis bellorum incendiis quæ longè & latè furebant, Deo parenti gratulatus victoriam atque triumphos, quos multos de variis hostibus inaudita felicitate reportauisset, regni hæredem consecutus est, ad pacandam Galliam felici auspicio generatum, cui Senatus populusque vniuersus illud *Optimi* elogium incorrupto iudicio tribuant. Et quidem si ex vultu & lineamētis tacita coniectura duci potest, si vt Pacatus Theodosio Imperatori aiebat, *Augustissima quaque species plurimum creditur trahere de cælo*, si propter capitis atque oris excellentem præstātiā, quidam vt est apud Euripidem digni principatu iudicantur, ea fuit statim in L O D O R I C O regię formę dignitas, & maiestas animaduersa, vt intuentes faciliè intelligerent, cælo satum, diuina manu factum, & dignissimum eo principatu, in quo maiores summa laude gloriaque floruiscent. Quid quod animum statim ac mo-

liri quidpiam & efficere potuit, HEN-  
 RICO parenti simillimum ostendit,  
 potuitne magis illa prouidentia, quæ  
 hic omnia suo arbitrio moderatur, mo-  
 uet, regit, hominum voris & expecta-  
 tioni fauisse? Poëta Hesiodus qui pri-  
 mus Theologiæ præscæ Doctoribus, tum  
 scribendi elegantia, tum peritia intelli-  
 gendi, modico intervallo accessit, in  
 sæculi aurei felicitate ponit infantium  
 puerorum ad parentes similitudinem.  
 Id Orator Gallicanus dulci quadam ra-  
 tione politus & eloquens, in Magno  
 Constantino animaduertit, quem cum  
 ornaret copiosius, *In quem, ait, se prima  
 Constantij Patris iuuenta transfudit, in cuius ore  
 cælestes illius vultus natura signauit. qui adspe-  
 ctum illius ad Deorum concilia translatis, adhuc  
 desiderantibus nobis sufficit pro duobus.* Hic  
 Galli vos appello, vt hanc mecum pa-  
 triæ felicitatem, in qua vna mihi om-  
 nia complexa videntur, recognosca-  
 tis. Vos cum HENRICVS inaudita  
 Sapientia tot gentes provinciâsq; mo-  
 deraretur, cum victoriarum suarum in-  
 signia & trophæa vbique statueret, cum  
 nominis sui existimationem immensa  
 gloria propagaret, cum eius diuinum



ingenium hostes, & animi excel-  
 sitatem metuerent, ciues amarent, cum e-  
 ius ductu atque auspiciis omnia in dies  
 felicius omnibus euenirent, optare so-  
 lebatis, quod incredibile propè vide-  
 batur, vt esset aliquando Rex in Gallia,  
 qui proximè ad eius perfectam & con-  
 stantem virtutum omnium absolutio-  
 nem accederet. Iam illa prestans & di-  
 uina mens nobis concessit, vt Domina-  
 torem habere nus æmulum eius glorię,  
 laudis imitatore, similem deniq; Pa-  
 tri, Matri non dissimilem. Ingeniosus  
 Columella qui non ieiune de rebus cõ-  
 munibus disseruit, nihil esse dubium  
 putat, quin ipsa natura sobolem matri  
 similem esse voluerit. Bene habet: Illu-  
 strissima Heroïna cuius excellentiæ di-  
 gnitatem nec Hetrurię fauces, nec Ita-  
 lię totius angustię capere potuerunt,  
 Mater est L V D O V I C I: is autem Ge-  
 nitor, qui eos qui fuerunt, qui sunt, aut  
 futuri sunt aliquando, praestanti virtute  
 superauit. Hoc tantum si in oratione  
 mea sumerem, Auditores, an non fa-  
 cilè quinis intelligeret, nihil melius  
 atque nobilius aut à nobis optari L O-  
 D O R I C O, aut à Deo concedi potuisse?

X iii



Age dæmonie Aristoteles, cuius dicta & præclarè excogitata sunt pluri-  
ma, sapientiæ doctor singularis, præi  
nobis quid in hac re sentiamus. Audio  
quid in libris de ciuili administratione  
breuiter posueris, esse consentaneum &  
naturæ conueniens *Ex melioribus ortos esse  
meliores.* Quod mihi quidem pro oraculo  
est futurum, cum intelligam, non eum  
posse non incredibiliter excellere, qui  
parentes tam regijs notis claros & in-  
signes, tot diuinis muneribus ornatos,  
tot gloriæ monumētis illustres, ore fin-  
gat, animo referat, imitatione sequatur.  
Hanc autem regiam indolem eximix  
dignitatis, vt solum quoddam & excel-  
lentiæ fundamentū excepit deinde pue-  
rilis illa institutio, quam nostri Proce-  
res illi purpurei, qui fortunis omnibus  
circunfluunt, mirari facilius possunt,  
quàm æmulari. A Ethiopum gens ijs tē-  
poribus quibus exculta fuit disciplinis,  
& doctorum hominum peregrinatione  
celebrata, duo quædam in fortunæ bo-  
nis, aiebat esse palmaria, studio omni  
& voluntate prosequenda, *Regium Prin-  
cipatum & Virtutem,* quæ Numen iis con-  
cederet, quos cœlestis munificentia

donis putaret esse dignissimos. O  
 delicia mundi L O D O I C E, quem  
 te esse feram! qui Delphinus in lu-  
 cem introiens, hoc est opinor coro-  
 natus, regiū nomen obtinuisti, in quo  
 sanè vt Poëta grauis & incitatus ani-  
 mi inflammatione Pindarus auctor est,  
 τὸ ἕσχατον κορυφῆται, decus omne di-  
 gnitasque mortalium, vt in summo ho-  
 noris fastigio conquiescit. Deinde cum  
 loqui, & parentum monitiones intelli-  
 gentia consequi potuisti, hæc audiebas,  
 nihil esse virtute melius, nihil præstabi-  
 lius: in ea decus, & propriam domi-  
 nantium gloriam sitam & locatam esse,  
 eam in omni administratione sequendā,  
 eam omnibus rebus anteponendam, in  
 ea viuendum, in ea denique moriendū.  
 Quæ te captum euestigio ita suis illece-  
 bris, & singulari venustate gratiæque  
 deliniuit, vt tu quoque fatereris, nihil  
 ea formosius, nihil pulchrius, nil ama-  
 bilius, nil quod magis alliciat homines  
 ad diligendum: & quod fuit in ea natu-  
 ræ bonitate sperandum, instar magni  
 Sapientisque Salomonis, eam tibi in  
 sponsam carissimam, & vitæ commu-  
 nionem cuperes adiungere. Maximia-



nus is qui Romani imperij clauum dicitur  
 est moderatus, cum puerum adhuc Cō-  
 stantinum, qui ab inclytis postea faci-  
 noribus Magni cognomen obtinuit,  
 conciliare vellet, & ad sacrum illud fa-  
 stigium diuinæ potestatis astruere, pi-  
 ctorem euocauit vnum egregiè nobi-  
 lem, qui si fides doctorum hominū mo-  
 numentis adhibenda est, Apellem atq;  
 Parrhasium scientia anteiret. Hunc iu-  
 bet tabellam effingere, arcani consilij  
 indicem, mysteriisque redundantem:  
 nam in medio puella visebatur iam di-  
 uino decore venerabilis, quæ sustineret,  
 & formoso puero galeam porrigeret  
 auro gemmisque radiantem, & pennis  
 pulchræ alitis eminentem, quam ta-  
 bellam ad ipsum conuiuij aspectum, A-  
 quileiæ in regio palatio poni iussit.  
 Nec defuerunt viri Principes & inge-  
 niosi bene multi, qui variè istam pictu-  
 ræ elegantem varietatem, pro animi sui  
 voto interpretarentur: sed vulgò o-  
 mnes puerum illum sydereo aspectu &  
 formæ dignitate præstantem, Constan-  
 tinum, galeæ ornatum & insigne, spon-  
 salia munera significare dicebant. Hic  
 pictura longe augustior mihi obuersa-  
 tur, ab



tur, ab æterna Sapiëntia viuis coloribus,  
 & arcano penicillo efficta, quæ puerum  
 egregia indole cœlestique ornatum fe-  
 rat meum LVDOVICVM, Regio ore,  
 dulci pudore, Numinis gratia augustô-  
 que fauore micantem. Illi Virtus egre-  
 gia modestia virgo & venustate, galeam  
 offert, non eam quæ Amasi pro Regio  
 ornamento data fuit, non Magni Ale-  
 xandri iuba horrentem, & suggestu pē-  
 narum candidissimarum ornatam, non  
 Pyrrhi clarissimi Regis & in bello stre-  
 nuū Ammonis cornua præferentem, sed  
 diuinis oraculis expressam & delinea-  
 tam, quam sanctarum legionum ductor  
 D. Paulus, cum Christianam armatu-  
 ram describit, galeam salutis, & longe  
 illo antiquior Salomō, iudicium appel-  
 lat. Hæc cassis vt auro & insignibus gē-  
 mis, sic virtutum incredibilium splen-  
 dore & augusta dignitate collucet: è  
 cono purpureæ pennæ fulgurant, mixtæ  
 candore, non Iunoniæ volucris mollio-  
 res, sed alitis Iouiæ planè viriles, quæ  
 nescio quem cœlestem cursum edoceāt,  
 & volatum quasi moliri videantur. Hic  
 vero quid Principes in Aula viri hæcāt  
 diutius, vt huius picturæ intelligētiam

assequantur? nam mysterium neque ab-  
 ditum est neque difficile, & tabella in  
 bono quod aiant lumine, in omnium o-  
 culis & conspectu est locata. Iam dixi  
 eam Virginem, cuius excellens mulie-  
 bris formæ pulchritudo mouet oculos  
 & delectat, Virtutem esse, amoris sui in  
 Regium adolescentem æternum mo-  
 numentum galeam porrigentem: quæ  
 mihi propemodum hac vti oratione vi-  
 detur, Maeste animo & hac indole Rex  
 L O D O V I C A, decus Europæ, spes Gal-  
 liæ columénque tuæ, delitiæ orbis ter-  
 rarum, cape hoc tegmen diuini capitis,  
 seu præsidium, siue ornamentum futu-  
 rum: te vna cum Regio insigni, iustum  
 iudicium æquitásque circumambiat, ad  
 terrorem perditorum, & innocentium  
 defensionem. Hæc galeam instar Magni  
 Constantini cruce armes, pietate insi-  
 gnias, religione in aures, vt in pace, &  
 externo bello quiescente, bella Domi-  
 ni egregie pugnare queas. Tui maiores  
 è veteri memoria Galli, olim in galeis  
 coraliū ferre consueuerunt, quippe  
 Arioli atque Vates imprimis religio-  
 sum esse id gestamen amoliendis peri-  
 culis arbitrabantur, quidam etiam tute-



iam infantia adiungebant : hic ornatus  
 pietatis, pueritiæ tuæ commune præsi-  
 dium erit & tutela , & periculorum o-  
 mnium acerbitem, dubiâque for-  
 tunam, longissimè à tuis amolietur.  
 Hæc breuiter illa donum attollens, &  
 dulci oculorum coniectu magnanimi  
 Adolescentis illibatum coniugiū æthe-  
 re cōscio liquidiusque fulgente ambie-  
 bat. O sponsalia munera! ô dotem opu-  
 lentam! ô Nymphæ cœlestis laetum &  
 elegans instrumentum, cuius in luce  
 Constantini pueri felicitas & veterum  
 omnium Imperatorum magnificentia  
 obruatur! Labet iterum exclamare, ô  
 thorum genialem sparsum lilijs atque  
 rosa, Medicea rosa & lilijs Gallicanis!  
 ô faces nuptiales igne & auro micantes,  
 in nocte patriæ & communi hac calamita-  
 te accensæ diuinitus & instructæ! for-  
 tunatas millies nuptias, in quibus hæc  
 iniuria cornix è veteri more inuocetur!  
 sponsam dignissimam quam maritus e-  
 mat non omnibus modo vñdis, sed &  
 terra! Qualem eum futurum esse virum  
 putamus, quem iam inde pane ab incu-  
 nabilis Virtus sibi despondet, Pietas  
 cōciliat, Religio Herculeo nodo astrin-  
 git.



git? Nam religionem quidem & germanam pietatem vna cum lacte & communione hoc spiritu hausit, quam verè omnium virtutum fundamētum Christianæ vitæ magistri longe optimi & sapientissimi esse dicunt. Erant in oculis vtriûsque parentis clarissima exempla magni cuiusdam & inusitati in diuinam mentem amoris & bencvolentia, personabant eius aures quotidie suauitudine & concentu orationis, trophea crucis fideiq; insignia proponebantur. Iam tum à prima pueritia ingenuitatis se igniculi efferebant, & iucunda lucebat imago sanctissimi **LVDOVICI**, cuius non modo sceptri hæres atque nominis sed virtutum etiam religionisq; fuit. Neque iam desunt quotidiana parentis lectissimæ admonita, quæ currenti quod aiunt calcar, & sua sponte incitato, subinde novos aculeos subijciat, quæ quantum regio animo sanctitatem cōcilient, non est meæ inopia & tenuitatis explicare, Auditores, vos taciti cum animis vestris cogitare in otio potestis. Aureliano quondam Augusto felix ac diuturnum portendisse imperium ferūt, quod puerulum adhuc in fasciis cunisque vagi-

entem, aquila innoxie aureis è cunabulis extulexit, in arámque portarit, quæ prope sacellum fuit ornatissima. Qualem igitur augurari par est fore **L V D O V I C V M** Galliæ spem & imperij tanti ornamentum, quem non auium præses Aquila, sed virtutum Regina parens clarissima puerilibus annis exceptum, ad aras, ad auitam religionem, ad omne genus pietatis applicuit & instruxit? Theodosius imperator cum Arcadium erudito Arsenio docendum committeret, id grauissime admonuisse fertur, *tunc prolem suam verè fore dignam imperio, si cum scientia aque imbuta fuisset pietate.* Magnifica plane vox, & Christiano orbis terræ moderatore dignissima, quam eodem spiritu aflatu Galliæ Magnus gubernator **H E N R I C V S**, in filio erudiendo sic tenuit, vt in eo ipso curas omnes, studia, cogitationes fixisse videretur. Itaque nihil iam dulcius erat **L V D O V I C O**, quam sacris & ceremonijs interesse, adire pia loca religioni consecrata, numen precari ex maiorum institutione, celebrare conciones, pios sermones de diuinis rebus libenter audire, homines vitæ instituto moribúsque re-



ligiosos in oculis sinúque ferre, cultu &  
 veneratione prosequi, eximiè diligere.  
 Quod illi tam perenne fuit atque perpe-  
 tuum, iam vt signum sustulisse videatur  
 flori adolescentium, & aulicæ nobilitati,  
 pudoris, modestiæ, & commemorandę  
 pietatis. Hic vero mihi venit in mentem  
 pulcherrimi facti, quanquam quo no-  
 mine appellem nescio, pulcherrimum  
 dixi factum, & verè quidem, vos Rhe-  
 donenses cum rem audieritis, quibus  
 verbis eam cohonestetis si lubet exco-  
 gitate. Videre videor quorundam inge-  
 nia iam orationem meam antevertere,  
 & expectare dum dicam matutinas ab  
 illo preces æque ac vespertinas sū-  
 ma religione persolutas; sed non est il-  
 lud quod mentem sua nouitate rapit  
 meam, quippe vsitatum & quotidianū:  
 Sed neque dicam piaculariū globorum  
 resticulam sæpe fuisse manu lectam piē-  
 que numeratam, nam quod in animo  
 habeo, superiora omnia, mea quidem  
 sententia suo splendore præstinguit.  
 Quid igitur illud est? aut quid dignum  
 expectatione vestra proferetur? Atten-  
 dite vt facitis quæso diligēter, Audito-  
 res, nudè breuiterque memorabo sine



osculis orationis, sine ambitu & circū-  
 ductione, ne diuina illius gratia atque  
 formositas laciniosa dictione inobscu-  
 retur. Sacrum fuit statum & solenne  
 quod celebrare cōsueta religione voluit  
 Rex HENRICVS: cum in fanum sup-  
 plicarum iret, sequi filium iussit & gre-  
 gem egregiæ nobilitatis. Res sanè acta  
 est cum dignitate, summa frequentia,  
 magnifico apparatu: regium subsellium  
 occupat HENRICVS, haud procul alia  
 in sede filius, hinc inde Principes, re-  
 liqua à tergo nobilitas diuina mysteria  
 votis & attentione prosequuntur. Cum  
 LVDOVICVS summa animi demis-  
 sione in rem sacram intentus, leuiter o-  
 culos in alteram partem flexisset, coma-  
 tulum vnum animaduertit, familiæ ve-  
 tustate, quàm insita pietate nobiliorem,  
 qui genu alterum cum in solo posuisset,  
 cum luminibus & ceruice molliori, va-  
 cuam & inanem mentē circunducebat.  
 Hic Delphinus modestiorem vnum ad-  
 uocat, moneri hominem iuber, vt utrū-  
 que flectat genu, se Christianum esse  
 meminerit, Dei præsens & tuentis o-  
 mnia humen sanctè & augustè veneretur.  
 Res celari minimè potuit: tum mirari

omnes & stupore defigi primum, dein-  
de laudare, capita inter se conferre, ta-  
cita admurmuratione prodere; donec  
ad Regem de manu quod aiunt in manu  
venisset. Ille factio vehementissimè læ-  
tatus, cum tantisper in acerrima cogi-  
tatione hæssisset, Puer inquit, *nos senio pa-  
nè confectos, quod pudeat aliquando, pietatem  
& boni viri officium docet.* O puerum non  
puerum, de quo verius quam de Roma-  
no Imperatore Vates illa cecinisset.

*Ingenium cæleste suis velocius annis  
Surgit.*

O commemorabilem casti animi reli-  
gionem, quam ad omnem posteritatis  
memoriam aula regia multos annos ce-  
lebrabit. Sinite me hoc loco præterire  
silentio, Auditores, quæ in hanc rem  
copiosè dici possent, ut ad alia æquè  
læta & admiranda veniamus. Nam quæ  
eius dicta, quæ apothegmata in hac æ-  
tatis teneritudine nuntiantur? ullusne  
fuit superioribus annis Luteriæ, qui si  
eum audire potuerit, non miratus sit  
inuitatam maturitatem? Gentem quã-  
dam in Albania esse ferunt, quæ nascen-  
do senium præferat, canisquæ redundet:  
hic video senilem prudentiam & pue-  
ritiam



ritiam virtute canelcentem. Persarum magnus Asia dominator, Legatos miserat ad Philippum Regem Macedoniam, qui tum forte grauissimis negotijs occupatus, procul à domo Regiæque aberat. Igitur Alexander tū adolescente, aut potius puer, eos viros sanè graues & augustæ dignitatis, patrijs in ædibus conuiuio excepit humanissimo apparatu. Neque vero vt fere fit pueriliter illos multa interrogauit de vite aurea, soli óque Cyri, de pensilibus hortis Babyloniam braccisq; Persarū, sed de multis grauioris momenti rebus, de amplitudine Persici imperij, de copijs, de vestigalibus, de militari disciplina, de varietate regionum & prouinciarum. Quæ cum peteret, Legati nimirum in ea pueri grauitate & prudentia exhorrescebant, & abeuntes clara voce dixerunt, *Eam puerum Regem esse magnum, suum autem duntaxat opulentum.* Quod si potest duci è sermone & oratione coniectura, si iam inde à primis annis ex animi insita prudentia, maturóque iudicio, tanquam in herbis augurari licet, quæ deinde fructuum vbertas, quàm læta scges abundansq; sit futura, cū ea dicta L V D O V I-



omnes & stupore defigi primum, deinde laudare, capita inter se conferre, tacita admurmuratione prodere, donec ad Regem de manu quod aiunt in manū venisset. Ille factō vehementissimè lātatus, cum tantisper in acerrima cogitatione hāsisset, Puer inquit, *nos senio pānē confectos, quod pudeat aliquando, pietatem & boni viri officium docet.* O puerum non puerum, de quo verius quam de Romano Imperatore Vates illa cecinisset.

*Ingenium cæleste suis velocius annis  
Surgit.*

O commemorabilem casti animi religionem, quam ad omnem posteritatis memoriam aula regia multos annos celebrabit. Sinite me hoc loco præterire silentio, Auditores, quæ in hanc rem copiosè dici possent, ut ad alia æquè læta & admiranda veniamus. Nam quæ eius dicta, quæ apothegmata in hac ætatis teneritudine nuntiantur? ullusne fuit superioribus annis Lutetiæ, qui si eum audire potuerit, non miratus sit inusitatam maturitatem? Gentem quādam in Albania esse ferunt, quæ nascendo senium præferat, canisq̃ue redundet: hic video senilem prudentiam & pueritiam

ritiam virtute canescentem. Persarum magnus Asia dominator, Legatos miserat ad Philippum Regem Macedoniam, qui tum forte grauissimis negotijs occupatus, procul à domo Regiâque aberat. Igitur Alexander tû adolenscente, aut potius puer, eos viros sanè graues & augustę dignitatis, patrijs in ædibus conuiuio excepit humanissimo apparatu. Neque vero vt fere fit pueriliter illos multa interrogauit de vite aurea, soli óque Cyri, de pensilibus hortis Babyloniz braccisq̃ Persarû, sed de multis grauioris momenti rebus, de amplitudine Persici imperij, de copijs, de vectigalibus, de militari disciplina, de varietate regionum & prouinciarum. Quæ cum peteret, Legati nimirum in ea pueri grauitate & prudentia exhorrescebant, & abeuntes clara voce dixerunt, *Eum puerum Regem esse magnum, suum autem duntaxat opulentum.* Quod si potest duci è sermone & oratione coniectura, si iam inde à primis annis ex animi insita prudentia, maturóque iudicio, tanquam in herbis augurari licet, quæ deinde fructuum vbertas, quàm lata seges abundansq̃ sit futura, cû ea dicta L V D O V I-



c i, cum eius sermones videamus altæ  
 mentis animique sapientis indices, fa-  
 teamur necesse est, eum Alexandro haud  
 paulo minorem, vetere etiam illo Per-  
 farum Imperatore, Rege magno & o-  
 pulento, maiorem & opulentidorem fu-  
 turum. Age vero sit insigni aduersus  
 Deum pietate, modestia, grauitate;  
 iamque exacuerit ingenij aciem ad eam  
 prudentiam quam miramur: at exigui  
 forte animi & imbellis, qui nunquam  
 dignas heroe cogitationes suscipiat o-  
 minium gentium negotiorumque victo-  
 re. Sed cui Gallo hoc in mentem venire  
 possit, cui non statim id Poëtæ boni ob-  
 iiciatur, *Fortes creantur fortibus & bonis?*  
 Videmus in equis cæterisque animan-  
 tibus, ortu & procreatione, generis  
 vim atque robur in perpetuas prope-  
 modum ætates fundi & propagari. Ab  
 Aquila generosa timida nunquam pau-  
 tantisque columbæ gignuntur: & H E N-  
 R I C I vim & naturā, & diuini animi ex-  
 cellitatem, nihil hic valuisse credamus?  
 In Britannia quondam Insula si quando  
 mater infantem puerum in lucem edi-  
 disse, primos cibos gladio mariti im-  
 ponere consuevit, inque os paruuli mu-



erone summo auspiciū alimentorum  
inferre : sic opinor fieri posse existima-  
bant, vt parentum heroica virtus, & in  
bellis egregia animi fortitudo, in filios  
deriuaretur. Fuit quidem natus ijs tem-  
poribus LVD OVICVS, quibus adhuc  
strictus erat parētis gladius & coruscās,  
ad terrorem hostium & calamitatem,  
sed paulo ante insigni victoria laurea-  
tus, & pacata olea florens, ad æternam  
patriz securitatem, ciuium decus, &  
Gallorum omnium præsidium. Hunc  
gladiū toties in ore atque in oculis ha-  
buit, ad hanc animi excellentiam à Re-  
gina Matre illustri scēmina institutus  
fuit, hoc Principis magnanimi pugio-  
ne cibum regium vt ita loquar tempe-  
rauit, & dubitemus illam parentis ani-  
mi excelsi atque inuicti magnitudinem  
atque robur, in claram & primigeniam  
sobolem fuisse immissam? Siculus Poë-  
ta cum Aegypti Regem Ptolemeum  
versu & numeris, atque nota suauitate in  
cælum attollit, Reges quidem & gen-  
tium omniū duces ac moderatores Ioui  
Saturnio curę esse ait, eūque impri-  
mis futurum esse clarissimum, quem  
benigno lumine Numen aspexerit γένος.

μαιον τὰ πρῶτα, primogenitum, quem  
 deinde in vita magna quædam perennis-  
 que rerum omnium felicitas consequa-  
 tur. Id sanè verum esse puto, regia pro-  
 lis curationē adhiberi a Deo & præler-  
 tim eius imperij & felicissimi domina-  
 tus, vbi vera Numinis religio domici-  
 lium collocavit: Sed eam maximè pro-  
 videntiam in LUDOVICO, licet ani-  
 maduertere, quem primo natum ita su-  
 peri omnes cura & benevolentia com-  
 plexi sunt, vt parētis egregia decora, &  
 singularia mentis ornāmēta in eo insita  
 & ingenerata fuisse videantur. Adamā-  
 tem in excellentissimo auro deprehen-  
 di ait Polyhistor, sic in ea regia indole  
 & angusta specie dignitatis, quæ hæc-  
 nus iam inde ab initio spem eximiam  
 sumæ virtutis exhibuit, lucet animi for-  
 titudo similisque Genitori constantia.  
 Ad hanc vero præstabilem naturam &  
 generosæ mentis inductionem, cum fa-  
 ma veri nuncia, quæ vulgare pulcherri-  
 ma quæque solet, ad aures accesserit,  
 cum HENRICI clarissimos trium-  
 phos, laureasque in bello partas, cum  
 insignem æquitatem, cum singularem &  
 prope diuinam clementiam, cum inau-



ditam humanitatē, fidem, religionem,  
 cum præstantissima facinora quæ in A-  
 ra æternitatis hominum studio & reli-  
 gione consecratur, quotidie pro digni-  
 tate commemorabit, vt sese Borbonius  
 sanguis vegeto quodam & innato ardo-  
 re exsuscitabit? vt L V D O V I C I vis  
 atque virtus, in cœlum via regia, & pa-  
 rentis vestigijs notata feretur? quas in-  
 derationes administrandi, quantā sa-  
 pientiam hauriet? vt in Magno Geni-  
 tore superando, quantum ætas & nego-  
 tiorum cursus vitæque patietur, elabo-  
 rabit? Nam si vnus Miltiadis trophæis  
 sic Atheniensis ardebat Themistocles,  
 vt nec diurnæ nec nocturnæ quietis par-  
 tem vllam caperet, cum tot & tanta  
 bellicæ laudis victoriæque insignia &  
 monumenta regius videbit Adolescens,  
 quos stimulos gloriæ sentiet, quos acu-  
 leos laudis, quam flammam ætûsque i-  
 mitationis? Hominum quondam excel-  
 lentium fores atque vestibula ita spolijs  
 & trophæis ornabatur, vt liceret ea ne-  
 mini à loco refigere: L V D O V I C V S  
 illa procreatoris sui decora & victoria-  
 rum insignia, fixa in animo, & ad perē-  
 nem consequentis æui memoriam stu-



diosè impressa, vnquam excidere & 2-  
 uelli sinat? Imo vero neque hic conie-  
 cturis agendum est, Auditores, neque  
 diuinandum, aut peruestigandum subti-  
 lius quid futurum sit aliquando, cum ea  
 quæ fiunt, quæque eueniunt quotidie in  
 oculis auribûsque habeamus. Nam ij  
 sermones magnanimi Principis esse fe-  
 runtur, ea consilia ineuntur, ea iam lu-  
 cet inuicti animi grauitas, & magnitu-  
 do, vt qui ora modo intuétur, facile per-  
 spiciant, esse in eo quam Democritei  
 summam bonorû esse aiebant, *εὐθυμία*,  
 animum terrore vacuum & excelsum.  
 Iraque ni ætas & corporis teneritudo  
 impediret, HENRICVS Magnus iam  
 Virbius, iterum in vitam lucémque re-  
 uocatus, certè geminus HENRICO fi-  
 lius vel ab ignotis diceretur. Ego vero  
 qui hætenus non ita felix beatûsq; fui,  
 meum vt Regem summa animi mei vo-  
 luptate corâ aspicerem, tamen intuens  
 in eas imagines atque oris expressiones  
 quæ feruntur, is in vultu mihi lucet im-  
 peratorius ardor & dignitas, vt non du-  
 bitem cum Poëta Græco exclamare  
 Ὅσος Ἀπ' ἡμῶν! O germana HENRICI  
 progenies! Martis genus! stirps Heroû!

**presidium Gallia! tuorum firmamentum!**  
 Sacra fuit stirps quædam in Boeotia eorum Indigetum, qui primi Thebas summa gloria & nominis sui existimatione condiderant, Sparti nominabantur. Illi autem in vitam hanc venientes, impressam à natura lanceam in corporibus habuerunt, insigne honoris, diuini generis argumentum. Tu sacra propago Indigetis pollensque germen, non victricem parentis lanceam, aut fulgentem gladium impressum, sed vim & genium **HENRICI** totius corporis animique vestigiis in mundum attulisti. Vere hoc dicturus sum, Auditores, non defuerunt in Gallia Principes & Dynastæ, qui tametsi forent honestissimo & nobilissimo genere procreati, tamen nescio quo fato, nihil altius quam quod mediocres homines solent, suspicere vnquam potuerant, & prope in fæce & angusti animi humilitate confidebant: qui deinde cum ad Aulam mentem applicuissent, cupidiùsque oculos intendissent in admirandum **HENRICVM**, ita euestigio vt Circeæ virga sunt immutati, vt generosam animi constantiam induerent, & antiquæ familiæ decus herois quadam



imitatione seruarent. Quid igitur mihi hic faciet. **LVDOVICVS** domestico exemplo fretus & diuturna Patris institutione? præsertim cum ita sit ingeniosus & solers, vt ea quæ maximè excellentiora notare possit? Gratianus Imperator trabeas habuit siue palmatas auro graues, opere Phrygio elegantissima textura elaboratas, in quibus Diuus Constātiū, vnde ille originem ducebat, exquisito artificio depictus fuit, qui nepotis gloriosum animum per medias laudes quasi albis quadrigis vehentem, egregiè factorum memoria titillabat. **LVDOVICVS** cum non modo paludamentum habeat, aut expressas magni parentis imagines, sed viuam agentemque naturam si militudine fusam, & naturæ communionem geminam, certè non poterit non accendi vehementius, & in eo cursu honoris atque laudis, his stimulis & tacita monitione incitari. Hoc duce, hoc inuictō moderatore, hac præstantis animi gloria freti & securi, quidquāne est, Auditores, quod aut nobis aut florenti Galliæ imperio timendum existimemus? Nisi fortè minus illi carā patriam esse putatis. at ciuiliū legum dicta



dicta & effata verissima exaudiuntur,  
*Prasumi filium* esse eiusdem voluntatis &  
 affectus cum Patre: quæ si nulla bonus  
 Imperator in Digestis poni voluisset,  
 tamē auderem liquido affirmare, meū  
 Regem tam communis salutis amante,  
 tam egregiè in suos omnes animatum,  
 ut ea in re Parenti optimo nihil aut pa-  
 rum concessurus esse videatur. Neque  
 verò cogitandum est, quod imperitis ve-  
 nire in mentem possit, eam pueritiam  
 quam videmus omni genere laudis ef-  
 florescentem, regio splendori gloriæ-  
 que obfuturam. Quis enim tam est in  
 humani generis cognitione hospes &  
 peregrinus, qui nesciat, esse quædam a-  
 lia propè infinita quæ annos supplere  
 possint? *Gottfridus atatem* legitimam Vir-  
 tus facit, aiebat olim Italiæ Rex Theo-  
 doricus: Imo Gallis, imo Regibus à di-  
 uina mente lectis ad imperia admini-  
 stranda & hominum procurationem.  
 Inter Reges, de quibus nobis veterum  
 historiæ loquantur, habemus neminem  
 Salomone prudentiorem, aut illustrio-  
 rem gloria, & omniū rerum abundan-  
 tia & thesauris, quibus propè immensis  
 & extructis circumfluebat, illius tamen

A a

adolescentiæ diuina quædam virtus &  
 auctoritas eluxit, cū pæne puer ad am-  
 plissimum dominatum esset euectus.  
 Qui se deinde cum in diuinæ prouiden-  
 tiæ cognitionem penitus insinuasset, nō  
 tam alienis præceptis eruditus, quàm  
 sua doctus experientia, grauissimè illud  
 pronunciauit, *Cor Regis in manu Dei esse.*  
 In eadem gente & imperio videmus lo-  
 siam non plus octo fuisse natum annos,  
 cum hominum propè innumerabilium  
 moderandas habenas suscepit. Sed quis  
 ille vir quātūque Imperator? quem Si-  
 pientis Ecclesiastę prodita oracula cō-  
 mendant, quem inter viros gloriosos &  
 hominū celebratione prædicandos re-  
 ponunt, cuius memoriam omni cōcen-  
 tu Musico suauiore in omnem æterni-  
 tatem fore aiunt. Vetera commemoro,  
 quid in Gallia? num desunt impuberes  
 nobis, qui rectores sint Reipub. mode-  
 ratorésque ciuium à natura & diuino  
 imperio constituti? Carolum octauum  
 meministis, Auditores, & Ludouicum  
 nonum florem illum totiūque lumen  
 sanctitatis, quem pio cultu sacris & ce-  
 remoniis in æterno cæli domicilio bea-  
 tum prosequimur. Huius autem in æta-



te puerili moderatio, iudiciisque maturitas & sapientia, eos deinde magna felicitate processus habuit, ut res gestæ beatissimi Ludouici, & sub eo Galliæ regni amplitudo, iisdem propè quibus Solis cursus terminis ac regionibus definirentur. Matrem ille habuit, eximia religione fœminam, prudentia consilioque admirandam, cuius ductu ad omnem honestatis amorem imbutus, factus ad imperandum, multa sanè gloriosissimè & magnificentissimè cōfecit. Nos habemus LUDOVICUM, nos & Blancam, verè Augustam regiæ adolescētæ moderatricem, quæ veteris etiam gloriam, regēdi prudentia & consilio, inobscuratura videatur. In eam sunt omnium animi Gallorum intenti, eius nutum viri Principes, & Dynastæ obseruant, eius numen Prouinciæ omnes vrbesque verentur. Homo doctus & in auctorum monumentis interpretandis cum primis intelligens, opinor Seruius, ait Thuscōs nunquam Regem habuisse. Id verum an non verum sit minimè disputo: at iidem certè Reginas aliis nationibus Augustasque cederunt, de quibus hominum literæ & torius po-

A ij



steritatis monumenta memoriâque pro-  
 dēt. Galli quidem omnium Principem  
 Deum venerari, gratésque illi quantas  
 animi capere hominum queunt, debent  
 soluere, qui in ea funesta Galliæ nocte  
 tantam lucem & splendorem, tantum  
 præsidium, tantum consilium Sapientis-  
 simæ Reginæ dedit, cuius virtus & viri-  
 lis animi constantia, sic cognita fuit ha-  
 ætenu, & in summis rebus negotiis que  
 probata, vt post illud mortiferum vul-  
 nus, quo vna cum parête optimo, Gal-  
 lia propè omnis extincta fuit, sine mo-  
 ra Curia Senatores, & amplissimi con-  
 silij Proceres, eam regni moderatri-  
 cem, & regis pueritiæ custodem renū-  
 ciarint. Quo tempore dici à me non po-  
 test, quàm gratus iis in tenebris &  
 fortunæ acerbitate fuerit L V D O V I C I  
 conspectus, cum in Curiam iuit, cum  
 vultum modestia insignem & maiestate  
 vrbi ostendit, cum inter Senatus lumi-  
 na, Solis instar, non tam purpura gra-  
 uissimi ordinis, quàm pudore suo ra-  
 diauit. Tum illum omnes non modo in  
 oculis, sed & in osculis sinúque ferre,  
 tum sperare omnia eius ductu & felici-  
 tate meliora, de se verò polliceri om-

nia, quæ Ciues boni Regi optimo debent feruntque. Tum obliti quasi doloris sui Principes, & spectaculi Galliarum vniuersæ luctuosi, in eo naturæ spectaculo defigebantur, & partem infiniti mœoris, qui penitus animum excruciat, illa indole, ea tanta maiestatis humanitate leuabant. Latinus Pacatus domo Gallus, ingenio clarus, eruditionis Antistes, cum iter Romam instituisset, se beatissimum prædicabat, quod Theodosium videre potuisset, Quæ reuersus, inquit, vrbibus Galliæ dispensabo miracula? quantis stupentium populis, quam multo circundabor auditore, cum dixerò, *Romam vidi, Theodosium vidi, & vtrumque simul vidi.* O Proceres quos ille Galliæ tutelaris Genius tum hilarauit, Bonum factum, vrbibus Galliarum nunciate, vos Lutetiam vidisse Principem verè vrbiumque Reginam, **LYDovicvm XIII.** vidisse plenum mentis & ardoris paterni heredem, & vtrumque simul vidisse, hunc nutu sceptróque moderàtem, illam studiis officiòque venerantem. E Curia in regalem domum est deductus, plenus quidè luctuosi mœoris, propter eam iā



improuisam, tam iniustam & incredi-  
 bilem calamitatē, sed qui tamē mæro-  
 rē omnibus & calamitatē esset ereptu-  
 rus. In paterno solio collocatur, summa  
 Procerum & ordinum omnium consen-  
 sione: vbi mihi, Auditores, grata qua-  
 dam & augusta species obuersatur A-  
 dolescentis inter lilia stellis aureis lon-  
 gè splendidiora confidentis. Letum ca-  
 put circum Sole illuminatur, summiq;  
 honoribus fulgurat, qui in omnes Gal-  
 lię partes, variè decus & splendorem  
 conijciunt. Infra pedes sternitur Ocea-  
 nus ingens bonorum, vnde minuti ri-  
 uuli exoriuntur atque manant in Nobi-  
 les, in vrbes, in provincias, in finitima  
 regna, in immensum Orientem. Eius  
 latera pulcherrimo instructu ornatūque  
 Dię cingunt & coronant, hinc Iustitia  
 Lege & Eunomia comitata, Pax inde &  
 bona Copia atque Felicitas. Pone my-  
 riades obsecundantium hominum, vi-  
 tam & salutem à Rege fortunatissimo  
 capientium, qui omnes è veteri accla-  
 mationum ritu *πελυζέοντες* ingemi-  
 nant. Supra verò è pleno Stellarum lo-  
 co, is qui cælum atque terras tuetur &  
 regit mundi procreator, beneuolentię



aurem suę & diuinitatis impertit, & eadem quę Cyro quondam magno Regi in oraculis Prophetarum benigne pollicetur, *Ego anteibo & gloriosos terra humiliabo.* Homunciones in terra noua lætitia delibuti, & his cœli muneribus gestientes exclamant efferuntque *Magnum Iouis incrementum.* O salutare communis Galliæ luctus solatium, Auditores, in quo vno fletus & lamenta conquiescā! Patria quæ prius in sordibus & squalore volutabatur, in hoc tandē iucundo spectaculo erigitur, & oppletū cinerib<sup>9</sup> caput attollit, quippe illa Sāctissimi Vatis audire visa, *Excutere de puluere, consurge, induere vestimentis gloria tua,* nam te LVDOVICVS gemitu & mœrore confectam eriget, hostium fraude armisque imperitam gladio proteget & tropæis ornabit. Quibus igitur verbis quāve oratione prosequemur hoc tantum boni, hoc diuinum ornamentum, hanc Galliæ felicitatem? Nam quod M. Tullius de nocte per quietem vidit Romæ, id meridie in Gallia orbis terræ splendissimo theatro, singulari voluptate vidimus, Adolescētem Iouis imperio delectum ad imperium moderandum, qui


multos prudentia senes, constantia iu-  
 uenes, maiestate Reges, beatitate Prin-  
 cipes, admiranda virtute reliquos an-  
 teeat. Qui Cōstantio in imperio orbis  
 terrę successit Christianę religionis de-  
 fertor Princeps, ita se pingi curauerat,  
 vt Iuppiter tanquam de cœlo apparēs,  
 coronam & purpuram quę sunt imperij  
 insignia ipsi præberet, hinc inde Mars  
 & Mercurius in eum intuentes, cum vi-  
 deri vellet & diuinitus lectus ad princi-  
 patum, consilio princeps atque Mer-  
 curius, Mars in bello & in hostibus op-  
 pugnandis formidolosus. Sed homo in-  
 solens & stultę impietatis, nec Deo ca-  
 rus erat cuius numen & religionē vio-  
 labat, nec in bello fortis & strenuus,  
 qui furore amens in exitium pestēmq;  
 ruebat, nec consilio Sapiens quem in-  
 humana sauiendi libido transuersum a-  
 gebat. Tibi **L O D O V I C A** ista insignia  
 debebantur, qui summo rerū Principi &  
 Gubernatori Deo, qui te Gallię, Gal-  
 liam tibi concessit, ita carus es & dile-  
 ctus, vt nec in pace tibi consilium, nec  
 in bello virtus sit defutura. Et is quidē  
 superbissimus Imperator in Gallia cū  
 esset, inuitatum se à Genio mentieba-  
 tur ad

tar ad imperium omnium Gentium ca-  
 pellendum, te Præsides Galliæ Genij  
 ad maiorum tuorum Principatum vo-  
 cant, quem tibi iura omnia tum diuina  
 tum humana tribuerunt. Ad hunc certe  
 egregie instructus & paratus accedis ea  
 indole & plena humanitatis voluntate,  
 hanc mihi tamen veniam dabis & con-  
 cedes, hic ut ponam quod hominum o-  
 pinione Sapiens Tito quondam Impe-  
 ratori aiebat, *Vince Patrem virtutibus, hostes*  
*armis*. Si fas foret adderem hoc de meo,  
*Vince & Matrem præstabili in Deum*  
*religione, tuenda salute innocentium,*  
*animi liberalis munificentia, pruden-*  
*tia, moderatione singulari.* Nam tamen si  
 ut Poëta bonus ait *Dos est magna paren-*  
*tum virtus*, tamen Gallia quæ se tibi iam  
 desponsam gloriatur & triumphat, eo  
 contenta nō est, quod cura, quod indu-  
 stria, quod animi regij prouisione au-  
 geri potest. Habes tibi deuotas prouin-  
 cias, obedientes populos, vires omni  
 ratione obsecundantes, omnes ordines  
 honori tuo velificātur, tellus paret, cœ-  
 lum arridet, finitimæ nationes colunt &  
 mirantur. Tibi thura sanctissimis in aris  
 incenduntur, tibi vota sonāt & piorum

Bb



hominū preces, te Semine & do-  
 micilia pietatis, vbi greges hominum  
 sunt castè pieque d'gentium, parentem  
 agnoscunt. Certè hæc mea *Pæsv* Socie-  
 tas meritis quidem & perfectione mi-  
 nima, sed tui ornandi colendiq; volun-  
 tate maxima, tui regni felicissima au-  
 spicia, votis & religione prosequitur,  
 pioq; studio inflammata vouet omnia.  
 Eius mecum alumni omnes atq; Socij  
 vno ore animoque pronunciant, quod  
 Amalarius Fortunatus non modo egre-  
 giis moribus, sed illustri quondam eru-  
 ditione ad *LVDOVICVM* Imperato-  
 rem, *Dias LVDOVICO* vita, nouo *David*  
*perennitas*, nouo *Salomoni felicitas*, Iudis *or-*  
*thodoxa nobilissima* atque *prudensissima* *Augu-*  
*sta* salus per multos annos: *Lumina pacis Do-*  
*mine serua*, *lumina mundi Domine serua*; *Ve-*  
*stra vita tutela omnium est*, *vestra fides Ecclesia-*  
*rum est gloria.* DIXI.



IN LVDOVI-  
CVM XIII. VE-  
RE NEPENTHES

Gallia, & imprimis caræ  
Lutetia magno suo  
splendore orbatæ  
solatium.

ANAGRAMMA.

LVDOVICVS BORBONIVS REX.  
EX ORBO IVCVNDVS VRBI SOL.



*Orba fuit magno deuota Lutetia  
Sole,*

*Orbus & angustior LODOICE Patre.  
Ex orbo LODOICE Vibi iucundus  
ad-s Sol,*

*Fisq; Patræ patriæ qui modo parvus eras.  
Haud ergo nunc orbus eris, nō orba feretur  
Vrbs tua, nam patriæ Solque Patræque  
tuæ es.*

B b ij

DE EODEM SOSPITA-  
TORE GALLIÆ ET APO-  
TROPÆO LODOICO.

ANAGRAMMA.

LODOICVS BORBONIVS.  
VOS IN DOLORIBVS BEO.

Prosopopœia LODOICI.

**Q**uonſque rigida pectus affliges manu  
Inhonora planctu Gallia?  
Quonſque Cives dabitſ exitiō genas  
Humente ſulcō ductiles?  
Me me videte ſceptra moderantem mea,  
Novūmque flore lilium.  
Demantur atra, planctus in plauſus eat,  
Vos in doloribus beo.  
Pio Parenti mittere inferias pium eſt,  
Tumulūmque rore ſpargere:  
Nati at vigētem gloriam & partum decus  
Fœdare lacrymis, impium.



## ΕΙΣ ΤΟΝ ΛΟΔΟΙΚΟΝ

Βασιλέα τὸν αἶακον σωτῆρα  
καὶ χερειδοτῆν.

Ἀρπόμεν πελόμαθα σὺ ἡρωεὶ δ' εἰ πάντω  
Σμερδαλέα ῥήγνυσκε κακὴ αἰέμοιο  
θύελλα

Νῆα θοῖον, ἅλα ὅτ' Ἀττι νεφέεσσιν ἐχάλυψε.  
Πάντα λύσσει χεὶ ὠρυμνήσια, αὐτὰρ ἄμύν-  
μων

Κάππεσεν εἰς τὰ ῥέεθρα πολυφλοίσβοιο θα-  
λάσσης

Πρωρεῖς κυδάλιμος, μεγάλη Ἰωρ, ἰσόθεος  
φάος.

Νυν δὲ κυβερνήτης νέος ὤρτο, καὶ Ἡρώεσσιν  
Εἵκελος, ἠβῶων θ' ὅς κ' ὕματα πορφύρεοντα  
Θέλγῃ σκηπανίῳ, καὶ ἱκμῶνον ἔρον ἱήσι.

Αἶψα δὲ ἡελίος φάος αἰγλήεντος ἐλαμψεν  
Ἀντέφελός τ' αἴθρη, ἦμος Δοδῆϊκος Ὀλύμπῳ  
Ἀρχιμολῶν ἄρεσσιν ἴσκιος μεγακῆτεα πόρτον.

Bb iii



# VATICINIVM APOLLINIS DE

LVDOVICO XIII.

Rege Galliae & Nauarrae  
Optimo Maximo.

**N** T Rex magnanimus pallētia vul-  
nere clausit.  
Lumina, & undati fudit cū sanguine vitā,  
Dirigere omnes, subitūsq; per ima cucurrit  
Ossa paupor, late lacrymis rorantibus unā  
Stillauere Vrbes, & iam clamore supremo  
Ardua stelliferi turbarunt sydera mundi.  
Tūc etiā Aonia per amœna vireta Sorores  
Castalias auxere undas liquentibus aluis,  
Pimpleasque domos ululatus implere.  
Delius in medio citharā dum pulsar eburnā,  
Et magnos HENRICI ardet memorare  
triumphos,

Audite



Audiit infanda sorte occubuisse parentem,  
 Labitur exanimis, cedit color, aurea fronte  
 Cæsaries turbata umbrat, fluxere corollæ,  
 Marmorea chelys aëta manu, indignantia  
 plangunt

Barbita triste solū, subitoque irnoxia laurus  
 Aret, & obscenæ veniūt ad tēpora vittæ.  
 Cyrrhæi pia turba chori Phœbique voluptas  
 Solatura volat, gelido pars cymbia rore  
 Plena gerit, pluuiisque rigat gēmantibus ora,  
 Pars caput intonsum dextra leuat, auia laicæ  
 Et nemora & valles doctis sonuere querelis.  
 Latoum reuocare student, sed Regis amati  
 Fatum haurit vires moribundæque membra  
 resoluit.

Nox ruit interea & rubro lauit æquore  
 currum

Obscurus Phaëthon, refugosque per æthera  
 moerens

Ante horā ciet alipedes, astra ignea surgūt.  
 crebrescunt gemitus, arguta voce camœnæ  
 Vaticinū inclamāt frustra, nō frigida pulsu  
 Vena salit, tacito nec funditur halitus ore.  
 Idem omne simul ardor habet, pērque oppi-

Cc



improvisam, tam iniustam & incredi-  
 bilem calamitatē, sed qui tamē mœro-  
 rē omnibus & calamitatē esset ereptu-  
 rus. In paterno solio collocatur, summa  
 Procerum & ordinum omnium consen-  
 sione: vbi mihi, Auditores, grata quæ-  
 dam & augusta species obuersatur A-  
 dolescentis inter lilia stellis aureis lon-  
 gè splendidiora confidentis. Letum ca-  
 put circum Sole illuminatur, summūq;  
 honoribus fulgurat, qui in omnes Gal-  
 lię partes, variè decus & splendorem  
 coniiciunt. Infra pedes sternitur Ocea-  
 nus ingens bonorum, vnde minuti ri-  
 uuli exoriuntur atque manant in Nobi-  
 les, in vrbes, in provincias, in finitima  
 regna, in immensum Orientem. Eius  
 latera pulcherrimo instructu ornatūque  
 Diuę cingunt & coronant, hinc Iustitia  
 Lege & Eunomia comitata, Pax inde &  
 bona Copia atque Felicitas. Pone my-  
 riades obsecundantium hominum, vi-  
 tam & salutem à Rege fortunatissimo  
 capientium, qui omnes è veteri accla-  
 mationum ritu *πλυζέονιον* ingemi-  
 nant. Supra verò è pleno Stellarum lo-  
 co, is qui cælum atque terras tuetur &  
 regit mundi procreator, beneuolentię

aurem suę & diuinitatis impertit, & eadem quę Cyro quondam magno Regi in oraculis Prophetarum benigne pollicetur, *Ego ante ibo & gloriosos terra humiliabo.* Homunciones in terra noua lætitia delibuti, & his cœli muneribus gestientes exclamant efferuntque *Magnum Iouis incrementum.* O salutare communis Galliæ luctus solatium, Auditores, in quo vno fletus & lamenta conquiescāt! Patria quæ prius in sordibus & squalore volutabatur, in hoc tandē iucundo spectaculo erigitur, & oppletū cinerib⁹ caput attollit, quippe illa Sāctissimi Vatis audire visa, *Excute de puluere, consurge, induere vestimentis gloria tua,* nam te *LEODOVICVS* gemitu & mœrore confectam eriget, hostium fraude armisque impetitam gladio proteget & tropæis ornabit. Quibus igitur verbis quāve oratione prosequemur hoc tantum boni, hoc diuinum ornamentum, hanc Galliæ felicitatem? Nam quod M. Tullius de nocte per quietem vidit Romæ, id meridie in Gallia orbis terræ splendidissimo theatro, singulari voluptate vidimus, Adolescētem Iouis imperio delectum ad imperium moderandum, qui



multos prudentia senes, constantia iu-  
 uenes, maiestate Reges, beatitate Prin-  
 cipes, admiranda virtute reliquos an-  
 teeat. Qui Cōstantio in imperio orbis  
 terrę successit Christianę religionis de-  
 fertor Princeps, ita se pingi curauerat,  
 vt Iuppiter tanquam de cœlo apparēs,  
 coronam & purpuram quę sunt imperij  
 insignia ipsi præberet, hinc inde Mars  
 & Mercurius in eum intuentes, cum vi-  
 deri vellet & diuinitus lectus ad princi-  
 patum, consilio princeps atque Mer-  
 curius, Mars in bello & in hostibus op-  
 pugnandis formidolosus. Sed homo in-  
 solens & stultę impietatis, nec Deo ca-  
 rus erat cuius numen & religionē vio-  
 labat, nec in bello fortis & strenuus,  
 qui furore amens in exitium pestēmq;  
 ruebat, nec consilio Sapiens quem in-  
 humana sæuendi libido transuersum a-  
 gebat. Tibi **L O D O V I C Ū** ista insignia  
 debebantur, qui summo rerū Principi &  
 Gubernatori Deo, qui te Gallię, Gal-  
 liam tibi concessit, ita carus es & dile-  
 ctus, vt nec in pace tibi consilium, nec  
 in bello virtus sit defutura. Et is quidē  
 superbissimus Imperator in Gallia cū  
 esset, inuitatum se à Genio mentieba-  
 tur ad



tur ad imperium omnium Gentium ca-  
 pellendum, te Præsides Galliarum Genij  
 ad maiorum tuorum Principatum vo-  
 cant, quem tibi iura omnia tum diuina  
 tum humana tribuerunt. Ad hunc certè  
 egregiè instructus & paratus accedis ea  
 indole & plena humanitatis voluntate,  
 hanc mihi tamen veniam dabis & con-  
 cedes, hic ut ponam quod hominum o-  
 pinione Sapiens Tito quondam Impe-  
 ratori aiebat, *Vince Patrem virtutibus, hostes*  
*armis*. Si fas foret adderem hoc de meo,  
*Vince & Matrem præstabili in Deum*  
*religione, tuenda salute innocentium,*  
*animi liberalis munificentia, pruden-*  
*tia, moderatione singulari.* Nam tamen si  
 ut Poëta bonus ait *Dos est magna paren-*  
*rum virum*, tamen Gallia quæ se tibi iam  
 desponsam gloriatur & triumphat, eo  
 contenta nō est, quod cura, quod indu-  
 stria, quod animi regij prouisione au-  
 geri potest. Habes tibi deuotas prouin-  
 cias, obedientes populos, vires omni  
 ratione obsecundantes, omnes ordines  
 honori tuo velificātur, tellus paret, cœ-  
 lum arridet, finitimæ nationes colunt &  
 mirantur. Tibi thura sanctissimis in aris  
 incenduntur, tibi vota sonāt & piorum

Bb

hominū preces, te Semine & do-  
 micilia pietatis, vbi greges hominum  
 sunt castè pièque d'gentium, parentem  
 agnoscunt. Certè hæc mea I. S. V. Socie-  
 tas meritis quidem & perfectione mi-  
 nima, sed tui ornandi colendiq; volun-  
 tate maxima, tui regni felicissima au-  
 spicia, votis & religione prosequitur,  
 pioq; studio inflammata vouet omnia.  
 Eius mecum alumni omnes atq; Socij  
 vno ore animoque pronunciant, quod  
 Amalatus Fortunatus non modo egre-  
 giis moribus, sed illustri quondam eru-  
 ditione ad L V D O V I C V M Imperato-  
 rem, *Dia L V D O V I C O vita, nouo David  
 perennitas, nouo Salomoni felicitas, Iudith or-  
 thodoxa nobilissima, atque prudentissima Augu-  
 sta salus per multos annos: Lumina pacis Do-  
 mine serua, lumina mundi Domine serua; Ve-  
 stra vita cuncta omnium est, vestra fides Ecclesia-  
 rum est gloria.* DIXI.



IN LVDOVI-  
CVM XIII. VE-  
RE NEPENTHES

Gallia, & imprimis cara  
Lutetia magno suo  
splendore orbata  
solatium.

ANAGRAMMA.

LVDOVICVS BORBONIVS REX.  
EX ORBO IVCVNDVS VRBI SOL.



*Orba fuit magno deuota Lutetia  
Sole,*

*Orbus & angustior LODOICE Patre.  
Ex orbo LODOICE Vibi iucundus  
ad-s Sol,*

*Fisq; Parēs patriæ qui modo parvus eras.  
Haud ergo nunc orbis eris, nō orba feretur  
Vrbs tua, nam patriæ Solque Parēnsque  
tua er.*

B b ij



DE EODEM SOSPITA-  
TORE GALLIÆ ET APO-  
TROPÆO LODOICO.

ANAGRAMMA.

LODOICVS BORBONIVS.  
VOS IN DOLORIBVS BEO.

Prosopopœia LODOICI.

**Q**uonſque rigida pectus affliges manu  
Inhonora planctu Gallia?  
Quonſque Cives dabitis exitio genas  
Humente ſulco ductiles?  
Me me videte ſceptra moderantem mea,  
Novumque flore lilium.  
Demantur atra, planctus in plauſus eat,  
Vos in doloribus beo.  
Pio Parenti mittere inferias pium eſt,  
Tumulumque rore ſpargere:  
Nati at vigentem gloriam & partum decus  
Fœdare lacrymis, impium.



# ΕΙΣ ΤΟΝ ΛΟΔΟΙΚΟΝ

Βασιλέα τὸν αἶακον σωτῆρα  
καὶ χαριδοτῆν.

Ἀρπύριον πελόμεθα εἰς ἡρώεσσι πάντα  
Σμερδαλέα ῥήγνυσκε κακὴ αἵμοιο  
θύελλα

Νῆα θοῖον, ἅλα ὅτ' Ἀττὶ νεφέεσσιν ἐχέλυε.  
Πάντα λύσσει χεὶ ὤρυμνήσια, αὐτὰρ ἀμύ-  
μων

Κάππεσεν εἰς τὰ ῥέεθρα πολυφλοίσβοιο θα-  
λάσσης

Πρωρεὺς κυδάλιμος, μεγάληλαρ, ἰσόθεος  
φῶς.

Νῦν δὲ κυβερνήτης νέος ὤρτο, καὶ Ἡρώεσσι  
Εἵκελος, ἠβῶων θ' ὅς κ' ὕμματα πορφύροντα  
Θείλγ' σκηπανίῳ, καὶ ἱερὸν ἔδρον ἵησι.

Αἶψα δὲ ἠελίος φάος αἰγλήεντος ἐλαμψε  
Ἀνέφελός τ' αἶθρη, ἦμος Λοδδῆκος Ὀλύμπῳ  
Ἀρχιμολῶν σέρεται θεῖος μεγακήτεα πόρτον.

B b iii

Νηὶς δ' ἄρα ποταπόρος πάϊον φορέσσει ἐπ'  
αἶας

Πρωγάτη γαῖδωσα ἀγάλλεται εἰ Διὸς ὕρῳ

Καί ἑατὸν βασιλῆι νέω παήονα μάλ' αἶ.

ΙΔΕΜ ΛΑΤΙΝΕ.

IN REGEM

LVDOVICVM SÆVA

IN TEMPESTATE

Castorem lætitiæque

fontem.

**N**uper cerulei trananimus æquora ponti,  
Quassavit celerem vento jridēie procella

Gallorum violenta ratem, cum nubibus Atē

Obduxit pelagus, rupi que insana rudentes.

Rector magnanimus, Divum genus, inclytus

Heros,

Heu! fato indigno, spumantibus incidit un-  
dis.



Ecce Gubernator Divis caelestibus equus  
Francigenis novus exoritur, qui inrbida  
mulcet

A Equora, & undantes sceptro moderante  
procellis,

Linteâq; inspirat sinuata ferentibus Euris.  
Nam simul adueniens LODOICVS ab  
aethere fulsit,

Auratum per inans iubar Titania lampas  
Extulit, & glaucis micuit sine nubibus a-  
ther,

A Equatôque salo Neptunia monstra quie-  
runt.

Ipsa ferēs patriam, portusq; inuecta serenos  
Hac aurâ, hoc tanto exultat Rectore ca-  
rina,

Elatum paena canens, super aethera tollit  
Purpureum Iuvenē Sceptriq; potētis honores.





# VATICINIUM APOLLINIS DE

LVDOVICO XIII.

Rege Galliae & Nauarrae  
Optimo Maximo.

**N** T Rex magnanimus pallētia vul-  
nere clausit  
Lumina, & undati fudit cū sanguine vitā,  
Dirigere omnes, subitūsq; per ima cucurrit  
Ossa pauor, late lacrymis rorantibus una  
Stillauere Vrbes, & iam clamore sup remo  
Ardua stelliferi turbarunt sydera mundi.  
Tūc etiā Aonia per amœna vireta Sorores  
Castalias auxere undas liquentibus alucis,  
Pimpleasque domos ululatibus impleuere.  
Delius in medio citharā dum pulsat eburnā,  
Et magnos HENRICI ardet memorare  
triumphos,

*Audiit*



Audiit infanda sorte occubuisse parentem,  
 Labitur exanimis, cedit color, aurea fronte  
 Cæsaries turbata umbrat, fluxere corollæ,  
 Marmorea chelys ætæ manu, indignantia  
 plangunt

Barbita triste solū, subitoque innoxia laurus  
 Aret, & obscœnæ veniūt ad tēpora vittæ.  
 Cyrrhæi pia turba chori Phœbique voluptas  
 Solatura volat, gelido pars cymbia rore  
 Plena gerit, pluuiisque rigat gēmantibus ora,  
 Pars caput intonsū dextra leuat, auia laicæ  
 Et nemora & valles doctis sonnere querelis.  
 Latoum reuocare student, sed Regis amati  
 Fatum haurit vires moribundæque membra  
 resoluūt.

Nox ruit interea & rubro lauit æquore  
 currum

Obscurus Phaëthon, refugosque per æthera  
 mœrens

Ante horā ciet alipedes, astra ignea surgūt.  
 crebrescunt gemitus, arguta voce camœnæ  
 Vaticinū inclamāt frustra, nō frigida pulsu  
 Vena salit, tacito nec funditur halitus ore.  
 Idem omne simul ardor habet, pērque oppi-

Cc



da mœsti  
Francigenæ querulis singultibus ilia pulsant.  
Et iam pallentes cælo dimouerat umbras  
Tuthoni matrona senis, cum regia slipant  
Atria purpurei Proceres, cogique Senatum  
Regni cura monet Themidosque recludere  
templa.

Ducitur actutum magnæ spes alta coronæ  
Et mora fatorum LODOICVS, & in-  
tima quamuis

Vrat corda dolor roseosque emaceret artus,  
Exhilarât tamen ora suos, atq; aurea ceruix  
Digna Deo, magniq; nitet Genitoris imago.  
Continuo auditæ per aperta palatia voces  
Viuat io LODOICVS io, fulgentiâq; auro  
Sceptra ferat, ditæque nouo sua lilia flore,  
Viuat io. Populi ferit aurea sydera clamor,  
Atque polus responsat io. Qua voce pre-  
cantum

Et plausu, caput attollit rediniuus Apollo  
Ut si membra lenet dulci exaturata sopore.  
Purpureus subit ora color, vis viuida pectus  
Inque toros sese insinuat, discriminat arte  
Cæsariem comitque manu, textumq; coronæ

*Gemmifera, & magnis laurum cervicibus  
aptat.*

*Attonita stupere Dea, capit aurea Phoebus  
Plectra volēs, nīsuq; omnes in pectora rires  
Advocat, exundant tacita sacraria mentis  
Ebullitque sinus magnoque exaestuat anſu.*

*Ter digitis tentat citharam, ter clausura  
profundi*

*Gutturis intremuere, ingētia gaudia certant  
Vnā exire, micāt trepidis corda ignea fibris.  
Tum sic pauca loqui, doctisq; oracula fatis  
Prodere Francigenis casusq; aperire futuros.*

*O diuine Puer! quæ te flammātibus astris  
Detulit in terras meliori flamine Parca?  
Vnde iubar nocte in media? quis ab æthere  
fulgor*

*Emicat, Eo velut aureus æquore Titan?*

*Eloquar an fileam? Vos auscultate Sorores,  
Primāq; Mnemosyne dictis aduertito mentē:*

*Fata Panōpheus dictat mihi; fata Camœnæ  
Vos Gallis memorate. Venit labētibus annis*

*Aurea progenies, Diuū genus acre potentū  
Sanguine Borbonio, quā Rex olim ætheris alti  
Affore pollicitus, iam nūc dedit, aurea surgūt*

*Cc ij*



*Incrementa Iouis, queis se super æthera tollet  
 Gallia, & imperij metas signabit Olympo.  
 Cerno triumphatas dextra bellâte phatâges  
 Herois libare pedum vestigia : mille,  
 Mille enses, clypei q;, & mille volâtia signa,  
 Lorica q; graues, mixta q; umbonibus hastæ,  
 Mille arcus, pharetraque, Securiferaque sa-  
 rissa,*

*Et mille horrificis tormēta sonantia bombis,  
 Telâque, sanguinea q; iuba, radij q; rotarum,  
 Falcatique axes, emulsaque rostra carinis,  
 Vestibulu ante ipsum Lupara q; palatia celsæ  
 Pendebunt, laurus q; fores umbrabit ouantes.  
 Si quîdo arma ferox insano Marte rebellis  
 Ius cōtra Regē q; ferat, pede colla tumentis  
 Magnanimo premet insultans LODOICVS,  
 & inter*

*Victoraget currus confusa stragis acervos.  
 Quin si fata sinant odioque elata superbo  
 Impictas, pacatus erit, Ianumque sonorum  
 Claustris centis æreis cēteno q; obice claudet.  
 Fulmineum miti gladium præcinget oliua  
 Imperio q; bon<sup>o</sup> placidas moderabitur vrbes.  
 Hoc duce nectareâ passim baccheia vites*



Vina dabūt, frangētque vrgens plena horrea  
messis.

Purpureas sentes violas, & dulcia quercus  
Mella ferent, lactisq; undabūt flumine riuī.  
Nā patriā pax alta manet, Pandora colonos  
Vberibus ditabit agris, facilisque tributa  
Imminuet pietas placidique opulētia regni.  
Hoc duce purpureis euecta iugalibus vrbes  
Viset sacra Themis legēsque & iura tonabit.  
Eunomia in stygias scelus exitiale paludes,  
Inque orcum fraudem & scelerata piacula  
mittet.

Non premet innocuos iniusta lance maligni  
Iudicis impietas odione vrgebit aperto.

Hoc duce Relligio Capitoli immobile pign<sup>r</sup>,  
Romanos induta sinus triplicēque tiaram  
Oppida tota colet, ritūsque inducet anorum.  
Hoc duce Pegasides curru volitabitis aereo  
Quiq; pri<sup>o</sup> fuit altus honor, iā crescet honore  
Hoc sub Rege, nouo, famāq; euincet olympū.  
Quippe artes L O D O I C V S amat, studi-  
umque, sophi<sup>s</sup>que,

Haud magno Genitore minor. Num ludit  
amantem

*Me pietas? etenim Claro de Monte frequentes*

*En video volitare choros, doctamq; iuuentam  
Et reduces magno imperio sudare Magistros.  
Occidat ô! serpens maculosus terga veneno,  
Cui lument oculi, putentq; in gutture dentes:  
Occidat, atque iterum domito Pythonè laborent*

*Phœbeæ de more lyrae, guttaque perenni  
Florentes Gallorū hortos riget Hippocrene.  
Aggredere o magnos pollens Puer inde parentes*

*Exuperare tuos, niveaque exurgere penna  
Quæ te tollat humo diuūq; adiungat honori.  
Blanca iterum LODOICVM annis puerilibus ardet*

*Exercere polo sceptroque aptare potenti.  
Ipse Patris Genius spectantibus æthere Divis  
Grandia sceptrâ monet patriæque capeffere clauum.*

*Aggredere o magnos pollēs Puer in delabores.  
Lilia cana vocat quæ bruma nocētibus auris  
Attigit heu! nuper, nimbūsq; emissus Averno.*



Tu patriæ columnen, tu spes animosa nepotum:  
 Ecce tibi Charites multis è millibus unam  
 Insignè facie & præstanti pectore Nymphæ  
 Despondent, quam lætus Hymen foecundet,  
 & orbi

Borboniam æternæ gentē: ferat illa coronā  
 O subito, nectatq; tuæ, magnisq; Hymenæis  
 Dulcia sollicita coeant in foedera gentes.

Aggredere o magnos Heroū sanguis honores:  
 Ecce Deum Genitor conuexa per aurea  
 dextram

Porrigit, & meritos solio stellante triūphos  
 Iam numerat L O D O I C I, & sceptrâ  
 potentia firmat.

Impluet in terras gaze rutilantis acervos,  
 Surgentēsq; tibi laurus, populosque beabit  
 Te propter, subdētque piis conatibus orbem.  
 Iam Reges stupuere inam L O D O I C E  
 coronam,

Barbarica tremuere acies, teque orbis Eous  
 Hesperiusque simul prona cernice verentur.

Aggredere ô magnos Heroū sanguis honores.

Dixerat, atq; oculos paulū tellure moratus,  
 O decus æthereum! liceat tua dicere facta



Quondam, ait, ô liceat ! Celeres properate  
Camdena

Aut maiore tuba aut pulsu testudinis aurea  
Tollere sydereos mirandi Regis honores.

Huic tripodas sacrate nouos, atque aurea  
fila,

Vocalèsque undas, Aganippeosque recessus.

Vivat io LODOICVS io, pollénsq; beatusque

Aurea Nestorea transcendat secula vite.




IN ANNIVER-  
SARIO FVNE-  
RIS DIE.

De multiplici felicitate  
quæ mirabilem HEN-  
RICI Magni Vi-  
tam illustra-  
uit.

*In eodem Collegio Rhedonensi*  
*Societatis IESV.*

ANNO CIO·IO·XI.

Dd



## LECTORI B.

**E**N iterum leuibus se tollit in aëra pennis,  
 Et vasiū molitur iter per inane Thalia,  
 Dum relegit magni vestigia nota Parentis.  
 Ah vereor ne pœdus iners premat ante vo-  
 lantem,

Quàm teneat niuei stellantia limina templi,  
 Vnde solum adspiciat mixtus cœlestibus  
 Hæros.

Quin sequitur tacitè nebulasque obtendit  
 inanes

Inuidia, atque acres tumido iacit ore ca-  
 chinno.

Ire lubet tamen Henriciq; ferentibus auris  
 Sydereum tentare polum, tu Lector amice  
 Si te Regis amor, magnæ si mentis imago  
 Tangit adhuc, meritosque volens impendis  
 honores,

Aspira placidus, timidisq; allabere coeptis.





# ΠΕΡΙ ΤΟΥ ΒΑΣΙΛΕΩΣ

Ερρίκου τοῦ μεγάλου μετὰ θείων

Ἡρώων ἀφ' ἑντος.

Πρὸς τὴν Γαλίαν ἀποκατερῶσαι.

Ἀἴνετε τῆς γλώσσης λύπης, δακρύων τε, ἰ-  
νωντε

Φέδεο ἀχνυμένη; ὦ ποτ' ἀεθλοφόρος.

Μὴ διζῆς Ερρίκον αἰετὸν βωπύνηραν,

Ὡ χαλίστα πάτην δύπνορε ἀτυχίης,

Στείχῃ ἐπ' ἑρμῆος, λευχῇ μοιέων τε πᾶ-  
τάται,

Στίλβων, ἀστερόεις ὡς σέλας Ἡελίος,

Γήινα γὰρ δαμάσσεις, καὶ ἀλίγκιος Ἡρώ-  
εσι,

Ἀξίως μεγάρων ἔλκ' ἀχειν ὀρεγνίσαν.

Dd ij

## IDEM LATINE.

*De Magno Rege HENRICO  
cum Diuis Heroibus iam  
agente.*

Ad Galliam mœrore con-  
fectam.

**P**Arce tuis lachrymis gemitusque inhi-  
beto sonantes,  
Quondam laurigeris Gallia vecta rotis.  
Henricum ne quære tuum tellure sub ima  
Heu! fato infelix patria victa gravi.  
Euolat albenti liquidum super æthera pœna,  
Vincit & astræum luce micante inbar.  
Si maior tellure fuit præstantibus ausis,  
Nunc petit æthereas iure colitque domos.



GENIO HEN-  
RICI ET ÆTERNÆ  
MEMORIAE.

*CENOTAPHIUM*  
*HONORIS.*

**S**ISTE HOSPES  
etiam properans siue  
te vetus Albion ad bella-  
cem Armoricam appellit,  
seu Batauis institor fies,  
seu Iberus negotiator, seu  
per plana æquoris peruo-  
lātem mittat nouus Orbis  
in orbā Galliam, hic siste.  
Regalem cippum vides &



coronam, claritudinis peg-  
 ma, Libitinæ trophæa? Ne  
 mortuū hic quæras, neu  
 querare. Cenotaphium est  
 honoris vacuum mortali-  
 tatis, gloriæ plenum, Me-  
 moriæ sacrarium, Virtutis  
 Semneum, Armoricæ fi-  
 dei monumentum. Hoc  
 marmor nitens, aurum  
 fulgurans, Carystiam cru-  
 stam, stellatam Paron, va-  
 riegatam molem, nobile  
 Mausoleum, hæc Artifi-  
 cum miracula, manuum  
 decora, acroteria maiesta-  
 tis, quæ in vita, vt in Scena,  
 minuti homines miratur,

cœlites rident, ego nihili  
 pendo præ choragio quo  
 perfruor, tu ne impensè &  
 opere nimio mirere H o s-  
 P E S. Oculos in sublime at-  
 tolle, méq; mirare potius,  
 miraculū naturæ magnū,  
 gloriæ maximum, & (verè  
 dicam) Regem miraculo-  
 rum. Quid obstupescis?  
 men' à te ignorari quæ fa-  
 cta produnt, Prouinciæ cō-  
 secrant, orbis terræ natio-  
 nes venerātur, historia ca-  
 nit, Æternitas prædicabit?  
 At HENRICI IV. Manes  
 audis, quem pollens Deus  
 fecit in terris omniū, præ-

tia Regem, pium Religio  
 sancta veraq; monstrarunt.  
 Desultoria fortuna vtrám-  
 que in me pagellam expli-  
 cuit, enimvero belli aspera,  
 pacis infida, gloriæ fulgida,  
 adoreæ præmia eodem ani-  
 mo hausi & concoxi. Scep-  
 trum & coronam in medio  
 posita fors primum turba-  
 bat, fortuna lacerabat, am-  
 bitio trahebat, natura mihi  
 dabat, cælū reddidit. Plu-  
 rimos è meis alienos, ex a-  
 lienis meos, & Sceptro  
 meo auctoratos, vidi hostes  
 perijsse nisi vicissem: pa-  
 tria dum se reddit, ad se

He



redit, & capta, desiit esse  
 captiua: inde nec victa nec  
 vineta, bono Parenti pa-  
 ruit, bona paranti, beatita-  
 tem adspiranti. Regna duo  
 possedi, sed animus mihi  
 capax ad trecenta. Tem-  
 plū Iani feliciter clusi, pa-  
 cem hostibus aut dedi aut  
 extorsi, gladium victorem  
 consecraui, ius perennis  
 triumphī adeptus. Musas  
 in musæa reuocaui, artes  
 asserui, dotaui salarijs, auxi-  
 priuilegijs, in stabili sede  
 locaui. Religionem supra  
 regnum & salutem amaui,  
 per me meosq; propagauī.

Pios exulare, impium cen-  
 sui, I E S V nomen honora-  
 ui, eius Societatem omni  
 inuidia maiorẽ dilexi, cor  
 eidem legavi meum, splen-  
 didius in aurea cæli domo  
 recepturus, vbi exulto.  
 Cõiugem diuina sorte da-  
 tam coronatam vidi, Au-  
 gustam renunciaui, sobo-  
 lem reliqui. Inuidit Orcus  
 felicitati, parricidam dum  
 furijs animat, me exani-  
 mat, Numen dum me ve-  
 hementer amat, me nunc  
 animat in æternum victu-  
 rum. Si Gallia digna fuif-  
 set, ni potioribus ego di-

Ee ii

gnus forē, æterno in terris  
 folio potiri potuissem. Vixi  
 non tam morti maturus  
 quàm cælo, quò me bigæ  
 albæ duxerunt P I E T A S &  
 C L E M E N T I A , illa homi-  
 nes, illa Diuos conciliauit,  
 vtrâque flammeam arcem  
 aperuit, vbi regnabo, dum  
 Rex ætheris moderabitur.  
 Hospes dic benè pijs Mani-  
 bus, & in rem tuam abi.

*In illustri Rhedonum loco ponebat*  
**Armoricus.**





EMBLEMATA  
 QVIBVS ORNA-  
 TVM CENOTA-  
 PHIVM.

I. EMBL. Iacens Honor pictus sub  
 vrna aurea Regiæ Pyramidis.

ANAGRAMMA.

HENRICVS BORBONIVS.  
 SVB CINERIBVS HONOR.

**H**Æc moles operosa caput super æ-  
 thera tollit

Digna viro, cui nulla parem dedit aut da-  
 bit ætas:

Vrna tenet caros cineres dulcēsque Parentis  
 Reliquias, decus, ô Diuum decus illa vi-  
 rorum!

Ee ilj

*Stratus Honor recubat sacrisq; perennibus  
urnam*

*Tutatur, cinerique volens adspirat honorem.*

*Nam quantus mundo HENRICVS dum  
vita manebat,*

*Quantus & angusto tægebat vertice cœlū,*

*Tantus honos etiam meritum post fata se-  
quetur.*

II. EMBL. In dextro latere  
Cenotaphij.

*Mos Romanus expressus.*

ANAGRAMMA.

HENRICVS BORBONIVS.  
NON SVBES HVIC ORBI.

Αποδείξις.



*Omuleos proceres si quādo infida  
notasset*

*Parca manu, teloque necem implacata tu-  
lisset,*

Mos fuit augustam sublimi educere cœlo  
 Molem alto insignem solio & flammante  
 corona.

Tunc cum purgatos terreni corporis artus  
 Lustrasset Vulcanus edax, Iouis ales aperto  
 Æthere cœlestes animas super astra fere-  
 bat.

Non Aquila HENRICH, haud pe-  
 dibus Iouis armiger uncis  
 Te vehit, at Virtus celsa te sede locavit,  
 Përque domos cœli nitidas, përque atria Di-  
 um

Duxit ouans, & tergeminos sacrauit ho-  
 nores.

Iàmque orbi haud Rex magne subes, ve-  
 rum ignea plantis  
 Astrateris, subsunt pedibus cœlestibus or-  
 bes.

Aspira bonus, & votis assuesce vocari.



III. EMBL. In sinistro latere  
Cenotaphij.

HENRICVS triumphali curru inuehitur  
per altum coronatus.

A N A G R A M M A.

HENRICVS BORBONIVS.  
H V B E R I B V S I C O R O N I S.

Consecratio.



Vrato inuehitur curru, & flam-  
mantibus astris

Inserit HENRICVS non sine honore  
caput.

Palmas dextra tenet, quis enim meruisse  
triumphos

Abnegat? effundunt tempora lata iubar.

Ducunt alipedes Sarrano murice picti,

Hic animus Clemens, alter erat Pie-  
tas.

I Rex vberibus dines super astra coronis

I cape

*I cape stellanti regia sceptrā Polo.  
Quos etenim Pietas, quos & clementia  
ducit.*

*His patet æthereæ ianua clara domus.*

**VI. EMBL. In auersa parte  
Cenotaphij.**

**HENRICVS** *Regio cultu inter cœ-  
lites, dextra gladium, laua  
Orbem tenens.*

**ANAGRAMMA.**

**HENRICVS BORBONIVS.**

**HVIC ORBI BONVS ERIS.**

**Heroi Indigeti.**

**D** *Iuorum cura Indigetum patet ar-  
dua tellus,  
Terræque sydereis Heroas honoribus auget.  
O Heros, honor Indigetum, decus addite  
Dmis,*

**Ff**

Atria quem superi capiunt stellantia mundi  
 Regnantem, coeloque usum meliore corona,  
 Gallia te spectat, meritisque rependit ho-  
 nores

Orbis, & astrifero tua ponit in ethere sce-  
 ptra.

Si tuus aeterno pacavit munere terras  
 Victor, fulmineus, stellatus Iaspide mucro,  
 Dum mortalis adhuc mortalia concutis  
 arma:


Quantum orbi decus ille feret, cum flam-  
 meos axe

Fulguret igniuomo mediisque locetur in A-  
 stris?

Sis bonus ô HENRICE orbi Gallosque  
 tuere.







ORATIO I.  
FELICITAS CVM  
HENRICO NATA,  
BELLO, TROPHAEIS,  
*pace, virtutibus admira-  
biliter aucta.*



I verum est quod magni viri  
& sapientes quondā asserue-  
runt, nullum esse animi do-  
lorem tam odiosum & acer-  
bum, quem non temporis  
longinquitas minuat ; ipsa dies postu-  
lare iam videbatur, Rhedonenses, vt  
qui iamdiu in communi Gallia: luctu  
iacuimus, leuationem aliquando cape-  
remus. Nam vos quidem ante annum  
fenebribus exequiis & superbissimo  
apparatu, trib<sup>9</sup> diebus iustitio indicto,  
& omnium ordinum frequentia decla-  
rauistis, nullam esse prouinciam in Gat-

Ff ij

lia, quæ ex HENRICI Magni fato plus  
 mœroris hauserit, nullam urbem quæ  
 magnificentius eidem parentarit. Quo  
 tempore huius quoque Gymnasij pa-  
 rietes cùm picturis, tum magna carmi-  
 num varietate & ornatu circumuestiti,  
 & huius loci muta subsellia oratione  
 celebrata, boni Regis immaturam dis-  
 cessionem occasumque lugebant. So-  
 phocles poëta summus & publici consi-  
 lij princeps, aues quasdam in Grecia  
 fuisse ait Meleagridas nominatas, quæ  
 cum die quasi prodita in Indiam euola-  
 uissent, ita Meleagrum luctuosa cæde  
 peremptum luxerunt, vt labentes ab o-  
 culis guttæ in succinum pretiosum con-  
 uerterentur. Sic Musarum doctæ Iusci-  
 niæ quæ in huius Academia sylua inha-  
 bitant, non Meleagrum nescio quem  
 vnus bellæ venatione gloriosum, sed  
 HENRICVM omni genere tropeorum  
 affluentem, gemitu lacrymisque pro-  
 secutę sunt; è quibus sese efferebant è  
 succino quasi corollę, & ex omni ele-  
 gantia ingeniorum, poëtici vniones  
 regiis Manibus sacri, vt videbatis. Sed  
 nec dolor iustissimus ille vester annuo  
 spatio fuit exhaustus, Clarissimi Rhe-

donenses, neque lacrymæ nostræ exaruerūt, quæ utinam in pyropos, aliaque visenda conuerterentur, quibus regius erga nos amor, aliqua saltem ratione, ornatus fuisse videatur. Tantum enim HENRICO Magno debent omnes, non ij modo qui Gymnasij huius complexu continentur Societatis nostræ homines & instituti, sed quotquot in Gallia vniuersa degunt regis beneuolentæ alumni & caritatis, quantum homo homini debere potest. Quo æquius me a vobis audiendū hodierna die spero, qui pia quadam & honesta fretus cupiditate, in ære alieno veteri atque magno dissoluendo elaborem. Nam si iure Præceptores sapientiæ dicunt, qui momenta officiorum omnium singulari diligentia ponderant, quæ parentibus debeantur *πρωβυτά* esse *ἡ ἀρετή*, antiquissima debita, neque studijs liberiorum vllis, aut beneuolentia æquari posse: nos patriæ non commune modo præsidium atque decus, sed parentem religiosi Ordinis quēdam & assertorē, singulari numinis prouidentia nobis donatum, orbi ac destituti lugemus: cuius ea in nos omnes incredibilia merita



tam incensus tamque insignitus amor,  
 tot beneficia tam diuina fuerūt, vt iure  
 suo queat infinitam grati animi signifi-  
 cationem contentionemque repetere.  
 Sed ego sane haud soluendo sum Au-  
 guste parens, neque Socii, qui perenni  
 mecum æstu amoris, & dulci recorda-  
 tione, clarissimæ tuæ bonitatis æterna  
 monumenta venerantur : & optanda  
 nobis foret illa vetus Atheniensium si-  
 sachthia, quæ præstabili ingenio Solon  
 pauperum inopiæ solitudinique proui-  
 dit. Sed Ephesios imitabor cautos &  
 religiosos, qui cū ære alieno premeren-  
 tur, in Dianæ templum confugiebant,  
 vbi vis creditorum hebescebat. Ita re-  
 gis aram bonitatis, & inusitatam illam  
 humanitatem petam, quæ prope vim  
 numinis & delubri sanctitatem in ho-  
 minum mentibus beneuolentiæque ob-  
 tinuit, vbi si quid minus quam par est  
 dixerō, tutius inopiam languidæ ora-  
 tionis ieiunitatemque retinebo. Verum  
 enimvero quid tandem eloquar Audi-  
 tores? aut quò se ardor cupientis animi  
 & efferuescentis, & materię suauitudi-  
 ne affecti tonijciet? nam volebam de  
 multiplici felicitate verba facere, quæ

mei Regis vitam exornauisset, & incomparabilem reddidisset omniū gentium literis & oratione celebrandam. At quemadmodum canes venatici ad indagandū inuestigandūq; instructi, vt docti homines memorarunt, cum in montem Aetnam venerint, propter copiam abūdantiāque florum, ē quibus mirifica vis odoris emanat, hærent & obstupescunt, ea fragrantia, & tacita quadam voluptate recreati; sic in magni HENRICI vitam ingredientem affluentiamque virtutum, gratus odor admirabilium rerum memoriam obturbat meam, neque patitur vt in cœlesti illa vitæ ratione indaganda, nota via communique vestigio decurram. Non hærebo tamen otiosus, nec incitata meriti amoris contentio frangetur, sed vestra fretus aura beneuolentię Auditores, vestra luce recreatus, quantum hora vacuęque temporis spatium concedet orabo. Vos eam per mihi gratam & iucundam humanitatem, quam in hoc loco sæpe declarauistis, in HENRICI felicitate audienda hodierna die retinere. Ac mihi quidem in introitu orationis meę communis quedam obuer-



satur hominum elegantium & honestis-  
 simis in studijs harentium opinio, qui  
 inter bona quæ hominum præstantissi-  
 morum dignitatē ornare solēt, & gloriam  
 cumulare, summo loco ponebant FELI-  
 CITATEM. Sic enim aiebant qui-  
 busdam summis viris ad amplitudinem  
 atque decus, & ad res magnas bene &  
 feliciter administrandas, fuisse diuini-  
 tus quandam adiunctā fortunam, quæ  
 fecisset, ut illis imperia mandarentur,  
 sepe iidem magnos exercitus admini-  
 strarent, & ex sui sententia omnia con-  
 ficerent. Quo in genere eloquentiæ Ro-  
 manæ princeps gloriosum multis victo-  
 riis Scipionem, Marcellum, Maximum,  
 innumerabiles alios, ipsum denique ma-  
 gnum Pompeium reposuit, cuius vnus  
 eximiam felicitatem summa dictionis  
 copia exornabat. Hoc bonum simul  
 cum Imperiorum Ducibus & Dynastis  
 oriri quidam existimauerunt, causamq;  
 in fata retulerunt, quorum aiunt id be-  
 neficium, ut non prius vita homines,  
 quam felicitate potiantur. Sic Mamer-  
 tinus in Genethliaco Maximiani dicere  
 non dubitauit, cum nascentibus pariter  
 oriri *Pietatem & felicitatem, & naturalia*  
 esse



esse naimorum bona, *præmiâque fatorum*.  
 Id hausisse videbatur è Pythagoreis in  
 magna quondam eruditione dicendiq;  
 subtilitate versatis, qui docebant nul-  
 lum esse bonum Imperatorem & præ-  
 stantem, qui non vinceret *οὐ τ' ἀρετῇ*  
*ὃς αὐτὴν ἔχει*, duce Virtute comitèq;  
 Fortuna, eamque ipsam optabilem for-  
 tunam seu felicitatem perfectæ vitæ co-  
 mitari, quæ humanorum sit *τελευτότης* &  
*συμπλήρωσις* summa: quedam absolu-  
 tióque bonorum. Ego verò Christianis  
 legibus institutus, in HENRICI feli-  
 citate predicanda, Veterum fatum &  
 Fortunæ vim, bona vestra cum venia re-  
 pudiabo Auditores, ab antiquis summa  
 religione cultam & honore, quam Sylla  
 superbissimus imperator sic amavit, ut  
 se bonæ Fortunæ filium, quam Venerem  
 indigitabat, esse gloriaretur. Qui cum  
 bello, Mithridatis copias illustri victo-  
 ria cecidisset, trophæum clarissimum  
 exedificavit, in quo esset Epigramma  
 Deorum trium nominibus insigne,  
 Martis, Victoriæ, Veneris: cum signifi-  
 care vellet, eam victoriam quam glo-  
 riosissimè reportauisset, nō modo Mar-  
 ti & præliorum cōtentioni, veram etiam

Gg

esse Fortunę genio tribuendam. Mecum  
 oculos in Galliam vniuersam, & in Ma-  
 gni HENRICI triumphos, si placet  
 intendite, omnes vias aditusque oc-  
 clusos temeritati & Fortunę reperietis,  
 fatumque eiectum & exclusum: subito  
 autem sese obijciat præstabilißima na-  
 tura atque indoles bonorum fundamē-  
 tum, tum regii animi excellentia plena  
 prudentiæ, & chorus omnis admirabi-  
 lum virtutum, quibus iam inde à prin-  
 cipio, tuens omnia atque regens Dei  
 prouidentia, & beneuolentia quædam  
 singularis adiungebatur. Hinc extitit  
 ea felicitas heroicę vitæ perfectio, re-  
 gni decus, operū ornamentum, HEN-  
 RICI bonum, *τελὸς* virtutum, &  
 cumulus victoriarum, quem miramur,  
 cuius lucem & splendorem dignitatis  
 vix cogitando assequimur & tenemus.  
 Eam ipsam felicitatem si quis velit as-  
 seuerare cum HENRICO natam simul  
 effloruisse, meo quidem iudicio nihil  
 dicet quod non viri Sapientis cogita-  
 ta ratio postulare videatur. Hic mihi  
 sileant Mathematici nefarię scientiæ  
 duces & præcones vanitatis, qui *Αγέ-  
 λω τὸ χλω* vnde fluat in nascentes bea-

ra felicitas, in quinto ab Horoscopo si-  
 gno constituunt: tollatur ea gradum si-  
 gnorumque differentia, & cogitemus  
 Cœlū ipsum in HENRICVM, si quid  
 melius euenire potest, copiosissimè  
 fudisse. Natus est regio è genere, stirpe  
 nobili, vetere prosapia, inter sceptrā,  
 mediis in coronis, purpurāque hono-  
 ris, quod vnum tanti fuit habitum a-  
 pud Veteres, vt bonorum in eo sum-  
 mam propè sitam & locatam existima-  
 rent. Nam Euripides quidem regiam  
 Fortunam & dominatum, *βασίλειαν*,  
 cœlestium vitam appellat: apud quem  
 ille nimium appetens & honoris desi-  
 derio inflammatus, non dubitat dice-  
 re, super omnes orbium cœlestium glo-  
 bos se iturum, & telluris abdita viscera  
 & recessus, venāsque omnes tentaturū,  
 denique omnia tum diuina tum huma-  
 na iura violaturum, potiundi regni gra-  
 tia & beati Principatus, quod acroa-  
 matam libenter audiebat Iulius Cæsar,  
 tamque probabat, vt summa animi vo-  
 luptate sæpius repeteret. Solon vir sa-  
 piens, delatam ad se regiam domina-  
 tionem recusauerat, amens à multis &  
 inconsideratus est habitus, cum dice-

Gg ij



rent, quemlibet sanum & intelligētem, omne corporis vexationem, acerbitates omnes subiturum, dum vel vno tantum die regno Athenarum potiatur. Id nimirum vulgo omnes dignitatis fastigium arbitrabantur, quo si quispiam leta Fortuna venire potuisset, nihil haberet deinde magnificentius, quo quidem liberet ascendere. Iam nunc ergo te HENRICK Magne, summa cōcordia Parcæ Gratiæque salutant, Rege natum, summo loco dignum, factum ad imperandum, & hæc tux felicitatis auspicia venerantes, filum aureum pollicetur. Zoroastrem Bactrianorum Regem eo die quo lucem vidit, solutam in risum ferunt: te nascente cælum risit, terra plausit, gratulata est Cantabria, Gallia gestiit, Europa appetiit, notavit orbis terrarum. Age verò ab hoc elegantī vestibulo & magnificentissimo introitu, reliquam vitam ineuntes, libero cursu orationis feramur, sed maxima celeritate, ne nimium vnumquodque intuentes, nimiumque mirantes diutius immoremur. Hoc ortu clarus atque natalibus pueritiam egit minimè delicatā & in voluptates effusam, qui-

bus alioqui blandissimis dominis regij  
 vulgo pueri inferuiūt, sed in summa du-  
 ritie, cultu prope ritūque Spartano,  
 quod ego in parte felicitatis numeran-  
 dum semper existimaui, cum ad ea gra-  
 uissima toleranda, quibus deinde fuit  
 appetitus à diuina prouidentia com-  
 pararetur. Caniculæ exortum calido  
 ardore incensi, diebus fere octo gelidi  
 æquilonēs antecedunt, Prodromos vo-  
 cant, quibus aeris inflammatio æstusq;  
 minuatur: illum æstum incredibilium  
 negotiorum quæ deinde HENRICO  
 pro sceptro & corona bellanti incubue-  
 runt, nescio an viribus vllis immensis  
 & exaggeratis superare potuisset, nisi  
 illa seuerior institutio, & fortis animi  
 exercitationes, vt Prodromi quidam,  
 minuissent casuum vim & acerbiterem.  
 Hinc illa miracula sunt consecuta quæ  
 stupemus, in quibus exhorrescimus,  
 quorum magnitudinem & excellētiam  
 vix intuemur, ita sunt in his tempori-  
 bus inusitata, & à communi hominum  
 ratione modoque recedunt. Nam è  
 scopulis in quibus Regum & Imperato-  
 rū naues fuisse videmus afflictas, HEN-  
 RICVS feliciter enauigauit, quæ insu-

perabilia videbantur edomuit, quæ fieri posse aliquando nullus in animum induxisset, admirabili felicitate perfecit, ita animi generosi contentionem iam inde a teneris annis ad omnem fortunæ rationem accommodabat. Theocritus Poëta solers & ingeniosus ait Herculem æreum scutum pro cunis habuisse, bellicas manubias Amphitryonis, quas ille Pterelæ interfecto clara victoria deripuerat, quo in scuto Ioue digna soboles ab Alcmena parente locata, somnum etiam dulcem & iucundum capiebat. Nimirum hoc significare vir acutissimus voluit, Regum filios, quos fortuna & imperiorum cōditio, ad magna quædam & heroica molienda comparat, illis veluti constantiæ rudimentis asperoque tyrocinio educari. Sic fictis quóq; fabulis doctissimi homines prodiderunt, eundem Herculem magnanimi Herois specimen, in pueritia prima Hydræ prolusisse, cum serpentes a Iunone immisos & incitatos elisit, quod facinus qui reconditas & interiores literas penitus introspiciunt, ad domitam à puero voluptatem retulerunt. Tū sanè, tum HENRICVS iuuenili cor-



stantia proludebat, Hydræne dicam  
 an immianiori portento ex onanium la-  
 borum importunitate conglutinato?  
 cui magnus veterum Hercules profe-  
 ctò succubuiſſet: ſed in virum inciderat  
 non modo paratum, ſed peritum in o-  
 mni genere præliandi & exercitatum,  
 & vt breui dicam inſuperabilem, quem  
 nulla vis aduerſæ fortunæ debilitaret.  
 Nam vt Typhō ſeu vibratus Ecnephias  
 præcipua nauigantium peſtis & rui-  
 na, ſi quando è gelida nube ſuo ſpiri-  
 tu & rapida vertigine in Oceanum in-  
 cubuerit, nō modo antennas atq; ma-  
 lum, verum & ipſa contorta nauigia  
 turbine vehementi comminuit & ab-  
 ſorbet, idem tamē, quod prodigii pro-  
 pè ſimillimum eſt, aceto in aduenien-  
 tem effuſo, languet & diſſipatur: ſic il-  
 læ humanæ vitæ procellæ & tempeſta-  
 tes, Fortunæ ſtatu & ſonitu ſuo inci-  
 tata & efferueſcentes, cum in acrem  
 HENRICI animum incidebant, cade-  
 bant, & violenta omnis impreſſio con-  
 ſtantia obiectu molleiebatur. Aiebant  
 Lacedæmonij Venerem antea mollem  
 & delicatulam poſtquam Eurotam flu-  
 uium nando ſuperaffet, mitellam eue-

stigio suam, textum, quasillum, specu-  
 lum, aliáque teneritudinis & delitia-  
 rum instrumenta procul abiecisse, ha-  
 stam manibus clypeúmque sumpsisse,  
 vt eo ornatu se Lycurgo viro grauissi-  
 ma satoríque virtutis offerret. At verè  
 dicám magnanimum Regem qui à pri-  
 mis pænè annis in Eurotam incidisset,  
 & perennem laborum fluxum & duris-  
 simæ institutionis, Venerias puppas,  
 bullatásque nugas, omnia denique blá-  
 ditiarum argumenta proiecisse, ferrum  
 manibus, animo constantiam regiúm-  
 que ardorem cepisse, vt septus animi  
 fortis & inuicti præsidis & ornatus,  
 Virtuti se ostentaret. Quæ cum illi ea-  
 dem proponeret, quæ Herculi etiam a-  
 dolescenti vt est apud Xenophontem  
 proposuisset, nunquam tamen seuerior  
 ille vultus & laboriosa Diuæ ratio de-  
 terrere adolescentulum potuerunt, ne  
 Virtutem suorum consiliorum duem  
 & factorum incredibili animi volupta-  
 te sequeretur. His armis cóstantiæ mu-  
 nitus & circumvallatus, vt Phidixæ si-  
 gnum simul aspectum & probatum, sic  
 ille omnium votis expetitus, celebra-  
 tus iudiciis, beneuolétia exceptus pro-  
 pè incre-

pè incredibili & inuitata, visus est omnium consensione dignissimus qui legiones duceret, qui iure & exercitu præiret, qui imperaret. Cum ætate creuit deinde auctoritas atque animi digna Heroe magnitudo, qua fretus, nihil fuit tam metuendum ceteris hominibus, quod ipse horresceret, nihil tam arduum quod non moliretur, nihil tam difficile aut operosum, quod eo genio & felicitate, non ex animi sui sententia conficeret. Itaque omnes qui se armis tuendos existimabant, spem in eo collocare suam, Galliæ oculi in eum intendi, flos & virtus militaris in eius sinum dignitatis & beneuolentiæ confugere. In funesto Galliæ motu cum HENRICVS tertius præstantissimus Galliæ moderator ab huius vitæ conditione, ad tertriæ coronæ dignitatem & decus euoluisset, eo fato quod vrbes atq; prouinciæ, & finitima regna immaturum & funestum Galliæ iudicauerunt: ad Heroem subito nostrum fortissimæ legiones, & veteranorum copiæ sua studia & totius belli apparatus cõmuni consilio adiunxerunt, quorum preces rerum omnium summam deferentium, impe-

Hh



ria videbantur, ita eius gloriæ fruendæ  
 cupiditate & desiderio immenso flagra-  
 bant. Itaque vt quondam Hercules cū  
 Atlantem liberauisset, tantum pōdus,  
 & variegatam cœlestium orbium ma-  
 chinationem, ipse humeris, & eatoros  
 corporis firmitate qua vincebat omnes  
 excepit. Ita H E N R I C V S, vidit subito  
 se laboriosæ dominationis vicarium,  
 inuidiæ mole vt vasti cœli ruina pæne  
 oppressum, vt non magis se coronæ &  
 amplissimæ dignitatis hæredem, quàm  
 laborum & periculorum existimaret.  
 Iam tum erant in armis omnia, & cata-  
 phracti vbique milites volitabant, vbi-  
 que acies durissima conquestione col-  
 lectæ, alienæ vrbes, auersa plurimo-  
 rum studia, multæ abditæ voluntates  
 ad inuidiam tanquam ad Sirenum sco-  
 pulos adhære scebant, denique in ipsum  
 patrimonium dignitatis multi spe & cu-  
 piditate imminebant. Vbi vidit fero-  
 cientem vbique Martem, sibiq; omnes  
 ad imperium vias esse obstructas, non  
 dumis & virgultis mediocris inuidiæ,  
 seque tacitè efferentis, sed frequēti de-  
 lectu armatorum, qui in oppidis firma  
 præsidia statuerant, gladium tangens il-

lum fulmineum, pignus regiæ magnanimitatis & præstantiæ monumentum, Testor, inquit, te mea Gallia, hunc mucronem educere me nunquam voluisse, nisi ad tuam gloriam tuendam amplificandamque dignitatem, in vagina pacatus etiam nunc hæret, si mei tuique hostes paterentur. Sed quoniam me civiles discordiæ perturbatioque rerum omnium ad bellum vocant, ineamus. Sed ô magne mortalium Præses atque moderator Deus, veniam peto, quæsoque ut tu partem quam ius æquitāsque defendit, tua benevolentia tuearis. Hic quo pede in hunc campum vberem victoriarum, tot palmis laureisque fecundum, ingrediar Auditores? quod genus orationis tam diuinum, tam vber & abundans reperietur, quod eam segetem gloriæ & maximorum triumphorum explicare possit? Seneca vir Sapiens & summa humanitate aiebat, rerum naturam edidisse C. Caligulam Imperatorem, ut ostēderet, quid summa vitia in summa Fortuna posset; ego verò lectum HENRICVM à diuina prouidentia puto, ad ciuilia bella conficienda, ut ostēderet, quid summa vir-



tus & sapientia queat, cum singulari animi excellentia iuncta ad summi Imperatoris absolutam & perfectam vndique felicitatem. Non obducta Gallie vulnera quæ iã diu consanuerũt, oratione refricabo, nec id ago vt rerũ præclare gestarum historiam hic pertexam, quæ annaliũ monumentis cõsignantur, vos Auditores etiam me tacente, inuicti animi fortitudinẽ atque decus potestis recordari. Nullũ fuit genus bel-  
 lorum in quo non cum exercuerit Fortuna imperii Gallicani: portus tuendi, maria nauiganda, propugnandæ vrbes, aut omni præliorum cõtentione oppugnandę, liberandæ prouinciæ aut præ-  
 fidiis muniendæ, exteri eijciendi, sui reprimẽdi, cœlum pacãdum, stabiliendum solum, fluctuum agitationes superandę. Ternas vidit memorabiles pugnas omnibus copiis viribũsque Imperiorum, signis collatis, agminibus consertis pugnatas, eo duce quinque & triginta armorum cõcurssiones factę, quatuor supra centum prælia fortiter & generosẽ commissa, eius presentis auspiciis trecentę locorum obsidiones effloruerunt: in quibus omnibus H E N-



**RICI** virtus lōgè & latè patefacta est,  
 Sapientia duxit, constantia valuit, ge-  
 nius dominatus est, dextra egit, macro  
 fallit, arma victricia coruscarunt, ipse  
 terrori omnibus, neminem exhorres-  
 cens, omni ratione victor & triumphator.  
 Iulius Cēsar cum Magni Pompei  
 filios bello in Hispania persequeretur,  
 Tellurem aiunt claro prodigio extre-  
 mam eius victoriam nobilitasse, lau-  
 ro subito viridantibus foliis in eodem  
 campo excitata, in quo antea lectissi-  
 mę copię de summa rerum dimicaue-  
 rant. At **HENRICO** singulari felici-  
 tate bellante, quot fuere cum hostibus  
 pro imperio certamina, tot laurus quasi  
 diuinis prodigiis cœlum misit, tellus  
 educauit, homines protulerunt ad He-  
 rois immortalem gloriam testificandā.  
 Itaque statim ac nomē eius fuit eo cur-  
 su victoriarum gloriāque celebratum,  
 non tanquam similem aliorum, sed de  
 magnis Heroibus vnū sui mirati sunt,  
 Angli, Belgę, Itali suspexerunt, longè  
 positę nationes diuino propè honore  
 iueneratę sunt, Galli amauerunt, deuo-  
 ans cœlo Victoria coronauit. Neque  
 verò vt Persarum ille mollis Imperator

& effœminatus suos in campo acerri-  
 mē dimicantes, è montis aliquo fasti-  
 gio intuebatur, procul à periculo posi-  
 tus, aureâque cinctus corona: illam in-  
 uictam & inusitatam animi fortitudi-  
 nem atque robur vos opinor memini-  
 stis Auditores. Primus in aciem irrum-  
 pit Vulcaniis armis tectus, hoc est ge-  
 nerosâ constantia, præitque nobilitati,  
 & quod in magno Constantino, flore  
 & copia orationis, celebrauit Naza-  
 rius, *Dum inter suos non vult Principatu magis  
 excellere quàm labore, simul exercitum monito  
 regit, opere iuuat, incendit exemplo.* Vidimus  
 multos in Gallia Principes in omni præ-  
 liorum genere versatos, qui cū HEN-  
 RICO belligeranti occurrissent, si ami-  
 ci, vt Castorem victorię ducem, aut  
 Mauortem suspiciebant, si hostes & ini-  
 mici, exhorrescebant: & qui propè cā-  
 po iam exultantes læta victoriâ potirē-  
 tur, eius aduentu metu & formidine de-  
 bilitati fugiebant. Nam vt Adamas iux-  
 ta Magnetem positus, rapere non finit  
 ferrum, & si antea fortè rapuisset, diri-  
 pit, & opima veluti præda gloriatur:  
 ita quam se eumque in partem bellator  
 egregius tulisset, spem victorię suis da-



bat, hostibus eripiebat. Quare vulgo dici audiebatis, cum in exercitu Henriciano forent multi Principes rei militaris scientia magni, ductores longè fortissimi, spectata constantia milites & Veterani, quorū fuisset in aliis bellis clara virtus, & animaduersa magnitudo, tamen HENRICVM suis in castris primum fuisse militem, primum Ducem, primum Imperatorē, vbiq̃ summum, qui omnium aliorum gloriā quadam animi excellentia præstingueret. Smaragdi qui in Attica oriūtur licet grata viriditate oculos impleāt nec fatient, tamen in Sole decolores ita fiunt, vt plumbei videantur, ita nostris Galliarū Principibus alioqui generosis, ceterisque in militia Ducibus plumbago frequens oriebatur, cum in hoc Sole pugnarent, & HENRICO in acie cōiungerētur. Et vt omnes beatissimi Regis felicitatem agnoscant, ita in media pericula ruebat, vt ea non sentire videretur, sed tollere, semper tutus, & nō se modo, verum & suos incolumes præstans, cum latum suum illum gladium extulisset vt pavoris amuletum. Homerus Poëta Princeps iudicio acri & li-



mato summis viris in periculo positis,  
 atque in ore belli & faucibus, aut Mi-  
 nernam, aut Apollinem, aut Diuos a-  
 lios fingit assiltere, qui tueantur & pro-  
 pignent, & numinis sui oppositu mu-  
 cronos hostiū & tela retundāt. Scio Pa-  
 negyristā elegantem hominem & orna-  
 tū dicere, in crebro sermone Galliarū  
 famāque fuisse, magnos quosdam ful-  
 gentēque exercitus animaduēros, qui  
 ē sublimi Iouis regia domicilióq; bea-  
 torum, diuinitus se missos gloriarentur,  
 cum Imperator Constantinus aduersus  
 greges impios furentēque audacia di-  
 micaret. Eas video HENRICI Ma-  
 gni victorias, eos triumphos atque lau-  
 reas tam ex omni parte mirabiles, ea  
 discrimina superata, vt confirmare nō  
 dubitem, cœlestes illi adfuisse copias  
 & legiones, ad hæc tot & tanta perfi-  
 cienda, cum ea humanis viribus atque  
 opibus fieri non posse videantur. Præ-  
 tereo silentio peragratas totius regni  
 prouincias mirabili celeritate, sic vt il-  
 li venti & tempestates propè ad nutum  
 imperiūque obsecundarint, exarma-  
 tam nobilitatem regia clementia & hu-  
 manitate constrictam, tot ciuitates in  
 quas

quas iræ Bellonam excierant, ad fidem  
 & tranquillitatem è ferocienti audacia  
 reuocatas : illa quæ consecuta sunt non  
 potentissimi Regis facinora , sed He-  
 rois cuiusdā prodigia quo in loco po-  
 nemus ? Ambianum tam celeriter exi-  
 gua manu recuperatum , Sedanum re-  
 gij nominis auctoritate superatum , su-  
 perbum & altè minax è nubibus Mo-  
 nellianum parere iussum , suspensam  
 Italiam , Germaniam terrore concus-  
 sam , propensum Belgium , Herculeas  
 columnas pæne eiectas & euerfas, no-  
 uum orbem nostri Regis felicitate cō-  
 motum, Regia quædam & liberas Ci-  
 uitates illius potentia blandientes, in-  
 solescentem Orientis barbariam & in-  
 damna religionis imminentem, Hæc  
 R I C I gloria, & latè sparsa opinione,  
 tardatam, Europam Asiâque pacatâ.  
 Hæc cum posteri nostri audient, nō hîc  
 Quirino augustiorem, non è veteri me-  
 moria Indigetem, non è cælo Heroem,  
 supra hominum certè & mortali condi-  
 tione meliorem sibi animo & cogita-  
 tione depingēt ? O belli Ducem omniū  
 maximum Auditores ! O Regem Im-  
 peratorū omnium, & inter Reges Im-



peratorésque Principem ! fortem ne  
 dicam , an beatum ? an beatissima con-  
 stantia generosum , an cœlesti magnani-  
 mitate felicem ? quis huic locus , quæ  
 natio tam ferox & numerosa , quæ disci-  
 plina militaris , quod stratagema , quod  
 robur , quæ audacia , qui valli aut dire-  
 ctis lateribus fossæ turrésque , huic de-  
 nique Thurio Marti & Graduo quæ vis  
 quæ claustra obistere vnquam potuis-  
 sent ? Carneades ea fuit in dicendo vi  
 & copia , vt nihil vnquam stabiliendum  
 firmandumque sumeret , quod non  
 probaret , nihil refutandum quod non  
 euerteret ; ita HENRICVS nullam  
 arcem aut castellum , nullam vrbein , tã  
 aut manu aut natura munitam , oppu-  
 gnandum suscepit , quam non ceperit ,  
 nullam studiosius defendendam , quam  
 non robore inuicti animi & regia ma-  
 gnanimitate seruarit . Itaque in hunc v-  
 nũ cadit illud Milonis Crotoniatæ elo-  
 gium , *Victor ille omnium certaminum obiit* :  
 Sed Milo fortissimus Pancratiastes la-  
 pide Aleatorio dicitur vsus , qui in gal-  
 linacœorũ ventriculis reperitur , apto vt  
 aiunt pra liis & certaminibus ineundis :  
 hic autem virtute vsus , & exaggerati a-



nimi constantia, quæ semper in Galliæ imperij moderatoribus sedem & domicilium habuit, hostium vim potentiâque superavit. Arcladem accepit aliquando. quid hoc est? fortè victor illius exercitus aliquândo repressus, fraus nonnunquam aduersariorum insidiæque valuerunt. Ita est Auditores, & ille ipse Fortunæ flatus imperatoriæ mentis ardorem, & excellentiæ quasi flammam accendit vehementius & incitavit. Neque enim cogitare vllus debet in eo minorem fuisse HENRICI felicitatem, quod non modo illi cum hominibus ferro & audacia munitis, verum etiam & cum ipsa fortuna bellandum fuerit. Imo verò id effatum C. Plinij verissimum esse puto, quod Traianum laudans gravissimè protulit, *Si quid aduersi cadat, summorum Regum & Imperatorum laudibus atque virtutibus materiem campumque prosterni, cum secunda felices, aduersa magnos probent.* Quare nō placet magnæ vir auctoritatis Sophocles & aliis in rebus Sapiens, qui beatos eos definiēbat, quibus esset malorum ἀγεις αἰών, qui Fortunæ varietatem ne primoribus quidem labris gustauissent,

quorum nunquam domus sit concussa  
 diuinitus, qui perpetuò secunda fauo-  
 ris aura vehantur. Hic mihi Virtuti cā-  
 pum sanè exiguum videtur ponere, ex-  
 tra quem lumina illa Urbium, & impe-  
 riorum excludantur, Agamemnon, He-  
 ctor, Achilles, Alexander, Principes,  
 omnes denique quorum vita maiori-  
 bus theatris proposita, constantiae suæ  
 lucem in hæc tempora summa laude  
 propagauit, quorum nomen & memo-  
 riam, iam illustrem in ore omnium &  
 scriptorum monumentis, tumulus ipse  
 obruisset, nisi magno animo & elato  
 cum Fortuna certassent. Theseus apud  
 Euripidem grauissime pronunciat, ne-  
 minem esse hominem immunem à For-  
 tuna, sed ne Deorum quidem inquit vl-  
 lum, nisi dicta Poëtarum nobis illudunt.  
 Ruit illa sane, dominatur, permurat o-  
 mnia, & erectos excitatosque animos  
 sæpè debilitat & abiicit

— totūmq; per orbem

*Fulminat, & cæcis cæca triumphat equis.*  
 Sed illias brutum fulmen & inane, cur-  
 sum, incitationem, motiones, tot opi-  
 ma spolia de magnis Imperatoribus e-  
 repta, Magnus HENRICVS nunquam



exhorruit, cui dominæ cæterorum iam  
 inde à teneris annis dixisse forti & in-  
 victo animo id videtur, quod aduersus  
 Octauij Augusti cupiditatem incensam  
 illam & immensam, Cleopatra olim  
 dicebat, quam cum victam ambitiosus  
 Imperator honestaret, & tractaret in-  
 dulgentius, & eius incredibili venusta-  
 te atque opibus currum suum trium-  
 phalem ornare vellet, Græce illam pro-  
 nūciare solitā ferunt, & *ῥεῖα μβεύσομαι*,  
 quam virilis animi constantiam glorio-  
 sus deinde Victor est miratus. In tanta  
 vero Fortunæ iactatione, quam Rex  
 meus civili bello appetitus necessario  
 sustinuit, cum Victoria *ἐπελαλκίς* ut  
 Homerus vocat, in vtramque partem  
 vario tempore volitaret, cum Mars cō-  
 munis & *ἄλλοτερόσαλλος* ludo insolenti  
 nunc sequeretur, mox insequeretur,  
 modo armis honoraret, aliquādo oneraret,  
 ecquis HENRICVM demisso a-  
 nimo fractum & afflictum, ægritudine  
 animi cōfectum & desperantem, abij-  
 cientem denique hastas vidit? Commi-  
 natus verissimam hanc laudem ut iura-  
 tus LYDOWICO Regi Galliarum se da-



turum religiosè proſtetur, quod nemi-  
nem in aduerſis rebus æquè ſapientem,  
nullum vnquam in impreſſione Fortu-  
næ tam moderatū in omni vita co-  
gnouerit. HENRICVM ille non vi-  
derat, cui non dubito quin eo candore  
animi ſtudióque veritatis, huius rei lau-  
dem palmáque tribuiſſet. Hanc aut il-  
lam prouinciam deſciuiſſe nūtiabatur:  
at virtute inquit veſtra, Commilito-  
nes, auſpiciſ noſtris & alacritate qua-  
ratur. Munitę & ornatę præſidiis ciuita-  
tes fraude & inſidiis capiebantur, ipſe  
incommoda Fortuna & clade erectior,  
vi & aperto Marte recuperabat: bella-  
tores aliqui periculi metu aut offen-  
ſione deſerebāt, ille paucos aiebat ſuf-  
ficere animo acres & paratos, ad res  
magnas tum ſuſcipiēdas, tum glorioſè  
faciendas. Tibi igitur magne Princeps  
& inuiſte, tibi omni Fortuna ſuperior  
HENRICE, qui modo ſunt & in Gal-  
lia & in toto orbe terrarum animi tui  
conſciij & virtutis, hoc testimoniū lau-  
dis merito & lubentes concedent, vix  
vllum vnquam extitiſſe, tanta animi ex-  
cellentia & firmitate, ad omnem Fortu-  
næ varietatem eadem cōſtantia vultúq;

fubeundam. Id posteritas tibi omnis  
 accinet, quod Ennodius Ticinensis  
 Theodorico Regi Italiæ, magnificen-  
 tissimè in oratione sua laudans pone-  
 bat, *Nunquam animi tui status aut secundariæ  
 rerum tumore elatus est, aut dubiis acquieuit.*  
 Denique hoc omnes qui res tuas gestas  
 & hunc vitæ cursum audierint, mecum  
 fatebuntur, te factis multo melius, quā  
 scholas omnes loquacium Philosopho-  
 rum, Theophrasti languidam illā sen-  
 tentiam refutasse, *Vitam Regi à Fortuna nō  
 Sapientia.* Atque hæc potentissimi Regis  
 clara virtus, cum id curriculū habuerit  
 tam effusum ad laudem, tam insigne  
 triumphis, tam sparsum vbiq; laureis,  
 & tropeis nobilitatum, dubitari merito  
 potest, cariōne suis Victor HENRI-  
 CVS, an hostibus, æmulisque fuerit:  
 Quanquam hostes in Gallia quidem  
 nulli esse debuerunt, cū vniuersis opes,  
 vitam, & salutem aut concesserit aut  
 seruarit. Sed tamen ita cōstat, omnium  
 animos à bello ad pacem, ab iracundia  
 ad benevolentiam immutatos, vt esset  
 nullus, qui non Regis æternam clemen-  
 tiam & felicitatem, diuorum propè re-  
 ligione consecratam vellet. Magnus ille



Constantinus qui noua quadam varie-  
 tate naturæ confusoque temperamen-  
 to Virtutum, idem & in præliis ferocif-  
 simus, & parta securitate mitissimus  
 fuisse dicitur, cum Aquileiam obside-  
 ret fortissimis legionibus defensam,  
 vi, manu, virtute, auctoritate, hostes ad  
 deditiōem compulit. Quos repenti  
 corripere omnes vinciri que mandauit, nō  
 ad supplicium, sed ad vitam, ne si timo-  
 re conscientie diffugerent, conseruari  
 deinde non possent qui seruari noluis-  
 sent. Cūque funes catenæque dees-  
 sent ferreæ, ad tot manus ferocientium  
 militum cohibendas, illi ipsi mortife-  
 ri prius rigidique mucrones, & maden-  
 tes sanguine gladij, in salutaria vincula  
 sunt implexi, vt curuati obtusique pu-  
 giones tuerentur, quos aduersus impe-  
 rij seruatorem, nihil integri acutique  
 iuuissent. Sed longè minus illud est,  
 quàm quod noster parens patriæ, & a-  
 niti solij moderator effecit, qui cum  
 omnes haberet dedititios, non nume-  
 las adhibuit ferreas implexosque mu-  
 crones ad desperatorum hominum sa-  
 lutem mitissimā pœna stabiliendam,  
 sed amoris illa Vulcania & adamantina  
 vincula



vincula iniecit, quibus euestigio scele-  
 re exoluti, Clementiæ obstricti, suos  
 gladios prius ad vulnus & impressio-  
 nem elatos genio HENRICI & pla-  
 cabilitati consecrarunt. Itaque vidimus  
 Principes aliquot & Dynastas, qui vul-  
 gi errore impio & subita Reip. conuer-  
 sione, sanè inuiti rapiebantur, facto re-  
 uersionis initio, cum quasi manu datam  
 restim excepissent, chorum instituisse  
 & concordissimæ voluntatis concen-  
 tum, quo deinde exultantes, compres-  
 sis ciuilibus discordiis, penitusq; subla-  
 tis, beatum regnum coronarunt. Nam  
 vt est in fabulis cum venti acerrima cō-  
 tentione inter se pugnantes & obiecti,  
 nimbo diem eripiente, fœdam tempe-  
 statem agglomerauerūt, si fortè Triton  
 concha insonuerit, Æolus digitis in-  
 crepauerit, aut Neptunus cœruleo cur-  
 ru prætervectus, fulmineum tridentem  
 ostenderit, tum Aquilones tumidis  
 buccis horribilius inuehentes, iras po-  
 nunt spiritusque animoso impetu con-  
 citatos, & in vasta Imperatoris sui au-  
 la, aut Vlyssis alicuius in vtre placati  
 quiescunt, silet aër, ridet cœlum, flu-  
 idum agitationes & commotiones æ-

quantur, nautæ ad portum latum ce-  
 leuma cantantes appellunt. Ita cum  
 flabra ciuiliū dissensionum Gallica-  
 num æquor miscerent, & vbique Scylla  
 canibus, & hiatu Charybdis horreret,  
 cum vnda canens, cœlum tonans, terra  
 insolitis motibus agitata perniciē cun-  
 ctis exitiūque minaretur, vt primum  
 magnus HENRICVS sydereum caput  
 extulit, & cœlesti Victoriæ curru vo-  
 lans, arcanum instrumentum, è triplici  
 dote animi, Fide, Prudentia, Clemētia  
 compactum, vt Tridentem sacrum o-  
 stendit, tum illa bacchans furēnsque  
 Martis audacia posuit, tum regij vul-  
 tus serenitate pulsæ tenebræ, dissipatæ-  
 que nubes fuerunt, tum cœlo dies, ter-  
 ræ quies, lux animis, pax provinciis,  
 spes omnibus regni beatissimi restitu-  
 ra. Tūc aurea Lutetiæ naus olim Prin-  
 cipum Thalamegus, quam non quidam  
 è Cilicia piratæ, sed è vicinis nationi-  
 bus collecti milites spe prope & cupi-  
 ditate lacerauerant, suum cursum te-  
 nuit: tunc etiam aliæ classes aliarum  
 ciuitatum, lectis è naufragio reliquiis,  
 & pristinis armamentis instructæ, sese  
 ad portū blando æquore applicuerunt:



Tum festum vbique celeuma cantatū,  
 Io triumphē, Magne HENRICE, Cæ-  
 sar noster, Auguste noster, Imperator  
 noster, Diuite seruent: vincas, valeas,  
 multis annis imperes. Assertor Reip.  
 tuere nos: bene tibi cōmittimus quos  
 seruasti. Et prius fuisti semper dignus  
 imperio, dignus triumphis: felix agas,  
 feliciter imperes. Dictum millies, &  
 quasi ex antiqua formula cōmuni Gal-  
 liæ voce repetitum. O Gallia! ô Pro-  
 uinciæ! ô vrbes iam metu vacuæ & ne-  
 fario tumultu liberatæ! vllāne dies hoc  
 tantum, tāmque incredibile optimi Re-  
 gis beneficium obliteret? vllāne rerum  
 monumenta, de cœlesti & inusitata hu-  
 manitate conticescant? non hunc diem  
 fastis & annalibus, aureis literis man-  
 detis ad perennem felicitatis memo-  
 riam, non festum & solennem habeatis,  
 quo regnum tot fessum cladibus, & ca-  
 lamitate vastatum, Rex clemēs in per-  
 petuum liberauit? Licuit olim Consuli  
 Mamertino Iulianum Imperatorem o-  
 ratione cohonestanti, summo plausu  
 omnium audientiū illa dicere, *Iulianus*  
*Alemaniam domuit, Iulianus vrbes Gallie ex sa-*  
*uillis & cineribus excitauit, quod ab illo di-*



Etum gloriosius, quàm verius puto. Nos  
 verè vno ore pronunciemus, HENRICVS  
 sese domuit, ipsam victoriam vi-  
 cit, iracundiam superauit, HENRICVS  
 vrbes Gallia afflictas erexit, in certam  
 perniciem ruentes serauit, è fauillis  
 & cineribus excitauit. Cum Maximia-  
 nus Imperator Germaniæ partem suis  
 legionibus domuisset, multi ad eum è  
 media barbaria duces gratulatum ve-  
 nerunt, quorum Esatech omnium Dy-  
 nastarum facilè Princeps, eburneo sce-  
 ptro & corona insignis, cum fuisset Ro-  
 mani Ducis opinione commotus, &  
 Imperatoria illa maiestate caperetur,  
 Maximianum cum omni sua gente cō-  
 salutare voluit, victoriæ bono lætitiâq;  
 flagrantem. Cum venisset in conspectū,  
 identidem popularibus suis ostende-  
 bat Imperatorem, vt mortalem in ter-  
 ris Deum, virūque cœlestem, & diu  
 atque multum, & acerrima contentio-  
 ne intueri iubebat illum vultum, Ioue  
 dignum, & augusti oris venerationem,  
 & obsequia discere, cum ipse primus  
 beneuolentissimè eidem seruiret. O  
 Gallia! moderari mihi nō possum quin  
 rerum admirabilium nouitate obstu-

pefactas exclamem ! O felix inquā hoc  
 victore Gallia ! meministi credo il-  
 lius temporis quod nō potes obliuisci,  
 cum Rex tuus , vultum illum Clemen-  
 tia domicilium & Gratiarum, sudore  
 terfo atque militari puluere, latum &  
 pacatum ostendit , cum tuis vrbibus  
 spem primum, lucem, vitam, & securi-  
 tatem attulit, qui concursus populo-  
 rum , ad illum terrarum pacatorem  
 Herculem intuendum ? quæ oppidorū  
 effusiones, quæ gratulationes, quæ ac-  
 clamationes , quæ studia obsequiāque  
 sunt visa ? vllūsne fuit Princeps aut Dy-  
 nasta, qui non in vita se beatissimum  
 existimaret, si prompti & liberalis ani-  
 mi demissione , suis popularibus , in  
 H E N R I C O termoximo colēdo, pro-  
 pitandōque præiret ? Quid tu cara mi-  
 hi ciuitas Rhedonensis, quibus oculis  
 illum diem vidisti latissimum, & tibi  
 quidem ad omnem animi voluptatem  
 & remissionem concessum, cum te pa-  
 rens inuisit patriæ, & diuino præsentiæ  
 suæ dono hilarauit ? cum procēres tui  
 purpurati sacra Themidis oracula, cum  
 adōreis militaribus clari generosique  
 tui Duces, cum Ciues lauti & honesti

quorum fidem & eximiam voluntatem  
 erga Reges nulla vnquam perfidia vio-  
 latam, finitimæ gentes nunquam satis  
 laudare potuerunt, obuiam effusi, gra-  
 to illo regiôque spectâculo reficerêtur,  
 cum obsequia omnes sua, cum beneuo-  
 lentiam infinitam, cum studia perenni  
 animorû testificatione proderent. Im-  
 peratores olim Romani sic Italiæ ciui-  
 tates coloniâsque inuisebant, vt Ger-  
 manorum bullatis ceruicibus, & hu-  
 meris latis veherentur: at HENRI-  
 CVM suas prouincias obeuntem, cin-  
 ctum palmis & olea redimitum, amore  
 omnes in oculis, atque medio in pectore  
 circumferebant. Egredere Pater, da  
 te in publicum, aiebat olim Philippo  
 Alexander è vulnere claudicanti, nam  
 quoties gradum figes, toties tuæ belli-  
 cæ laudis & virtutis recordabere. Sic  
 Galliæ parens HENRICE, tuas ciui-  
 tates lustra & illustra, bis tuas, mil-  
 lies tuas, iure, armis, clementia tuas,  
 per te seruatas, per te restitutas & or-  
 natas, nam quoties ingredieris, non po-  
 teris non infinitæ humanitatis beneuo-  
 lentiaque tuæ recordari. Cernes plu-  
 rimas aut tormento excisas, aut incen-



dio haustas, aut ciuium fuga & popu-  
 latione desertas, at cernes iis oculis,  
 quibus Dariū Alexander multis vulne-  
 ribus confectū & iacentem vidit, qui  
 non hosti victo insultauit, cuius morte  
 bellum maximum & formidolosissimū  
 terminatum esse cōstabat, sed cum sibi  
 regium paludamentum detraxisset, nō  
 sine miserationis quodā sensu & amoris,  
 in exanguem iniecit. Planè sic euenit,  
 purpura illa tua, regia comitate &  
 mansuetudine insignita, protexit vrbes  
 diuturna calamitate exinanitas, & af-  
 flictas bello regiones humanissimè re-  
 creauit. Hic verò Lutetiæ faciem mihi  
 pono ante oculos Auditores, illo die  
 quo victor & triumphans HENRI-  
 CVS, eius vias singulari placabilitate  
 iniuit, quem triumphum magnus o-  
 lim adumbravit Constantinus, cum su-  
 perbiſſimo hoste cōfecto, Romę plau-  
 su & ciuium gratulatione est exceptus,  
 quando vt ait Orator Nazarius, nō qui-  
 dem acti ante currum victi duces, at  
 soluta incessit nobilitas, non externo  
 ab hoste Lutetia manubias tulit, ac se-  
 ipsam recuperauit, nec præda audior  
 facta est, sed qui omnem opulentiam

exuperat, clarissimum Dominatorem  
 laurea latum & ouantem excepit. Si-  
 lentio præteribo quæ dixerint quæque  
 fecerint omnes, in ea communi omniū  
 lætitia & voluptate, quam æternæ quie-  
 tis auctor fundatôrque attulisset: ea  
 pompa, tam illustri specie dignitatis,  
 eo triumpho post hominum memoriã  
 pulcherrimo, venit HENRICVS in  
 Luparam sedem augustam regij domi-  
 natus, in quo maiores summa laude  
 gloriãque floruisent. Demaratus Co-  
 rinthius Philippi Regis quondam ho-  
 spes & familiaris, cum Alexandrum Su-  
 sis vrbe maxîma regiãque vidisset, par-  
 ta victoria gloriosum, immenso & in-  
 credibili quodam elatus gaudio, lacry-  
 mas fudit, tacite lætitiæ argumenta, cū  
 diceret, Græcos qui iam vitã cum mor-  
 te commutassent, liquida voluptate  
 spoliatos, quod Alexandrum in aurea  
 Darij sede regalique solio cōfidentem,  
 non vidissent. O legiones per Galliam  
 vniuersam acri & acerba conquisitione  
 delectæ! ô Duces! ô fortissimi Centu-  
 riones, quos ciuilis iracundiæ turbo,  
 fatalisque Reip. conuersio bellantes e-  
 uertit, quos in ipso patriæ busto, dolori  
 partium

partium & impotentia litantes vita defecit! vos eo nomine puto ego miserrimos & calamitosos, quod prius quam è vitæ statione discederetis, hūc Ducem Regum, & Regem Ducum in auito solio non videritis, gloria plenum & aurea humanitate fulgentem. Illa virtus cœlestium imitatrix, illa dextera fidei consecrata, tela profecto vobis de manibus, & ex animis turbulentos iracundiæ motus excussisset, nunc cum cæteris eius clementiæ alumnis viveretis. Sed quid ego mutos cineres manesq; mortuorum alloquor? Nos, nos Auditores hoc cœli donum, hoc æternæ pignus securitatis, has Europæ delicias triumphales, Iano pridem felicissimè clauso veneremur, benevolentia & amore prosequamur, omni modo & ratione cohonestemus. Ac mihi quidem tergemini honores, gloriosique laudis tituli, humanis ingeniis excogitati, inferiores longè videntur, quàm vt Regis immensam gloriam, & immortalia beneficia æquare possint: sed non est tamen committendum, vt qui eius liberalitate gratiæque viuimus, ingrati il-liberalesque moriamur. Cerno animo



Constantinum exoriente adhuc principatu nondum maximum, qualem dies ætæque fecerunt, sed excellentissimæ tamen spei, & inuictæ virtutis Imperatorem, qui cum fuso exterminatōque Maxétio, bello Italiam calamitatísque metu liberauisset, Senatus illi atque Italia Statuam, Scutum, & Coronam, cuncta aurea dedicarunt, vt conscientiæ debitum aliqua ex parte releuarent: quippe vt scriptor illius æui haud ignobilis dixit, sæpe debetur & diuinitati simulacrū, & virtuti Scutum, & Corona pietati. Vos Ecclesiæ procures & sacrarum ceremoniarū administri, imaginem auream excellentiæ tantæ argumentum, vestræ beneuolentiæ monumentum Regi maximo consecratote: nam illius casta religione stant delubra atque aræ, & his tantis tāmque insignibus ornamentis hominum studio propè incredibili & augusta veneratione cumulantur. Vos Nobiles atque Patritij militiæ decora, Prouinciarum columnina, Scutum aureum in arduo tholo suspendite clarissimum anathema, cōmunis studij voluntatísque testimoniū: nam illius exaggerati animi fortitudo,

eius nomen auctoritáſque ſingularis, verè ſcutum oppreſſæ Galliaſ fuit tri-  
 líxque lorica, quibus armis tecta iádiu  
 & corroborata, ipſius fati ſpicula hor-  
 ribilésque impetus ſuſtinuit, hoſtium  
 vim & furoré eluſit, felicíſſimè trium-  
 phauit. Breue quoque ſi placet elogiũ  
 muneri adiungite, vt omnes qui modo  
 ſunt, aut futuri ſunt aliquando, non ve-  
 rius Maximum Romani imperij Scu-  
 tum indigitatum, quam HENRICVM  
 Galliaſ triumphantis Clypeum fuiſſe  
 fateantur. Braſidas fortiſſimus Impe-  
 rator, ſæuo in prælio, cum valida ma-  
 nus hoſtium ingrueret, ad omnem o-  
 mnium impreſſionem nubéque telo-  
 rum Scutum opponebat, ſed eo traie-  
 cto, ferri acie cruentatus fuit, quo dein-  
 de vulnere, breui poſt animam exhala-  
 uit. Is moriens & cruore ſuo perſuſus,  
 magnanimo Centurioni quoniam fato  
 luſtuoſiſſima illa clades eueniſſet in-  
 terroganti, *Clypeus inquit meus me decepit.*  
 O Gallia ſæuis periculis erepta, hoc  
 Rege tuta felix & triumphás, vllúmne  
 tempus fuit, aut eſſe queat, quo tali  
 Clypeo fatiſcente, læſa doleas, vulne-  
 ribus vllis pateas, aut extremo te obie-


Etiam fato querare? Huic igitur clara &  
 inuisita nobilitas ritè Scutum vt Italia  
 Constantino, in Mnemonis & Euerge-  
 się templo consecrabis. At tu ordo in-  
 fime, tu plebs secura quę tantorum mo-  
 tuum perturbatione fluctuabas, quę  
 dissipatę & propè euerse dominatio-  
 nis paulò antè reliquias tenebas, nunc  
 Sceptum & Coronam habes, & iusti  
 imperij ornamentis Fortunęque regia  
 triumphas. Coronam sed planè auream  
 dica huic Heroi, pio parenti, Regi o-  
 ptimo atque inclyto, ex omnium lapi-  
 dum elegantia & splendore concinna-  
 tam, cuius in luce atque pretio Ariadna  
 suam contemnat, cœlum decus æmule-  
 tur. Eam si lubet nominabis ciuicam, vt  
 debitam seruatori, qualem Triumviris  
 vt Patrię sospitatoribus datam olim  
 monumenta annalium ferunt. Quan-  
 quam quid ego terram intueor, quam  
 HENRICVS sorte vsus meliori despe-  
 xit? Tu cœlitum magne parens & mû-  
 di gubernator Deus cuius in manu cor  
 magnanimi Regis & clemētissimi sem-  
 per fuit, qui arcanas pietatis motiones  
 animaduertisti, qui florētem regiis ho-  
 noribus, aut oneribus pressum, ad quie-



tis beatissimæ locum extulisti, quod de  
 Dauide Regum mitissimo & maximè  
 glorioso, cœlestia nobis effata loquun-  
 tur, *Pones in capite eius coronam de lapide  
 pretioso*, quam gloriæ coronam Salo-  
 mon interpretatur. Magna quidem fuit  
 HENRICI gloria in salutarituo, tuis  
 videlicet clarissimis beneficiis salutem  
 adeptus, in maxima fuit apud suos o-  
 pinione claritatis & magnificentiæ, per-  
 ge porro, gloriam & magnum decorem  
 imponas super eum, fulgeat purpura  
 & stellanti solio dominetur, liquido  
 gaudio pleno humanissimæ voluptatis  
 perennium deliciarum circumfusus, in  
 splendidissimo cœtu beatorum, regio  
 tecum & singulari beatitudinis honore  
 lætetur.

D I X I.





## ORATIO II.

### CONTINUATA MAGNI HENRICI FELICITAS.

#### *Heroicæ Virtutes.*



**M**ATELLVS is qui à re-  
rum gestarum gloriâ Ma-  
cedonici nomen tulit, cum  
Scipio Africanus diem ex-  
tremum obiisset, & funere indictiuo  
Censorioque efferretur, ad exequias  
magni viri cohonestandas, filios suos  
misit triumphalibus ornamentis illu-  
stres fortunâque beatos, qui etiam à  
superatis bello nationibus cognomen  
honoris insigniâque retulissent, Quo  
tempore Africani memorię atque vir-  
tuti amplissimum laudis testimonium  
commemorabili elogio dedit, *Ite, in-*  
*quit, celebrate exequias, filij, nunquã civis ma-*

*Teris sumus Videbitis.* Quod Romanus ille dixit omnium ore celebratum de clario et atque forti, id mihi parens Gallia videtur omnibus, iam ante annum, gemitu & lacrynis occinuisse, Ite Galli, ite mei Rhedonenses cara pignora, fida pectora Regibusque deuota, celebrate exequias ea frequentia & apparatu, ea honoris magnificentia qua soletis, nunquam maiori, mihi credite, funebria iusta soluctis. Ita sanè est, Auditores, fuit is HENRICVS, cui plurimę gentes consentiunt, Principem fuisse Regum & Imperatorum qui res populi, & Reipub. dignitatem in Gallia moderati sunt aliquando, neque esse quidquam in regio munere tam magnum, tam ceteris hominibus arduum, tã excellens, in quo non summus fuisse videatur. Annalium scriptor vita & oratione egregiè politus ornatissimusque Baronius, cum virtutes eximias Caroli Magni consideraret, quas in Gallię vniuersę conspectu, & in oculis exterorum pace belloque posuisset, quem, inquit, meritissimo titulo Magnum vocant, planè *Ter-maximum* ipse iure appellauerim, scilicet Bellica Fortitudi-



ne, Scientia, & Pietate. Iam video popu-  
 lorum omnium consensione Magni-  
 titulum fuisse HENRICO iure acco-  
 modatum, propter rerum admirabiliū  
 splendorem, quo superioris cui lumina  
 superavit. Ego verò in eum chorū ma-  
 ximarum virtutum intuens, quibus Rex  
 meus coronatus fuit & instructus, asse-  
 rere minimè dubitauerim, non *Tercium*  
*maximum*, sed millies maximum appellan-  
 dum esse. Vix enim fuit vnquam ea me-  
 diocritate contentus, in qua multi su-  
 blimiora desperantes, pulchrum & ho-  
 nestum putant consistere, sed quasi nu-  
 minis cognationem similitudinēque  
 sentiret, ad quam se duci in placido im-  
 perij statu, & ea parta felicitate vide-  
 bat, ad florem & apicem dignitatis, &  
 regni gloriosi decus, suas omnes cogi-  
 tationes referebat. Itaque in eum pæ-  
 nè solum, aut certè maximè, conuenire  
 potest elogium quo Eutropius Augu-  
 stum Imperatorem cohonestauit, quem  
 ait *virum existimatum* non immerito ex  
 maiori parte *simillimum Deo*, neque enim  
 facilè, inquit, vllus fuit aut in bello fe-  
 licior, aut in pace moderatior. Et in  
 bello quidem & scientia rei militaris,  
 propter

propter quam video Augustum, video  
 Carolum illum Magnum quem paulò  
 antè nominavi, doctorum hominum li-  
 teris & commentatione celebratum,  
 quis HENRICO præstantior vnquam  
 fuit? Caroli pietas iisdem monumen-  
 tis in cœlum effertur, rectè quidem, nā  
 fuit propagandæ religionis perquā stu-  
 diosus atque pius, sed tamen ita, vt eum  
 HENRICVS in eo genere proximè  
 imitetur. Iam quod tertium in eo præ-  
 dicatione tollitur honoris decus Sciē-  
 tia, in Carolo fuit quidem vberior, si  
 adolescentiæ propriam eruditionem  
 spectemus, enimvero in ciuili discipli-  
 na, quam Sapientes in Dynastis & Re-  
 storibus Reipub. postulant, ita præsti-  
 tit meus HENRICVS, vt quem Vete-  
 res modo in libris & prudentium ho-  
 minum disputatione viderūt, ipse mo-  
 ribus vitæque expresserit. Quid cum a-  
 lia eius animi ornamenta, quod est mi-  
 hi hodierna die propositum Auditores,  
 cum virtutum aliarum seriem, cū men-  
 tis illa decora proposuero, fueritne vl-  
 lus tam iniquus rerum æstimator qui  
 non sentiat, eum non modo esse *Magnū*,  
 quod fatentur omnes, sed *Ter-maximū*,  
 Mm

aut si quid dici magnificentius queat,  
nominandū? Scio quid aggrediar quid-  
ue tentem Auditores, qui pollentis &  
dinini Regis clarissimas virtutes expli-  
care coner: iam provideo reprehen-  
siones multorum, qui iudicij imbe-  
cillitatem dicentisque infantiam iuste  
coarguent, & iactantem se liberius te-  
meritatem fastidiosè reijcient & repu-  
diabunt. Sed quoniam taciti beneco-  
lentiæ aculei & amoris, in vastum & tā  
longè latèque diffusum æquor me inij-  
ciunt, sine remis eloquentiæ & impulsu  
armisque doctrinarum, vos oro obte-  
storque, Rhedonenses, ne mihi vela de-  
negetis, quæ si grata benignitatis ve-  
stræ aura sinuentur, spero fore ut iucun-  
do & honesto in portu quiescam. Ne-  
que vero hic in bellis gerendis quæ plu-  
rima confecit, inuictam illam magni a-  
nimi constantiam & fortitudinem præ-  
dicabo, quam rectè ut ego quidem exi-  
stimo, grauis Euripides *γενναῖα καὶ ἀνδρεία* egregiam notam appellat gene-  
rosa mētis atque nobilis. In prima iam  
oratione de ea quædam audire potui-  
stis, sed timidè & ieiunè pronunciata,  
cum rei dignitas & magnitudo vim &



copiam orationis omnem superaret. Sic autem hæret opinor vestris omnium mentibus, ita fuit in medio sita & per-  
uulgata apud omnes, nemo ut sit, qui non facile intelligat, illa multa & magna quæ meminimus & miramur, nec parari vnquam aut institui, multo minus tam feliciter cōfici sine robore inu-  
sitato & eximia quadam magnanimitate potuisse. Et ut Herois diuinitatem quandam fuisse videatis, illa ipsa præstabilis animi virtus, quæ imperia & hic orbis vniversus longè fuit inferior, in victrices copias & legiones derivabatur. Mirum profecto videri debet Henricianas cohortes & victorem illum exercitum, quo videmus portus & maria, & prouincias Galliæ omnes fuisse pacatas, exiguo tempore tantum terrarum obire potuisse: mirum inquam re-  
pertos fuisse tãto animo Centuriones atq; Duces, eo studio & alacritate milites, ut Principem omni ratione inuictum, tam vbique promptum & volentem assequerentur. Sed illa HENRICI magnitudo, vigilantia, imperatoria dignitas graui labore fessos hilarabat, mouebat, rapiebat. Nam quem-

admodum Alexandri cursor Philonides ex Sicyone Elim mille & ducenta stadia nouem diei horis conficiebat, quod eunti, cum Sole iter esset, & arcani syderis vim ad euolandum experiretur: & quemadmodum ad occasum nauigantes breuissimo quâuis die, vincunt tamen longa spatia nauigationis nocturnæ, vt Solem ipsum comitantes, ab eoque adiuti, sic legio illa HENRICI fulminatrix, Galliarum flos roburque iuuentutis, sic in equis & prælio illi Castores, clarum Ducem vt Solem comitantes, rapiebantur, & in perenni victoriarum cursu volabant. Sed ea vt dixi Martis sanè pulcherrima decora si leamus, vt eius præstantiæ administras comitésque virtutes intueamur. Hic cum primis lucet mihi maximè HENRICI Prudentia, quam virtutum omnium Ducem ac Reginam viri Sapientes definiunt: est enim velut quidam mentis oculus omnia circumspectans, quæ præterita sunt diligēti animaduersione notans, prouidensque futura & vnumquodque in optimum finem dirigens, in quo inest diuinæ quædam naturæ communio atque societas: quam ob

causam è Platonis sinu atque schola Iamblichus eruditione maximus, aiebat homines prudentiâ Θεοῦ & δεινῆς διαινήας menti similes euadere. Est huius regiae virtutis, Auditores, quod tanto ante grauissimè Aristoteles docuit, consilium recte agitare, omnia quæ sunt in hominum vita & moribus studio prosequenda aut fugienda secernere, adhibere solertiam, à malis bona se iugare, honestè bonis uti, moderari sibi, occasiones prospicere, experientiam habere commodorum atque inutilium, non modo quæ ante pedes sunt, sed longe posita vi mentis & celeritate providere. Non dubito quin hæc omnia quæ ex mente viri Sapientis à me sunt explicata ad HENRICVM tacita cogitatione accommodetis, sicque statuat, nullum esse prudentiæ munus, in quo non Princeps admirabili quadam ratione præstiterit. Rectè facitis, quod facturus iam eram Auditores: nam quæ eius diuina consilia audiebamus? quos nodos quàm obscuros & impeditos grauissimorum negotiorum singulari mentis acumine, summa facilitate expediebat? in eo cœtu hominum Sapientum;



quos in consilium de summis rebus  
 adhibebat, cum adessent vrbiũ & pro-  
 uinciarum decora, Themidos lumina,  
 publicæ rei columnina, quisquam ne fuit  
 tam à ratione derelictus, tam sui amās,  
 tam denique amens: qui in cōsilio dan-  
 do, in abstrusis dubiisque rebus plus se  
 vidisse crederet quam HENRICVM?  
 Qui Astrologiam primi excoluerunt  
 præcellentissimi eruditione Chaldaei,  
 sub Planetis astra esse aiebant numero  
 triginta quæ *Deos Consiliarios* nominabāt,  
 quorum media pars supra Horizontem  
 finientemque circulum, pars aliā infra  
 terram distributo ordine & arcana mo-  
 tione circumageretur, ad mundi vni-  
 uersi bonum, imperiorũ utilitates, ho-  
 minum curationem. Ego vero in mei  
 Regis augusto capite vt ornatissimo in  
 cœlo, non triginta, aut aliquo exiguo  
 numero, sed trecentos puto fuisse Con-  
 siliarios Deos & splendidissima lumi-  
 na, quæ in suo cursu essent, nunquā oc-  
 ciderent, nunquam occultarentur, sem-  
 per de die, sæpe de nocte radios emit-  
 terent ad Galliæ procurationem totiũs-  
 que populi decus & splendorem. Cū-  
 que ab eo admirabilia tot & tanta con-

fecta videamus, dubitare queant intelligentes quique omnia intuentur accuratius, plusne illius prudentiæ quàm fortitudini, plus industriæ, quàm ferro & armis & inauditæ constantiæ tribuendum sit acceptumque ferendum. Itaque de illo gentium omnium monumēta ferent & prædicabunt, quod Gregorius Nazianzenus elegantissimus in dicendo, idem vita moribusque sanctissimus de Cōstantio Imperatore scripsit, *Cuius, inquit, prudentia maiorem admirationem sui monebat, quàm manuum vires, et rursum vires maiori admirationi erant, quàm prudentia, atque utrâque præstantior illustriorque erat pietatis gloria.* Ea certè coniunctio capitis & manuum, operum & consiliorum, rationis & effectiois, prudentiæ & fortitudinis absolutam eam felicitatem exhibuit, quàm HENRICVS in imperio Gallicano non modo parando sed multo magis administrando declaravit. Nam cum plena caligine essent omnia, & tenebrę densę, partes Reip. omnes occupauissent, cum hærent acuti ille nostri Sapientes, & quasi publico in iudicio sibi non liquere profiterentur, Rex magnus eas nubes & obie-

Etiam molem negotiorum acie mentis  
 solertiâque penetrabat, modos atque  
 vias rerum agendarum excogitabat in-  
 geniosissimè, quid quamque rem seque-  
 retur acutè videbat, res multo ante quâ  
 euenirent vt Tiresias quidam & diuinus  
 præsentiebat. Quod subtilis intelligen-  
 tiæ bonum & ornamentum sapientiæ,  
 clarissimi Duces & Dynastæ mirantes,  
 iudicabant, nostri Herois eam propriâ  
 esse commendationem, quam L V D O-  
 V I C O Regi vndecimo tribuit Côm-  
 neus in laudando vir maximè religio-  
 sus & integer, *aptiorem* videri potuisse ea  
 prudētia, eo intelligentis animi confi-  
 lio, ea prouidētia, *Ad imperium orbis terræ,  
 quâ ad regnum vnū mediocre administrandum.*  
 Maritimos A Ethiopas quaternos ocu-  
 los ferunt habuisse, se d Rege præditos  
 cuius in fronte oculus vnus fuisset: At  
 ego iure dicam inter omnes nationes,  
 Gallos esse prudentia nobiles & quasi in  
 fronte clarum vnum & splendidum ocu-  
 lū circumferre, & quod Iamblichus pru-  
 dentia attribuit *σοφὸν ὄμμα*; sed H E N-  
 R I C V M intelligendi principem qua-  
 ternos habuisse multo nitore illumi-  
 natos; quibus omnia quæ in vitam & ho-  
 minum



minum conditionem cadere possunt acutè videret, compluriũ rerũ obscuras intelligẽrias enodaret, futura & procul posita singulari mentis agitatione præciperet. Ex ea naturæ bonitate & excellentia diuinitus ad omnem prudentiæ rationem instituta, ea responsa exoriebantur, quæ hostes, quæ amici, quæ Galli, quæ exteri capti admiratione laudabant. Demetrius is qui Magno Alexandro de Græciæ Principibus vnus successit, tantum sibi tribuebat, suæ vt dicta nominari vellet oracula, quique eum consulerent, quasi Ammonem aut cortinas Pythij Apollinis adiuisset, sacro & augusto nomine dici Theoros. Non erat ita honoribus elatus aut Fortuna ebrius Rex HENRICVS, vt se hominem esse obliuisceretur, sed tamen ea fuit in eo verborum gratia, is genius admirabilium responsorum, vt effata regiæ mentis & terreni diui oracula dici posse videantur. Quodque fuit in eo mirabilius, ea ipsa quæ argutè atque subtiliter vt à limato politoque iudicio proferebantur, non erant diuturna exercitatione meditata, nec lucernam scholæ umbratilis, multo minus

Nn

scenam atque mimos triuiâque redolebant, sed nativa ipsa elegantia, sine puerilibus pigmentis atque fūco sponte fluētia, vt Attrico saletincta & lepore Gallicano placebāt. Quæ si tantum suauitatē habuissent gratam auribus, animisque, si duntaxat clarum spécimen Ingenij liberalis atque indolis præ se tulissent, non poterant non in eo Rege videri iucunda, qui arcana Veterum atque gnomas, potius agendo quam legendo audiendoque didicisset. At verò ita loqui, ita respondere, ita consilium explicare suum de rebus dubiis atque grauiissimis, vt myrothecia omnium sapiētum videatur sub pellibus & tabernaculo militari hausisse, id verò est, quod nō modo mea, sed ne Gallorum quidem omnium eloquentia, pro eo ac meretur efferre, & dicendo ornare possit. Itaque non minus in eum, quàm in Vatem Amphiaräum magnum virū atque Sapientem illa conueniunt, quæ sublimis in cothurno Æschylus cecinit quondam eleganter. *profundum* sulcum in pectore satum habuisse ἐξ ἧς τὰ κενὰ βλαστάνει βελύματα veneranda cōsilia vnde pullulant. Rectè pullulant, nam vt mens ea

vigebat & efflorescebat quotidie magis, sic noua quædam & admirabilia regis prudentiæ germina humanitatis succolita & ingenuitatis, in hominū cognitionem lucemque prodibant. Quid quod in eo memoria, quam Prudentiæ partem doctrina & optimarum artium studiis eruditi esse voluerunt, singularis fuit atque diuina, qua fiebat vt omnium meminisset? vt quemadmodum illi Principi Deo cum tabulis fata feruntur assistere, sic illi vis diuina quædam seruire videretur, ad ea notanda altèq; menti inurenda quæ ad tanti imperij moderationē valere possunt. Age verò Prudentiæ numeros omnes expleuerit, at durus fortè fuit & austerus, nimium ferox, ab humanitate alienus. Sane humanitas, vt vere quidam ait tam clara in Imperatore quam rara est, nam cum inquit indiuidua feliciū pedis sequa fit superbia, vix contigit cuiquam & abundare Fortuna & indigere arrogantiā. Sed vos oræ terrarum vltimæ, vos regna, vos Prouinciæ testes hic appello, ad quas HENRICI Magni fama noménque peruenit: vos scitis quod neque ipsa inuidia vnquam negaue-

Na ij



rit, superioris æui multos Reges & Imperatores ab hoc nostro, plurimis quidem maximisque virtutibus, sed vna imprimis Clementia & placabilitate superatos. Est ea virtus, Auditores, regum bonorum indicium & propria quædã nota vt magnus ait Chrysostomus, & rectè *Clementiam decere Principem* in legibus suis ponit Imperator: sed tamen si quis in HENRICVM intueatur, hoc donum egregiæ mentis & perfectû, in cæteris adumbratum, in hoc Heroe verum & expressum, & vnius quasi proprium iudicabit. Vidimus illius victorias præliorum exitu & partium conciliatione terminatas, nullam deinde audacium proscriptionem, non ultionem veteris iniuriæ, nullam in pace acerbitatem, victoris denique gladium nõ vidimus vagina vacuum & stillantem, vt cum Poëta valde bono, Theodosij facta celebrante, exclamare hic libeat, *Profuit hoc vincente capi*. Quoties vitam & salutem iis impertiit, à quibus suam appetitam sciebat? quoties poenã in præmium, tormenta in torques, numellas in monilia, equuleos in phaleras, tunicam molestantem in paludamentum, car-

ceres in palatia, inaudita & hac vberem lenitate mutauit? Quoties sceptrum, vt Assuerus ille potens & beatus virgā auream, ad leuandam hominum calamitatem protendit? Audio quid sanctissimus dicat Ambrosius de Theodosio, cum eius laudes suauemque memoriam funebri oratione persequitur, cū nimirum *beneficium se putasse accipere, cum rogaretur ignoscere*, qui cum haberet, inquit, supra omnes potestatem, quasi parens exoptulare malebat, quam quasi Iudex punire. O bone Antistes non Italiae modo lumen, sed totius religionis decus & ornamentum, clarissimi tui facta Imperatoris, mei Regis comitate & mansuetudine vincuntur: nam Theodosij quidem iracundiae aculeos vrbes & prouinciae fuso cruore senserunt, ac Henricianum ensē liliis ornatum oleaque redimitum, nullius hominis poena cruoreque maculauit, & tantum abest vt quasi parēs exoptulauerit vquam, & immane vllius facinus iniurię commemoratione auxerit, vt iudicum saepe vocem & legum feneritatem, impunitate & commodorum concessione preuerterit. **Hæc virtus diuturni**

obses dominatus, omnium beneuolentiam ad patrię hunc parentem adiunxit, hæc folium Gallicanum firmauit, hæc coronam immortalitatis gemma insigni cohonestauit. Imperatores olim Romani Fortunam in cubiculis auream, imperij tesseram custodẽmque habuerunt : At HENRICVS diuinam Clementiam placabilitatis notis insignem, & humanitate radiantem habuit, folij custodem & amplissimę dignitatis. Pudet me tui Valentiniane, seniorẽ appello, de cuius acri acerbóq; nimium ingenio, multa nobis veterum literarum annaliũque monumenta loquuntur. Is Auditores vrsas habuisse duas dicitur vorandis hominum corporibus assuetas, alteram *Micam auream*, alteram *Innocentiam* appellabat, quarum etiam propè cubiculum suum caueas poni curauerat, custodẽsque adhiberi fidos & diligẽtes, vt si quis rumor perditorum, si vel tenuis suspitio maleuolorum excitisset, de repẽtẽ iuberet homines corripì, feris immanibus exponi, & in cõspectu, pene in ipso aditu cubiculi indignissima crudelitate laniari. Remoueantur ista imperiorum dedecora &



portenta, & regiam HENRICI domum ingrediamur, in cuius aditu Innocentiam verè auream, non ferinam & agrestem, sed humanissimā & cœlestem reperiemus, quę non homines inaudita barbarie cruentet, sed eis vitę ysuram iucundam largiatur. Et Valentinianus quidem suam illam Vrsam Innocentiā post multas quas eius laniatu cadauerum viderat sepulturas, vt benè meritā in sylvas abire iussit innexiam: Noster autem Rex moderatus & clemens suā innocentiam in tuendis seruandisque hominibus iā à prima pueritia cognitā & exercitatam, tantum abest vt emiserit vnquam, alióque relegarit, vt nouum illi in dies splendorem adiunxerit, qui omnium intuentiū oculos animósque recreabat. Erat C. Caligulę Imperatori Protogenes quidam crudelitatis administer, nō hominem diceres, sed humana in effigie belluam nostri generis inimicam. Is perpetuo duos libros circumferebat quorum alterum *Gladium*, *Pugionem* alterum nominabat, in quos nimirum iugulandos, certóque exitio deuotos referret. O chartę regię! ó aurci Codicilli! quibus ego vos

nominibus compellabo, in quibus Edi-  
 cta Amnistiae, nō mucrone gladiatorum,  
 nec cruento pugione, sed pacatis oleæ  
 ramis inscribebantur? quorum notas  
 vniuersæ Galliae salutare, non Proto-  
 genes nescio quis alienæ auctor acerbi-  
 tatis, sed actor suæ lenitatis victor &  
 triumphator HENRICVS effecerat.  
 Sed accipite quæso Auditores & vnum  
 mihi subtilius considerate quod mea  
 quidem opinione miraculū prodigiūq;  
 loco haberi debet. Nam cū in eo multa  
 sint à magnis viris animaduersa quæ  
 communem aliorum conditionem su-  
 perare, admirandāque hominum generi  
 fuisse videantur, tum illud haud postre-  
 mum indicant, quod cum esset à pri-  
 mis annis bellicis artibus studiisque  
 eruditus, cum Martio tubarum cantu  
 personuissent aures eius, tot annos in  
 Bellonæ comitatu, inter gladios scutā-  
 que floruisset, tamen semper quod ma-  
 gni animi sapientisque est proprium, pa-  
 cem bello, ius violentiæ, quietem ar-  
 mis, iracundiæ moderationē generosa  
 mentis æquabilitate præferret. Non e-  
 nim ad perdendas eruendāsque ciuita-  
 tes, non ad homines ferro delendos &

excrui-

excruciaudos, aut inferendam regio-  
 nibus vastitatē, quæ beatissimæ quon-  
 dam fuissent, natus erat, sed potius ad  
 ea omnia stabilienda, quæ veterum cō-  
 temptione Principum, aut ciuili tem-  
 pestate, cōuulsa dissipatāque iacerent.  
 Par ea quidem in re geminūque Augu-  
 sto, qui negabat bellum omnino geri  
 vnquam oportere, nisi cum maior spes  
 commodorum, quam periculi metus  
 atque damni ostenderetur. Planè id na-  
 tura diuinæque institutione percepisse  
 videbatur, quod longè antè Philoso-  
 phorum Coryphæi duo quasi maiorum  
 gentium praeceptores Plato & Aristo-  
 teles suis Commentariis reliquissent.  
 Qui cum nobis politiam illam descri-  
 bunt excellentem, in qua Virtus felici-  
 tasque dominetur, Lacedæmoniorum  
 institutum reprehendunt, quod in scri-  
 bendis ferendisque legibus, bellum  
 modo spectarint, velut summum Reip.  
 finem, cum in pace totius humanitatis  
 laus consenescat. Belluarum id propriū  
 est bello & contentione motus animi  
 terminare sui, & nisi morte vel artuum  
 laceratione minimè quiescere, cū ra-  
 tio felicissimæ vitæ statum, quo beati



fruuntur, imitetur in terris. Itaque dī-  
 ctum illud aureum HENRICI dum  
 hominum genus erit, vigebit sæculorū  
 omnium memoria, & doctorum homi-  
 num prædicatione literisq̃ue feretur,  
 quod tu magne LODOICE, non tam  
 Sceptri quam Virtutum maximarum  
 fortunatus hæres, altè animo si placeat  
 tuo inures, vósque Reges & Dynastæ  
 aliarum nationum Domini, vt sapiens  
 acroama lubentes opinor & auidè ca-  
 pietis. Nam eo die quo in augusto Lu-  
 tetiæ templo vt totius orbis theatro,  
 fœdus sanctè cum Hispanis coiit, cum  
 regali conuiuio, magnificentissimo ap-  
 paratu, excepisset vtriusque regni pro-  
 ceres consilio auctoritate & sapientia  
 facilè primos, cum adesset Florentiæ  
 lumen atque honos Medicæus Cardi-  
 nalis, & ea frequentia nobilitatis, quam  
 nunquam regia domus olim suo ingre-  
 mio vidisset, Rex maximus hoc pro-  
 nuntiauit apophthegma, *Pacem, inquit,  
 semper ego dilexi, neque vlla gens vnquam arma  
 mea experietur nisi qua pacem & humanitatem  
 recusarit.* Quod oraculum præcè dicant  
 sanctissimi templi religione veneran-  
 dum, præstabili ingenio viri tum admir-

antes adamantesque notarunt. Borbonij sanguinis id quidem fuit & gentilitiæ humanitatis, quam ipse D. Ludovicus altè in posteris hgi voluit & propagari. Nam cum filio præciperet ea quæ stylo aureo scribi in adamante meruerunt, inter cetera hoc fuit, *Caveres* diligenter ne ulli Principi Christiano aut Dynastæ bellum indiceret, nisi coactus, sic ut imperij dignitas & Gallici nominis existimatio alia ratione constare nō posset. Ex eadem mente videlicet immortalis & diuina vterque hausit, & magnus avus LUDOVICVS & ex eadem protapia nepos HENRICVS, qui profecto dignissimus fuit qui vel semper in pace floreret, aut victor in bello felicissimè triumpharet. Veterū Theologi qui iidem Philosophiæ duces & veluti satores fuisse dicuntur, in omnium Deorum manibus collocari Musica instrumenta voluerunt, quod nihil esse tam proprium diuinitati, tã congruens & accommodatum existimarent, quam animorum consentientem concordiam & lætam veluti symphoniam inducere. Et ipse Christus vitæ nostræ Deus parénsque libertatis, cū tacita religio

nis suæ myſteria vulgaret, *ἐπινοοῖς*  
 pacis & concordia conciliatores, ci-  
 uinæ compotes originis, cælo ortos,  
 Dei eſſe filios pronunciauit. Quod mi-  
 hi quidem ſemper viſum fuit luculentū  
 eſſe teſtimonium dignitatis & maxime  
 accommodatum ad eam quam ſuſpicio  
 diuturna veneratione HENRICI Ma-  
 gni felicitatem. Nam ſi Chriſtus Dei  
 filius ex animi ſui ſententia locutus eſt,  
 cum pacificos ſummiſ laudibus atque  
 veriſſimis ad naturæ diuinæ commu-  
 nionem extulit, noſtrum Heroem fa-  
 teamur neceſſe eſt, cum diuorum cœ-  
 leſtium choro felicitatis opinione iun-  
 gendum, cuius gratia & præſtabili au-  
 thoritate factum videmus, vt nō modo  
 Galliaꝝ prouinciaꝝ acerbo odio & inue-  
 terato inter ſe olim diſſentientes, ve-  
 rum etiam exteri principatus iſq; ſum-  
 mi atque ampliſſimi, in cōcordiam ſta-  
 bilē nque pacem coirent. In re com-  
 muni & peruagata omnium gentium  
 ſermonibus mea verſatur oratio: me-  
 miniſtis enim Auditores, quis fuerit  
 Italiaꝝ ſtatus atque conditio ſuperiori-  
 bus annis, cum qui prius omni genere  
 beneuolentiæ & conſtanti religione



coniungerentur, neicio quo fato à se  
 inuicem animo & voluntate dissiderēt.  
 Qui tūmerant in iis oris Sapientes vsu  
 rerum diuturno periti, cum ingentem  
 molem mali certa intelligentia prouiderent,  
 incredibilem quandam patriæ  
 vexationem, vrbiúmque occasum ap-  
 propinquare dicebant, nisi Deus omni  
 ratione placatus, suo numine orientiæ  
 mala prohibuisset. Sed vt primum vox  
 HENRICI audita fuit, & auctoritas  
 summa omnium consensione excepta,  
 tum extincta subito flamma discordiæ  
 offensionisque resedit, compressa odia  
 quæ in apertum exitium mox eruptura  
 videbantur, redintegrata concordia,  
 animi tranquillitati, pax diuina quod  
 aiunt virgula nostri Regis moderatio-  
 ne confecta. Nihil dicam quid sic dein-  
 de consecutum, quot insperatæ lætitiæ  
 omnium bonorū animos perfuderint,  
 quot in Italiam vniuersam vtilitates  
 sint profectæ. Hoc vnum dicam, no-  
 strum Regem, si iure antea splendor  
 Galliz, lumen & ornamentum Europe,  
 præsidium exterorum, securitas suorū,  
 decus, & firmamentum dicebatur, iam  
 esse meritum, vt totius orbis commu-

nes Deliciæ nuncuparetur. Itaque non mirum si eius nomen atque existimatio in Orientem vsque Solem clarissima celebritate gloriâque penetrarit, si gentes atque populi in eo ornando elaborarint, si pro eo ac meretur diuinos & immortales honores decreuerint. Pôrifex sanè Catholicæ religionis moderator communisque omnium parës, Romę, quam nunc verius lucem orbis terrarum, atque arcem omnium gentium nominare licet, quàm cum Cæsari & impietati seruiet, **H E N R I C I** Magni effigiem loco amplissimo & ornatisimo ciuitatis collocatam esse voluit, summa populi Romani voluntate, summa consensione exterarum nationum, quarum Legati in eo regio simulachro, insignia maiestatis, decus fidei, & cœlestis atq; inuicti animi singulare monumentum venerabantur. Stat igitur pulcherrima in Vrbe **H E N R I C I** eterna imago lauro cincta tropeisq; insignis ad memoriam singularem beneficiorum expressa, digna sanè quę gemmarum pretioso contextu, & è gradium vnionum splendore componeretur, qualem Pompeius splendidissimo

In triumpho, sui effigiem per ciuium  
 ora suorum tulit, & margaritis & Aliis  
 veteris opulentia ædificatam. Illā quo-  
 ties popu. Romanus intuebitur, quod  
 nō sine grata Herois memoria fieri po-  
 test, toties omnium ordinum cultu &  
 obleruantia religiosam Icada celebrari  
 existimabit. Et olim quident in Capi-  
 tolio Clypei ponebantur in quibus ele-  
 ganter impressæ forent præstātissimo-  
 rum hominum effigies auro vel argen-  
 to lucentes, sed ista HENRICI effi-  
 gies diuinūq; oris simulacrum, erit cly-  
 peus antiquæ religionis & Romanæ fi-  
 dei præsidium, quam viuens moriens-  
 que defensam esse voluit & ornatam.  
 Coronam non pretio magis quam arte  
 nobilem quam Rex noster Clodoueus  
 Petri Manibus auctoritatique sacrauit,  
 Hormisda sapientissimus Ecclesiæ gu-  
 bernator *Regnum* appellauit. Tu Ro-  
 ma illam Principis Gallicani effigiem  
 HENRICI Manibus & æternæ memo-  
 riæ sacram, non regnum, sed *Regem* ap-  
 pella, & fatere, cum ipsum cuius plena  
 humanitatis recordatione caperis, in  
 Europa vnum fuisse maximè, cui meri-  
 to grauissimo iudicio Princeps terræ



eam dicendi libertatem æquo animo  
 Rex Darius, nec est ausus cum se in-  
 feriozem agnosceret, tanti Regis præ-  
 claram effigiem, tñophæum gloriæ, vir-  
 tutis monumentum emoliri. Non erit  
 Princeps opinor ullus, aut Imperator  
 tam oblitus sui, tam cõsiliij inops, tam  
 confidens & incredibili audacia, tam  
 denique Regis nostri facinorum igna-  
 rus & excellentiæ, vt se præferat, vt se  
 iactet immoderatè, & statuam HEN-  
 RICHI cum viderit, eam ex illa sede ho-  
 noris eruendam, suàmque potius col-  
 locandam putet. Id si quisquam aliquã-  
 do cogitauisset, Summus ille religio-  
 num & ceremoniarum præses ac magi-  
 ster, vel potius omnium populorum iu-  
 dicia obsisterent & testarentur, Magno  
 regi, qui virtute plurimos anteierit, suũ  
 decus & gloriæ monumentum seruari  
 oportere. Atq; hic mihi venit in mentẽ  
 pietatis & religionis, quam in ipsa ado-  
 lescentia, etiam in castris medióq; hor-  
 rore Bellonæ, inter fumos strepitúsque  
 bõbardarum hand obscuram fuisse vo-  
 lunt: quæ cũ fuisset à Catholicis erudi-  
 ta, & illi cœlũ pariter ac solium. & om-  
 niũ corda aperuisset, mirum est quan-

tam splendorem cepit, quantum incrementum, quam stabilem durationē, quantam felicitatem. *Nihil est enim quod lumine clariore praeferat, quam recta fides in Principe, nihil quod ita nequeat occasui subiacere quam vera Religio*, ut Ioānes vrbis Romae Antistes verē & grauit̃er Iustiniano quondam Imperatori aiebat. Et verō quantae felicitatis fuisse dixerim, quod prauas de religione opiniones, à maiorum pietate moribúsque dissentientes, generosa mentis inductione cœlestiq; impulsu funditus ab animo repudiari. Illum ego sanē diem omnibus triumphis & victoriis antepono, cum Religio pulcherrimō instructu cultúq; Romano, lætitiā exultās, ea manu qua cœlestis palatij fores aperuerat, capiti regio diadema imponeret, & primum Ecclesiae filium arctē suauia retur. Tum nimirū gestiēs HENRICVS liquidóq; plenus gaudio, illa diuini Sapiētis, iure quodā suo pronūciare potuit, *sibi omnia cū Religione bona, quasi vno cataplo obuenisse, regno pacē, animo tranquillitatem, liliis splendorem, Galliae decus, cœlitibus hilaritatē, Ecclesiae gaudium, magnum orbi Christiano firma-*

mentum. Reges Galliæ qui suis olim li-  
 liis & coronæ imperatoriam aquilam  
 & diadema iungebant, Caroli Magni  
 instituto, pompa illustri & regia, tres  
 coronas sumere consueuerunt, ferream  
 vnam Aquisgrani, Mediolani argenteā,  
 Romæ auream vbi fuit honoris fasti-  
 gium. O H E N R I C E, tu quidem in  
 Herois Valesij obitu iure & natura do-  
 minus regni amplissimi renunciatus,  
 coronam induisti, at ferream, in eo Gal-  
 liæ tumultu, stricto ferro & lucente, vi-  
 brantibus hastis, & vbiq; furente Bel-  
 lona: mox argenteam pacatis vrbibus,  
 & prouinciis compositis, quæ tuum  
 nomen venerabatur. Sed profecto splē-  
 didam è margaritis atque auro, mira-  
 bili modo confectam coronam, syderei  
 pignus regni sumpisti, cum te Roma  
 suum agnouit religione filium, maie-  
 state Patronum. Hic mihi amœbaum  
 studium & ornatum contuemini Audi-  
 tores; Religio H E N R I C V M ornauit,  
 H E N R I C V S Religionem coronauit,  
 quæ victrix & triumphans beatissimos  
 deinde cursus habuit, in eo regno, vn-  
 de sibilis & furioso cōuicio impiorum  
 hominum, paulò antè exterminabatur.



Meminimus Gallia multos Reges qui  
 summorum Pontificum & ecclesie pro-  
 pugnatione, aut auite religionis propa-  
 gatione, suum nomen illustrariat; sed  
 nescio an eorum omnium gloriam pul-  
 cherrimis facinoribus HENRICVS  
 Magnus, & hoc genere pietatis offici-  
 que superarit. Qui cum sciret, id quod  
 est scriptum diuinitus à tribus summis  
 Imperatoribus in Edicto Constanti-  
 nopolitano, eos tantum esse Christia-  
 norum & Catholicorum nomine censen-  
 dos qui in ea religione versarentur quæ  
 D. Petrus Romanis tradidisset, & ipse  
 Pontifex urbis Romæ tueretur, reli-  
 quos autem esse dementes vasa nōsque  
 iudicādos: in eo semper omni cura stu-  
 diōque elaborauit, vt & summos orna-  
 ret Pontifices, & eam ipsam Petri reli-  
 gionem ad nos vsque deriuatam serua-  
 ret. Hoc eius pulcherrimum studium &  
 diuinus amor, ita fuit orbi vniuerso co-  
 gnitus, vt tot pænè in locis, quot sunt  
 prouinciæ regnāque terrarum, clarissi-  
 ma fidei suæ monumēta reliquerit. Ro-  
 ma ipsa dum cincta muris & religione  
 defensa, decus splendorēque suum  
 retinebit, HENRICI illam effigiem

augusti honoris testimonium, suæ be-  
 neuolentiæ pignus, immortalitatis mo-  
 numentum seruabit. Prædicabit Regis  
 optimi studium in Clementem octa-  
 uum Ecclesiæ præfectum, qui volens &  
 sponte maxima in negotio Ferrariensi,  
 regni sui opes & potentiam, dexteram,  
 gladium, suam denique suorūque o-  
 peram benignissime detulit. Memine-  
 rit etiam quod obliuisci non potest il-  
 lius diei, cum Principem Niuernensem  
 illustrissimum vidit *Paulo* quinto Pon-  
 tifici Maximo, nomine **HENRICI**  
 gratulantem, & primi Ecclesiæ filij vo-  
 ta obseruantiamque deferentem. Quod  
 spectaculum non modo lætum populo  
 Romano & iucundum fuit, verum e-  
 tiam admirabile, cum Dux ille præpo-  
 tens & magnificus, sui Regis pæne di-  
 cam maiestatem omnem, inusitatum  
 Galliæ splendorem, inauditam magni-  
 ficientiam in Italiam intulisset. Quare  
 non mirum si sanctissimus ille religio-  
 nis moderator audita potētissimi Re-  
 gis morte collacrymatus est, & amorem  
 erga illum suum & intimū beneuolen-  
 tiæ sensum declarauit: qui etiā in pur-  
 puratorum Patrum confesso dicere nō

dubitauit, funestam illam atque nefariam importuni hominis dexterā, quę Parenti patrię mortem attulisset, grauem securim infixisse Ecclesię vniuersę, & imprimis sedi Romanę, quę suorum consiliorum duce, glorię administro, & patrono fidei spoliaretur. Sed quid ego peregrinis in prouinciis hęreo, & non in Gallia, vbi Heros signa religionis fixit innumerabilia, non ad exigui prædicationem temporis, sed ad memoriam posteritatis sempiternam? Nam eius ductu atque auspiciis, eius imperio & ardore singulari, maiorum pietas in trecentis Urbibus, quod ante me viri magni meminerūt, & quid vos numerus conturbat Auditores? nil augendi causa dico, latinè me loqui putatote fide Gallica hoc est vera & contestata, trecentis inquā in locis ab HENRICO Christiana fides posita est, cum antea vel nulla esset, vel squaleret, vt tum mihi accidisse videatur, quod olim à diuino vate prænunciatum fuit *Latabitur deserta & inuia & exultabit solitudo & florebit quasi lilium*: Tum enim vrbes & prouincię quasi lilium, vel potius lætis in prouinciis lilium Gallicanum efflo-



fuit, cum Rex bonus salutis cupidus &  
 studiosus fuorum, Rupellam, in Canta-  
 briam, in alia loca viros doctos & egre-  
 gia vita & moribus Ecclesiastas mitte-  
 bat. Hippocrates facile Medicorum ex  
 omni antiquitate coryphæus, cum fu-  
 turam pestilentiam ingeniosè proui-  
 disse, discipulos suos quosdam probè  
 institutos, ad auxiliandum circa vrbes  
 dimisit: quod facinus ita existimaue-  
 runt Græci omnes humanitate exculti,  
 vt eosdem quos olim Herculi beneme-  
 rito honores, vnis suffragiis & omniū  
 consentienti animorum conspiratione  
 decernerent. Pono mihi ante oculos se-  
 uā luem quæ ex veteris disciplinæ per-  
 turbatione, & contemptu religionis, in  
 vltimas oras Galliæ, & florentes antea  
 ciuitates, perfidioso conatu audacium,  
 multos ante annos irrepsit, quam vide-  
 bamus grassari in dies liberius & omnē  
 Reip. partem inficere. Hic vero proui-  
 da mens & illustris in patriam caritas  
 Herois magni glorioso testimonio de-  
 clarauit, nihil eū maluisse, quā vt tantę  
 pestilentia morbus, non tantum è fini-  
 bus imperij, sed è naturæ vniuersę can-  
 cellis eijceretur. Delectos vt dixi ad-

hibuit homines misitque suæ benevolentiae vicarios, doctrinis eruditos, sapientia nobiles, egregiis animi ornamentis & virtute illustres, quos putavit Reipub. Christianæ malo tam insitotamque exitioso medicinam facere posse. In hoc Sole beneficentiae & religionis, an non decus & existimatio veterum Heraclidarum, imo Regum & Imperatorum omnium splendor intereat necesse est & inobscuretur? Atque hanc eius admirabilem pietatem illa etiam declarant, quod si quem olim perduellum, si emanforem, si quem è castris hereticorum ad Ecclesiae sinum & innocentiam fugere animadverteret, gaudio exultans & incredibili voluptate in aureas ætheris arces vota mittebat, parentiq; omnium Deo gratias in cōmuni sermone fundebat. Sic memini dicere Eusebium qui res gestas Magni Constantini summa fide memorie prodidit, eum multis periculis defunctum & hominum perditorum cōspiratione, gaudio propè incredibili & immenso frui coepisse, cum videret omnes suæ ditioni parentes tranquillam vitam agere, plenam otij & dignitatis, & imprimis

Christi

Christi religionem magno splendore triumphantem, quam scepro omni & corona longè potiozem existimabar. Sed habeo quod in hoc præterea genere dicam, quæ mirer commendemque Auditores, quæque eximiam in nobili Rege aduersus Deum caritatem & religionem ostendunt, at verba non habeo, neque vires, neque latera, nec eam orationis copiam & vbertatem, quæ rem tantam pro dignitate exornare queat. Nam sapiens moderator cū Pastoribus animarum & Antistitibus magnis viris & præsidibus illibatae sanctitatis, lubens societatem coijssset Ecclesiæ restaurandæ, ornandæ, locupletandæ. Quod ante annos ferè duodecim Archiepiscopo Turonensi religiosissimo viro & maximè Sapienti, memorabili elogio significauerat: cuius orationem plenam ardoris & elegantia, cum Rex optimus æquis auribus accepisset, *Vos, inquit, pro munere vestro incumbite diligenter in eam curam pietatis amplificandæ. ego meo fungar munere. sic diuersis quasi viis & regionibus in eandem portū felicitatis Deo duce veniemus. O cōmemorabilem pietatem! ô virtutē in ara*



æternitatis consecrandam ! Constanti-  
 nus externarum rerum vocabat se E-  
 piscopum, quod cum rei sacræ Præsi-  
 diis Religionis dignitatem communi-  
 cura vigilantiâque defenderet. Quem te  
 vocem Magne HENRICE qui omniû  
 vnus Episcoporum prouidentiam es  
 complexus? Ego summa animi demis-  
 sione te ijsdem verbis cōsalutabo, qui-  
 bus doctus è Gallia Consul Imperato-  
 rem Gratianum, Tu nobis *potestate Im-*  
*perator, virtute Victor Augustus sanctitate, Pon-*  
*tifex religione, indulgentia Pater.* Hoc postre-  
 mum tibi credo & reipub. omnes ordi-  
 nes accommodabūt, sed præsertim So-  
 cietatis IESV homines quos eiectos  
 & exterminatos, studio pietatis & re-  
 ligionis in tuum regnū & pristina do-  
 micilia reuocasti. Quod diuinum & im-  
 mortale beneficium ne obteram styli  
 inopia & ieiunitate, hic bona tua ve-  
 nia, grati animi silentio colam & tue-  
 bor. Tua maior est gloria non vnicam  
 Ecclesiæ partem, sed vniuersam pieta-  
 tem esse complexum, quæ te Protecto-  
 rem agnoscit, tuo præsidio floret, tui  
 nominis sacro splendore gloriatur. Hic

igitur patiere, tibi vt omnes communi  
 animorum consensione dicamus quod  
 Stephanus olim Summus Pontifex Pi-  
 pi no Regi Francorum Christianissimo  
 dicebat, *Vale in Domino Rex benignissime,*  
*quia per te sanctæ Dei Ecclesiæ inimici humiliati*  
*sunt, & magna lætitia ipsa Dei Ecclesiæ est re-*  
*leuata: per te benedicitur Deus, pro quo & eius*  
*benedictio super te plenius est effusa: gaudium e-*  
*nim uberrimum in vniuersum orbem terrarum*  
*intulisti.* Sed quo raptor Auditores? aut  
 quo mea procedet oratio in hoc vasto  
 regiarum virtutum æquore, in quo nulle  
 est ora vltima, in qua dicentis mens  
 & cogitatio quiescat? Tres aut quatuor  
 ea celeritate memorauimus quam vidistis,  
 sed aliæ se confertim obijciunt & ob-  
 trudunt, & si qua est, industriam meam  
 requirunt. Senior Dionysius qui Sici-  
 liæ Principatum obrinuit, cū filios tres  
 sustulisset, primam indigitati *Virtutem*  
 voluit, alteram *Temperantiam*, tertiam *In-*  
*stitiam*, cum tamen eius vita atque mo-  
 res ab iis virtutibus alieni forent: at  
 HENRICVS nō paucas nobis genuit,  
 sed omne genus admirabilium virtu-  
 tum, quibus eius memoria ad omnem

posteritatem propagetur. Itaque mihi  
 venit in mentem propemodum id ve-  
 rum existimare quod Stoici de virtuti-  
 bus differebant, quidquid nimirum à  
 Sapiente fieret, id ab omni genere vir-  
 tutis oriri, esse tamen vnam quandam  
 in præstanti quoque facinore, quæ ex-  
 tet atque emineat, & veluti cæterarum  
 splendorem sua luce præstinguat. Cum  
 enim in Magni HENRICI naturâ in-  
 tucor, aptam vndique atque donis cœ-  
 lestibus cumulatam, lucent protinus se-  
 que efferunt admirabilis quædam ani-  
 mi fortitudo atque Iustitia, temperan-  
 tia non vulgaris, inaudita bonitas atq;  
 clementia, quæ confertè contextæque  
 sibi cohærent; nec in regis operibus  
 singula possum distinguere, vt hoc opus  
 magnanimitatis, hoc Clementiæ, istud  
 patientiæ aut moderationis fuisse vi-  
 deatur, sed vnumquodque potius ex  
 omni genere coagmentatum & perfe-  
 ctum. Nam eius animi fortitudo plena  
 fuit humanitatis, humanitas fortitudi-  
 ne insignita, iracundia placabilitate  
 moderata, Clementia grauitate condi-  
 ta, remissio negotiosa, affectiones mo-



do numeróque dimensæ, quem omnem  
chorum & concentum, Prudentia ve  
prælatâ face ad eximium quendam sta-  
tum & felicissimum ducebat. Home-  
rus ingeniosissimus Poëta qui plus vi-  
dit quàm qui olim bene oculati in omni  
antiquitate studio literarum & cogni-  
tione floruerunt, cum vellet formam  
quandam excellentissimi Régis, omni  
absolutione perfectâ, in Agamemnone  
ductore aliorum exprimere, tria quæ-  
dam de tribus Numinibus seligit, qui-  
bus ille omnibus antecelluisse videat-  
ur, quippe qui Iouem oris dignitate  
referat, & splendore oculorum: Mar-  
tem laterum firmitate: lato pectore  
Oceanî Regem Neptunum. At si quis  
vellet vnus Poëta, aut in dicendo co-  
piosissimus orator conquisitis vndique  
verbis atque sententiis, cœlestē HEN-  
RICI naturam ante omnium oculos  
subijcere, Diuorū essent dotes euoluē-  
dę, omnium Regum & Imperatorum  
& totius antiquitatis ornamenta v-  
num in locum studiosissimè congeren-  
dâ. Nam edificator omnium Deus, cum  
illum Miraculum omnium Regum, &

Regem miraculorum esse vellet, animo  
 impresserat Dauidis placabilitatem &  
 Clementiam, Stirpis inuictę Macha-  
 beorum studium pię religionis conser-  
 uandę, Magni Constantini felicitatem,  
 Alexandri in belligerando alacritatem,  
 Iulij Cęsarıs inuictam audaciam, Cyri  
 consilium, Themistoclis ingenium, ex-  
 perientiam Magni Pompeij, Periclis  
 dulcem & pressam eloquentiã, & Rei-  
 pub. administrandę peritiã. Atque  
 illa decora mentis tot & tanta cum in-  
 genita forent in animo penitus sita &  
 inclusa, foras tamen eminebant, & in  
 regij muneris functione, vt Sileno pa-  
 tefacto, admirabiles quędam formę,  
 viuaque imagines prodibant. Itaque  
 multos inter proceres, cum in Gallia  
 fuit numero propè infiniti, qui specie  
 ipsa vt cum Euripide loquar, digni sunt  
 principatu, exteri tamen aduētores,  
 qui HENRICVM non norant, nullo  
 monitore agnoscebant, ita in vultu di-  
 num imitatrix hęrebat & dominabatur  
 maiestas, ita nostros illos Heroes, non  
 vt Saul ceruice Hebręos torisq; hu-  
 merorum, sed maxima virtutum om-

nium & diuite copia superabat. Neque ingressus tandem aliquâdo in Regiam ut in delubrum Honoris & dignitatis, quo Dynastarum conatus aspirant, Virtutem abiecit, quin potius quasi in curriculum introisset glorięque Circum magnitudine infinitum & patentem, ferebatur in dies longius, & non modo hebetiores alios & in cursu molliores, sed se quoque admirabili constantia, vincebat. Aiebat Academię parens & Homerus Philosophorum Plato, certos esse fines & cancellos unicuique ciuitati constitutos quibus eius felicitas circumscriberetur, nec æternam eā urbem esse posse, ac ne diuturnam quidem, quę quotidie noua quadam accessione cresceret: sed in vita regia inque iis animi ornamentis quę magnos viros efficiunt proximósque diuinitati, negabat H E N R I C. V S terminos esse ullos à natura pactos aut excelsi animi inductione, quin semper in genere omni virtutis, id symbolum clarissimi Regis vsurpandum existimaret, *Vltius* contendendum. Itaque si iam inde à susceptę administrationis initio pius, si



clemens & placabilis, si inaudita mo-  
 deratione animi, si constans in regia fi-  
 de conseruanda, si iustus, si magnani-  
 mus, si patriæ amans & suorum, si reli-  
 gionis auitæ studiosus, nunquam ille  
 splendor virtutum fuit illustrior, quam  
 cum vitam cum morte commutauit.  
 Cum igitur hunc admirabilem ornatū  
 tamque in oculis omnium positum &  
 illustrem videamus, cum tanta sit no-  
 stri sæculi ex omniū aggregatione bo-  
 norum conciliata ab HENRICO feli-  
 citas, eum Gallici imperij dignitas at-  
 que splendor, inuicti Regis auctoritate  
 ac nomine summa gloria propagetur,  
 quibus verbis hic exclamem Auditores?  
 quæ digna satis elogia reperiam aut  
 honoris compellationes, quibus hæc tā-  
 ta Regis mei virtus pro meritis ornata  
 fuisse videatur? Lacones cum insigni di-  
 gnitate viros, qui de patria deque ciui-  
 bus bene meriti fuissent aliquando, o-  
 ratione cohonestare vellent, eos *θεοι*  
 Deos seu diuinos homines appellabāt,  
 vt Plato ipse diuinus affirmat. An Spar-  
 tani hic dubitauissent illum aut Deum  
 aut diuinum indigitare, cuius viderent  
 non

non vno tantum in genere bonitatem, raram quandam & maximopere gloriamdam, sed è multis & maximis virtutibus auctam & exaggeratam perfectionem? Magi quondam Sapiētes qui apud Ægyptios de obscurissimis rebus scholas habebant, duos quosdam esse Principes Deos voluerunt, continuo inter se bello dissentientes, bonum vnum, alterum aduersarium, illum Oromazem, hunc Arimanium dicebant: & bonum quidem sex minores Deos siue Genios procreauisse; quorum primus esset Beneuolentiæ, alter Veritatis, tertius Legis salutaris, quartus Sapientiæ, quintus Opulētīæ, sextus Gaudij è præclarissimis rebus & beneficiis generati, quorum in luce & superbissimo dominatu, tot insignibus laurearum nobilitato, ille fons mali & incommodorum inuentor Arimanius nō posset consistere. O Magi! ô Sapiētes! ô Hierophantæ! quem per nebulam suspexistis, nos in Gallia, in hoc imperio, orbis terræ florentissimo, clara luce Agathodæmonem vidimus bonum Regem in maximis virtutibus ge-

Rr

nerandis fœcundum, qui diuinitus non illum quidem veterum Arimanium, sed recentem malorum omnium inuentricem *Marian* tumidis ceruicibus sese efferentem, cum vi & virtute domuisset, claram illam vbique sobolem effudit, Beneuolentiam, Veritatem, Leges, Sapientiam, Opulentiam, Gaudium, plura etiam decora & ornamenta, quam Aegyptij Oromazi tribuerunt. Itaque licet mihi opinor hanc tantam tamque eximiam felicitatem Galliae vniuersae gratulari, cui Deus imperiorum dominus honorumque fons & dignitatis eum ducem & Regem concessit, quo meliorem nec habere nec optare unquam potuisset. Cum Probus esset electus Imperator, & de ea re Senatus Romae haberetur, Manlium Statianum in dicendo Principem, hæc in illo theatro orbis terræ Flavius Vopiscus orasse commemorat, *Dij immortalibus gratias P. C. & praeter ceteris Ioui optimo, qui nobis Principentalem qualem semper optabamus dederunt, si rectè cogitentur, non nobis Aurelianus, non Alexander, non Antonini, non Traianus, nõ Claudius requirendi sunt: Omnia in uno Principe*



*constituta sunt, rei militaris scientia, animus clemens, vita venerabilis, exemplum agenda Reip. atque omnium prerogativa virtutum. Quæ cum ille & plura in hanc rem diceret, tum Senatus solennia ista, Omnes omnes communi animorum conspiratione approbandoque inclamarunt. Non Senatus tantum vnus, Magne HENRICE, sed ordines Reipub. omnes, Prouinciæ omnes, populi omnes, in te Optimo longè plura, quàm in Probo Romani, agnoscunt: præ se ferunt te regiis maximisque virtutibus ornatum, omni antiquitate superiorem, à diuina prouidentia lectum, cœli munere & immortalis numinis beneficio generi humano donatum fuisse. Omnes sciunt & fatentur, vno te viuo & vigente, non Galliæ Clodouæum propagandæ piæ religionis auctorem, non Magnum Carolum gentium aliarum domitorem, nō Franciscum literarum parentem, non sanctissimum Ludouicum regiæ bonitatis exemplar atque lumen defuisse. Idem mecum omnes orant, & propensa animi beneuolentia studioque precantur, vt quoniam ita Rectori vniuersitatis &*

Rr ij

parenti omnium Deo visum est vt abes-  
 ses, inter eos magnanimos Heroas qui  
 merendo viam sibi ad æternitatem fe-  
 cerunt, plenus gloria & triumphans,  
 cœlitum gaudiis & æterna voluptate  
 perfruaris.

D I X I.





Æ T E R N A

HENRICI MAGNI

FELICITAS,

S I V E

ΑΠΟΘΕΩΣΙΣ.



*V*idit ter sancta Trias, Rex æ-  
theris alti

Aurato fultus solio, & stellantibus astris,  
Exhalare Orcum & Stygiam eructare ca-  
uernam

Monstrum ingens, cui corda rigent & dex-  
tera ferro,

Indoluit, Gallique Ducis flammatus amore  
Dulcia pennigerum vocat ad mandata mi-  
nistrum.

Vade inquit Michaël magni cui credita re-  
(gni



Cura fuit, voluit liquidos ubi Sequana flus-  
tus

I pete Parisios, gemitumque accende tuorum.

Heu quæ funerei surgunt insignia luctus!

Cui rigidum chalybem? cur libera pectora  
fixi

Quis ludus versare nefas & stringere fer-  
rum?

Dic age, dic populis HENRICVM oc-  
cumbere fato

Heroa inuictum, sæcli decus, audiat orbis

Et tumulo violas & candida lilia spargat.

Dixerat, & subito nigrantem obnubere  
vultum

Sol visus, mediocriter die flammantia lora

Mergere in occiduo liquenti sydere fluctu.

Continuo assistit suprema per æria Parca,

(Quippe urgent oracula Poli) sua pensa fe-  
rentes

Sydereis discreta notis, pars vellere parco

Mortales cohibent vitas, pars aurea neclis

Fila perennantis per sæcla ingentia fati.

Auratos magnus Genitor depromere fusos

Tunc iubet, at quales stellantis regia cœli  
 Poscit, ubi lucem Diui sine tempore tempus  
 A Eternare vident, aliosq; reducere Soles.  
 Humanos quoniã ponit Rex inclytus artus,  
 Morsque furit violenta solo, frustremur o-  
 uantem

Mortem, ait, eternum HENRICVS po-  
 tiatur Olympo.

Empyreas versate colus, date cãdida Parca  
 Regi fila pio, magnisque Heroibus æquis  
 Vitã agat, & quantũ genitori ætatis ademit  
 Triste scelus, tantum LODOICO ac-  
 crescat, & æuum

Largius indigetem cano iã vertice reddat.  
 Quin circum Aligerum manus emicat? Ite  
 per alta

Atria purpurei stellata fronte ministri,  
 Ite Deæ, HENRICO merita spectacula  
 pompe

Instruite ardentes, clarãque in sede locate.  
 Ipse ego gemmifera statuã diadema corona  
 Magnanimo capiti, & Diui regnantis ho-  
 norem

Nec mora pennati per templa micantia  
 fratres

Limite cæruleo volitant, coetūque Piorum  
In medio, celeres diuina tapetia sternunt.

Augustam imponunt sedem, quam circulus  
ambit

Thaumantis, geminae nitido ex adamante  
columnae

Hinc inde assurgunt, totidem capita alta  
pyropis

Irradiant, dulcēque vomunt in nubila  
flammam.

Carbasus crispate auro pulvinus inumbrat  
Clarum ebur, atque ostro fulget vibrante  
curulis.

Impendent rutilo velamine conopea,  
Fimbria quæ tortis baccata monilibus au-  
get,

Lilia sed roseo crispantur hiantia limbo.

Pinxit acu textū Genouefa, & pollice do-  
cto

Dædala semidei variauit nomina Regis,  
clarū opus, attoniti spectant insignia Diui,  
Fatæque venturi plausu fremituq; sequuntur.

Parte alia sanctæ Charites per sydera la-  
pse

Atria



Atria nota petunt Luparæ, dant vulnera  
lymphis,

Quodque fuit mortale rigant: hinc invidus  
artus

Pro pallore decor formosâq; pectora comit:  
Ambrosia stant fronte comæ, dant dulcia  
risum

Ora, serenato proludit Gratia vultu.

Sidoniam induitur Chlamydem, quam lim-  
bus oberrat

Aureus, & grandes Phrygionum ex arte  
Smaragdi.

Turgent Armenio bombycina pallia mure  
Exundantque sinus, quos fulva innectit Ias-  
pis.

Circum humeros gemini noto discrimine  
torques

Nobilium decora alta Ducum fulgore co-  
ruscant

Scintillantque auro. Sertis redimire capillos  
Approperat diuina Charis, magnâq; coronâ  
Quam bis sex radii supra pia tempora tollit  
Ardentē, & circum gemmâti luce coruscâ,

Si

Regem miraculorum esse vellet, animo  
 impresserat Dauidis placabilitatem &  
 Clementiam, Stirpis inuictę Macha-  
 beorum studium pię religionis conser-  
 uandę, Magni Constantini felicitatem,  
 Alexandri in belligerādo alacritatem,  
 Iulij Cęsarıs inuictam audaciam, Cyri  
 consilium, Themistoclis ingenium, ex-  
 perientiam Magni Pompeij, Periclis  
 dulcem & pressam eloquentiā, & Rei-  
 pub. administrandę peritiā. Atque  
 illa decora mentis tot & tanta cum in-  
 genita forent in animo penitus sita &  
 inclusa, foras tamen eminebant, & in  
 regij muneris functione, vt Sileno pa-  
 tefacto, admirabiles quędam formę,  
 viuaque imagines prodibant. Itaque  
 multos inter procures, cum in Gallia  
 fuit numero propè infiniti, qui specie  
 ipsa vt cum Euripide loquar, digni sunt  
 principatu, exteri tamen aduentores,  
 qui HENRICVM non norant, nullo  
 monitore agnoscebant, ita in vultu di-  
 num imitatrix heribat & dominabatur  
 maiestas, ita nostros illos Heroas, non  
 vt Saul ceruice Hebręos torisque hu-  
 merorum, sed maxima virtutum om-

nium & diuite copia superabat. Neque ingressus tandem aliquâdo in Regiam vt in delubrum Honoris & dignitatis, quo Dynastarum conatus aspirant, Virtutem abiecit, quin potius quasi in curriculum introisset glorięque Circum magnitudine infinitum & patentem, ferebatur in dies longius, & non modo hebetiores alios & in cursu molliores, sed se quoque admirabili constantia, vincebat. Aiebat Academię parens & Homerus Philosophorum Plato, certos esse fines & cancellos vnique ciuitati constitutos quibus eius felicitas circumscriberetur, nec æternam eā urbem esse posse, ac ne diuturnam quidem, quæ quotidie noua quadam accessione cresceret: sed in vita regia inque iis animi ornamentis quæ magnos viros efficiunt proximósque diuinitati, negabat **H E N R I C. V** terminos esse ullos à natura pactos aut excelsi animi inductione, quin semper in genere omni virtutis, id symbolum clarissimi Regis vsurpandum existimaret, *Vltius* contendendum. Itaque si iam inde à susceptę administrationis initio pius, si



clemens & placabilis, si inaudita moderatione animi, si constans in regia fide conseruanda, si iustus, si magnanimus, si patriæ amans & suorum, si religionis auitæ studiosus, nunquam ille splendor virtutum fuit illustrior, quam cum vitam cum morte commutauit. Cum igitur hunc admirabilem ornatū tamque in oculis omnium positum & illustrem videamus, cum tanta sit nostri sæculi ex omnium aggregatione bonorum conciliata ab HENRICO felicitas, cum Gallici imperij dignitas atque splendor, inuicti Regis auctoritate ac nomine summa gloria propagetur, quibus verbis hic exclamem Auditores? que digna satis elogia reperiam aut honoris compellationes, quibus hæc tanta Regis mei virtus pro meritis ornata fuisse videatur? Lacones cum insigni dignitate viros, qui de patria deque ciuibus bene meriti fuissent aliquando, oratione cohonestare vellent, eos *Θεοὺς* Deos seu diuinos homines appellabāt, vt Plato ipse diuinus affirmat. An Spartani hic dubitauissent illum aut Deum aut diuinum indigitare, cuius viderent  
 non

non vno tantum in genere bonitatem, raram quandam & maximopere gloriamdam, sed è multis & maximis virtutibus auctam & exaggeratam perfectionem? Magi quondam Sapiētes qui apud Ægyptios de obscurissimis rebus scholas habebant, duos quosdam esse Principes Deos voluerunt, continuo inter se bello dissentientes, bonum vnum, alterum aduersarium, illum Oromazem, hunc Arimanium dicebant: & bonum quidem sex minores Deos siue Genios procreauisse; quorum primus esset Beneuolentiæ, alter Veritatis, tertius Legis salutaris, quartus Sapientiæ, quintus Opulentiæ, sextus Gaudij è præclarissimis rebus & beneficiis generati, quorum in luce & superbissimo dominatu, tot insignibus laurearum nobilitato, ille fons mali & incommodorum inuentor Arimanius nō posset consistere. O Magi! ô Sapiētes! ô Hierophantæ! quem per nebulam suspexistis, nos in Gallia, in hoc imperio orbis terræ florentissimo, clara luce Agathodæmonem vidimus bonum Regem in maximis virtutibus ge-

Rr

nerandis fœcundum, qui diuinitus non illum quidem veterum Arimanium, sed recedentem malorum omnium inuentricem *Marian* tumidis ceruicibus sese efferentem, cum vi & virtute domuisset, claram illam vbique sobolem effudit, Beneuolentiam, Veritatem, Leges, Sapientiam, Opulentiam, Gaudium, plura etiam decora & ornamēta, quàm AEgyptij Oromazi tribuerunt. Itaque licet mihi opinor hanc tantam tamque eximiam felicitatem Galliæ vniuersæ gratulari, cui Deus imperiorum dominus honorumque fons & dignitatis eum ducem & Regem concessit, quo meliorem nec habere nec optare unquam potuisset. Cum Probus esset electus Imperator, & de ea re Senatus Romæ haberetur, Manlium Statianum in dicendo Principem, hæc in illo theatro orbis terræ Flavius Vopiscus orasse commemorat, *Dij immortalibus gratias P. C. & præ cæteris Ioui optimo, qui nobis Principem talem qualem semper optabamus dederunt, si rectè cogitemus, non nobis Aurelianus, non Alexander, non Antonini, non Traianus, nō Claudius requirendi sunt: Omnia in uno Principe*



*constituta sunt, rei militaris scientia, animus clemens, vita venerabilis, exemplum agenda Reip. atque omnium prerogativa virtutum. Quæ cum ille & plura in hanc rem diceret, tum Senatus solennia ista, Omnes omnes communi animorum conspiratione approbandoque inclamarunt. Non Senatus tantum vnus, Magne HENRICI, sed ordines Reipub. omnes, Prouinciæ omnes, populi omnes, in te Optimo longè plura, quàm in Probo Romani, agnoscunt: præ se ferunt te regiis maximisque virtutibus ornatum, omni antiquitate superiorem, à diuina prouidentia lectum, cœli munere & immortalis numinis beneficio generi humano donatum fuisse. Omnes sciunt & fatentur, vno te viuo & vigente, non Galliæ Clodouæum propagandæ piæ religionis auctorem, non Magnum Carolum gentium aliarum domitorem, nō Franciscum literarum parentem, non sanctissimum Ludouicum regiæ bonitatis exemplar atque lumen defuisse. Idem mecum omnes orant, & propensa animi beneuolentia studiôque precantur, vt quoniam ita Rectori vniuersitatis &*

Rr ij

parenti omnium Deo visum est vt abes-  
ses, inter eos magnanimos Heroas qui  
merendo viam sibi ad æternitatem fe-  
cerunt, plenus gloria & triumphans,  
cœlitum gaudiis & æterna voluptate  
perfruaris.

D I X I.





Æ T E R N A

HENRICI MAGNI

FELICITAS,

S I V E

ΑΠΟΘΕΩΣΙΣ.



*V*idit ter sancta Trías, Rex æ-  
theris alti

Aurato fultus solio, & stellantibus astris,  
Exhalare Orcum & stygiam eructare ca-  
uernam

Monstrum ingens, cui corda rigent & dex-  
tera ferro,

Indoluit, Gallique Ducis flammatus amore  
Dulcia pennigerum vocat ad mandata mi-  
nistrum.

Vade inquit Michaël magni cui credita re-  
(gni



Cura fuit, voluit liquidos ubi Sequana flus  
 Etus

I pete Parisios, gemitumque accende tuorum.  
 Heu quæ funerei surgunt insignia luctus!  
 Cui rigidum chalybem? cur libera pectora  
 finxi

Quis ludus versare nefas & stringere fer-  
 rum?

Dic age, dic populis HENRICVM oc-  
 cumbere fato

Heroa inuictum, sæcli decus, audiat orbis  
 Et tumultu violas & candida lilia spargat.

Dixerat, & subito nigram obnubere  
 vultum

Sol visus, medioque die flammantia lora  
 Mergere in occiduo liquenti Sydere fluctu.  
 Continuo assistit suprema per atria Parca,  
 (Quippe urgent oracula Poli) sua pensa fe-  
 rentes

Sydereis discreta notis, pars Vellere parco  
 Mortales cohibent vitas, pars aurea neclis  
 Fila perennantis per sæcla ingentia fati.  
 Auratos magnus Genitor depromere suos

Tunc iubet, at quales stellantis regia cœli  
 Poscit, ubi lucem Diui sine tempore tempus  
 Aeternare vident, aliósq; reducere Soles.  
 Humanos quoniã ponit Rex inclytus artus,  
 Morsque furit violenta solo, frustramur o-  
 uantem

Mortem, ait, eternum HENRICVS po-  
 tiatur Olympo.

Empyreas versate colus, date cãdida Parca  
 Regi fila pio, magnisque Heroibus æquus  
 Vitã agat, & quantũ genitori ætatis ademit  
 Triste scelus, tantum LODOICO ac-  
 crescat, & æuum

Largius indigetem cano iã vertice reddat.  
 Quin circum Aligerum manus emicat? Ite  
 per alta

Atria purpurei stellata fronte ministri,  
 Ite Deæ, HENRICO merita spectacula  
 pompæ

Instruite ardentes, clarãque in sede locate.  
 Ipse ego gemmifera statuã diadema coronæ  
 Magnanimo capiti, & Diui regnantis ho-  
 norem

Nec mora pennati per templa micantia  
 fratres

Attria nota petunt Luparæ, dant vulnera  
lymphis,

Quodque fuit mortale rigant: hinc vinidus  
artus

Pro pallore decor formosâq; pectora comit:  
Ambrosia stant fronte comæ, dant dulcia  
risum

Ora, serenato proludit Gratia vultu.

Sidoniam induitur Chlamydem, quam lim-  
bus oberrat

Aureus, & grandes Phrygionum ex arte  
Smaragdi.

Turgent Armenio bombycina pallia mure  
Exundantque sinus, quos fulva innectit Ias-  
pis.

Circum humeros gemini noto discrimine  
torques

Nobilium decora alta Ducum fulgore co-  
ruscant

Scintillantque auro. Sertis redimire capillos  
Appropereat diuina Charis, magnâq; coronâ  
Quam bis sex radii supra pia tempora tollit  
Ardentē, & circum gemmâti luce coruscâ,

Si



*Laurus Erythræas interplicat enthea gēmas  
Vitiāque frondentem candens innodat oliuā.*

*Talis erat, talis sublimia corpora busto  
Ostentat radiante pyra. Cum protinus acres  
Imminui luctus Michaël, lamentāque demi  
Gallorū miserāda iubet, Satis inquit amori,  
Sat lacrymis tumultoque datum, vocat ecce  
per æthram*

*Gloria magnanimum formoso limite Regē.  
Huc animum, flecte huc oculos mea Gal-  
lia, flores*

*Sparge volens, capitiq; pius impone corollas,  
Omnis Id sonet ordo Patri, clarosq; triūphos  
Ingeminet studio, pompāmq; incēdat amore.*

*Intendunt animos; è diuine Maus leo  
Fleuissigeram credunt volucrem, sublime  
volantem,*

*Laturam exuias magni Ducis æthera in  
altum,*

*Quā patet Heroum picti via Lactea cœli.  
Vt quondam Romana fides Iouis alite max-  
gnos*

*Augustos super astra tulit. Sed more pro-  
phano*

*Haud placuit per inane vehi : stat in æthere  
currus,*

*Aliger hunc Custos fulgenti illuſerat auro,  
Sardoniches namque ima tenent, ſinuantur  
in orbem*

*Chryſolithi ſuprà igniuomi, turritæque late  
Forma nitet : tæmo gemma Garamantide  
pulcher*

*Berylloque rota Latonia lumina vincunt.*

*Hunc ſuper imponunt viam iam Principis  
umbram*

*Exutæque ſolo, qualis ſtellantibus undis*

*Lucifer exoriens nitido micat aureus ore.*

*Nec tamen alipedes niueo candore pe-  
tuntur*

*Bullatis compti phaleris oſtroque decori,*

*Nec cerui ut quondam biuugæ ad ſcæſia*

*Leones,*

*Cum Capitolas Romana ſuperbia laurus*

*Inſueta quateret pompa, nec more Lyæi*

*Ad iuga vinoſæ coguntur inertia Lynceſ.*

*Haud trita vult ire via Rex magnus O-  
lympo,*

*ſc ij*

Et mundi minor omnis honor, minor omnis  
honore

Tanto mundus erat. Superi sacraria mundi  
Ecce patent, binae facies, duo corpora Di-  
uum

Descendunt, geminae rutilanti numine Divae,  
Pulchrae oculos, roseasque genas, & pectus  
honestum,

Aurea caesaries ollis diffundit odorem  
Ambrosium, laeues humeros hyacinthina  
velat

Terna, & O Ebalio saturata murice Vestes.  
Pingit honoratam diuina modestia frontem,  
Igneus ora pudor, cervix redimita mitella  
Lacteola in triplicem suggestum assurgit, &  
omnes

Certa lege comas puro discriminat auro.

Hinc Pietas, illi nomen Clemencia, coeli  
Vtraque progenies, terrae decus, utraque  
promit

Aurea lorae manu, temerem adstringit, &  
una

Asira super niveos ducit rorantia currus.



Euolat HENRICVS, liquidumque  
 per æthera fertur  
 Cærulea incinctus nebula & spirantibus  
 auris.

Cinnamæos dat turba sonos hinc inde canētis  
 Calitium, fugiunt urbes terreque recedunt,  
 Zonæque signiferi pandit se peruia claustris.  
 Ventam erat ad limen mundum amplectētis  
 Olympi,

Sydereæ patuere fores Clementia vocem  
 Ut tulit, & Pietas ramos pratendit oliuæ.

Hinc chorus Aligerum fundi super, atria  
 stipant

Dense humeris turmæ tanti ad miracula  
 Regis.

Pars pedibus plaudit choreas, pars nablia  
 tangit,

Pars chelyn, hi numeris & dulci voce lo-  
 quantur.

Hic primum occurrit dius LODOL-  
 CVS, & inter

Heroas quos Nectar alit cœlestibus auribus  
 Infert se placide & paulum sermone co-  
 ratur,

O quem te video felicibus edite fatis  
 Nate tui columnen sceptri auratæque coronæ!  
 Te crudæ stupuere acies mauortiaque arma  
 Bellantē, contrāq; manu tua tela ferentem,  
 Mascula purpureis sequitur Victoria pennis  
 Téq; solo insignem statuit, quæ Phœbus Eoa  
 Quadrupedes attollit aqua, vel cōdit Ibera.  
 Maior at illustri te vexit adorea curru,  
 Téq; Polo insignem statuit meliore triūpho,  
 Te Stygiæ expauere acies, dū castra relin-  
 quis

Errantum, dum Relligio te casta coronat.  
 Huc ades ô nostræ fidissima gloria gentis,  
 Et cape regificos Numen quos spondet ho-  
 nores.

Hæc tantū, lacrymisq; sinus impleuit obortis  
 Lætitia exultans, dextramque capeffit, &  
 inter

Plaudentū fremitus ad honora sedilia ducit.  
 certat ubi Aligeris plausu, cornūq; repādo  
 Aeterna satur Ambrosia prece numen  
 amicat.

F I N I S.

























